

D. O. 26. f. 2<sup>a</sup>

D. O.

26

fol. 2

JJ f 35







# ROMANA ANTIQUITAS DISSERTATIONIBVS

Historico-Criticis illustrata.

QVIBVS

Prisci Scriptores emendati, dilucidatique:

Recentes castigati, inque meliorem  
ordinem digesti:

Veteres Opiniones nouis fulcris  
firmatae:

propria demum Cogitata non infirmis  
coniecturis stabilita,

A D. IULIO MINUTOLO  
CAESTINORVM ABBATE,

S. Theol. Licentiatō, Sacrorum Canonum,  
& Ecclesiasticae Historiae Lectore.



ROMÆ;

Typis Ioannis Iacobi Komarek. 1689.

*Superiorum Permissu.*

*Ex Legato Josephi Carrani. J. V. D.*

ROMA

ANTICA

LIBRERIA

di

via

dei

Libri

di

via

dei

Libri

di

via

dei

Libri

di

via

dei

EMINENTISS. AC REVERENDISS.  
PRINCIPI

C A R O L O

S. R. E.

CARD. BARBERINO,

Cœlestinae Congregationis Protectori  
Vigilantissimo.



*A tandem est, Seneca  
teste, Beneficij vis, ut  
vel ferreos animos in  
obsequium flectat Bene-  
facientis: seræque pror-  
sus sit assimilandus is, qui  
gratitudinis non persentiat igniculos, sicut  
scitè quidem Tullius asseruit. Hæc cum  
itâ se habeant, diù mihi elaborandum haud  
fuit in perquirendo Operum meorum Patro-  
no. Tot siquidem, tamque egregia sunt  
ea, quibus, tum me, tum Cœlestinos meos  
(CAROLE CARDINALIS, re non minùs,*

quàm titulo Eminentissime ) deuinxisti beneficia, ut nec, si possem, vellem, nec, vellem licet, potis essem, exiguo hocce grati animi monumento, meam ergà Te clientelam haudquaquam contestari. Enimuerò, ut priuata præteream, quæ tùm multitudi-  
ne, tùm magnitudine etiam, omnem eloquentiam superant, publica ipsa quod attinet, inopem fateor me vel fandì copiam effecisse; nec undè exordium prætexerim, mibi integrum superesse. Siuè enim vigilantiam tuam perpenderim, qua nostræ Congregationis tutamini, columitatique præes; siuè comitatem illam eximiam, qua cunctis te pertractabilem offers, cunctis suauitatem minimè aculeatam, ut fuit Plauti lusus, tuæ Apes mellificant; siuè animi alacritatem, qua nostrum negotia, æquo ac tua, aggredieris conatu; aut ergà studiorum nitorem, profectumque Zelum; aut in dyudicando æquitatem; aut in præmiorum elargitionibus munificentiam inspexerim, semper Te, ut multis parasangis alijs superiorem, ità tibi ipsi ubique æqualem animaduerto. Quid è quod nuper eos nobis Generales Præsules auspicatò præfici  
cura-

cūraueris, quos tūm ditissimam ob virtu-  
tum segetem, tūm ob diutinum prudentiæ  
experimentum, nos ipsi suffragijs nostris  
elegissemus, sicut iamdudum summis opta-  
ueramus votis, designaueramus auspicijs,  
plausibusque conclamaueramus. Vt longa-  
nimitatem illam tuam missam faciam, qua  
Generalibus nostris Comitijs non semel, aut  
bis adesse passus es: ubi lacertosa Orationis  
suada, mellisque medulla, sicut loquitur  
apud Tullium Ennius, exemplo verò ma-  
gis, ad æqui, bonique studium singulos ex-  
citasti, allicuisti, prouocasti. Quibus iam  
ritè perpensis, inexpriables profectò me fla-  
gitij reum crederem, si primos mei inge-  
nij flores tuis non exhibuissem Apibus: quip-  
pè cūm satis, superque perspecta sit Lycurgi  
lex, qui rerum omnium primitias munifico  
offerendas iusserat Principi, in obsequij,  
gratitudinisque contesserationem. Alia  
his accessit non inequalis ponderis ratio.  
Cum enim Romanam Antiquitatem pertra-  
ctandam susceperim, eccuinam illam aptius  
inscripsissem, quam Romani Senatus in-  
clyto Purpurato; Romanæ insuper Urbis  
nobili Præfectura insignito; Antiquis, cūm

morum integritate , tùm animi candore  
equidèm comparando ? Urbem ergo Romam  
à me illustratam , Illustratori ipsi Urbis  
iure omni litandam censui . Postremum his  
superuenit momentum , innoxij scilicet fœ-  
noris cupiditas : quatenus è Barberinis Api-  
bus , suavis , amplissimi mellis , usura , Patro-  
cinij , inquam , ac tutaminis dulcedo meis  
studijs instillaretur . Quanta verò hac eua-  
sura sit , is aequè librauerit , cui Eminentie  
Vestree incomparabiles dotes perspectæ fue-  
rint . Vt enim nobilitatem missam faciam ,  
quà Triregnis , quà Purpuris , quà Sacris  
Tiaris , quà Ciuilibus Togis , quà Militari  
Sago , & Clamyde , imò & Diademate , in-  
signem ; hæc potius mihi admirationi sunt ,  
profusa nempe Tui in pauperes charitas ;  
non vacuus subditorum amor ; vigil com-  
missi tibi Gregis Zelus : Sapientia illa , &  
prudencia , mira que in rebus exequendis  
Solertia , ob quas nè dùm Italia , proximæ-  
que Nationes , verùm & extera , efferaque  
indolis homines , ipsi etiam Balthici littoris  
Incolæ presentissimum Eminentie Tue Pa-  
trocinium expostulant ; & ubique Terra-  
rum Magnum CAROLVM , Magni il-  
lius

lius VRBANI Nepotem, tùm nomine,  
tùm perfectione Octaui, [qui, ut Octauum  
Vrbi dedit Urbanum, ità & Orbi Octauum  
Miraculum adiecit] suum Tutelare Nu-  
men proclamant. Vnde Tibi profectò occi-  
nit, quod Claudianus de suo cecinerat Probo,  
mutato solum Probi in Caroli, nomine, imò  
nè hoc quidem variato:

Illum fama vehit trans æquora, transque  
remotas

Tethyos ambages, Atlanteosq; recessus.  
Sed quò me obsequij ardor, magis verò im-  
pensis veritatis studium impulit, ut ex  
Historico Encomiastes, contra genium, ius-  
sumque tuum, euaderem? His ergo iam  
satis: Traianos siquidem soli ritè decanta-  
bunt Plinij: Nec pium Aeneam alter aequè  
commendauerit, quàm aut Maro, aut Ma-  
roni par: utuè cum Claudiano rem claudam,

Nèc mihi centenis resonent si vocibus,  
ora,

Multifidusque ruat centum per pectora  
Phœbus,

Acta Tui narrare queam:

Siquidem, ut Censorini mutuer verba, ad  
id virtutum omnium fastigium ascendisti,

vt cuncta ista, quæ vel sapienter monen-  
tur, vel familiariter prædicantur, vita,  
moribusque superaueris. *Quare illud re-  
liquum est, vt munusculum hocce ea, quæ  
tuarum Apum est, suauitate, ea, quæ tuæ  
frontis est, hilaritate, suscipias; è sum-  
moque Clementiæ Tuæ Cælo, benefico pro-  
spicere velis aspectu Me*  
*Eminentiae Vestræ Reuerendissimæ*

Addictissimum interminabilis obsequij  
Clientem;

*Domnum Iulium Minutolum  
Cælestinorum Abbatem.*

F A-



*Facultas Reuerendissimi Patris  
Generalis Cœlestinorum.*

**C**VM Librum , cui titulus , *Romana  
Antiquitas Dissertationibus Historico-Cri-  
ticis illustrata &c.* à Domno Iulio Minutolo  
Abbate concinnatum, duo nostri Theologi  
recognouerint , atque in lucem edi posse  
probauerint , facultatem facimus , vt typis  
mandetur, si ijs , ad quos spectat, ita videbi-  
tur . Cuius rei gratia has literas manu no-  
stra subscriptas , sigilloque nostro munitas ,  
damus in Venerabili Monasterio S. Mariæ  
Collismadij propè Aquilam , hac die 10.  
Decembris 1688.

*D. Ioannes Baptista Riccardi Abbas  
Generalis Cœlestinorum.*

APPRO.

# A P P R O B A T I O

Illustrissimi, & Reuerendissimi D.

MARCELLI SEVEROLI

*Veriusque Signaturæ SS. D. N. PP.*

*Referendarij .*

**R** Omanas Antiquitates à P. Abbate  
D. Iulio Minutolo noua Methodo,  
nouoque stylo illustratas, ne dùm aliquid  
continere, quod bonis moribus, fideique  
aduerfetur, non comperij, sed omnia, quæ  
proponuntur, magna eruditione, perpo-  
litaque sententia fuisse ab Auctore discussa,  
animaduerti, Quapropter opus prælo di-  
gnissimum cenſco. Hac die 20. Ianua-  
rij 1689.

*Marcellus Severolus :*

Opus

**O**pus, cui titulus, *Romana Antiquitas &c.* à  
P. Abbate D. Iulio Minutolo compo-  
situm, ex mandato Reuerendiss. P. Generalis  
D. Ioannis Baptistæ Riccardi, attentissimè  
legi, & maxima animi oblectatione inueni  
vetustam Romam inter fracta rudera huc-  
vsque quæsitam, ad venustioreni integram  
formam erudito Auëtoris calamo redactam,  
& accurata crisi ad sua primæua loca repo-  
sitam; cumque neque in eo quidqnam or-  
thodoxæ fidei, bonisq; moribus aduersum  
depræhenderim, vt typis mandetur dignis-  
simum censeo. Ex nostro Ven. Monasterio  
S. Eusebij de Vrbe die 5. Octobris 1688.

*D. Benedictus Giancasperi Abbas S. Eusebij.*

---

**D**E mandato Reuerendiss. P. nostri Abb.  
Generalis recognoui opus inscriptum,  
*Romana Antiquitas Dissertationibus &c.* in quo  
Romanæ magnificentiæ conatus diserto;  
accuratoque calamo percurrrens Author,  
modernos animos prisca eruditione vtiliter  
non minùs, quàm iucundè instruit. Cum-  
que nihil in eo, quod Catholicæ Religioni,  
probisq; moribus aduersetur, compererim,  
dignum Typis, & æternitate censeo. Ex no-  
stro Vener. Monasterio S. Eusebij de Vrbe  
die 18. Octobris 1688.

*D. Iulius Stantionus S. Theol. Lector.*

*Impri-*

*Imprimatur.*

Si videbitur Reuerendiss. Sacri Palatij  
Apost. Magist.

*I. Steph. Menattus Episc. Cyrenen.  
Vicesg.*

*Imprimatur.*

Fr. Thomas Maria Ferrarij Reueren-  
diss. Sac. Pal. Ap. Mag. Ord. Præd.

# I N D E X

## DISSERTATIONVM,

### SECTIONVMQVE.

#### DISSERTATIO I.

*De Urbis Romæ Origine, & Fundatione. Pag. 1.*  
*Varijs Enarratis hacce de re opinionibus, vulgata Romuli, Remique historia à nonnullorum, cauillis vindicatur.*

*Seçt. Vnica. Romanæ Originis Series hucusque in generali exhibitæ, in particulari, & Chronologica Methodo explicatur. Pag. 25.*

#### DISSERTATIO II.

*De Urbis Romæ Incrementis, & Casu. Pag. 43.*  
*Incrementa Urbis sub Regibus ordinatim enarrantur.*

*Seçt. 1. Urbis sub Consulibus, & Imperatoribus Augmenta vestigantur. Pag. 60.*

*Seçt. Vlt. De Romani Imperij Casu. Pag. 79.*

#### DISSERTATIO III.

*De Urbis Romæ Topographia. Pag. 87.*

*Circuitus Mæniorum Urbis sub Regibus, qui Seruium Tullium præcesserunt, expeditur.*

*Seçt. 1. De Seruij Tullij Mænibus. Pag. 94.*

*Seçt. 2. De Mænibus Aureliani, & deinceps ad nostra vsque tempora. Pag. 117.*

*Seçt. 3.*

# I N D E X

Seçt.3. *De Alijs ad interiorem Urbis descriptionem pertinentibus.* Pag.128.

Seçt.Vlt. *De Reliquis extra Urbem.* Pag.150.

## DISSERTATIO .IV.

*De Domibus.* Pag.172.

*Materia, & Forma Domorum, una cum varijs structura generibus ex Vitruuio contra Vitruuij Scholiastas examinantur.*

Seçt.1. *Romanarum Aedium structura per varias etates, magisque in particulari inuestigatur.* Pag.189.

Seçt.2. *De Domorum Partibus.* Pag.198.

Seçt.Vlt. *De Domibus in particulari.* Pag.232.

## DISSERTATIO V.

*De Templis.* Pag.254.

*Declaratur Origo, & causa Templorum, forma praesertim; necnon sanctitas, qua colabantur.*

Seçt.1. *De Templorum Partibus, & Ornamentis, varijsque Sacrarum Aedium speciebus.* Pag.273.

Seçt.2. *De Templis in particulari.* Pag-297.

## DISSERTATIO VI.

*De Sepulchris.* Pag.325.

*Varia Sepulchrorum species, eorumque materia, & forma, Ornamenta que enarrantur.*

Seçt.1. *De Reliquis ad Sepulchra spectantibus.* Pag.342.

Seçt.2. *De Sepulchris in particulari.* Pag.362.

Seçt.Vlt. *De Sepulchralibus Lucernis perpetuo ardentibus.* Pag.373.

DIS-

I N D E X  
DISSERTATIO VII.

*De Aedificijs Indicialibus, scilicet Foris , Basilicis, Rostris, Curijs, Græcostasi, Senaculis, & Comitio. Pag.386.*

*Post traditam Fororum Originem , & diuersitatem , Materiam , & Figuram , & Ornamenta , Fora ipsa specialiter vendendis rebus destinata describuntur .*

*Seç.1. De Foris Indiciorum exercitio dicatis . Pag.396.*

*Seç.2. De Basilicis, Rostris, Curia, Græcostasi, Senaculo, & Comitio. Pag.422.*

ARGVMENTVM PRÆSENTIS LIRRI

Ab Authore ipso Operis poetice elu-  
cubratum ad tædij diminutio-  
nem , & nonnihil leua-  
minis .

**E**Xcinerat Prima antique primordia Romæ,  
Vindicat, ac firmat Romulidum Genesim .

*Pugnantes Aquilas, atque incrementa, Secunda,  
Prolatos Fines , postea & Interitum .*

*Circuitum, Portas, Colles, Fontesque, Cloacas,  
Pontes, atque Vias, Tertia, & inde Tybrim.*

*Exhibet & priscas Aedes, Formamque struendi ,  
Et Partes omnes ordine Quarta locat.*

*Reddit Quinta Aras, Tēpla, & Delubra Deorū,  
Cellas, & Pronaon, ac Simulachra Deūm .*

*Sexta sepulchrales Vmbras, tristesque Cupressus  
Lugens, atque Sacra Relligione colit .*

*Septima Basilicas pandit, Comitia, Rostra,  
Tandem vendit, emit , iudicat inque Foris .*



# DISSERTATIO PRIMA

*De Urbis Romæ Origine, &  
Fundatione.*



VONIAM nequit res, qua  
de agitur, ritè, exactèque  
pertractari, nisi apposita ad  
radicem securi, eius origo,  
primaque omninò stamina  
acu, quod aiunt, indicen-  
tur, sicut probè quidem,  
pluribusq; in locis inquit Philosophus: hinc  
Romanas res explanaturus, piaculum me  
commisisse crediderim, si Urbis Romæ ori-  
ginem minimè detexissem. Quapropter re-  
cto sanè consilio Operis mei exordium,  
ab exordio ipso Urbis prætexo.

Sed verò videor hìc primo mei laboris in  
limine cogi, vt ab historico, quod suscepi,  
instituto paulisper digressus, palæstram, vel  
inuitus, ingrediar, vbi Historiæ leges tran-  
sgrediens, quæ pacem, quietemque iubent,  
gymnasticis munitus armis in arenam de-  
scendam, vt peruulgatam, totoque Orbe  
celeberrimā Romæ originem districto mu-  
crone, apertoque Marte propugnem; quip-  
pe quam derideri à plerisque comperiam,  
atque inter fabellarum omninò commenta

amandari. Quod si in re tam nota prolixior fortassis, quàm par sit, euasero, vitio id mihi verti nolim, sed potius ijs, qui inanibus suis oppositionibus rem claram obfuscârunt, meque ad acuendum, producendumque calamum cogerunt.

Nihil sanè magis per ora hominum circumlatum, longaue temporis præscriptione stabilitum, quàm Urbis Romæ Conditores fuisse Romulum, Remumque gemellos fratres, Albanos, Rheæ Sylviæ filios, ab Ænea per Ascanium oriundos. Quia verò nulla veritas aduersario caret, hinc mirum videri minimè debet, prærogatiuam hanc multos Albanis fratribus abiudicasse, ut alios pro lubitu ea gloria insignirent. Id dumtaxat mirari subit, in re tam clara, ipsisque balneatoribus cognita, tot discordantes confingi sententias potuisse: Plutarchus (a) enim octo recenset, decem numerat Festus; Halicarnassensis (b) verò duodecim; ut nuperos missos faciam, qui noua figmenta commoliti sunt. At parcendum id tum temporis indoli, quod clariora quæque, annorum umbris, sæpè obnubilat: tum hominum ingenio, quibus noua semper placent, tametsi à veritate ut plurimum quam longissimè aberrantia.

Ut ergo ex tot opinionibus celebriores sal-

(a) In Romuli vita. (b) Antiq. Rom, l. 1.

saltem recenseam, in binas classes illas di-  
uido, vt ita ordo in hoc opere à nobis pro-  
missus ritè obseruetur. Primi ergo longè  
ante Troianum excidium conditam Urbem  
affirmant. Sic Aristoteles (a) à Græcis qui-  
busdam illam ædificatam ait à procellæ im-  
petu in Latium depulsis: Dionysius Chalci-  
denſis (b) à Romo Emathionis filio: alij ab  
altero Romo Itali filio: alij à Roma è Leu-  
caria genita: alij à Romo è Circe nato; in  
qua sententia Xenagoras etiam fuit: (c) alij  
apud Solinum (d) à Romo tyranno è Lycia  
in Italiam appulso: alij apud Plutarchum à  
Pelasgis: alij tandem, multis prætermiſſis,  
ab Euandro Arcade; quæ sententia præ cæ-  
teris probabilior Cluuerio existimatur, vt  
infra.

Altera Authorum classis Urbis fundatio-  
nem Æneæ, aut eius filijs, Nepotibusque  
attribuit. Sic Demastes Sigenſis (e) censet  
ab Ænea Romam extructam, nomenque ei  
inditum à muliere quadam Troiana Roma  
nuncupata: Cephalo Gergithius (f) à Ro-  
mulo, & Remo Æneæ filijs post captum  
Ilium profugis; cui opinioni Demagoras,  
& Agathyllus adſtipulantur: quidam (g) à  
Roma Æneæ vxore, vel nepte. Ita Græci

A 2

Scrip-

(c) Apud Halicidoc. cit. (b) Apud eundem (c) Ibidem.

(d) E. r. (e) Ex Halic. & Plut. cit. (f) Ex Halic. cit.

(g) Plut. in vit. Rom.

Scriptores, quibus consentire videntur prisci etiã Romani ab Halicarnassio recensiti.

Verùm enimuerò non hic litterarij nostri belli exordium. Quandoquidem, si cum his dumtaxat pugnandum nobis esset aduersarijs, absque vllò sanè congressu certamen finiretur. Scio à plerisque enarratas opinioniones paruipendi, & fabulosas reputari: id quod & mihi quoque arriserat. Sed re ad æquiores trutinam expensa aliter sentio: si enim veterum Scriptorum authoritatem minuerimus, totius Historiæ debilitabimus armamentaria; nec scio quibus propugnaculis nostram tueri sententiam valeamus. Nouam ergo lubet calcare viam, antiquis tamen fundamentis innixam, priscos scilicet supra laudatos Authores nostræ, peruiulgatæque opinioni conciliando. Sed qua inquis methodo? Filum porrigit in hac labyrintho Halicarnasseus. Vt enim à postrema Authorum classe incipiam, sic ad rem nostram opportunissimè eximius hic Author loquitur: *Vnde colligitur Romam bis fuisse conditam, semel quidem paulò post bellum Troianum, iterum verò decimaquinta ætate post priorem Urbem conditam, Romuli, Remique ductu.* Ex quibus concludere licet, Æneam, aut eius filios, nepotesque Romam quidem ædificasse, prout allati Authores testantur, quam tamen antiquitate collapsam Albani  
fra-

fratres, sicut nostra fert opinio, reedificaverint. En ergo priscos Authores ad nostram, vulgatamque opinionem perductos.

Sed quid, ais, dicendum de prima classe Scriptorum, qui longè ante Æneæ tempora conditam Urbem esseuerabant? Nondum etiam hunc, ceu alter Macedo, idem Halicarnasseus rescindit his verbis: *Quod si longius spectare, & res considerare velis, & tertia quædam Roma his antiquior inuenietur, quæ condita fuit antequam Æneas, & Troiani in Italiam venirent.* Ex quibus iterum, citra nostræ opinionis, superiorumque Authorum præiudicium, adstrui tutò potest, antiquiorem quidem Romam ante Troiæ excidium à commemoratis conditoribus ædificatam, diuersam tamen ab ea, quam Albani in Palatino Monte condiderunt. Fuisse verò diuersam, eiusdemmet Halicarnassei dubitatio confirmat; sic enim de antiquissima Roma inquit: *Sed utrum in eodem loco sita fuerit, in quo nostri sæculi Urbs incolitur, an verò alius locus ita vocaretur, cum ille* (Antiochum Syracusanum vetustissimum Scriptorem intelligit) *rem istam incertam reliquerit, nè ego quidem conijcere possem.* Hæc ille. Id autem, quod antiqui Authores indefinitum reliquere, quis audeat definire? Stet igitur alias Romas antiquissimè ab alijs conditas, dummodò hæc, quæ extat, gemellos fra-

tres conditores habuisse, firmum, ratumque sit, aut minimum renouatores.

Sed est, qui instet, ampliata duntaxat vetustissimam illam Romam, non constitutam à Romulo fuisse. At ecce iterum, Halicarnesseus hunc ictum retundit, sic in-  
 quiens: *Hæc quodam tempore deserta, iterum alius aduentu colonæ ab Albanis missæ, Romulo, & Remo ducibus, veterem statum recuperavit. Hæc ipse. Vbi non ampliavit, sed veterem, ait, statum recuperavit, quod idem certè, nisi me latinus sermo deseruit, sonat, ac collapsam Romam renouasse, veteres muros, ædesque refecisse, & nouis Ciuibus solitudinem illius frequentasse; eò vel maxime, quòd eandem quodam tempore desertam dicat.*

Reconciliatis ad hunc modum Antiquis, ecce Iani portas nuperi aperiant, bellumque nobis indicunt Philippus Cluuerius, & Ioannes (a) Temporarius, (b) qui intensis lacertis suadere conantur, omnia ea, quæ de Romulo, & Remo, nec non de Albani Regni per Ascanium foundatione, imò quotquot de Æneæ in Italiam aduentu circumferuntur, fabulam omninò sapere, adeoque distortis buccis exhibilanda. Operæ ergo pretium poscit; vt denudatis humeris Amphitheatrum luctaturi ingrediamur.

Primò

---

(a) l. 3. c. 2. *antiqua Ital.* (b) *Chronolog. ac monstrum.* l. 3.



Primò verò omnium, præfatorum Authorum arma, quibus nos laceffant, perpendenda sunt. Præcipua eorum ratio est, quod res Romuli, & Remi multis fabellarum verodissimilium inuolucris contegantur; vt sunt compressio Rheę Syluię à Marte: expositio puerorum in Tyberi remoto, cum propinquior, adeoque commodior adesset Albanus lacus; & lactatio puerorum à Lupa: tum quia incredibile est ministrum regium in ripa amnis vinctos pueros reliquisse; magis incredibile, Romulum, Urbem suam, Romam appellare voluisse, & non potius è suo nomine Romulam: tum etiam quia Rhea Romuli Mater existimata, à prisca Scriptoribus dicitur Saturni vxor, à Latinis Ops, Cybeles, & Vesta appellata: (a) Romulus verò Deus asseritur sub Quirini nomine: (b) ex quibus colligit Clauerus nec Rheam, nec Romulum homines vquam fuisse. His addit claros Scriptores: Plutarchus(c) enim postquam dixit de cōditione Romę Peparethium Dioclem aliquid primùm prodidisse, addit, suspectam haberi eius narrationem, vt fabulosam, atque commentitiam: Liuius (d) deinde hæc eadem poeticis magis decora fabulis, quam incorruptis monumentis affirmat. Salustius

A 4 tan-

(a) Strab. l. 1. (b) Quid. 2. Fast. (c) in Rom. vita.

(d) Decad. 1.

tandem (a) de Roma loquens, nullam Romuli mentionem facit.

De Æneæ in Italiam aduentu quid dicam? Hunc videtur Homerus (b) penitus infringere, cum Neptunū introducit Æneæ prædicentem cum filiis dominaturum Troianis: tum quia Dyctes Cretensis Æneam ait Troiæ mansisse solo Antenore discedere: id quod etiam affirmat Strabo (c) eum asserens in Regnum post Priamum successisse. Idem testatur Hellanicus. (d) Causam addit Menecrates Xanthius (e) Æneam inquit prodidisse Troiam Achiuis, inque præmium obtinuisse, ut omnis ab eius domo iniuria arceretur. Quæ ergo necessitas fugiendi, & pellegrinas conquirendi terras? Esto autem fugerit, testes tamen sunt Cephalo Gergithius, & Ægesippus Thraciam tenus perductum Æneam illic vitam terminasse: Aristus etiam (f) & Agatyllus scribunt Æneam toto vitæ suæ tempore in Orchonemo Arcadio habitasse. (g) Ex quibus inferunt eruditi Æneæ in Italiam aduentum à Maronis Musa poetico more confictum, fuisse: imò, quod magis mirere, Troiæ etiam excidium, quod peculiari libro Dio Chrysostomus (h) fabulosum ostendit: sicut & Dido

nis

---

(a) de bell. Catil. (b) Iliad. 20. (c) lib. 13. (d) In rebus Troicis. (e) Apud Cirinum in sua Roma c. 8. (f) in rebus Arcad. (g) Apud Cir. cit. c. 8. (h) Orat. de Illo non capto.



nis in Æneam amores, de quibus vide Aufonium, (a) Trogum, (b) & Macrobiū; (c) qui castissimam adstruunt Didonem. Quapropter corruente Æneæ in Italiam aduentu, Albani Regni ab Ascanio fundati effictio corruat necesse est: quibus addit Cluuerius Authorum de Albanis Regibus scribentium discrepantias, cum alij (d) plures, alij (e) pauciores enumerent, in nomine quoque, & ordine etiam dissentientes.

Hæ sunt balistæ, hi arietes, hæc iacula, quæ contra nostram, vulgatamque sententiam laudati Authores intorquent. Quorum tamen ictibus succumbendum nobis non est, neque à communi recedendum opinione, quæ tum Æneæ in Italiam aduentum, tum Albani Regni ab Ascanio fundationem, tum Romuli, Rhemique res pro ratis omninò habet; dummodò à paucis quibusdam fabulis purgentur, quod nostri erit operis, ac laboris.

Abundantissima istorum omnium demonstratio peti posset ab antiqua traditione, non vnius Populi Romani, sed omnium, ferè, non plebis dumtaxat, sed emunctæ etiam naricis hominum. Quantum verò traditionibus deferendum sit, norunt iamdiù Sapientes: ijs enim semel neglectis, mul-

---

(a) In profop. (b) lib. 7. (c) Saturn. l. 5. c. 17. (d) Ouid. 4. Fast. (e) Vict. de Orig. Rom.

multa erunt, quæ omni probationum fulcro carebunt; cum multa sint, quæ præter piram putam traditionem nulli solidiori argumento innituntur. Tunc autem vel maximè traditioni fidendum omninò est, cum veris chronologijs minimè opponitur, cuius generis esse Romuli res, infra apparebit. Quare his denegatis, ingens aperiretur via, qua vniuersa antiquitas pessumdaretur.

Accedunt traditioni cordatissimi, magnæque fidei Scriptores. Imprimis Halicarnassæus sæpè à nobis laudatus, qui, ut Romanas res summa puritate libris exararet, viginti annorum spatium latinum sermonem didicit, omnesque Scriptores reuoluit. Accedit Lilius accerrimi vir iudicii; Item Velleius Patereulus Scriptor brevis, sed sensatus; Aurelius Victor Author equidem diligentissimus; Florus elegans non magis, quam veridicus; Sextus Rufus vir Consularis; Eutropius, Trogus, Iustinus, Tacitus, vno verbo, omnes; (a) si vnum, vel alterum excipias. Æneæ aduentum, præter laudatos Authores, testatum reliquit Dares Phrygius, quo in rebus Troicis fidiorem utiq; non habemus, quippe qui eodem tempore, & loco vixerit.

Authoritatibus, & traditioni suppetias ferat praxis ipsa priscorum Romanorum.

Hi

---

(a) apud Collect. script. Hist. Romana tom. 1. p. 2.

Hi enim firmissima hac opinione altè animo imbuti, semper tamquam primos suos parentes Troianos venerati sunt. Hinc tot Senatusconsulta, & constitutiones Principum emanarunt, plenissimam immunitatem Iliensibus tribuentes propter eorum, cum Romanis, ratione originis, coniunctionem. Sic testatur Callistratus L. C. (a) Clarius verò Liuius (b) ita scribens, *Iliensibus ex Senatus auctoritate immunitatem datam, non tam ob recentia ulla merita, quam originum memoriam; Iliensibus quidem ab se oriundos Romanos preferentibus, Romanis autem latis origine sua.* Missos facio Strabonem, Tacitum, aliosque, cùm solùm lubeat Suetonium (c) afferre, qui sic ait; *Iliensibus, quasi Romanæ gentis auctoribus, Caesar Claudius tributa in perpetuum remisit, recitata vetere epistola græca S. P. Q. R. Iustinianus (d) etiam, si quis, ait, ad antiquissima Romanæ Reipublicæ tempora respexerit, Æneas Rex Troianus nobis Reipublicæ Romanæ princeps est, & ab illo Æneadæ nos vocamur.* Id quod & alibi etiam inculcat, (e) Fuisse verò Romanos etiam ante Iustinianum Æneadas appellatos, plura exempla testantur, præsertim Clypei illi argentei Delphis Apollini dicati à T. Flaminio, postquam Philippum Macedonum Regem pro-

fliga-

(a) tit. de excusationibus, l. non tantum 17. §. 1. (b) l. 38.

(c) in vita Claud. (d) Nouell. 47. (e) Nouell. 23.

fligauit . Legatur Augustinus, (a) qui omnem prorsus hac de re dubitationis nebulam eliquat .

Non sum hic usque adeo ipse ingenio hebes , vt non persentiam vtramque nostram hanc probationem rideri ab aduersarijs posse asserentibus , Authores à nobis allatos parum accessionis facere , cum Augusti seculum non excedant ; praxim insuper Romanorum nihil roboris habere , quod ortum duxerit ab inani quodam rumore , mendacique fama à Græcis sparsa , Peparethij præsertim, quem primum de his rebus scripsisse, ab eoquæ Latinos suscepisse , testatur Plutarchus . Quis autem nesciat Græcorum iactentiam ? Quare cum Troianis origine, fœderatos Græcos affirmet Halicarnassæus ; nil mirum si à Troianis , dicam melius , à seipsis oriundos fuisse Romanos in vulgus iactauerint Græci , *genus in gloriam suam effusissimum* , vt ait Plinius .

Huic obiectioni vt satisfiat , nostræ partes erunt demonstrare traditionem hanc ab Antiquissimis Scriptoribus, iisque non Græcis , sed Romanis ortum habuisse . Eia igitur antiquitatis monumenta , priscaque perlustremus cymelia , vt ab ipsis sepulchralibus vmbreis faciem nostris Scriptis afferamus . At ecce hic primò omnium occurrēt

---

(a) *De Ciuit. Dei* ,

ret Halicarnassensis, qui in præfatione sui operis protestatur, singula, quæ de Romana origine scripsit, mutuatum se fuisse ex Libris Porcij, Catonis, Fabij Maximi, Valerij Anthiatis, Licinij Macri, Ælij, Gellij, Calpurnij, Antiochi Syracusani, aliorumque. Quos certè Romanos fuisse iuxta, ac Antiquissimos idem testatur Halicarnasseus. Vbi ergo sunt Græci, quorum præfatus Author nec quidem meminit.

Vt verò penitiùs antiquitatē scrutemur, en sese nobis offerunt Pontificum Annales, quorū verustatem Quintilianus (a) & Tullius (b) valdè declarant, cum hic ita scripserit, *Memoriæ publicæ retinendæ causa ab initio rerum Romanarum vsque ad P. Mutium P. M. res omnes singulorum annorum mandatas literis, à Pontifice Maximo.* Vbi notanda sunt verba illa *ab initio rerum Romanarum*; quæ horum librorum antiquitatem clarè contestantur: Pontifices enim Maximos, qui eos exarare cœperunt, à Numa institutos fuisse, dicam tom. 2. diss. de Sacerd. His adde Commentarios Seruij Tullij, librosque linteos, quos Linius pro rebus Romanis stabiliendis sæpè citat; imò ijsdem Peparethium ipsum, aliosque Græcos vfos fuisse, fatetur Cluverius Ad hæc; aderant etiam Sacræ Tabulæ, de quibus sic ait Halicarnasseus, *ad Romanos transibo, quor*

rum

---

(a) l. 10. c. 2. (b) 2. de orat.

tum quilibet ex antiquis sermonibus asseruatis in Tabulis sacris sua descripsit. Colophonem imponunt antiquissima memoria Censuanæ, quas, ut loquitur Halicarnasseus, filius à patre accipit, ÿque homines multifaciunt illas, ut res paternas sacras descendantibus suis relinquerent. Quibus Memorijs, atque Regestis quid antiquius, quidne veracius excogitari possit ignoro. Optandum sanè esset, ut omnes historiarum narrationes pari fulcro inniterentur.

Unus remanet scrupulus, recensitas hucusque Memorias nihil ad rem præsentem pertinere. Sed ecce iterum Halicarnasseus, qui in tota hac Dissertatione tutelaris numinis loco mihi extitit. Hic enim ingenuè profitetur opiniones suas de Urbis origine ab adductis Memorijs, Commentarijs, & Tabulis se decerpisse. Unus sufficiat locus (a) pro mille, ubi de conditæ Urbis tempore loquens, inquit, quod ostenditur, tum ex rebus alijs multis, tum ex memorijs nomine Censuanis, in quibus ego quidem inuenio.

Ad Æneæ in Italiam aduentum quod spectat, non minor illi antiquitas fauet. Audiatur Magister noster Halicarnasseus. (b) Æneæ, Troianorumque in Italiam aduentum, & Romani omnes asserunt, & res, quæ in diebus sœlemnibus, atque in sacrificijs ab ÿs fiunt, & Sybil-

lina



*lina carmina, & Apollinis Pythij responsa aperte ostendunt , quæ nemo est , qui , ut ornatus causa dicta, sperneret .*

Ex his perspicuè habes , ea omnia , quæ de Urbis origine à nobis tradentur, non esse recentium Romanorum , aut Græcorum commentum , sed ex antiquissimis Chartularijs petita . Hinc magnus ille Varro (a) tria distinxit tempora , primum à creatione Mundi ad diluviū , quod obscurum appellat , eò quia Mosis libris caruit : secundum à diluvio ad Olympiades , quod fabulosum nominat : Tertium à prima Olympiade inchoat , & historicum vocat , quod inde Historia puriora habuerit cunabula . Cum ergo circa septimam Olympiadem condita Urbs fuerit , ut infra ostendam , omnis debet erroris suspicio eradi . Hinc pariter grauiissimus Tertullianus (b) de Saturni rebus sermonem habens , ait, *si quæ eas rerum argumenta, nusquam inuenio fideliora, quàm apud Italiam* . Tantam certitudinem de rebus Saturni longè ac res Romuli antiquioribus sibi spondet Tertullianus . Cur ergo circa Romuli res tot priscis monumentis firmatas hæsitabimus ?

Quapropter deridiculi omninò sunt Clu-  
uerius , & Temporarius cum asserunt , pri-  
mus quidem Peparethium ex Græcorum  
fabu-

---

(a) apud Censor. de die nat. 6. 23. (b) Apolog. c. 13.

fabulas ante omnes Romanam historiam, construxisse, quam postea ipsi Romanorum vetustissimi Scriptores sequuti sint: secundus verò Romulum ait à Poetis fuisse confictum. Vt enim à postremo hoc incipiant, à quibus confictus fuit Poetis? cum Roma nonnisi post annos 445. in Consulatu Centonis, & Sempronij Poetas viderit, quorum primi Andronicus, & Ennius, de quibus nec mentionem quidem habuit Halicarnasæus. Non minorem redolet absurditatem primum illud de Peparethio, quem longè posteriorem sacris Tabulis, & Annalibus Pontificum, Memorijque Censuanis norunt iamdudum Chronologi. Nec video qua arte incoherentię notam effugere valeat Cluverius, cum ipsemet dixerit *Peparethium ex quibusdam, sunt eius verba, Romanorum Sacris probabiliorē historiam construxisse: & paulò ante idemmet asseruerat, licet ex antiquis tabulis in templis suspensis eam (Romanæ originis historiam). Priscos Romanos collegisse assermet Dionysius.*

Operæ nunc pretium poscit, ut istorum Authorum argumenta refellamus. Ad primum de intermixtis fabellis solutio patebit inferiùs, cum fabularum lolia ab historiæ tritico Crytica vanno separabimus. Neque enim quicquid fabulis commiscetur, continuo fabulosum censendum est. Præterquam



quamquod ea, quæ fabulosa existimantur, quòd admirationem superent, vera esse potuerunt, quantumvis mira: supremo scilicèt sic ordinante Numine, vt imperatricis Urbis cunabulis admiranda quædam prodigia, velut tædæ, facesque præluxerint: Id quod Plutarchus (a) etiam agnouit, inquiens, *verùm haud fas est fidem ei derogare, si crediderimus rem Romanam sine diuino aliquo auspicio, & magno miraculo non fuisse eò potentia progressuram.* Vbi mirari subit frigidum, ac friuolum vocari hìc à Cluuerio Plutarchum, quem antea iactato sago commendauerat. Ea scilicèt est nonnullorum inconstantia, vt eum, qui causæ suæ non faucat, continuò carpant.

Illud de puerorum expositione nihil difficultatis faceffit; solitum enim fuisse olim pueros exponere, alibi dicemus: tyranni enim ipsi quandoque à cæde, & sanguine, abhorrent. Magis leue est id, quod de Romæ vocabulo additur, de voce enim lis est, quam certè prætermitterem, nisi mihi obuius occurreret Varro apud Festum inquiens, *Romam antea Romulam appellatam, deinde detortam vocem, detritasque literas fuisse.* Responsum omninò demeretur quicquid de Rheæ, & Romuli diuinitate adijcitur: non enim eruditis nouum, homines

B

per

---

(a) In Rom. viii.

per apothecosim olim inter diuos translato: præterquamquod multas Rheæ nomine appellari potuisse quid obstat? Authoribus tandem, qui contra nos afferuntur, innumerabiles alios supra à nobis laudatos oppono. Id dumtaxat stupori sit, qua fronte Liniu[m], & Plutarchum pro se adducat Cluuerius, cum vterque rerum Romuli assertor superius visus sit. Dubium vnicè esse posset de Sallustio; qui tamen non solum Romuli historiam nusquam inficiatus est, verum etiam cum Romanam originem ad Æneam detulit, implicite res Romuli ratas habuit.

Æneæ aduentum, fateor, plerique negarunt. Sed qui, aut cur? Negarunt illum ex inuidia Græci. Audiatur Halicarnassæus, (a) ita loquens, *dicam aduentum in Italiam, Æneæ, Scriptoribus partim ignoratum, partim dissimulatum inuidia*. De Homero specialis militat ratio, pictoribus enim, atque poetis quodlibet audendi datur ampla facultas; Quibus adde Poetam solum dixisse Æneam Troianis dominaturum; at nonnè poterat Æneas imperare Troianis illis, quos ducebat secum? sunt Halicarnassæi verba. Vtut sit, vnus Dares Phrygius pro aduentu Æneæ tuendo firmissimum propugnaculum extat; præter omnes illos, quos adducit Bochartus in-

quæ-

---

(a) l. 1.

quæstione de Æneæ aduentu in Italiam.

Putabam hic Iani fores claudendas omnino esse, prælioque completo, conditæ Urbis palmam Romulo, Rhemoque restituentam. Sed aliter res habet. Postquam enim hæc scripseram, ad meas peruenere manus bini Authores, ni veriùs vnus, imò verissimè nullus, cum vterque vnâ, eandemque opinionem à falso; Apochryphoque Scriptore suffuratus sit. Sunt hi Zamorensis Florianus, & Emmanuel de Faria, y Sousa, quorum primus Hispanus, secundus Lusitanus, ille in rerum hispanicarum historia hispanicè conscripta, (a) iste verò in Lusitanarum rerum epitome Lusitano idiomate exarato, (b) Romæ conditores fuisse contendunt, prior quidem Hispanos, posterior Lusitanos. Sic figmentum suum prætexit Zamorensis, Italum inquiens Italiæ Regem, fratrem habuisse nomine Hesperum in Hispanijs regnantem. Ægrè verò ferente Italo tam vastam Hesperii fratris dominationem, ingenti Classe comparata in Hispanias permeasse, vt Hesperum regno expelleret: quo obtento, Hesperum in Italiam misisse, ipsumque in Hispanijs habitasse. Fatum, autem, binis vix elapsis annis, obeunte Hespero, iterum in Italiam nauigasse Italum, relicto in hispanico regno filio suo Sicoro.

B 2

Appu-

---

(a) l. 1. c. 1. (b) l. 1. c. 2.

Appulit primò Italus ad Siciliæ oram, vbi multis relictis militibus, quos Hispanos fuisse perfrictè fatetur Zamorensis, insulam illam, ceterùm desertam, coluit. Cum reliquis tandem Hispanis in Italiam transiens, Urbem Romam in Tyberis ripa primus condidit. Iisdem penè sensibus rem explicat Emmanuel, in hoc solum à priori discrepans, quòd eundem Italum in Lusitania habitasse asserat, ibique ex Leucaria filiam Romam nomine obtinuisse: è Lusitania verò in Italiam vnà cum ingenti Lusitanorum exercitu regressum, Urbem vnā pro se in Auentino Monte condidisse, in Palatino alteram pro filia, è cuius nomine, Romæ nomenclaturam sumpserit: Posthæc, velut parta iam victoria, præana sibi canens, sic concludit Emmanuel; *De manera que sus primeros fundadores (de Vrbe Roma loquitur) fucron Portugheses, no Romulo, como algunos pensaron.* Vbi Lusitani istius confidentia admirationi mihi est, ni dicam derisioni, cum tam latum figmentum contra totius Antiquitatis fidem venditet, nullo Authore, vel ratione, aut adminus coniectura in suæ causæ patrociniū allata.

Si aliquod vel leue argumentum pro sua opinione Authores isti attulissent, facilè nobis esset eos cum nostra sententia reconciliare, methodo, quam supra ab Halicarnas-

seo

seo mutuati fuimus, asserendo aliam quamdam Romam ab Hispanis, vel Lusitanis conditam quidem fuisse, quam postea solo æquatam Albani nostri excitarint. Quoniam verò nulla ad id confingendum nos necessitas vrget, nullum enim ipsi referunt Authorem; hinc commentum hoc lubet aliter refellere; & quidem fusius quam causa exposcat, cùm animaduernerim à nemine hucusque, quod sciam, confutatos eos fuisse.

Primò verò fontem ipsum, vnde hæc fabella manauit, detegemus: sicut enim scitè inquit Hieronymus, errores ad suas origines deduxisse, confutasse est. Narrationem suam è Berosi libro, quem Annius Viterbiensis edidit, dicam meliùs supposuit, Authores nostros decerpisse, pro incomperto mihi omninò est; ita enim ad verbum singula in Berosi libro leguntur. De hoc autem Berosi opusculo iudicium penès eruditos esto, qui iamdudum illud tamquam apocryphum subodorarunt; id quod agnoscen-tes præfati Hispani recto sanè consilio à Berosi citatione abstinnerunt, nè vel hoc solo titulo se falsitatis proderent. A turbido igitur Berosi fonte, quæ, nisi turbida aqua, hauriri valuit? His adde priscorum neminem, qui Romanam originem seriò inuestigarunt, aut Hispanorum, aut Lusitanorum

vsquam meminisse ; imò nec Hesperi , nec Itali in Hispanias itus , reditusque ; non Halicarnasseum , non Plutarchum , non Linium , quodue magis mirere , nec Rufinum , nec Eusebium , nec Hieronymum in Chronicis , quantumuis ipsi pluribus in locis indicent se veri Berosi libros lectitasse . Ex quibus colligere est , fabellam hanc non à vero Beroso , sed ab eo , qui intra Annij cœrebrum cunas habuit , confictam fuisse .

Sed age iam Nuperos istos intra propria castra aggrediamur . Referunt ipsi profectum ex Italia in Hispanias fuisse Italum , ut cum fratre Hespero pugnaret . Cum magna ergo , potentique classe . At hæc non alia sanè quam Italogum . Cum qua enim ? Hispanorum nè , cum quibus dimicaturus erat ? Cum itaque in Italiam remeavit Italus , cum sua equidem Italogum classe remeavit . Eò vel maximè , quòd ad superandum Hesperum , quem calamitatibus fractum asserit Berosus , non valdè notabilem pati poterit Itala Classis iacturam . Vbi ergo sunt tot Hispani , vel Lusitani , à quibus Sicilia , Italiaque tota habitata sit ? Quiue in Hispanijs incolæ remanserunt ? Suamnè Itali imaginem , Hispanorum beneficijs , & cantionibus amiserunt ? Siciliae verò , Italiaeque priores incolæ , quo terræ hiatu deglutiti sunt ? Risum ne teneatis amici , Venusina repetit  
musa

musa : Isthæc enim adeò sunt distorta , vt vel ipsum Eraclitum ad cachinnos prouocarent .

Postremum contra eosdem Authores iaculum intorqueo , quo penitus iugulentur . Istud verò è duplici officina paro , prima est Politica , posterior Geographia . Docent Politici , supremi dominiij indiculum esse Vrbes , arcesque ædificare , quas in alieno solo nondum armis subactò extruere totam dominationis , iuriumque pessumdaret æconomiam . E veteri autem Geographia discimus priscam Italiam comprehensam omninò fuisse intra duos sinus Scylleticum , & Vibonensem , qui hodie appellantur , *Golfo di Squillace* , & *Golfo di Santa Eufemia* . Ita Strabo , (a) & Aristoteles (b) ex Antiocho Syrac. cum hoc solo discrimine , quòd Aristoteles Vibonensem Sinum Lameticum , vocet , Antiochus verò Napetinum ; quæ tamen voces diuersitatem nactæ sunt à vicinis oppidis , aut fluuijs , idem tamen sonant , vt colligitur ex prisco marmore opera Ioannis Vincentij Pinellij è tenebris eruto . Sed clarissimè omnium Italiæ antiquæ fines describunt Bochartus , & Stephanus summi nominis Geographi , asserentes eam nihil aliud fuisse , quàm Brutiorum agrum , qui nunc Calabria , vna cum parte Luca-

B 4

nia,



niæ, quæ nunc Basilicata appellatur. Quibus concinere videtur Ovidius (a) cum ait, *Itala nam tellus Græcia maior erat*, sumendo tamen solam Magnæ Græciæ partem. Quod miror à sagacissimo Cluuerio in sua Antiqua Italia animaduersum minimè fuisse. Sed parcendum id homini Germano, qui in demoliendis solùm Romuli rebus totos neruos intendit.

Ex his duabus veritatibus hoc argumentum conficitur. Estò Italus Romam quamdam cum Hispanis, aut Lusitanis condiderit, debuit certè illam in sua Italia, cui dominabatur, condere: non ergo in Latio, quod longè extra Italiam tunc erat: non hanc igitur Romam latinam, sed alteram ad summum struxit, cuius consideratio extra nostrum est argumentum.

Vnicus remanet submouendus lapillus, angustam quidem fuisse primùm Italiam, at non Itali tempore. Sed audiat Halicarnasseus sic ex Antiocho Syrac. inquit. *Morgete in Italia regnante (tunc autem Italia dicebatur tota illa ora maritima, quæ à Tarento Pæstum usque protenditur &c.* Hæc ille. Quod si tam angusti Italiæ fines tempore Morgetis, qui filius fuit Itali, id fortiùs de eiusdem Itali temporibus dicendum est. Sed de his iam satis.

SE-

---

(a) 4. Fast.



## SECTIO VNICA.

*Romanæ Originis series hucusque in generali exhibitæ, in particulari, & chronologica methodo explicatur.*

**S**tabilitis ad hunc modum, prout obscuritas tum materiei, tum ingenij mei pertulit, Romuli rebus, tempus adest, ut egressi schola, armisque depositis, interruptam historię telam resumamus, atque Romanam ipsam originem paulò clariùs ad chronologicam normam describamus. Quoniam autem nunc præcipua Italię pars Roma est, hinc ut Italię ipsius faciem primò omnium contemplemur, perfunctoriè tamen, ordo rei exposcit.

At hic, antequam ulterius prosequar, corrigendus occurrit Sextus Aurelius Victor, (a) qui asserit primum in Italia regnasse Ianum, eundemque in Ianiculo ad tyberim, monte, ab eo sic denominato, habitasse. Duo hic examinanda sunt: primum, an verè Ianus prior fuerit Italię Rex: secundum an, in Ianiculo habitavit. Quoad primum, Adversarium habemus Halicarnassem, qui ex  
An-

---

(a) De orig. Rom.

Antiocho Syracusano scribit, *Ænotros primos post hominum memoriam in Italia habitasse, Duce Ænotro Lycaonis filio*: id quod & alij affirmant.

Verum vsquehuc tolerabilior esset Victor. Nonnihil enim ego meditatus sum, quo discrepantia hæc conciliari possit. Antiqua siquidem monumenta mihi reuoluenti occurrit, Iani vocem ab Hæbreo Iain deriuari, quod vocabulum vini repertorem, sonat; vnde plerisque Ianus cum Noc confunditur: id quod indicare videtur Naui symbolum Iano tribui solitum; quam nauem, Noc arcam exprimere nonnulli opinati sunt. Reperio insuper Ænotrum idem apud Græcos valere, ac apud nos vini repertorem. (a) Ex quibus conijcere possem, Ianum eundem cum Ænotro fuisse, diuersitate penès solas voces manente. Vnde, quoad hoc facile esset Victorem cum Halicarnasseo, alijsque reconciliare.

Quod verò maiorem mihi ingerit difficultatem est, quòd asserat Victor Ianum in Ianiculo Latij monte habitasse. Id quod intolerabile omninò est, tum si dicatur Ianus idem cum Ænotro fuisse, hic enim nunquam Latium coluit: tum si distinctam ab Ænotro personam Ianum finxerimus: inunibilia enim sunt isthæc duo, Ianum Italiae

---

(a) Scriv. ad 1. an.

liæ Regem fuisse, & in Latio habitasse, cum tunc temporis Latium, vt supra ostendimus, extra Italiam fuerit. Error Victoris, nisi fallor, ortum habuit, quòd cum post quartum à Christi Natiuitate ipse sæculum scripserit, quo tempore Italia Latium certè complectebatur, pro vna, eademque re Latium, Italiamque sumens, Ianum Italiæ Regem dixit, cum solius foret Latij Rex. Corrigatur igitur Victor, & quotquot cum eo scripsere, Ianusque primus Latij Rex adstruatur.

Si autem quærat hic nonnemo, quinam primus fuerit Italiæ Rex; ecce præstò nobis adest Halicarnassens, ita libros suos inchoans: *Urbem, quam nunc incolunt Romani primi omnium, qui memoriæ sunt proditi, feruntur tenuisse barbari Siculi Gens indigena. De aduenis verò paucis interiectis subdit, sed postea eam longo bello antiquis Dominis creptam occuparunt Aborigines. De his duo scitu digna quæri possunt, de nomine vnum, alterum de re. Circa primum, nominati creduntur Aborigines, quasi Aberrigines, seu aberrantes, vnde etiam Leleges appellati, hoc est legibus, laribusque carentes; vel à cacumini- bus montium, græca scilicèt appellatione: vel quòd posteris suis originis ab se fuerint Authores. De re verò vestigandum occurrit cuiusnam ipsi generis fuerint. Aliqui*  
apud

apud Halicarnasseum dixerunt , fuisse colonos Ligurum Italiæ indigenas , quos refellunt Cato , & Sempronius , qui Græcos eos faciunt . Quibus innixus Halicarnasseus Arcadici generis Aborigenes statuit , hæsitanter tamen ; sed mihi admiratione dignum , videtur , quod in re hac hæsitet Halicarnasseus ; cùm enim ipse dixerit *Aborigines primos Italiam occupasse* , & non multò post cum Antiocho asseruerit *Ænotros Arcadas primos post hominum memoriam in ea habitasse* , consequens est Aborigenes eosdem cum Ænotris , Arcadibusque fuisse . Quare pro incomperito omninò habendum est Ænotros primos fuisse Italiæ Dominos . Eorum Dux fuit Ænotrus Lycaonis filius , qui in Italiam appulsus , Ænotriæ nomine eam donavit ; sicut Apulia ab eius fratre Peucetio , Peucetia dicta fuit . Successit Ænotro Italus, unde Italiæ appellatio : deinde Morges , à quo Itali Morgetes nuncupati : qui tandem à Siculo quodam in duas factiones diuisi . (a)

Sed verò à prisca Italia , quæ nihil ad nos , ad ipsum Latium Romuli res nos propiùs auocant . Latij ergo primus Rex , iuxta nostram superiorem Victoris emendationem , traditur fuisse Ianus . Hic nihil aliud , quam Religionem induxit ; unde in sacris primum locum promeruit . Iano regnante (b) Saturnus

(a) Halic. sæpè cit. (b) Vict. cit. loco .

nus è Crete Regno à Ioue eius filio eiectus , in Latium appulit , benignèque à Iano exceptus Capitolinum montem incolendum obtinuit , vbi Urbem Saturniam nomine struxit . Primus agriculturam docuit , ciuilemque conuictum ex Virgilio , (a) qui tamen correctione indiget cum ait , Saturnum omnium primum in Latium venisse . Iano successit Picus , quem Victor refert Aborigenes in Latium aduenientes excepisse , *permissos viuere ut vellent* . Post Picum regnum suscepit Faunus . Hoc imperante , in Latium peruenit Euander Arcas , qui eam gentem literas docuit , bouesque primus iunxit colendæ terræ causa . Vnde magnis acceptis à Fauno agris , in monte , quem à Pallante Pallanteum , postea Palatium , & Palatinum dixerunt , Urbem condidit . Hoc etiam tempore ad eundem locum aduenit Recaranus quidam Græcus , quem ob vires Herculem dixerunt , subque Auentino habitauit , multaue fortitudinis , Religionisque argumenta reliquit . Fauno successit Latinus , quo imperante Æneas in Italiam venit .

Atque hîc propositi argumenti ratio postulat , vt relictis Latij Regibus , ad Æneam sermonem nostrum conuertamus , Romanæ scilicet gentis fontem . Æneæ in Italiam aduen-

---

(a) 8. en.

aduentum superiùs non infirmis coniecturis stabiliuimus . Eius nauigationes accuratè describunt ex priscis quidem (a) Hali-  
carnasseus , (b) Virgilius , & Victor ; (c) ex  
recentibus Ortelius , (d) & Cirinus , (e) quos  
non incuriosi consulant . Nobis enim sa-  
tius erit paucis cum Liuius (f) adnotare ,  
*Æneam domo profugum , sed ad maiora rerum ,  
initia ducentibus Fatis , primò in Macedoniam ,  
venisse , inde in Siciliam quærentem sedes de-  
latum , ab Sicilia , Classe Laurentem agrum te-  
nuisse .*

Hic verò , elato sympario , impleri iam fa-  
bulis scenam persentio , quibus Poetæ Æneæ  
aduentum decorarunt nè dicam , an con-  
spurcarunt ? Vt est illa de mensæ comme-  
stione (apium intelligit Luctatius , (g) quod  
mensæ vice cibis strauerant , & fame oppres-  
si comederant ) ex qua , iuxta Oraculi Do-  
donæi monitum , suorum itinerum finem  
agnouit Anchyses ; aut illa de Scrofa trigin-  
ta natos enixa , de qua paulò post ; aliæque  
plures , quas apud Cirinum vide loco ci-  
rato .

At sublatis fabellis illud dubitatione ca-  
rer , in Latini Regis gratiam se insinuasse  
Æneam , & paulò post Laniniam eius filiam  
sibi iunxisse , Urbemque ædificasse Lau-  
niam

---

(a) l. 1. (b) an. l. 1. (c) De orig. Rom. (d) In Theat.  
Geogr. (e) In sua Rom. (f) l. 1. dec. 1. (g) l. 2.

niam nomine, hodie Ciuita Lauinia appellatur. Summum ergo fœdus Æneam inter, Latinumque iuramento firmatum initur. Non multò post Turnus, cui antea Lauinia desponsata fuerat, ob repudium concitatus, arma in Æneam mouet, à quo post varia certamina miserè occiditur, cuius belli euentus apud Virgilium lege, Tandem verò Æneas ipse post tertium regni sui annum in congressu cum Etruscis, Mezentio Duce, aut necatur, aut in fluuium mergitur, vbi templum ei erigitur, cum hac epigraphe, *Patri Deo indigeti.* (a)

Defuncto Ænea, Latini regni clauum, omnium consensu, moderandum suscepit Ascanius, Æneæ ex Creusa anteriore eius vxore filius, cui nomen etiam Ilus ab Illo, & postea Iulus à prima barbæ lanugine. Hic, post triginta annos elapsos, Heleni vatis monitum recordatus, qui Æneæ prædixerat post tot, quot Scrofa natos pepererat, (b) annos, in vberiore locum transferendum, id, inquam, recordatus, alteram in vicino colle Urbem condit, quam ab albæ Scrofæ auspiciis suæ colore, Albam, à forma verò Longam appellat, Lauiniam Urbem Nouercæ suæ Lauiniæ cedens, quæ vita functo Ænea in syluas confugerat. Octo annos apud Albam longam regnauit Ascanius, cum

---

(a) Apud Cirinum cit. (b) Victor de orig. Rom.



cum triginta regnasset antea Lauinij. Tandem fato obtemperans obiit.

Ascanij successor in nouo Albæ regno fuit Syluius Æneæ (a) ex Lauinia posthumus filius, quantumuis Ascanij natus imperium artibus omnibus affectarit. Regnavit ipse annos 29., post quem Æneas Syluius ipsius filius principatum hæreditario iure obtinuit, & annos 31. imperavit. Post hunc Latinus 51. annos regnavit. Post hunc Alba 39. annos imperium rexit. Post Albam Capetus annos 26. deinde Capys annos 28. Post Capyn Calpetus vsque ad annum 13. Deinde Tiberinus, qui tyberi nomen dedit, cum antea Albula vocaretur, regnavitque annos 8. Tiberino successit Agrippa, qui annos 41. regnavit. Post eum Auentinus 37. annos regnum tenuit. Procas post hunc annos 23. Deinde Amulius annos 42. Tandem Numitor imperium suscepit. Scio Livium, aliosque aliter scripsisse: sed nos Halicarnasseum sequimur.

Sed iam, interrupta Albani regni successionem, res Romuli nostri paulò accuratiùs considerandæ sunt. Ergo Procas morti proximus duos filios Numitorem, & Amulium, æquis partibus hæredes instituit, ea tamen lege, ut annuis vicibus regnarent. Cum verò Numitori, qui natu erat maior, primum

(a) Hanc. l. I.



mum regni administratio obtigisset, ecce ab Amulio magis hoste, quàm fratre, viribusque præpollentiore, regno eijcitur: quo minimè contentus Amulius Numitoris filium Lausum iugulat, filiam insuper Rheam Syluiam inter Vestales detrudit, vt virginitatis voto omnem ei spem prolis præfocaret: Sed ità annuentibus Fatis; dum Rhea ad proximum lucum hauriendę aquę causā diuertit, à Sacerdote quodam comprimitur, qui vt execrandi sui voti compos celebrius, promptiusque fieret, se Martem simularat. Hinc fabellæ locus de Rhea à Marte compressa; vnde è Marte oriundos se iactabant Romani. Verum, sicut ait Liuius, (a) *datur hæc venia antiquitati, vt miscendo humana diuinis, primordia Urbium augustiora faciat.* Sunt, qui scribant ab Amulio ipso, qui Rheam deperibat, Rheam compressam. Vtut sit, duos tandem gemellos ipsa peperit. Quo comperto Amulius puerperam, carceri mancipauit, pueris in tyberim mergi iussis, non in proximum Albanum Lacum; tyranni enim ipsi quandoque turpissima quædam facinora detestantur, & quamlongissime ab se patrari cupiunt, sicut quidam politicus animaduertit. At satelles tennellæ prolis lachrymis animo tactus gemellos non mergit, verum aluco impositos cir-

C

ca

(a) Dec. I. l. I.

ca Palatini montis radices in tyberi exponit (erat tunc temporis puerorum frequentissima expositio, de qua alibi) qui ob repetitos imbres eòusque excreuerat. Detumesciente verò fluminis ira, fici ramis, quæ imposterum Ficus Ruminalis dicta est, ad Palatinum adhæserunt. Horum gemitibus admonitus Faustus pastor, regique pecoris præfectus, mox exceptos Accæ Laurentiæ vxori suæ lactandos tradidit: quæ cum ob meretriciam, quam exercebat artem, Lupa à pastoribus vocari soleret (sic tunc meretrices dicebantur, hinc lupanaria) inde fabulæ locus de pueris à lupa lactatis: quamquam non desint qui ità reuera accidisse credant. (a) Authores ab Halicarnasseo ibidem relati magis sensatè tradunt Numitorem binos, sed alienos natos clàm Rheæ supposuisse, ab Amulio occidendos, sicut accidit, persentiens, genuinis interim Accæ Laurentiæ lactandis traditis. Nomen vni Romulo à græca voce Romin, quæ fortitudinem sonat, alteri Remo à tarditate, tardi enim priscis remores dicebantur.

Cùm adoleuissent iam pueri, disciplinarum addiscendarum causa Gabios mittuntur, Numitore clàm alimenta suppeditante, vbi græcum sermonem, iurisprudentiam, augurandi artem, liberales denique, milita-

---

(a) Hygin. c. 252. & Plin. l. 8. c. 17. Tull. de diuin. l. 1.

taresque facultates ebiberunt. Fdocti tandem à Faustulo de origine sua, deque Amulij in Numitorem excessibus, adunato colonorum globo Amulium Albæ aggrediuntur, interficiuntque, Rheam matrem liberati reddunt, & Numitorem Albano solio restituunt. Post hæc, non vulgare grati animi monumentum Nepotibus Numitor obtulit: cum enim ipsi regiæ indolis adacti fauillis regnum ea conditione Numitori cessissent, vt & ipsi regnarent, tum nouæ Urbis condendæ facultatem Numitor ijs permisit, vbi seorsim regnarent, Pecunijs insuper, armis, iumentisque concessis. Alia ad hoc ipsum Numitorem compulit ratio, vt urbanam Albæ multitudinem vehementer auctam minueret, semotis potissimum aduersæ factionis hominibus, vt liber à suspitione degeret.

Nouæ ergo Urbis locum meditantur regij iuuenes. Palatinum montem eligit Romulus, vbi fuerant primùm educati: at Rhe-mus aliter sentit: alium enim collem, qui aberat à Palatino millibus quinque, præsignauit. His iurgijs alia accedebat de vocalis, sed non leuis: Romulus namque de se Romulam, Remus verò suo de nomine Remuram Urbem nuncupandam contende-bant, quod Liuius vocat *sedum certamen*.  
*coortum à satis miti principio.*

siæ arbiter Numitor instituitur, qui hac lege liti finem imponit, ut utri eorum priori secunda auspicia aduenissent, Urbem conderet, eamque ex suo nomine nuncuparet, atque in ea regni summam teneret, ut loquitur Victor citatus. Annunt iuuenes; quare Romulus in Palatino, Remus in Auentino auguria captant. Cum ecce, eorum primus Remus sex vultures à sinistra conspicit parte, vnde sibi palmam spondet. *Accedens*, sic loquitur Victor, verò Romulus Remo ait, iam tibi duodecim demonstrabo: quo dicto tot vultures ei apparent subsequito celi fulgore, & tonitru: quare Remo, qui temporis antecedentiam obtendebat, indignabundus inquit, quid Reme affirmas priora cum presentia intuearis? Sunt qui putent verè Remum sex vultures vidisse, Romulum verò mentitum, cessisse, tamen priorem regnum fato. (a) Aliud nonnulli addunt portentum, quòd cum hastam Romulus ex Auentino in Capitolinum iecisset, solo fixa floruerit: hinc regni confirmata sibi auspicia, hastaque Regibus pro sceptro habita. Quicquid vero de hoc sit, cuius fides penès suos Authores stet, Romulo tandem facta est nouæ Urbis condendæ potestas.

Antea verò quàm ad tam grande opus se accingeret, à sacrificijs illud auspicatus est,

ut

(a) Apud eundem Victorem.

ut Deos placaret, etenim ipse primùm sacris operatis ceteros idem pro virili facere iussit, ut ait Halicarnasseus. Sacris peractis auguria iterum inter libamina poscit, primùm à tauro, vacca, & aquilis, à fulmine deinde, & tonitru, de quibus nos tom. 3. Dissert. de Augur. Mox populum flammam transilire iussum, expiauit. Satis deinde propitia ratus numina, sic prosequitur Halicarnasseus; convocatis in destinatum locum omnibus, circumscripsit Urbem figura quadrangula, continentem sulcum aratro ducentibus sub idem iugum iunctis bobus mare, atque femina; unde Romanis hic mos circumarandi loca durat in condendis Urbibus. Hoc exacto, & bubus mactatis ambobus una cum multis alijs victimis, operi populum adhibuit. Hæc ille, cui adde Plutarchum, qui multos ritus ab Halicarnasseo omisos suggerit inquit: Fossa est rotunda circumducta, in eam primitias detulerunt omnium, postremò ex qua quisque venerat Regione eius terræ portiunculam collatam cò coniecerunt. Fossam hanc eodem, quo calum nomine vocauerunt mundum. Hinc Urbe sicut circulo centrum circumscripsere: Conditor aratro areum vomerem, adiungit, iunctisque bobus ipse circum lineamenta, profundum inducit sulcum; sequentium munus est, ut excitatas ab aratro glebas intrò vertant, nec ullam sinant extrà ferri. Ita mania linea definiunt, idque elisis aliquot literis Pomerium dicitur, quasi post mania; ubi portam designare visum est, vomere

exempto, atque aratro sublato spatium relinquunt : unde totum habent murum, præter portas, sacrum, nec eas si ducerent sacras, religiosum esset impura in Urbem recipere. Vbi loco vocis *Urbe*, quæ sensum omninò perturbat, ego reponerem, *Urbo*, quæ est aratri pars, & pro aratro ipso accipitur. Hæc fusè præter nostrum morem ex Plutarcho adduxi, quia condendarum Urbium formam exhibent. Sed de his fusè Dissert. 3.

Numerus incolarum, qui ad condendam Urbem venerant hic fuit ex Liuiio sic in-  
 quiente : *Supererat multitudo Albanorum, Latinorumque, ad id pastores quoque accesserant, qui omnes faciliè spem facerent parvam Albam, paruum Lauinium præ ea Urbe, quæ conderetur, fore. Magis verò exactè Halicarnasseus, Numerus, inquit, colonorum missorum magnus à principio, tria millia peditum, triceni Equites. Et alibi, in his, ait, erat magna plebis pars, non pauci etiam ex optimatibus nobiles, Troiani quoque generis quisque optimus: unde aliquæ gentes ad nostram ætatem supersunt quinquaginta fermè familiæ. Albana deinde multitudini miscuerunt indigenas quotquot circa Palatium, & Saturniam erant. Id visum est ad æmulationem conducere, ut operantibus certatim absoluerentur opera citius. Idem asserit Plutarchus addens, eò conuenisse florem iuuentutis bellicosissimum; unde toto cælo errarunt, nisi fallor, Eutropius, (a) & Iornandes, (b) quorum*  
 hic



hîc de Romulo ait, *Imaginem Urbis potius, quam Urbem fecerat, incolæ deerant*: Ille verò, *Romanum, inquit, imperium, quo neque ab exordio ullum ferè minus, neque incrementis toto Orbe amplius, humana potest memoria recordari.*

Locus, vbi condita Vrbs, Palatinus mons fuit, in quo Euander sexaginta ante Æneæ aduentum annos Urbem suam condiderat, quam temporis collapsam ingluvie Romulus noster restituit, sicut superius demonstrauius. Atque hæc in gratiam eorum dicta sint, qui nescio qua in Romulum lioris fuligine tincti, conditoris Urbis palmam ei abripiunt. Quibus ego, qui litibus de solo nomine semper abhorruî, lubens annuo: dummodo Romulus ipse asseratur primus Urbis è fundamentis renouator, priori dumtaxat Palatini montis situ retento. Vtrum verò conditoris, atque è fundamentis renouatoris vocabula, re, vel puro puto discrepent sono, iudicent, non quidem Grammatici, sed eruditi. De situ, magnitudine, & figura Urbis &c. dicam Dissert. 3. De voce ipsâ Romæ, quæ vel à Romulo, vel à Romin, seu fortitudine originem trahit, quæque diù tenebris obuoluta permansit; hostibus vt foret incognita, legatur Cirinus in principio suæ Romæ multa eruditè ad rem differens.

Ad tempus verò conditæ Urbis quod attinet, variè à varijs traditur. Lucius Cincius

excitatam ait anno 4. Olympiade 12. Paulus Orosius (a) anno 2. Olympiade 6. Paulus Diaconus, (b) quem sequitur Lipsius, anno 3. eiusdem Olympiadis 6. Polybius circa secundum annum 7. Olympiadis. At deferendus non est Dux noster Halicarnassens, qui ex Porcio Catone iuxta Eratosthenis supputationem Urbem conditam ait anno primo Olympiadis 7. quod Cirinus acutè infert ex Gallorum irruptione, Regumque Romanorum annis, & ex Capitolinis Fastis. Vertebatur tùm ab O. C. annus 4103. ut vult Ado Viennensis, (c) vel 4211. iuxta Stradensem. (d) Non minor est circa mensem, diemque discrepantia. Aliqui aiunt 9. Kal. Maias, (e) alij 10. (f) Manilius (g) Septembrem præfert, quem tamen Ioseph Scaliger deridet. Vera opinio fert conditam Urbem i 1. Kal. Maij, quod, præter multos Authores, clarè legitur in veteri Calendario, vbi hac die, N. Urbis adnotatur, seu Natiuitas Urbis: eademque die Festa Palilia in memoriam conditæ Urbis celebrabantur ex Halicarnasseo, vnde Censorinus ait, *ex Palilibus, Urbis anni numerantur.*

Atque hæc est illa Roma terræ; marisque totius domina, ut ait Halicarnassens. (b) Cuius

---

(a) l. 2. c. 4. (b) l. 1. Hist. misc. (c) stat. 4. (d) in Chron. (e) Marrianus Scor. apud Demp. in Rosin. l. 1. c. 1. (f) Ex Eutrop. lib. 1. (g) 4. Astr. de die natali. (b) lib. 1.



tamen nobilitatem id vnum videtur minuisse , quod Vrbs hæc multo sanguine sædata cunabula nacta sit : præter enim quamquod Euander prioris Romæ conditor fratrem ceciderat , Amuliumque Auum Romulus , hic insuper fratris sui Remi superaddidit eedem . Cùm enim Remus nouam Vrbem tamquam nimis angustam derideret , murosque vt superatu faciles saltu transiliisset contra Romuli legem , qui , nè vallum , vtpotè sacrum , quis transiliret , iusserat , statim à Romulo occiditur . Post quod facinus , terræmotus , pestis , & spectra , detestantibus velut tantâ scitiam Superis : quibus placandis , cum nil profuissent Lemuria , aliaque Festa à Romulo instituta , hic ex Oraculi monitu Remi statuam confinxit , quam in sella curuli locatam , ponè se perpetuò in Comitijs habuit ; sique quicquam decreturus foret , tamquam suo , fratrisque nomine id sanciret , his formulis utebatur , *lubemus , sancimus &c.* quæ etiamnum apud Principes seruantur ; hincque spectra eliquata . Ità ex Fastis Siculis Cirinus . (a)

Verùm enim uerò nil mirum Vrbem , quæ ædibus , & sanguine Orbem domitura erat , à cede & sanguine militaris suæ gloriæ auspicia sumpsisse . Cùm verò de auspicijs inciderit sermo , illud prætereundum non est , quod vultures ipsi à Romulo visi , Urbis du-

ra-

rationem portenderint. Varro (a) enim ex duodecim illis vulturibus, 1200. annos Romam duraturam prædixit. Rationemque reddidit Brunettus Latinus, (b) quòd vultures sæculum denotent, cum ex Ambrosio sæculum viuant. Quod Varronis præsagium verificatum adamussim fuisse Rhodiginus (c) animaduertit, nam Romanū Imperium anno C. V. 1229. sub Imperatore Augustulo penitus corruit, de quo in Dissert. sequenti.

### *Syllabus Authorum.*

**D**E Urbis origine pauci ex professo scripserunt. Ex antiquis quidem Sextus Aurelius Victor, & quidam alius insertus in secundo tomo Scriptorum Latinorum historiæ Romanæ: Ex nuperis paucissima exarauit Marlianus, paulò plura Octavianus Ferrarius in Opusculo De origine Romanorum: necnon sæpius nobis laudatus Andreas Cirinus integro libro De Vrbe Roma. Obiter verò de hac re plura adnotata reperies apud omnes ferè Romanæ historiæ Scriptores, è quibus potissimum totam hanc Synopsim elucubraui. Rerum Romuli polemicam propugnationem nemo penitus, quod sciam, antè me aggressus est.

DIS-

(a) *Apud Censorin. de die nat. c.6.* (b) *In rerum Orb. lib. Lect. antiq.* (c) *l.27. c.8.*

# DISSERTATIO II<sup>43</sup>

## *De Urbis Romæ Incrementis; & Casu.*



ARVM equidem esset Urbis exordia peruestigasse, nisi eiusdem incrementa pariter iudicarem, quibus adousque se longè, latèque propagavit, ut Orbis Domina, ni veriùs miraculum habita sit. Postremo loco Urbis casum adnectemus; ut discant hinc qui de se tam altè sapiunt, maxima quæque ruere, & quæ Solem præ celsitudine, splendoreque æmulari videbantur, suo itidem, ut ille, casui, & ruinæ subesse.

Ordiamur autem à Romulo, seu potius Romuli historiam prosequamur. Hic extructa vix Roma, domibusque, prout eorum, temporum caritas ferebat, de quibus in Dissert. de Domibus, ad Cuium statim augmentum, & politiam animum contulit. Ergo mox iactis Urbis fundamentis, ut loquitur Plutarchus, (a) *Afylum aperuerunt profugis, omnesque recipiebant: ità Urbs breui frequentata est.* Hinc plerique Romam carpunt, quod pessimorum homi-

---

(a) *in vita Romuli.*

hominum extiterit sentina : Iuuenalis (a) præsertim sic illam mordet. *Et tandem ut longè repetas, longèque reuoluas nomen, ab infami gentem deducis Asylo*. Vtut se res habeat, aptissimum id fuit Romuli stratagemma, Atheniensium institutum imitantis, ut Urbem Ciuibus cumularet, conuenas omnes pluribus iuribus insigniendo, de quibus tomo 2. Dissert. de Asylo.

Multiplicatis ea industria Ciuibus, illos Romulus in tres primùm partes, quas hinc Tribus nuncupauit, diuisit, quarum vnã Ramnensem, seu Romanensem ab se dixit, in qua Albani; Tatiensem secundam ex Sabinis constantem; tertiam Lucerem ex ijs, qui, Duce Lucero, Romani ex Ardeatibus commearant, vel mixtam ex illis, qui ad Asylum confugerant. Singulas Tribus in decem Curias, has verò in Decurias distribuit, quibus Curiones, Decuriones, Tribunosque præfecit, qui Sacra curarent, sicut apud nos sunt Parochi. Ciues insuper alia diuisione in Patricios dispertijt, & Plebeios, quos inter perpetuum ut firmaret vinculum, Plebeios, quos clientes vocauit, Patriciorum, quos patronos dici voluit, tutelæ commisit. E Patricijs Senatores centum designauit, qui Reipublicæ Clauum moderarentur. Medium insuper ordinem constituit Equitum,

---

(a) Sat. 3.

tum, è singulis Tribubus vnam Centuriam, eligendo, quibus corporis sui custodiam commendauit, ab officij celeritate Celeribus appellatis. Leges postea sanctissimas edidit, multaque Sacrificia, & Sacerdotes inuexit: recto sanè consilio ratus nunquam posse sinè bonis legibus Vrbein augeri; nec nisi à Numinum cultu incrementa auspicanda. Legantur Liuius, Halicarnassens, & Plutarchus sæpè laudati; Et expectentur ea, quæ dicemus tom. 2. Dissert. de Ciuib. Rom: & Dissert. de Magistr: & tom. 3. Dissert. de Sacr: & Dissert. de Legibus.

Instituta in hunc modum Vrbe, auctoque Ciuium numero, itaùt *Res Romana*, sicut loquitur Liuius, (a) adeò esset valida, vt euilibet finitimarum Ciuitatum bello par esset, de conqui- rendis vxoribus cogitari captum, vt prolis beneficio Vrbs perennaretur. Tùm ergo ex consilio Patrum, sunt eiusdem Liuij verba, *Romulus legatos misit, vt connubia nouo Populo peterent*. Sed nusquam benignè legatio audita est, contemnentibus finitimis Romanam paupertatem. Quare, vt ait Florus, (b) *Matrimonia petita, quia non impetrabantur, manu capta sunt*: Simulatis quippe ludis equestribus, Virgines, quæ ad spectaculum venerant, præda fuisse. Hi ludi in honorem Consi, seu Neptuni consiliorum Dei edebantur, de quibus tom. 3. Dissert. de Lu-  
dis.

---

(a) l. I. (b) l. I. c. I.

dis. Ad illos conuenere Cæninenses, Antemnates, & Crustumini, confertiùs Sabini. *Et cum utriusque sexus multitudo venisset, Victoris vtor verbis, dato suis signo, Virgines raptæ sunt; nuptiæque cum ipsis initæ; de quo raptu plura tom. 3. Dissert. de Nupt. Atque hoc stratagemmate ampliata Vrbs, perennataque.*

Sed ecce hîc prima bellorum semina; dicam melius, Romanæ magnitudinis inde strata basis, & fundamentum. Vltioni inhiantes, seû potiùs inuidia rerum Romanarum perciti, vt suspicatur Halicarnasseus, castra aduersus Romanos mouerunt Cæninenses, Antemnates, Crustuminique: Sabini interim, quantumuis ab ea gente ad vindictam capeffendam exorati, ea, qua præditi erant moderatione, & prudentia, *lentiùs agere visi sunt*, vt ait Liuius. At quid aliud illi sua ira præstitere, quàm ianuam aperire, viamque sternere Romanorum triumphis? Hostes omnes primo penè impetu Romulus fudit, Acrone etiam singulari certamine superato: de qua victoria triumphum egit Romulus, opimis spolijs ad templum Iouis Feretrij perductis, vt nos ex Halicarnasseo, Liuius, & Plutarcho dicemus tom. 3. Dissert. de triumphis. Atque inde deuictarum gentium occupati agri, coloniæ ductæ, hostes Ciuitate donati. Hæcque fuit prima Romani agri dilatatio.

Tantæ Romanorum felicitati inuidentes Sabini nouum bellum, Tito Tatius Duce, in eos parant, eò profectò periculosius, quòd, vt ait Liuius, *Nihil per iram actum sit, nec ostenderunt bellum priusquam intulerunt*. Ergo obsessa Vrbe, doloque Capitolina Arce occupata, ex Tarpeie Virginis prodicione, quam aurearum armillarum sponcione corrupe- rant Sabini, *postera die*, vt Liuius inquit, *in arma ruunt, cruento, sed æquo Marte*, vt notat Halicarnasseus. Post hæc secundum aggrediuntur certamen, vbi cæso Hosto Hostilio Romanorum Duce, Romuloque ipso vulnerato, terga iam milites vertebant: cùm, votum Ioui Statori fundens Romulus, vt fugientes sisteret, votique compos factus, obtinuit, vt faciem in hostem vertentes, alacriùs pugnarent: militante etiam pro ipsis cælo: fama enim est è Iani templi foribus pluries occlusis, spontèque sua iterùm reueratis, ingentem sulphureæ aquæ torrentem manasse, hostesque incendisse: ita præter Ouidium narrat Macrobius. (a) Atque hinc mos aperiendi, ingruentibus bellis, Iani templi fores, vt alibi. Quibus portentis animosiores facti Romani Sabinos acriter impulerunt, ex Liuius. (b) Verum hos inter ancipites belli euentus Romanæ mulieres, Hersilla imprimis omnium facun-

---

(a) *Metam.* 14. (b) *Satur.* l. 1. c. 9.



facundissima, precibus, & lachrymis pacem impetrant. (a)

Ergo fœdere cum Sabinis inito multæ sanctæ leges, quarum insignior, ut Sabini Civitate donarentur. Quare Tatius cum alijs in Vrbe habitat; & ut refert Liuius, *non modò commune, sed concors etiam regnum, duobus Regibus fuit*: appellarique cæperunt Romani, à Curetibus Sabinorum Vrbe, Quirites, Romæ tamen vocabulo facto tectò manente. Quod fœderis vinculum quinque annos duravit: quo tempore communibus armis Camerinos adoriuntur, & superant; eorum agro occupato ex Halicarnassco. Quoniam verò, ut non binos patitur Cælum Soles, sic non capit Aula duos, ut notat Tacitus, hinc, quinquennio elapso, vanis quibusdam prætextibus, à Romulo Tatius occiditur, ut tradit Orosius, & Augustinus; (b) licet quidam ex Licinio, à plebe occisum credant. Post Tatij necem dira orta pestilentia est, & Cælum sanguine pluit, ut præter Plutarchum refert Zonaras. (c) Romulus tamen solus regnat, & Fidenates, Veientesque expugnat, agrosque eorum depopulatur.

Tot triumphis onustus in tumidam incurrit elationem Romulus, cuius insolentem, fastum recensens Plutarchus (d) ait, *Vestibatur*

---

(a) *Halic. l. 1.* (b) *De Civ. l. 3. c. 13.* (c) *2. annal.*  
 (d) *In Rom.*



tur purpura, responsa dabat ex folio reclinus: Et, ut addit Zonaras, *Patriciorum nulla erat in rebus gerendis autoritas, sed nomen dumtaxat.* His ergo de causis Patricij in eius perniciem conspirarunt. Quibus & celum annuit. Quadam enim die, cum ad Capreæ Paludem concionis habendæ causa perrexisset Romulus, coorta mox sæua tempestate, & fugientibus præ terrore militibus; Romulus à Senatoribus trucidatur; neuè cadaver necem proderet, *Frustratim discerptum à Senatoribus est, sunt Halicarnassei verba, elatumque sub togis, & clam terra obrutum:* quamquam ipse velit id in Curia euenisse. Ut plebem verò delinirent Senatores, Romulum ad Superos raptum iactarunt: Iulium etiam Proculum ad id contestandum impellentes. (a) Quare inter Deos relatus sub nomine Quirini Templum in Quirinali obtinuit. (b) Accidit Romuli mors anno V. C. 37. Romuli verò 55. iuxta calculum Halicarnassei, vel 59. iuxta Solini, & Varronis supputationem.

Post Romuli obitum interregnum annum durauit: Patribus tunc Rempublicam regentibus quinos singulis dies, ita ut per omnes imperium iret; unde orta interregni vox; ex Liuius; ut Nos tom. 2. Dissert. de Magistr. Causa moræ fuit contentio Romanos inter, Sabinosque Ciuitate donatos, utrisque è suo

D

cor-

(a) Plut. in Rom. (b) Varro l. 5. de l. l.

corpore Regem eligendum enitentibus. Interregni tedio affecta plebs Regem anxie postulabat, multiplicatam inquiens seruitutem, centumque pro vno Dominos factos. Tandem contendentibus nuperis, priscisque inter sese Senatoribus, externus creatus est Numa Pompilius Curibus Sabinorum Urbe ortus, qui reluctans imperium sumpsit anno V. C. 39. Fuit hic vir sapiens, prudens, ac iustus: pacisque & Religionis, quam belli amantior. Quare Iani templum primus clausit: multos Sacerdotes, & sacrificia instituit, ac leges sanxit, Urbem rectè ordinauit, Ciuibus agriculturam, sordidas verò artes infimæ plebi commendans. Addidisse Urbi Quirinalem collem vult Halicarnassæus: sed non est ita certum, vt in Dissert. sequenti dicetur. Quapropter bonis artibus potius Ciuitatem exornauit, quam ampliauit armis. Tandem regni sui anno 43. Urbis 81. ætatis 80. senio confectus obiit.

Successit Numæ sequenti anno, modicum post interregnum, Tullus Hostilius, Medullia Oppido oriundus, quod ab Albanis deditione captum, coloniam Romulus fecerat. Hic animo strenuus, bellicque amans adeo extitit, vt fortior Romulo à Liuius sit dictus. Templum Iani iterum aperuit, sopitamque diu sub Numæ otio Romanam iuuentutem excitauit. Albanos primùm suos aggressus

vicit, triumphumque ex S. C. de ijs egit: (a) quos, vrbe eorum, in toto Latio dominatrice, expugnata, dirutaque, Romam transtulit. Difficili deinde bello integri anni Fidenates profligauit: post hæc Sabinos, quorum agro equidem non breui Vrbs ditior euasit. Non minor in rebus pacis eius gloria enituit: Senatum enim, Equestreque Ordinem ampliauit, Legiones auxit, Pomærium, adiecto Cælio Monte, dilatauit; populum nouis ditauit donarijs; agros enim à Romulo, & Numa sacris destinatos, pauperibus distribuit, sacris ipsis proprium patrimonium applicans. Tandem incensa eius domo ex insidijs Anci Martij cum tota familia conflauit anno imperij sui 32. Urbis 113. (b)

Post Tullum Hostilium ex populi vnanimi assensu Regni habenas suscepit Ancus Martius Numæ ex filia nepos. Medium huic ingenium, nam religione Numæ, audacia Tullo similis extitit. Quare plures sacrorum ritus sub bellicoso Hostilio tumultatos exciuerat, publicauitque. Politiam coluit: hinc ad terrorem incrementis audaciæ Carcerem ad Forum primus struxit. Vt res belli curaret, cæremonias quasdam ab Æquiculis desumptas præscripsit, vt bella non iniquè intimarentur; & Fæciales huic muneri obeundo destinauit, de quibus tom. 2. De

Magistr. De Latinis post triennale bellum triumphavit, quibus, postquam oppida eorum expugnasset, Auentinum, & Ianiculum habitandum tradidit, quos Vrbi adiecit, & Sublicio Ponte iunxit; Urbem insuper muro, fossaque Quiritium appellata cingens. Linius immeritò huius dumtaxat Latini belli meminit, cum ex Halicarnasseo rebelantes etiam Fidenates subegerit, deinde Sabinos, postea Veientes bis, inde Volscos, Velitris obsessis, ad deditionem, fœdusque compulerit; iterumque Sabinos expugnarit. Quare hic Rex Urbem non solum adiectis Montibus ampliavit, sed agrorum etiam fines; nam Sylva Mæsia Veientibus adempta, usque ad mare imperium protulit: Ostiam etiam coloniam duxit, factis ibi Salinis, è quibus sex millia modia salis in congiario dedit: vicinas sylvas ad usum nauium pariter primus publicauit. (a) Tandem imperij sui anno 24. V. C. 137. è vita decessit, violenta quidem morte ex Plutarcho, qui tradit omnes Numæ successores, vno excepto Tarquinio Superbo, qui in exilio vitam finiuit, violenter obiisse.

Successor Anci Martij fuit L. Tarquinius in Etruria natus, sed è Græcia oriundus. Damaratus enim Corinthius eius Pater tyrannidem fugiens, Tarquinijs Etruriæ Vrbe

con-

(a) *Plin. l. 31. c. 7.*

confederat, vbi duos genuit filios Aruntem, & Lucumonem. Hic diuitijs pollens Romam commigravit, mutatoque nomine L. Tarquinius Priscus è Patria sua vocari voluit: & ob eximias, quibus exornabatur, artes, breui in Patrum se insinuans gratiam, inter Patres ipsos allicitur; tutor insuper liberorum Anci Martij ex testamento instituitur. Mortuo Anco Martio, postquam Regios pupillos venationis prætextu ablegasset; Regnum vltro petijt contra priscum sanè morem, Regnum enim non petebatur, sed augurijs captatis concedebatur. Sed vtut sit, post patheticam recitatam orationem, imperium omnium consensu adipiscitur, quod ei vxor sua Tanaquil augurandi artis perita prædixerat, Aquilam cernens pileum è Tarquinij capite rapientem, reponentemque. Hic, vt imperium ambitiosè petatum firmaret, centum novos Senatores è sua factione creauit. (a) Tres etiam addidit Tribus, seu potius antiquas Tribus numero Ciuium duplicauit, iisdem nominibus ob Religionem reuerentis. (b) Primum cum Latinis bellum gessit, duplicique prælio victor, oppidum eorum Apiolas vi cepit, diuiti præda onustus; à cæde etiam reliquos sub hasta vendidit; pueros, mulieresque in seruitutem redigens. (c) Alia oppida sinè armis in deditio-

D 3

nem

---

(a) Liv. & Hal. (b) Flor. l. 1. c. 5. (c) Val. Max. l. 3. c. 4.

nem coegit. Rebellantes Latinos domuit, pacemque petentibus dedit. Ex deuictorum manubrijs ludos opulentiores celebrauit, pro quibus Circo Maximo locum designauit, aut, vt probabilius infra ostendam, illum exornauit sedilibus: Forum item Romanum porticibus cinxit. Etruscos; quod Latinis auxiliares fuissent, decennali clade afflixit, multasque eorum depopulatus Vrbes, Urbem ditauit: vnde Etrusci pacem poscunt, impetrantque; sed id mirum, nihil ab ijs Regem petiisse præter Principatus insignia; cum quibus triumphum egit, togam nimirum purpuream pictam, tunicam palmatam, coronam auream, sceptrum eburneum, sellam curulem, currum quadriiugum auratum, trabeam, anulos, phaleras, & duodecim, pro Etruscarum Urbium numero, fascis, quorum insignium luxus diu Romæ hæsit. (a) Sabinos etiam, quod cum Etruscis conspirassent, triplici bello vexauit, tandemque in gratiam admisit, agro solum Colatino ijs adempto, quem Nepoti suo Egerio, ob summam egestatem sic appellato, dedit. (b) Multa etiam pacis opera, aut perfecit, aut inchoauit: Urbis enim mœnia è quadratis lapidibus struxit: loca inaquosa cloacis ductis primus siccauit: Iouis Capitolini Templum orditur, perfecturus sanè, ni Sabino fuisset.

(a) *Halic. l. 3.* (b) *Eutrop. l. 1.*



fuiſſet bello turbatus . Inſidijs tandem filiorum Anci Martij, quos ipſe contra omne fas exules amandarat , circumuentus occiditur anno imperij ſui 37. V.C. 174. (a)

Post eum Regni gubernacula ſinè interregno inuaſit Seruius Tullius deſuncti gener, opera focruſ ſuæ Tanaquildis Tarquinij vxoris . Hæc enim Mariti morte ſimulata, Senatui ſuaſit , permetteret Seruio vicaria opera Rempublicam miniſtrare . Quod obtinens Seruius , præſidioque interim firmatus , poſt publicatam Tarquinij mortem, *Iniuſſu populi, Coniuentibus ſolùm Patribus, primus* , vt ait Liuius, *ſinè interregno, Comitij, populi ſuffragio, Senatuſque iuſſu Regnum inuaſit* , quod, viſa in eius capite flammula , prædixerat Tanaquil. Auditis verò , qui ſpargebantur de ſuæ ambitionis iniquitate, rumoribus , agraria largitione populum ſibi callidus Rex conciliauit , à quo plenis votis eligitur, non ſinè Patrum timore, quibus ſuſpectus euasit tam inſolitus in Regem populi fauor. Fuit Seruius ſeruilis, vt nomen indicat, conditionis, è ſeruia etiam ortus ; patrem tamen habuit non ſeruum, contra ac multi credidere, ſed ingenuũ, imò, ex Faſtis Capitolinis, Principem, qui in Corniculi expugnatione obiit . De Seruij Tullij fortuna mira narrat Halicarnaſſeus. Ceuſum primus inſtituit , *Vrbi equidem ſalu-*



*berrimum*, vt ait Liuius; *vt sic ipsa se nosceret Respublica*, vt Florus loquitur, omnem enim Ciuium numerum, & opes in tabulas retulit. Post Censum, lustrationem quater condidit, Urbem pluribus ritibus purgando, de quibus tom. 3. Dissert. de Lustr. Populum iam censum, in classes, centuriasque diuisit pro fortunarum cuiusque ratione. Tribus supra modum quoad numerum auxit, de quibus tom. 2. Dissert. de Iur. Pop. Rom. Non impar in rebus belli micauit: Veientes enim, aliosque Etruscos viginti annorum spatio vnâ cum agris suis pessumdedit, quibus tandem pacem concessit, præter quam Veientibus, Tarquiniensibus, & Cæretanis, qui fuerant defectionis capita, & in Seruij natales oblatrarant. Tandem anno imperij sui 44. V.C. 218. necatur à Lucio Superbo Genero suo, Tarquiniij Prisci filio. Cui immanitati hæc etiam addita, quòd occisor occisum sepultura negarit, metuens nè congregata in funeratione plebs tumultum concitaret: Occisoris item vxor Tullia occisi filia super Patris cadauer carpentum duxit. (a)

Regnum ergo Lucius Tarquinius Superbus iniquè capit. Vtque nutans diadema capiti stabiliret, satellitibus perpetuò stipatus incedebat. Innumeros Ciuium, cum primis nobiles, trucidauit; Senatum minuit, vt præ

pau-

(a) Flor. l. 1. c. 2.

paucitate contemptui foret; Patres consulere neglexit: peregrinos, præsertim Latinos, coluit ad Urbis inuidiam, suique tutelam, connubijs etiam, & fœdere cum ijs inito: Seruij leges aboleuit, præcipuè quæ libertatem munierant: conuentus omnes edicto sustulit, vt conspirationes euitaret: delatores frequentauit, qui murmura ad se deferrent: multos bonis expilauit, inque seruitutem egit: populum ad opera publica impulit, otium rarus conspirationum parentem. Exilia, metalla, & latomias primus excogitauit, primus etiam vincula, & fustes ingenuis admouit. (a) Quare multi Urbem deseruerunt. Inter tot Tarquinij scelera quicquam adhuc boni enituit ad Urbis augmentum conducens. Capitolinum Templum magnificè struxit. Circum Maximum, qui nihil præter gradus habebat, tectis porticibus circumdedit: Cloacas à Patre inchoatas ad tyberim vsque perduxit, alteram Maximam sui nominis relinquens. Quæ insignia opera eorum Ciuium ministerio perfecit, quos in paupertatem redegerat, vili cos salario, modicoque frumento sustentans. Latinas item Feras in monte Albano celebrandas instituit, quò Latini sibi fœderati ad sacrorum participationem conuenirent. Libros Sibyllinos Duumuiris custodiendos tradidit. Volscos prælio superauit

du-

---

(a) Euseb. in Chron.

ductis in eorum agros colonijs . Rebellantes Sabinos ad tributa coegit . Ist hæc tamen quantumuis eximia Urbis ornamenta nusquam tanti habita sunt , vt tyranni elogium è Tarquinij nomine deleuerint . Quare cum tot eius sceleribus immane illud Sæxi Tarquinij filij sui facinus accessisset , qui Lucretiæ Matronæ vi stuprum intulit , statim furens populus in arma ruit . Vt enim acutè notauit Florus , (a) *Tamdiu superbiam Regis populus perpeffus est , donec aberrat libido .* Ergo Collatiæ , vbi commissum fuerat stuprum , arma contra tyrannum capiuntur , Lucio Bruto Tribuno Celerum , Collatinoque Ducibus , quibus ultionem sui moriens Matrona mandauerat , vt ex Floro ad verbum , sicut & multa alia , Iornandes scribit . Post hæc vniuersus populus Comitijshabitis imperium Tarquinio Ardeam tùm obsidenti abdicat , bonaque eius diripit , solo Campo , Martio inde dicto , Marti dicato . Vnde Tarquinius cum tota familia Cærem in Etruria exulat , eius dumtaxat filio Gabios profecto , vbi necatus occubuit . Contigerunt hæc anno C.V. 243. Nono Kal. Iunij . Quæ dies Regifugium , aut Tyrannifugium in Fastis , & Kalendarijs adnotatur ; Libertatis insuper dies appellata est . Quare concludere cum floridissimo Floro lubet , *Superbi illius importuna dominatio nonnihil , imò*  
*vel*

---

(a) loc. cit.

*vel plurimum profuit; sic enim effectum est, ut agi-  
tatus iniurijs populus, cupiditate libertatis incen-  
deretur.*

Sed hîc rei opportunitas poscit, ut quæ carptim hucusque à nobis de Romani agri augmentis dicta sunt, velut in patula scæna, exponantur, ut inde victricis Romæ maiestas clarior effulgeat. Ergo sub septem Regibus 243. annorum spatio usque ad Portum, atque Ostiam, intra 18. milliarium, ut vult Sextus Rufus, (a) Romanum processit imperium: licet Eutropius, (qui, ut in antecessenti vidimus Dissertatione, dimissiùs de R. I. initijs sentijt) quindécim vix miliaria agnouerit. Romulus, ut visum est, Sabinos Ceninenses, Antemnates, & Crustumeros domuit. Numa solam auxit Religionem. Tullus Hostilius Albanos adiunxit. Ancus Martinus Pagos in Latio, Etruria, Veientibus, & Sabinis addidit, inque tyberis ora Ostiam, struxit. Tarquinius Priscus Collatium, & Apiolas: Seruius Veientes, Tarquinienses, & Cæretanos: Tarquinius Superbus Gabios, Volscos, aliosque superaddidit. Quod si breuem dixeris hanc agrorum accessionem, rationem reddit Rufus, *Quòd parua adhuc Roma foret, & à finitimis circum Ciuitatibus equidem antiquioribus, potentioribusque premeretur.* Quare exordia isthæc habenda sunt Roma-

næ

(a) In Breuiar. Hist. Rom. l. 1.

*næ potentia: cuius insigniora incrementa,  
mox apparebunt.*

## SECTIO PRIMA.

*Urbis sub Consulibus, & Imperatoribus  
augmenta vestigantur.*

**E**Xactis Vrbe Regibus, partaque libertate, cuius authorem fuisse Brutum, pileus, qui in Bruti nummis visitur, testatur, statim mutauit Romana politia faciem. *Non enim ampliùs creati Reges; sed Consules capere, vt loquitur Eutropius, pro vno Rege duo hac causa creari, vt si vnus malus esse voluisset, alter eum, habens potestatem similem, coerceret: Et placuit nè imperium longiùs, quàm annum vnum haberent, nè per diuturnitatem potestatis insolentiores redderentur, sed ciuiles semper essent, qui se post annum scirent futuros esse priuatos.* Adhuc tamen innumeras discordiarum clades Respublica passa est, variasque vidit dominationum peripetias, inuectis primùm Tribunis plebis, deinde Decemuiris, Tribunis Consularibus, & Triumuiris, qui Imperium regerent; vnde tot factionum faces: donec tandem, deducta iterùm ad vnum, qui Imperator dictus est, dominatione, fatalem omninò rogam perpeffa sit Romana libertas. *Con-*  
*sules.*

*sules à Bruto , & Publicola vsque ad Pansam , & Hirtium, sicut inquit Rufus, fuere 417. nouem enim annis Romæ Consules defuerunt: sub Decemuiris annis duobus , sub Tribunis militum annis 3. sine Magistratibus annis quatuor Roma fuit . Totum verò hoc tempus vsque ad Imperatores annos complectitur 467. Sed quò extrà oleam pergo? Expectentur quæ dicemus tom. 2. Dissert. de Magistr.*

Interim in viam reducamur, incæptamque semel Romanæ fortunæ scænam repræsentare prosequamur . A singulorum certaminum narratione consultò abstineo , res enim & moræ, & tædij esset plena, contentus prælia ipsa , eorumque Duces indicasse vnà cum Urbis incrementis, quod nostrum est argumentum . Primum ergo post eiectos Reges bellum cum Etruscis susceptum est, qui Tarquinius ad se profugos patrocinandos assumpserant: (a) periculosa equidem alex plenum , occupantibus Ianiculum Etruscis Duce Porsena eorum Rege: qui tandem Romanam fortitudinem miratus , Horatij præsertim Coclitis , Mutij Scenolæ , & Cleliæ Virginis, pacem cum Romanis iniit; sed Tarquinij filium Aruntem Brutus Lucretiæ vindex occidit . Intulerunt postea bellum Romanis Sabini & ipsi Tarquiniorum patroni, quos Romana virtus superauit . Insurrexere Latini:

( a ) *Euryp. cit.*



tinj: sed leui opera de Veijs, Bouillis, & Volscis, Æquisque triumphatum virtute L. Quintij, & Coriolani à Coriolis Volscorum, Vrbe à se capta ità appellati. Alterum successit cum Etruscis bellum, Veientibus item, Faliscis, & Fidenatibus, in quo 306. Fabij apud Cremeram cæsi, vno ex tota familia superstiti, qui propter puerilem ætatem domi manserat. Sed pœnas paulò post luerunt à Cincinnato victi, deinde à Furio Camillo, qui eorum etiam Vrbes cæperunt.

Tot inter triumphos Galli Senones ferum hominum genus ab vltimis terrarum oris inter Alpes, & Padum translati, post omnia vastata, per Italiam vagantes, Romam oppetunt. Occurrit Fabius, sed ad Alliam fluuium cum exercitu funditur; vnde hæc dies Alliensis in Calendario inter atras notatur. Post hæc Galli Urbem occupant, omniaque igne vastant, vna excepta, Capitolina Arce, quam Manlius propugnabat, qui fame laborans mille pondo auri cum hostibus pepegit, vt recederent; recedentes verò Camillus eos insequutus adeò cecidit, vt Romanum incendium Gallici sanguinis inundatione delerit; vnde alter Romulus appellatus est. Alij deinceps Gallos insequuti trucidarunt, Manlius, C. Sulpitius, M. Valerius, & Dolabella, nè quis in ea gente extaret, qui incensam à se Romam gloriaretur.



tur. Accidit hæc prima Urbis inuasio anno 364. In hac Urbis inuasionem præter Romanæ fortitudinis ostentationem duo etiam consideratu digna occurrunt, quæ Romanam virtutem declarant, primò Sacerdotum Religio, qui res omnes sacràs partim in dolijs terræ recondiderunt, partim plaustris impositas secum tulerunt : postremò Senatorum sagacitas, qui hostilem furorem euasuri, in curulibus sellis prætextati sedentes, Deos se, Geniosque simularunt.

E Gallico incendio illustrior, fœnicis more, erumpens Roma, alacriori impetu de hostibus triumphauit. De Volscis, & Æquis, Sutrinisque per Camillum; de Prænestinis per Cincinnatum; de Latinis per Manlium; de Sabinis per Curium Dentatum; de Tuscis per C. Marcium; de Samnitibus per Quintum Fabium Maximum, qui quòd contra Papirij Cursoris Dictatoris iussu pugnasset, eius iussu occiditur. Non multò post vindictæ inhiantes Samnites rupto fœdere Romanos *ingenti dedecore vicerunt*, vt loquitur Eutropius, & *sub iugum miserunt apud Caudinas furcas*, *clauso per insidias intra eum saltum exercitu*. Sed postea pari pœna Samnites à L. Papirio puniti sunt, septem millibus eorum sub iugum missis. Quos bellum repa-  
rantes Fabius Maximus, Publius Cornelius, Rufinus, & M. Curius Dentatus iterùm vi-

ce

cerunt; quod prælium annorum 49. spatio duravit; *Neque ullus hostis fuit intra Italiam*, sunt Eutropij verba, *qui Romanam virtutem magis fatigauerit*. Interiectis aliquot annis Etrusci aceruatim Samnitibus iuncti Romanos laceſſunt, sed à Fabio Maximo superantur.

Insignior Romanæ fortitudinis index fuit bellum Tarentinum. Hi à Romanis laceſſiti, quòd legatis suis iniuriam fecissent, Pyrrhum Epiri Regem auxilio poſcunt. Quo obtento, pugna ad Heracleam initur Leuino Consule, qui Pyrrhum ad fugam coegit, vicissetque, nisi elephanti, quos Pyrrhus secum tulerat, Romanis incogniti, Romanis terro-ri, Pyrrhoque auxilio fuissent. Pyrrhus coniunctis sibi Samnitibus, alijsque, post vastatam Campaniam, vsque ad Prænestem venit. Sed à Minucio, Fabricio, & Dentato pluriès superatus, in Græciam fugiens, ibi occisus est, capto à Romanis Tarento, alijsque Castris. In hoc congressu plura sunt, quæ Romanam virtutem mirè extollunt; primum Pyrrhi effatum, qui ait, *Se totius Orbis Dominum esse potuisse, si tales sibi milites contigissent* : (a) Cynege insuper, qui Roma ad Pyrrhum rediens, à quo legatus missus fuerat, qualem Romam comperiſſet interrogatus, *tales*, respondit, *illic fore omnes, qualis vnus Pyrrhus apud Epirum*.

Expugnato Tarento ingens patuit Romanis

---

(a) Eutrop. cit. ut etiam Lilius.

nis via, qua ad vniuersæ penè Italiæ dominationem progredierentur. Domiti enim, statim Picentes à P. Sempronio, Salentini à M. Atilio, & Vulfinij à Fabio Gurgite. Atque his superatis quievere Romana intra Italiam arma, suumque bellicum furorem in exteros concitauerunt. Post annos ergo 500. vt vult Florus; vel vt sentit Rufus post 467. Romani aut totam Italiam, vt vult idem Florus, (a) possederunt, *vsque trans Padum*, vt Rufus loquitur, aut, quod verius iudico, maiorem eius partem adepti sunt, Auruncos, Fidenates, Tiburtinos, Capuanos, Latinos, Ernecos, Sabinos, Picentes, Volsinenses, Samnites, Tarentinos, Lucanos, Brutios, Etruscos &c. Totam verò Italiam non nisi post annos 611. possederunt, nempe Insubres, Cenomanos, Venetos, Liguriam, Pedemontium &c. Sicut ex Romanis Annalibus colligi potest; post id enim temporis Italia, pulsus omninò Senonibus, ad Rubiconem vsque dilatata est, cum antea Æsi; & Macra fluijs terminaretur. (b)

At non hìc Romanæ fortitudinis metæ. Romulèi siquidem Alcides Italiæ clapsis columnis plus vltra militarem gloriam protulerunt: emensoque siculo freto Siciliam insulam primò inuaserunt, scilicèt à Messanensibus contra Pænorum insolentiam vo-

E

cati:

cati: Pæni enim Messanam, Hyeron Syracusam possidebant: hinc bellum hoc primum Punicum est appellatum. Primo impetu Ap. Claudius de Afris, & Hyerone triumphauit: idipsum alij effecere. *Neque vlla victoria Romanis gratior*, inquit Eutropius, *(a) quod inuicti terra iam etiam mari plurimum possent*. L. Scipio Corsicam, Sardiniamque vastauit. M. Attilius Regulus bellum etiam in Africam transtulit contra Amilcarem Carthaginis Ducem, vbi multis captis Urbibus, vniuersa Africa deuicta fuisset, nisi famæ pro Africa ipsa pugnasset. Reparatis viribus varia committunt certamina Seruilius Cæpio, Metellus, alijque felici Marte. Tandemque post annos 22. cruenti certaminis pax cum Pænis initur Sicilia retenta, quæ Prouinciæ nomen prima est adepta, hoc est procûl, seu extrâ Italiam victa. Post hæc retractis in Italiam armis Gallos Insubres Marcellus expugnat, capto etiam Mediolano. Idem de Liguribus factum est, & Liburnis Istris, & Illyricis Fuluius Centumalo Duce.

Sed quid hæc, si cum secundo bello Punico comparentur, in quo totius penè Africæ vires, Hannibale Duce, Urbis exterminium minabantur? Causa belli fuit summa fœderum erga sociam Urbem Religio, qua clarissimi semper Romani extiterunt: vexantibus

bus enim Saguntum in Hispania Pænis, P. Scipio illuc mittitur, bellumque Pænis indicitur. Magno stipatus exercitu in Italiam adueniens Hannibal Scipionem, Gracchum, & Flaminius superat ad Ticinum, Trebiam, & Trasimenum, superandis & ipse à Fabij Maximi patientia, qui nouum pugnandi genus inuexit, abstinendo à pugna, (a) hinc Cunctator dictus, nisi Varronis impatientia Hannibalem ad pugnam prouocasset apud Cannas in Apulia; ubi tanto Romanorum sanguine telus illa erubuit, ut tres annulorum modii à Romanorum militum sublatis digitis Carthaginem missi sint. Illud verò de Romanis insigne est, quod cum Hannibal Captiuorum redemptionem obtulisset, reposuere illi eos *Ciues necessarios non esse, qui cum armati essent capi potuissent*; (b) Omnia interim depopulatur Hannibal, & Romæ appropriat, quam certè expugnasset, si (ut de illo Maharbales protulit) *uti victoria sciuisset*. Siquidem Capuanis fractus delicijs, ita elanguit, ut in ultimum Italiæ finem se recipere coactus sit. Eodem tempore Scipiones in Hispania contra Hasdrubalem Hannibalis fratrem pugnant, in Sardinia Manlius, in Macedonia Leuius, in Sicilia Marcellus, omnes feliciter. Occisis in Hispania Scipionibus, alter Scipio mittitur, qui Carthaginem Hispania

E 2

ca-

(a) Eutrop. l. 3. (b) Eutrop. cit.

capit, & Hasdrubalem fugat, Vrbes in super  
70. deditione accipit. Vocatur in Italiam,  
Hasdrubal: sed apud Senam ab Ap. Nerone,  
& Liuiio Salinatore occiditur: vnde Hannibal  
animo concidens, & ab Italis neglectus  
Italiam cogitat deferere, Carthaginem auo-  
catus, vbi Scipio Hannone, & Syphace supe-  
ratis, multisque vastatis Oppidis, Carthaginis  
excidium portendit, portis penè insidens. In  
Africam regressus Hannibal à Scipione vi-  
ctus, & penè captus pacem poscit, impetrat-  
que, duris tamen conditionibus: vnde Scipio  
Romam rediens triumphat, & ob deuictam  
Africam Africanus appellatur: omniaq; pristi-  
na in Italiam iura ad Romanos redeunt post  
annos 17. quot Punicum bellum durauerat.

Transacto Punico bello successit Macedo-  
nicum contra Philippum, quem Leuius,  
postea Flaminius debellauit. Paulò post Re-  
gem Antiochum, & vnà cum eo Syriam Sci-  
pio Africani frater vicit; vnde Asiatici no-  
men sumpsit. De Ætolis Fuluius, de Istris  
Claudius Pulcher triumphauit. Gallogræ-  
cos debellauit Manlius, cui Senatus trium-  
phum denegauit, quòd belli causam non ap-  
probasset. Macedones secundò L. Æmilius  
Paulus vincit, sicut Illyricos Anicius. Ma-  
cedones tertio sub Andrisco, qui & Pseudo-  
philippus dictus est, vnà cum 70. eorum Vr-  
bibus à Prætore Metello profligantur.

Sed )



Sed ecce bellum Punicum tertium, quo tandem Carthago deleta est: licet Scipio Nafica contra Catonis placitum sentiret delendam non esse, ne metu ablato æmulæ Urbis luxuriari inciperent Romani, quod & accidit. Carthaginis excisæ alter Scipio author fuit: totam scilicet Scipionibus Africam asseruantibus Fatis. Diruta Carthagine, par nobilitate Vrbs corruit Corinthus, quam Mummius deleuit. Post hæc Hispaniæ primò à Scipionibus agitata, à Catone deinde, Gracchis, Metello, & Lucullo 150. Urbium capitione restrictæ, à Decimo Bruto penitus delentur: sub Viriatho autem rebellantes, à Claudio Vnmano Cépione, & Fabio prosternuntur. Numantini contra Pompeium, & Mancinum victores, à Scipione Carthaginensi fame capiuntur.

Hæc ad Occasum. Summa in Oriente pax: Attalus enim Asiæ Rex hæredem populum Romanum instituerat. Sed cum Aristonicus Romanos iuribus fraudasset, à Perpenna, & M. Aquilio Asiatico debellatur. Mox ad meridiem arma. Numidiam enim contra Iugurtham capit Calphurnius Bestia, deinde Albinus, & Metellus, postremò Marius & Sylla, à quo & triumphus agitur. Ad Septentrionem Allobroges à Domitio Ænobarbo, & Fabio Maximo victi. Cymbri, Teutones, & Tigurini gens dura ab ex-



tremis Galliæ profugi ; quorum impetum Silanius Manlius , & Cæpio sustinere non valent , à Mario miris artibus eluduntur : primum enim panis usu , vini , & carnis coctæ dulcedine mitigati , deinde ad certamen provocantur ; diem etiam eligit Marius nebulosam , atque ventosam , ut pulvis eorum oculos lædens , & galearum splendor obfuscans , Romanis armis victoriam præpararet . Feros Thraces Dalmatiam , & Thessaliam , Adriaticumque mare , singulaque vastantes , Didius intra eorum repulit Thraciam , Drusus ulterrius egit , & Minucius vastavit . Piso Rhodopen , Cautasumque penetrauit . Curio Daciam , Appius Sarmatas : sed à lucorum tenebris territi ultra progredi destiterunt .

At verò inter illustriora Romanorum facinora non medium sibi vendicat locum Mitridaticum bellum , quo penè Asia tota capta est . Mitridates Rex Ponti capta Bythinia , quæ Romanis parebat , edictum edidit , ut quotquot Romani in Asia forent , trucidarentur . Quam immanitatem vindicaturus occurrit L. Sylla , & adeò fortiter Regem adegit , ut ad fœdus perendum Ponticos compulerit : quod obtinuerunt , restituta tamen Bythinia , aliisque : Accedit postea Lucullus per medias hostium naues utre suspensus , & pedibus iter gubernans ; & post varia certamina hostes terga vertentes insequitur .

Sed

Sed callidus Mitridates spargi pecunias iubet, ut insequentes Romanos morarentur. Aduenit inter hæc Magnus ille Pompeius, qui ponte è nauibus constructo Euphratē primus transit, Regemque profugum in Armeniam usque insequitur, & Ponticos inter noctis umbras trucidat. In Oriente Armenios, in Septentrione Colcos cædit: Hierosolymam victor ingreditur, & Regnum Hircano concedit victo catenis Aristobulo. Totam denique Asiam, exceptis Parthis, qui fœdus maluerunt, & Indis, qui adhuc incompti, Romanam fecit. Terminatis vix Asiæ rebus ecce Ciliciæ Pyratæ maria inuadunt: sed à P. Seruilio primùm, deinde à Pompeio extinguuntur, singulaq; maris ostia nauibus quasi portis obserantur. Cretam infelici successu inuadit M. Antonius; sed Metellus postea expugnat. Balearicas insulas Pyratarum fertilissimas alter Metellus fudit; triplices enim fundæ, quibus insulani illi mirè præliari solebant, Romanis pilis palmas concesserunt. Portius Cato Cyprios capit, quorum opibus Roma ditata.

Ast hic egregijs Cæsaris gestis scæna impletur. Asia enim à Pompeio subacta, reliquum Europæ Cæsari Fata asseruarant. Vicit hic primò Heluetios, deinde Belgas, & Venetos: postea Gallos, & Germanos fudit: Ponte enim ultra Mosam è nauibus confi-

ætò Rhenum transgreditur, hostemque in Hercynijs syluis latitantem trucidat: post domitam, nouem annorum spatio, Galliam vniuersam, quæ inter Alpes, Rhodanum, Rhenum, Oceanumque, Britannos etiam, quibus nè nomen quidem Romanum cognitum erat, sicut ait Eutropius, impetit, & stipendiarios facit; vicissetque omninò, nisi cum Oceani procellis pugnandum ei fuisset.

Rediens in Italiam Cæsar secundum Consulatum armatus petit, cumque contradictus ei fuisset à Marcello, Pompeio, & Catone, iussusque esset, vt dimisso exercitu in Urbem rediret, ille ira furens ab Arimino, vbi milites habebat, aduersùm Patriam cum exercitu venit; vnde Pompeius, Senatusque, & Nobilitas in Græciam fugit, & Pompeio Duce bellum in Cæsarem parat. Cæsar vacuum Urbem ingressus se Dictatorem facit. Mox in Hispanias pergens Pompeium superat, inde in Græciam transiens, ab eodem superatur. Postea in Pharsalia Thessaliæ Pompeium toto penè Oriente stipatum fundit, atque fugere Alexandriam cogit, vbi à Rege Ægypti, cui tutor à Senatu datus fuerat, occiditur, cuius caput ad Cæsarem missum, eum ad lachrymas compulit. Hic post multa alia bellica patrata facinora Romam regressus, tertiò se Consulem facit. Mox in Africam profectus, Pompei Gene-

rum interficit. Romam iterum rediens, quartò se Consulem facit. Inde in Hispanias migrans egregiè primùm pugnat cum Pompei filiis, mox apud Mundam Ciuitatem vincitur, tandemque reparatis viribus Pompei filium maiorem occidit, minore in fugam conuerso. Post hæc Romam veniens, libertatem occupat, Imperij fascibus à Marco Antonio in Rostris ei collatis, vnde Dictatoris perpetui titulum sumit. Sed coniuuantibus in eum 60. Senatoribus, ductu duorum Brutorum C. Cassij, & Seruiliij Cascæ, in Curia vulneribus 23. confoditur. Duo verò hic consideratione digna sunt, primùm, hos Brutos è progenie eius fuisse, qui Reges eiecerat, quasi fatale foret Romanæ libertati, vt nonnisi à Brutis captanda esset. Alterum, quod Cæsar contra omne fas in Curiam, ceu insulata victima ierit, cum ea dies nefasta foret.

Trucidato Cæsare, vnà cum libertate, quies in Rempublicam inuecta credebatur. Sed res aliter accidit: implacabiles enim inde ortæ discordiæ, & ciuilia bella, Octauiano à Cæsare adoptato Cæsaris neci vindicandæ inhiante, Antonioque Cæsaris hæreditatem præ Octauiano affectante. Hinc bellum Octauiani cum Antonio, Cassio, & Bruto. Quæ tamen omitto, cum extrà nostrum sint institutum, sicut etiam certamina inter Marium, & Syl.

& Syllam, Sertorianum, Lepidî, Catilinæ coniurationem, seditiones Gracchorum, Apulei, Drusi, aliasque, quæ in Vrbe minimè nouę fuerunt, ab inuectis enim vsque Consulibus incaperunt plebeios inter, & nobiles, tum ob creditorum insolentiam, qui plebem, quæ soluendo non erat, acriter cædebant, tum ob matrimonia plebeis cum nobilibus denegata, tum ob agrorum diuisiones, tum præsertim ob tribunorum plebis importunitatem Senatui se opponentium, de quibus tom. 2. Cap. de Magistr.

Tot inter mala id dumtaxat Urbis vtilitati eluxit, quod Imperij tandem summa ad Octavianum Cæsarem deuoluta sit. Postea enim quam Triumuiratus inuectus fuit Octavianum inter, M. Antonium, & M. Lepidum, qui in agro Bononiensi conuenerant, ut imperium sibi distribuerent, anno V. C. 710. Octavianus socijs bello superatis imperij clauum solus assumpsit, & Augustus dictus est. Hic præter bonas artes propagatas, ædificia decorata, iactari inde solitus, *Sc Urbem lateritiam reperisse, reliquisse verò marmoream*: (a) Imperij etiam fines dilatauit. Ægyptum enim in Prouinciam redegit, Cantabros, Aquitanos, Rhætos, Vindelicos, Dalmathas prouinciales fecit: Sueuos, Cattoſque deleuit: Pannonios stipendiarios fecit: Si-

---

(a) Sex. Aurel. Vict. de Cæsaribus.

Sicambros in Galliam transtulit: Getas, Basternasque ad pacem compulit: eidem Persæ obsides obtulerunt, creandique Regis arbitrium: Scithes, Garamanthes, Æthiopes legatos cum donis miserunt: trans Rhenum, tandem per eum arma propagata. Vnde Augusti felicitas adagio locum dedit. Atque hinc multi opinati sunt maximam imperii dilatationem sub Augusto fuisse, id quod paulò post falsum esse ostendemus, demonstrantes sub Traiano summum fuisse imperii culmen. Fines enim imperii sub Augusto fuere ab Oriente Euphrates, ab Austro Nili cataractes, Africa deserta, & Atlas mons; ab Occidente Oceanus, à Septentrione Danubius cum Rheno. (a)

Augustus in libello, quem de rebus imperii scripserat, monitum successoribus reliquit, ut imperii fines restringerent potius, quam dilatarent: qua de re meritò dubitat Tacitus, an ex invidia, vel sano consilio protulerit. Vtut sit, auditus non fuit à successoribus suis Augustus: hi enim propagando imperio operam nauarunt. Tiberius enim Cappadociam in Prouinciã redegit, Getulos repressit, Armeniam à Parthis, Mesiam à Dacis, Pannoniam à Sarmatis, Galliam à finitimis eripuit. (b) Nihil adiecit Caligula.

Sed

(a) *Lips. de magnis. Rom. & Orich. in theatr. Geogr.*

(b) *Victor, & Eutrop. cit.*

Sed Claudius Tiberius Mauros Prouinciales fecit : Domitius Nero Pontum , & Alpes Cottias . Galba, Otho, & Vitellius ventrem solum auxerunt . Vespasianus præter ædificia, & templa splendide extructa, Parthos ad pacem coegit , Palæstinam, Ciliciam, Comagenem Prouincias fecit , & Iudæos quoque addidit . Domitianus de Dacis , Cattis , & Sarmatis triumphauit. Nerua nihil imperio superaddidit, quasi locum cessurus Traiano .

Traianus namque præ omnibus imperium auxit : Addidit enim ab Oriente Arabiam , Armeniam, Mesopotamiam, Assyriam, Persidem vsque ad Indiæ fines : à Septentrione Daciam , quæ complectitur Transiluaniam , Vallachiam , & Moldauiam : vnde benè inquit Eutropius , *(a) cum Romani Imperij , quod post Augustum defensum magis fuerat , quàm notabiliter ampliatum , fines longè , latèque diffudisse : ab Oriente enim , elapso Euphrate, Tigrim attigit : à Septentrione, relicto Danubio , ad Istrum peruenit . In Asia ergo post Traianum tenuere Romani Colchidem, Iberiam , Albaniam , Pontum , Bosphorum , Cappadociam , Galatiam , Bythiniam, Armeniam, Syriam , Arabiam , Palæstinam, Ciliciam, Pamphyliam , Lydiam , & Minorem Asiam . In Africa Ægyptum , Cyrenaicam, Marmaricam, Getuliam , Numi-*

*(a) lib. 8.*




midiam, Mauritaniam, & Africam propriè dictam. In Europa Italiam, Hispanias, Gallias, Rethiam, Moricum, Germaniam, Illyricum, Macedoniam, Epirum, Græciam, Thraciam, Mesiam, Pannoniam, Daciam. Reges fœderati fũere multi; sicut etiam tributarij. Atque tam vastum Mundi spatium spatio nouem dumtaxat sæculorum vix completorum adepti sunt. Ideoque veriùs de Traiani, quàm de Augusti tempore dicere potuissent Halicarnasseus, Petronius, & Ammianus, vniuersum Orbem Romanis paruifse; vnde Ouidius (a) cecinit: *Gentibus est alijs tellus data limite certo, Romana spatium, est Urbis, & Orbis idem*. Id quod cum aliqua exceptione capiendum est: multa enim loca Romana arma non sentierunt, ea contemnentibus potiùs alto consilio Romanis. Quod si tanti incrementi causam quæras, dabit Ammianus, quia virtus, inquit, conuenit, atque fortuna plerumque dissidentes, quarum si altera defuisset, ad perfectam non venerat summitatem. Clariùs verò Sulpicia (b) ita canens, *Duo sunt, quibus extulit ingens Roma caput, virtus belli, & sapientia pacis*.

Administrabatur Occidentis Imperium à duobus Præfectis Prætorio, quorum vnus dicebatur Italiæ, alter Galliarum. Singuli tres habebant Diçceses, & suos insuper Vicarios.

---

(a) In Fast. (b) In carm. Satyr.

rios. Sub Præfecto Italiæ erant Diçceses tres, Italiæ, Illyrici, & Africæ: Vicarij 4. Prouinciæ 29. Sub Præfecto Galliarum Diçceses 3. Vicarij 3. Prouinciæ 29. Orientis Imperium à duobus etiam Præfectis regebatur, Orientis, & Illyrici. Sub primo Diçceses 5. Asiæ, Ponti, Orientis, Ægypti, & Thraciæ: Prouinciæ 49. Sub secundo Diçceses duæ, Asiæ, & Macedoniæ: Prouinciæ verò 11. Hæc fuit diuifio sub Theodosio. Alia fuerat sub Augusto, qui Prouincias pacatas, præfidijsque non indigentes, in 12. distribuit Diçceses, duas Proconsulares, decem Prætorias, vtrasque à Populo Romano regendas. Prouincias verò, quæ Præfidijs indigebant, in 14. Diçceses diuifit, & Cæsaris Prouincias appellauit: quarum Legatos, & Procuratores, Proprætoria quidem dignitate fulgentes, Rectores nuncupari iussit, qui exercitibus præfessent, à quibus excubiæ in limitibus agerentur, quas Germani vocant Marchas, eorumque Præfectos Marchiones, vnde Marchionum titulus. De Legionibus præfidiarijs dicemus tom. 3. *Dissert. de re Militari.*



## SECTIO VLTIMA.

*De Romani Imperij Casu.*

**R**omana celsitudo postquam ad culmen sub Traiano detenerat, mole sua, ut ait Livi<sup>us</sup>, fatiscens, urgere ad Occasum cepit. Fateor etiam post Traianum nonnullos Imperatores Imperium protulisse, ut fecit Verus, Antoninus, Pertinax, Probus, Aurelianus, Constantius, Constantinus &c. (a) Attamen quoniam sub aliorum dominatu multæ ob segnitiam Prouinciæ amissæ sunt, hinc fateri iuremerito possumus post Traianum sensim, & sinè sensu Imperium occidisse. Nè tædio sim, nolo, quas passa est Roma, iacturas singulatim narrare. Satis sit cum Eutropio (b) adnotare, *Adrianum Traiani gloriæ inuidentem Prouincias, quas Traianus ad- diderat in Oriente reliquisse, idemque facere conat- um de Dacia ab amicis fuisse deterritum. Sub Li- cinio Germani Rauennam vsque peruenierunt. Sub Gallieno Dacia amissa est, Græcia, Macedonia, Pontus; Asia vastata per Gothos, Pannonia à Sar- matis; Quadisque populata; Germani vsque ad Hispanias penetrarunt: Parthi Mesopotamia oc- cupata Syriam ceperunt. Post quæ idem Au-  
thor*

---

(a) Eutrop. *Vitæ. & Patet.* (b) *lib.8.*

thor concludit ; Ita ut iam desperatis rebus , & deleto penè Imper. Rom. consumptas Prouincias Posthumius reparauerit .

Sed verò lenior hucusque inconstantis fortunæ lusus . Fatalem tragici Theatri scænam aperuit quintum à Partu Virginis sæculum : in qua Romani excidij fabula agi cœpta est : cuius prologum repræsentauit Alaricus Gothorum Rex . Hic enim anno Domini 409. imperante Honorio , & Theodosio Urbem obsidione cingit, Styliconis vindicaturus necem, veriùs regnandi cupidine . (a) Romani, vt se obsidione absoluerent, 5000. auri libras, argenti 3000. Alarico persoluerunt, qui ab Vrbe statim discessit . Sed ecce secundo Urbem obsidet , ex impulsu quodam , vt ipsemet fassus est, Numinis ad Urbis excidium eum impellentis , (b) Magna inter hæc fames , impedita per Alaricum frumenti ex Africa transuectione, vt matres filiorum carnibus satiari coactæ sint : quare in Circensibus ludis ad nouum Imperatorem plebs clamauit , vt pretium imponeret Carni humanæ . Tandem anno Domini 410. V.C. 1162. Urbem proditione cepit inter noctis tenebras . Honorius verò Rauennæ degens , audito nuncio , qui perditam Romam clamabat , de gallo quodam gallinaceo Roma nomine, quem summè charum habebat, id intellexit .

---

(a) Zosim. l. 5. (b) Zosim. & Socr. Annal.

lexit. (a) Inter tot Alarici feras depopulationes id vnum commendandum, quòd per præconem edixerit, quotquot ad Basilicam D. Petri confugerent, vnà cum suis bonis immunitate gauisuros. (b) Quare cum Barbari à quadam moniali sacram suppellectilem extorquerent, reponente illa eam esse D. Petri, relicta fuit; quo scito Alaricus iussit omnia ad Apostoli Templum reduci magna cum pompa, Hymnisque à virgine vnà cum Barbaris per viam decantatis. (c) Post hæc die tertio Alaricus præda onustus, Vrbe illibata relicta, lætus discedit, reliquam Italiam vastaturus. Sed anno sequenti apud Consentiam repentino morbo opprimitur. Post quem Ataulphus vxoris suæ frater Romam aggredi intentat, eamque Gothiam appellare: sed Barcinone interimitur.

Anno tamen 465. Gensericus Vuandalorum Rex Arianus ab Eudoxia Augusta accersitus, Romam capit, & diripit, tribus dumtaxat Basilicis parcens, Lateranensi, Vaticanæ, & Sancti Pauli, à S. Leone ità è cælis admonitus. Post dies 14. Vrbe excedit, præda, & captiuis diues, inter quas Eudoxia cum filiabus.

Annus 475. Romano Imperio finem imposuit. Imperante enim Momyllo, (quem

F

per

(a) Ex comput. Varr. (b) Hieron. epist. 16. (c) Casus  
fiod. variar. l. 12. c. 20.

per contemptum Augustulum appellabant) ij, qui præcedētis Imperatoris, cui Nepoti nomen, partes sectabantur, Odoacrem Herulorum Regem Romam aduocarunt, imperij fascibus eidem concessis, Augustulo in Lucullanum Castellum propè Neapolim relegato. Sicque Occidentale Imperium ab Augusto coeptum, desijt in Augustulo, 12. ab V. C. sæculo; iuxta magni Varronis vaticinium, de quo Dissert. præc: sicut Imperium Orientis à Constantino inchoatum desijt in Constantinulo. Mirè tamen enituit Odoacris modestia, qui tùm à nomine, tùm ab imperialibus indumentis abstinuit, & res sacras summè excoluit. Cùm verò R. Pont. electionem sibi vsurpare tentasset, à Theodorico Gothorum Rege impetitur, tandemque, post pacem initam, ab eodem inter epulas proditoriè occiditur:

Theodoricus ergò, postquam Orientale Imperium frustra affectasset, Romā inuadit anno 493. Regnum tamen optimè administrat, cui Cassiodorus à secretis fuit. Catholicos, quamuis ipse Arianus, honoribus cumulat: Ministrum sibi charum, qui ex adulatione è Catholica Fide in Arianismum transierat, capite obtruncat, *Si, inquit, infidelis fuisti Deo, quantò magis eris Principi?* Postea verò mutato animo Ioannem Papam dirè vexat, Symmachum, & Boetium iugulat. At  
non

non multò post, inter cœnandũ, ingentis piscis caput à Ministro appositum cernens, caput Symmachi minantis sibi aspicere visus, animam efflauit. Sufficitur ei Theodotus anno 534. Cui per ignauiam à suis interempto substituitur Vitiges è Dalmathia vocatus. Sed hic anno 537. à Bellisario Iustiniani Imperatoris Duce pellitur, Urbis clauibus Constantinopolim missis. Reparat interim Bellisarius Urbis mœnia. Redit anno sequenti Vitiges: sed post varia certamina Bellisarii virtus enituit. Id non prætereundum, quòd tenentibus Suburbia Urbis Gothis nullum, passæ sint Basilicæ Apostolorum detrimentum.

Sed ecce anno 547. ex proditione Isauorum post diram famem, cui sedandæ sterco-  
ra adhibita, capitur iterum à Totila Gothorum Rege Urbs. At eodem anno à Bellisario expellitur, qui Vrbe munita regressum, Gothum denuò repulit. Anno verò 550. secundo Urbem obtinet Totila; sed post tres annos Narses à Iustiniano missus illum cum suo exercitu trucidauit; & paulò post Theiam etiam Gothum in Regem electum. Atque id non sinè B. V. ope, à qua Narses de opportuno certaminis tempore admonitus fuerat. Mansit tamen diù intra suas ruinas Roma tumulata, de quibus audiendæ sunt D. Gregorij Papæ querelæ, vt in Diss. sequ.



Post tot clades frui cœpit pace, seu potius pacis umbra Urbs. Quantumvis enim Longobardi anno 570. & iterum 577. Romam inuaserint, eam tamen non expugnauere, licet præsidij foret destituta, Apostolis scilicet Petro, & Paulo eam tuentibus.

Anno tamen Domini 755. Aistulphus Longobardorum Rex sedifragus, & periurus, contra initas cum Pipino Francorum Rege, conuentiones de Vrbe non molestanda, restituendisque ablatis, post deuastatas Romanæ ditionis Ciuitates, Romam obsidione cingit, Sacra profanans, Imagines vrens, Eucharistiam spernens, Sanctimoniales contaminans, omnia demum susdeque agens. Compellat Stephanus Papa Pipinum, qui cum exercitu in Italiam veniens Aistulphum Papiæ obsedit, nec veniam ei umquam tribuit, quousque Rauennæ Exarchatum, aliaque R. Pont. restituisset. Quibus à Pipino peractis, obiit absque successore Aistulphus in venatione percussus. Post eum Desiderius ex R. P. Stephani munificentia Longobardiæ Regnum obtinet. Sed ingratus Princeps Romam veniens Stephanum malè habet, Clericos necat, Urbemque cepisset, nisi Hadrianus Papa anathematum ictibus eum retardasset. Recusans Desiderius ablata reddere, bello oppetitur à Carolo Magno, à quo victus in Gallias ducitur. Post hæc Romam

nam adueniens Carolus anno 800. in Templo D. Petri à Leone Tertio Papa Imperialem coronam recipit acclamantibus omnibus: *Carolo, Augusto, Magno, Pacifico, Imperatori Romanorum &c.* Atque ità Romanum Imperium, quod etiam post Augustuli casum, inuectumque per Odoacrem Italiæ Regnum, in Oriente perseuerabat, in Occidentem translatum fuit. Succedentibus sæculis alias clades Vrbs passa est, quas missas facio, cum ad Ecclesiast. historiam potiùs spectent.

Vnum dumtaxat curiosè adnoto, præcipua Urbis excidia in quadam ferrea Romæ Porta prædicta, excisæque fuisse his literis: *PPP. SSS. RRR. FFF.* quas Beda Romæ contemplan, cum à quodam iuvene ità se illud audiret, *quid aspicias Angliæ bos?* ità respondit, *confusionem vestram aspicio*, literasque statim sic declarauit: *Pater Patriæ perditus est; sapientia secum sublata est; ruet Regnum Romæ; ferro, flamma, fame.* Vnde Venerabilis nomen ei inditum. (a)

### Syllabus Authorem.

**D**E hoc argumento nemo ex professo scripsit. Lipsius enim de magnitudine Romanorum multa tradidit, sed alio scopo.

F 3

Bu-

(a) *Iul. Caius de antiq. Cantab. Acad. Rudolph. Reming. de Gest. Reg. Angl. Henr. Spelm. Gloss. Archæol.*

Bulengerus, & Pancirolus de Rom. Imper. pertractantes, nonnisi Imperij officia ipsi explicauere. Sparsim de Vrbis incrementis multa exarata sunt à quotquot Romanam historiam scriptis consignauerunt; ex quibus impigrè peruolutis præsens enchiridium concinnauius. Romanorum præsertim certamina, & victorias floridè quidem Florus, vtinam pari cum legentium fructu: siccus enim vbique est, inque suis floribus meliora quandoque latent: quem tamen ex Rufo, Eutropio, Victore, & alijs supplendum, illustrandumque, & non semel etiam emendandum curauit: vt ità Romanorum sub Regibus, libera Republica, & sub Cæsaribus incrementa, & ruinas postremò ipsas, vnico oculi obtutu, eademque velut in Orchestra repræsentatas, integrum sit vnicuique conspiciere; quod nullus hucusque præstiterat.



## DISSERTATIO III.

*De Urbis Romæ Topographia.*

OST vestigatam, ea, quæ potuimus, solertia, Urbis originem, incrementa, & casum, accurata eiusdem Topographica descriptio exaranda nunc est. Quæ in re ipsosmet profectò Geographos imitabor; ut enim hi breuibus quibusdam lineis peramplas vrbes designant, ita & ego paucis verbis multos Romæ situs, varios mæniorum gyros, portas, montes, fontes, & si quæ sunt alia ad puram Topographiam spectantia complectar; ædificia enim, tum sacra, tum profana particularibus Dissertationibus describam. Videbitur cuiquam in argumento hoc, quo versamur, non multum noui posse in medium afferri, quòd operam hanc tot Scriptores fæliciter nauarint, Donatus imprimis, & Nardinus, à quibus pleraque etiam, quæ mihi inter meditandum obuenerant, præoccupata animaduerto. At verò non ita esse, Dissertationis ipse processus demonstrabit: multa enim superaddere nobis licuit: Nardinum quinimò, & Donatum sæpiùs carpere; & quæ ab ipsis tradita sunt,

meliori fortassis ordine concinnare: ut enim Plinius aiebat, de magnis numquam satis.

Diximus iam Dissert. prima Urbem Romam à Romulo super Palatino Monte, ubi nunc Farnesiani vernant Horti, aut funditus extructam, aut supra antiqua rudera excitatam, non sinè varijs ritibus ibidem ex Plutarcho (a) explicatis. Quadratam habuisse figuram præter Halicarnassicum, aliosque, situs ipse Palatini Montis demonstrat. Unde erravit Plutarchus, (b) & cum eo Pater Donatus, (c) cum circularem figuram Urbis attribuit. Decipitur Donatus ab ipso Urbis vocabulo, quod ab Orbe derivatum existimat; cum ab urbo satis commodè duci possit, aratri curvaturam significante, quo Urbium circuitus designabantur.

Meniorum Urbis gyrum, eorumque designationis initium nemo expressius, breviusque delineavit, quàm Tacitus (d) his verbis: *Igitur à Foro Boario, ubi æneum Tauri simulacrum aspicimus, quia id genus animalium aratro subditur, sulcus designandi oppidi ceptus, ut magnam Herculis Aram completeretur, inde, certis spatijs interiectis, lapides per ima Montis Palatini ad aram Consis, tunc ad Curias veteres, tum ad sacellum Larium, Forumque Romanum. Hæc Tacitus.* Quod si antiqua nomina cum recentibus

---

(a) l. 1. (b) In Romulo. (c) l. 1. c. 2. sue Romæ.  
(d) Annal. 12.

bus concordentur, res confecta omninò erit. Forum Boarium propè Templum Sanctæ Anastasiæ situm fuisse infra dicam. Hinc igitur primus designandæ Urbis sulcus inchoatus est. Plutarchus Comitium præfert, quem cum Tacito frigide nititur concordare Nardinus; (a) at frustra, cum Chæronensis iste in re Romana non semel hallucinatus sit. Herculis Ara non longè à Templo Sanctæ Anastasiæ ad radices Palatini sita erat. Inde ergo excurrerant mænia ad Aram usque Consi, quæ propè primam Circi Maximi, nunc dicitur Cerchi, metam locabatur. (b) Atque hinc rursus Curias veteres permeabant, quas in eo Palatini angulo, qui Templo D. Gregorij opponitur, extitisse, melior Antiquariorum pars sensit. A Curijs ad Sacellum, Larium exporrigebantur, quod, ubi nunc arcus Titi, locatum fuisse, ex Solino colligitur. (c) Tandem verò ad Forum Romanum pertingebant inter Palatini, & Capitolini Montium crepidines, ibique desinebant ad Sanctæ Anastasiæ Templum, vnde incepisse dictum est. Nardinus paulò diuersum imponit mænijs finem, inter S. M. Liberatricis, & S. Laurentij in Miranda Ecclesias, ubi cum Plutarcho mæniorum initia locauerat: sed ipse viderit.

Hic fuit primus quadratæ Urbis situs.

Au-

(a) l. 1. c. 2. *sua Roma*. (b) *Tert. de spect.* (c) c. 2.

Aucto autem Ciuium numero , post Sabino-  
rum præsertim cum Romanis societatem ,  
de qua Dissert. prima , laxiori equidem am-  
bitu Roma indiguit . Hinc adiectus ei Ca-  
pitolinus Mons , quem additum opinatur  
Marlianus (a) à Romulo antequam cum Sa-  
binis foedus iniisset . At fallitur , tùm quia  
ante eam vnionem tanta amplitudine opus  
minimè erat : tùm etiam quia post occupa-  
tum à Sabinis Capitolium , seruata adhuc  
Vrbem dixit apud Liuium Romulus in sup-  
plici , quod ad Iouem fudit voto : Capitoli-  
nus ergo tùm extrà Vrbem erat : aliter eo à  
Sabinis occupato , seruata Vrbem falsò ia-  
ctasset Romulus . Nec instet Marlianus à  
Liuiio , ante Sabinum bellum , Capitolinum  
Romæ Arcem appellari . Quid enim hinc ?  
Arx Urbis erat , at extrà Romam , & veluti  
Romæ antemurale . Stet ergo post Sabinum  
foedus additum Capitolinum .

Gyrus verò huius auctæ Urbis fuit à latere  
Capitolij tyberim versus supra Forum illud ,  
quod Montanarium dicunt , itaut murus  
Circum Maximum complecteretur , è quo  
ad Constantini Arcem , & Colossæum : inde  
verò per viam , quam appellant *de' Pantani* ,  
ad locum , qui dicitur *Maccl de' Corni* ; à quo  
tandem mænia ad alterum Capitolij extre-  
mum peruenirent . Ità Antiquarij penè om-  
nes ,

---

(a) l. I. c. 2. *stus Romæ* .




nes, vno excepto Nardino, cui tanta accessio minimè arridet, tùm quòd necessaria ijs temporibus non foret: tùm quia ità Vrbs iterùm quadrata extitisset contra Halicarnasum, qui, cum ait, *Vestæ Templum extrà Romam quadratam Romuli fuisse*, declarare videtur semel tantùm in Palatino Monte Urbem quadrata figura fuisse descriptam: tùm tandem quia ante Tarquinium Priscum Circi Maximi loca à tyberi inundabantur, hinc Velabri nomine tota ea Regio appellabatur, vt ex titulo S. Georgij in Velabro liquet, cò quòd per ea loca inaquosa velis, & nauibus vehi solerent; non ergo hinc mænia Urbis excurrere poterant. Quare magis pressè, ni dicam auarè, auctæ Urbis situm definiens Nardinus ait, à Capitolio super Velabri ripas mænia excurrissè, & non procùl à Templo S. Theodori cum veteribus ex vna parte coiuissè, ex altera verò propè S. Martinæ Ecclesiam exporrecta, ad priscos Palatinæ Urbis muros terminassè. Qua in re sicut Nardini subtilitatem commendo, ità eius auaritiam non probo. Media ergo stet via, & ex vna, parte, quæ tyberim respicit, Urbis gyrus cum Nardino restringatur, Velabri equidem palude eam amplitudinem vetante: ex altera verò cum reliquis Antiquarijs mænia, prout descripsimus, amplientur. Neque verò inutilis, sicut ait Nardinus, ea laxitas fuisset:

Sabinorum enim accessio non tam modica ,  
 ut sibi videtur , existimanda est , & maius in-  
 dies sperabatur auctarium, tùm ob Asyli adin-  
 uentum, tùm etiam ob Urbis famam post de-  
 uictos Sabinos longè , latèque propagatam ;  
 vnde alios finitimos Romam confluxuros in  
 votis erat . Ad illud de Vrbe quadrata pau-  
 cis dico , Halicarnasseum nobis non aduer-  
 sari , imò potiùs fauere ; non enim absolutè  
 ait *Vestæ Templum extrâ Romam quadratam*  
*fuisse*, sed *extrâ Romam quadratam Romuli*, quæ  
 appendix satis , nisi fallor , indicat alteram  
 Romam quadratam post Sabinorum unio-  
 nem fuisse , aliter enim superuacanea ea ap-  
 pendix foret . Præterquamquòd restrictis  
 circa Velabrum muris omnis quadraturæ  
 metus eliminatur .

Præter Capitolinum additum etiam fuisse  
 à Romulo , & Tito Tatio Quirinalem sentit  
 Strabo , imò Halicarnasseus etiam Cælium .  
 Verùm quoniam Linius , & Tacitus opposi-  
 tum testantur , hinc , ut vterque cum primis  
 reconcilietur , dici potest sub Romulo , &  
 Tatio , aucto populo , Quirinalem , & Cæ-  
 lium tamquam Suburbia habitari incepisse ,  
 non tamen fuisse menibus clausos ; id quod  
 ipse Halicarnasseus , nisi fallor , explicare vi-  
 detur . (a)

Numa , qui Romulo successit , Religioni

intentus, nihil Vrbi adiecit, ad summum, verò Quirinalis partem, sicut innuere videtur Halicarnasseus. Ancus Martius Auentinum addidit, & Ianiculum à Latinis, & Sabinis inhabitandum: vtrumque verò montem Sublicio Ponte coniunxit, additis etiam in locis planis inter vtrumque collem Fossis, Quiritium dictis, ad Urbis tutamen. Tarquinius Priscus nobilem è quadratis lapidibus Aggerem inchoauit. Seruius Tullius Quirinalem integrum, Viminalem, & Esquilinum muris cinxit, Fossis, & Aggere. Tarquinius tandem Superbus ab Orientali plaga Urbem muniuit, Aggerem etiam Tarquinij compleuit, vltiori tamen murorum dilatationi parcens. De his aggeribus, & fossis dicetur infra. Singularum additionum situs, & gyros describere, sicut operosum nimis esset, ità & inutile, quia incertum. Id pro rato habeatur, Urbis mænia per imas eius montis, qui Vrbi adiiciendus erat, radices ducta fuisse. Muris dumtaxat à Seruio Tullio dilatatis insistemus, quippe qui præ magnitudine sua accuratiorem obseruationem merentur.



## S E C T I O   P R I M A .

*De Seruij Tullij mænibus .*

Circa autem huius Regis muros tria scitu digna vestigari possunt . Primò eorum amplitudo . Secundò situs , circuitusque . Tertiò tandem utrùm ad Aureliani vsque tempora immutati omninò quoad situm permanferint , itaùt Seruium inter , & Aurelianum nemo mæniorum gyrum ampliauerit . Ex his autem tribus dubijs postremum primo loco examinabimus ; ordine inuerso quidem , at non inutili ; nisi enim seriò stabiliuerimus Seruij Tullij muros illibatos ad Aurelianum vsque mansisse ; iam nusquam authorum mens , qui hoc de argumento scripserunt , innotescet : etenim si post Seruium ampliati fuissent ante Aurelianum muri , de quibus , aut qua sub variatione authores loquutos diuinabimur ?

Quoad hanc verò controuersiam discordantes animaduerto Antiquariorum opiniones . Marlianus siquidem , Panuinius , & quotquot Topographiam Urbis concinnarunt , nouissimè autem omnium P. Donatus , (a) ampliatis contendunt post Seruium Romæ mu-

---

(a) l. I. c. 12. &c.

muros à Sylla primùm, deinde à Iulio Cæsare, mox ab Augusto, Claudio, Nerone, & Traiano. Nardinus (a) è contrà ad Aureliani vsque tempora eosdem situ inuariatos totis lacertis tuetur. Innititur Donatus Tacito, Dioni, & Vopisco, qui auctum aiunt à Sylla, alijsque supra enarratis Urbis Pomerium. Affert in sui patrocinium Nardinus Halicarnassei textum, qui perspicuè negat prolatos vlteriùs post Seruium Urbis muros. Fateor sanè in hac difficultate mihi pluriès aquam hæsisse, diùque anxium consuluisse, multos, plures perlegisse. Tandem verò vicit debita in Halicarnasseum, seù potius in veritatem ipsam, veneratio. Quapropter in fauorem Nardini ità lubet contra P. Donatum ratiocinari. Inficiatur Halicarnasseus dilatata post Seruium mēnia Romæ, verbis equidem non obscuris, nullamque ferentibus tergiuersationem, ità enim loquitur. (b) *Hic (Seruius) Regum postremus Urbis circuitum protulit. Vlteriùs postea non transijt murus Ciuitatis, vetantibus, vt dicunt, Religionibus, aut sicut alij legunt, Deo id non permittente. Quis autem sibi effinxerit adeò veracem rerum Romanarum scriptorem decipere alios voluisse in re, quæ vel ipso oculo falsitatis prodi potuisset; aut ipsum esse deceptum, qui sub Augusto, nec procul à Sylla vixit, scripsit-*

---

(a) l. 1. c. 4. § 5. (b) l. 4.

sitque? Ex altera verò parte Authores à Donato allati nunquam de mænijs Urbis loquuti sunt, sed solum de Pomerio, quæ duò quàm longè inter se differant, mox ostendemus. Ex quibus sic concludere licet. Cùm pro mæniorum Seruij inuariatione cordatissimum testem, cumque clarum, habeamus; pro eorundem verò dilatactione non nisi testes ambigui, & cum æquiocatione loquuti occurrant, æquum, iustumque est, vt, iuxtà sanioris prudentiæ leges, in priorem controuersiæ partem lancem inclinemus. Quòd si Scriptores à Donato relati ampliatis post Seruium muros Urbis vel semel innuissent, vtique res æquilibrium obtineret: at ipsi Pomerij dumtaxat prolatis meminerunt, mænibus nec nominatis quidem. Vnde mirari subit Patrem Donatum tanta cum fiducia dixisse, se magis Tacito, & Dioni credere, quàm Halicarnasseo, perindè ac si vtrique sub eadem loquendi perspicuitate scripsissent.

Huic rationi, quæ mihi demonstratiua est, altera non minùs robusta accedit, ab ipsà autopsià petita: quòd scilicet prisca vestigia contemplanti nulla alia occurrant prolatorum mæniorum indicia Seruium inter, & Aurelianum; quæ vtique aliquibus saltem in locis apparerent, sicut murorum Seruij Tullij, prout ab Halicarnasseo descripti sunt, rudera

rudera adhuc cernuntur . Ad hæc : si Augusti temporibus Seruij murus ampliatus dicamus, iam ineptè à Varrone porta Carmentalis ad radices Capitolijs reponeretur ; inutilis enim remansisset ea porta , si mœnia ulterrimis fuissent ea ex parte protracta : sicut Aureliani tempore inter inutiles à Victore , & Rufo recensetur . Agmen claudat idem Halicarnasseus , sub quo certamen hocce auspicati sumus . Eximius enim hic Author (a) Urbis terminos suo ævo extantes describens ait : *Terminari eam abruptis collum, Aggere Tarquinij, & tyberi : quæ fines iidem omnino sunt cum ijs , quos Seruius præscripserat , cum septem colles , ut idem loquitur Halicarnasseus , muro cinxit . Vbi ergo vel leuè quiddam vestigium , aut umbra saltem aliarum Syllæ , vel Augusti ampliationum ? Ex quibus perspicuè liquet pluribus parasangis à veritate aberrasse Marlianum , Panuinium , Fabriciam , Donatum , aliosque , qui Romæ muros Reipublicæ tempore ad locum vsque , ubi nunc Pons Sixtus visitur , pertigisse ab una parte aiunt , ex altera verò versus portam Collinam , & Viminalem : longissimè verò omnium Lipsium , qui ab Augusto Campum Martium Urbi inclusum somniauit : quod quibus coniecturis innixi Auctores isti protulerint , non video , contra Hali-*

G

car-

(a) lib. 9. §. 1.4.



carnasseum, ratiocinium, & oculum ipsum.

Satisfaciendum nunc est Antiquarijs oppositum sentientibus. Cumque ipsi solum innitantur Tacito, Dioni, & Vopisco, qui dilatatum aiunt à Sylla, alijsque nonnullis Pomerium, huiusce vocis enucleationi nobis insistendum erit. Pomerium ergo à Liuvio, (a) alijsque describitur, *locus quidam, sacer post mœnia, & ponè mœnia*: à Festo appellatur *prosimurium*, *idest locus muro proximus*, *muros enim meros prisca appellabant*. Controvertitur inter eruditos, intranè, vel extrà Urbem, an utrobique fuerit Pomerium? Sed nodum hunc Festus ipse satis festinus dissolvit, qui ex Antistio, & Catone ait, *dictum fuisse Pomerium veluti post muros, idest retrò, & intra muros*. Idem colligi aliquo modo videtur ex Liuvio, qui de Pomerio ait, *Est circa murum locus, quem in condendis Urbibus, qua murum ducturi erant, certis terminis consecrabant, ut neque interiore parte adificia menibus continuarentur; sed quia protinùs addit, & extrinsecùs aliquid pateret Soli*, hinc meritò Andreas Dacierius in notis ad Festum dixit Liuvium oppositæ parti favere. Idem habetur apud Plutarchum in Marcello, & Gellium, (b) qui ait: *Pomerium finem facere Urbani auspicij*; itaque intra Urbem erat. Multa alia ad hanc rem opportuna videantur apud Dacerium citatum.

Erat

(a) l. 1. (b) l. 13. c. 14.

Erat ergo Pomerium locus sacer inter mœnia, & ædificia Urbis, ubi Augures ritu Etrusco auguria è Cælo pro Urbis columbia captabant. Pomerium Pontificale proprium, erat Pontificum. In Pomerio tanquam loco summè sacro *Fas non erat serere, nec habitare, proindeque ædificia manibus non continuabantur*, ut ait Liuius. Huiusce loci designandi, consecrandique curam Auguribus committebant, qui libros de *Auspicijs* scripserunt, ut ait Gellius. Terminabatur varijs lapidibus, qui dicebantur Cippi Pomerij, quorum plures affert Gruterus, & Boissardus; (a) Romæque nonnulli visuntur, ubi nomen adnotatum eius, qui Pomerium dilatabat. Huius verò dilatandi ius ijs solùm concedebatur, qui Pop. Rom. agro de hostibus capto auxissent. Cum autem dilataretur, Augures hæc verba præire solebant apud Festum: *Dij tutelares Urbis Pomerium hoc, nè minus, maiusque faxitis, sed ijs, quibus terminatum è Regionibus effereatis*. Primum Romæ Pomerium intra muros Urbis quadratæ Palatini fuit, quæ Urbs sacra inde appellatur, Etruscis illis cæremonijs designata, de quibus Dissert. prima. Dilatatum postea ante Seruium Tullium Pomerium non legimus; Halicarnasæus enim solùm Seruij, & Syllæ meminit: post Syllam dilatavit Cæsar, alijsque, quorum

(a) Antiquit. l. 3.

supra meminimus. Quò verò ab ipsis fuerit prolatum, hucusque ignoramus, si vnus excipiat Auentinus, ad quem Pomerium, protulisse Claudium narrat Tacitus, (a) addens insuper suo tempore huius dilatationis terminos adhuc apparuisse: utinam aliarum etiam extitissent vestigia; sic enim multæ perplexitates hac de re nos minimè vexarent.

Explicato in hunc modum Pomerio, ostendit clarè Nardinus Pomerij dilatationem diuersam ab ampliacione meniorū fuisse; tūm quia Liuius postquam de mænibus à Seruio ampliatis disseruit, tamquam de re omninò alia addit; *Item Pomerium profert*: tūm quia Auentinus ab Anco Martio Romæ adiectus fuerat, & tamen extrà Pomerium, fuisse ad Claudium vsque vulgò asseritur, cuius causam addit Festus citatus, *quòd in eo male ominata auspicia captauerit Rhemus, auesque irritas habuerit*, vt nos Dissert. I. En ergo ampliatos Urbis muros Pomerio intacto. Tūm tandem quia de Aureliano ait Vopiscus in eius vita, *protulisse Urbis mania, Pomerium verò non tunc, sed postea*; licèt non desint, qui numquam hoc ab eo dilatatum asserant, cum Imperium ipse non propagauerit, sed potiùs incuriosè arctauerit: Ex quibus concludit Nardinus, protulisse quidem Syllam, aliosque

Po-

Pomerium , at non mēia : deceptum verò Donatum , cum Pomerij dilatationem pro ampliacione murorum accepit, fortasse, quòd Etrusci vtramque vt plurimum coniungerent .

Isthæc sunt, quæ Nardinus ingeniosè non minùs, quàm sensatè adducit . Nonnulla tamen in defensionem Patris Donati meditatissum, quæ vtrique quantumuis ommissa , non sunt tamen paruipendenda , & magnam asferre possunt his tenebris lucem . Relictis itaque alijs, huic vni insisto : percipi scilicèt non posse ampliatus à Sylla, alijsque Pomerium , mēibus vnà non ampliatis . Duplici enim modo id confingi valet : vel quòd Pomerium extrà muros proferretur ; at hoc absolum omninò est, cum Pomerium, vt supra adnotauimus, *ponè mēia*, & non longè à mēijs esse poscat : vel alter excogitari potest modus , quem mihi eruditissimus Raphael Fabrettus gloriæ, & immortalitatis verè Faber, indicauit, vt scilicèt antiquum Urbis quadratæ Pomerium à Seruio primùm ad aliquem è septem Collibus productum fuerit, cum antea soli Palatino institisset ; à Sylla postea ad alium Collem sit prolatum , ad alium à Cæsare, atque ità deinceps , semper tamen intra Seruij Tullij murum .

Non negauerim systēta hoc clarissimi Fabretti apprimè esse veritati conforme . Vt

tamen res nitidior appareat, sic lubet contra illud ratiocinari, ostendendo Seruium Tullium, cum septes Colles muro cinxit, Pomerium pariter circa eos, & quidem omnes, protulisse. Quod, si demonstrauiero, illud à me in defensionem Patris Donati effectum erit, ut cum pro certo habeamus Syllam, Cæsarem, aliosque Pomerium produxisse, necessarium sit, ut nouum murorum gyrum ab iisdem excitatum dicamus, circa quos Pomerium protulerint, cum intra Seruii muros proferendi Pomerij locus non adesset. Illud verò duplici via ostenderem, ab auctoritate vna, altera à coniectura. Hæc sit, quod cum Scriptores Auentinum aiunt ad Claudium vsque extrà Pomerium mansisse, tanquam rem nouam, atque insolentem id referant, causam tribuentes infauis auspicijs à Rhemo captatis. Ex quo deduci videtur reliquos sex Colles intra Pomerium extitisse: si enim istorum nonnulli etiam extrà fuissent, quid mirum, aut nouum, quod Auentinus suo caruerit Pomerio? Auctoritatem suppeditat Liuius loco citato sic inquit: *in Urbis incremento semper quantum mœnia processura erant, tantum termini hi consecrati proferbantur.* Itaque si tempore Seruii mœnia ultra processerant, septemque Colles concluderant, termini etiam consecrati, idest Pomerium, illuc fuere prolati, vno excepto Auentino

tino ob auspicioꝝ Rhemi infauſtitaꝝ. Ex quibus inferre poſſet Donatus, Syllam, Cæſarem, &c. cum Pomerium dilatarunt, dilatauiſſe & mœnia. Cui videtur non obſcure annuere Tacitus ſupra laudatus, qui de Pomerio ab Auguſto ampliato ait: *is, qui protulere Imperium, etiam terminos Urbis propagare datur*. Vbi maniſeſtiſſimè Tacitus cum Imperij propagatione, & dilatatione Pomerij, Urbis etiam, tamquam imperij capitis, ampliationem coniungit. Hæc ſunt, quæ ex rudi mea Minerva prolixius fortasſe, quàm meum ferat inſtitutum, excogitaui: nec abs re, cum argumentum hoc à nemine fuerit luculenter pertractatum.

Verùmenimuerò his coniecturis deſerendus minimè eſt Halicarnasſeus noſter, qui ſatis clare teſtatur ampliatum fuiſſe poſt Seruium Urbis Pomerium intactis tamen mœnibus. Quare Litiꝝ, & Tacitus in hac parte poſthabendi ſunt Halicarnasſeo: cùm hic loquutus ſit de facto, illi verò de iure, vt cum Iuriſtis loquar; ſeu clariꝝ, illi, id quod vt plurimum ab Etruſcis fieri ſoleret, & fieri ritè poſſet, indicauerint, ( poterat enim ſanè prolatis mœnibus Pomerium ipſum vnà proferri ) at Halicarnasſeus illud indicarit, quod factum eſt. Quòd verò Authores de ſolo Auentino ſignanter ſcripſerint extra Pomerium permanſiſſe, idè fuit, quia hic ſolus



totus extrâ Pomerium mansit, cum alij sex Colles parte aliqua Pomerij præditi fuerint; non erant enim *maleominati*, vt ait Festus.

Transcamus iam ad secundam difficultatē de situ mœniorum Seruij Tullij. Quæ in re non valdè mihi, nec diù laborandum, quantumuis Antiquarios satis anxios, atque hæsitantes comperiam. Eleuat enim nos ab hoc onere Halicarnasseus, qui Urbis ambitum (de Vrbe Seruij intelligit, quam immutatam vsque ad Aurelianum ostendimus) describens ait *abruptis Collum, Aggere Tarquinij, & tyberi terminatam*; id quod etiam Plinius (a) non absimili loquendi forma testatur, necnon Strabo, & Author de viris illustribus in Seruio. Si itaque Halicarnassei facula manu apprehensa præfatos situs lustrauerimus, iam absque tricis, & ambagibus, Seruij Tullij muros compertos, perspectosque habebimus. Relictis ergo Fabricio, Marliano, Panuinio, Donato, Nardino, & Antiquarijs omnibus, qui, quòd pro lubitu rem hanc confecerint, in turpes errores lapsi sunt, tutò, & expeditè, Halicarnasseo præcunte, modico itinere antiquam Urbem perlustrabimus.

Exordium autem itineris nostri ab ea ducimus Capitolini Montis parte, quæ ad Quirinalem Montem vergit, vnum scilicèt ex  
illis

---

(a) l. 3. c. 5.



illis, quos Seruius muro circumdedit. A radicibus ergo Capitolij mœnia per locum, qui vulgò dicitur, *Macel de' Corui*, ad crepidines Quirinales, hodiè *Monte Bagnanapoli*, ascendebant: hinc per Hortos Columnensium, & Pontificios ad Barberinorum Ædes: inde verò ad Hortos B. Mariæ de Victoria, & ad Villam Mandosiam, non procùl à Porta Salaria, à qua abrupta incipiunt in lenem planitiem commutari. Quòd verò hùc mœnia Seruij pertigerint, indicio est muri residuum è quadratis lapidibus Sanctæ Susannæ Templum, & Barberinos hortos inter, quem Seruij fuisse non insulsè suspicatur Nardinus. (a) Ad Villam Mandosiam Aggeri Seruij Tullij mœnia ipsa necessebantur; cum Halicarnasseus Aggerem Seruij inter Collinam, & Esquilinam portas constituat; Collinam, verò eandem cum Salaria, sed magis Villæ Mandosiæ proximam, infra ostendam. Ab hac itaque Villa ad dexteram flectendo per vineas PP. Carthusianorum muri Urbis vnà cum Aggere excurrerant, cuius vestigia in prædictis vineis adhuc supersunt. Hinc per Perettinam Villam, vbi rudera Aggeris quædã extant, ad Portam vsque Esquilinam, quam ante Ecclesiam S. Eusebij sitam fuisse infra demonstrabo. Vnde falsus est Nardinus, cum prisca Seruij mœnia, & Aggerem

eo-

(a) l. I. c. 7,

codem ductu murorum, quo nunc, ad Portam S. Laurentij perducit: tam amplius enim gyrus ab Aggeris ipsius reliquijs, ruderibusque minimè indicatur. Nec quemquam decipiant portiones illæ murorum è quadrato lapide, quæ post Castrum Prætorium versùs S. Laurentij Portam euntibus occurrunt, cum enim sint tumultuarij operis, ad refectiões potiùs, quàm ad Seruij Aggerem pertinuisse existimandæ sunt.

Nardinus ipse mœnia Urbis à Porta S. Laurentij ad Maiorem vsque vnà cum altero Aggere Tarquiniij Superbi profert. Hunc verò ab Aggere Seruij diuersum fuisse demonstrare se putat (a) autoritate Liuij, (b) & Halicarnassei, (c) quorum ille, *Seruium*, ait, *Aggere Urbem circumdedit*, hic verò de Tarquinio dicit, *partem Urbis cinxisse Aggere*: Strabo (d) etiam de Aggere loquens, in numero semper plurali, *fecerunt*, inquit, & *constituerunt* - Porta tandem inter Aggeres vocata, binos eos fuisse conuincit. Verùm loca allata solùm suadent vnum, eundemque Aggerem à Seruio inchoatum, Tarquinium perfecisse: id quod eruditissimus Fabrettus (e) ex ipsamet Græca Halicarnassei phrasi mala fide à Nardino exposita deducit. Adderem ego id ipsum clarè indicasse Strabonem cum

Agge-

---

(a) l. 4. l. 2. (b) l. 1. (c) l. 4. (d) l. 5. (e) *De Aquaduct. Diss. 3. n. 254.*

Aggerem in ſingulari nominans , *fecerunt*, inquit, & *conſtituerunt* in plurali, perindè ac ſi diceret eundemmet Aggerem à pluribus factum . Vndè mirum ſit Strabonem à Nardino in ſui fauorem adduci; Strabo enim Nardinum iugulat , cum, poſtquam vnius dumtaxat Aggeris *ſex circiter ſtadiorum* meminſſet, concludit , *huiusmodi eſt Romæ muniſio* , quibus verbis omne aliud munimen excludit . Illud de porta inter Aggeres ingenioſè conciliauit Fabrettus , Viminalem intelligens , quam Strabo *ſub medio fuiſſe Aggere* aſſeruit .

Relicto ergo cum ſuo duplici Aggere Nardino, mœnium curſum proſequimur ab Eccleſia S. Eusebij per viam Sanctæ Crucis , cis tamen hoc Templum , ad Portam Cælimontanam, hodiè S. Ioannis; itaùt extrà muros relinqueretur tota illa planities, vbi nunc Villa Cultella , Templum S. Crucis , & Eccleſia S. Bibianæ; contra Nardinum, qui priſcos muros cum ijs, qui extant, à Porta S. Laurentij vſque ad Cælimontanam confundit , tam amplam planitiem mœnibus includendo, apertè contra Halicarnaffeum , qui ait , *per abrupta Collum* priſca mœnia excuſſiſſe . A Porta S. Ioannis producebatur murus ad Arcum vſque illum , per quem nunc aqua Crabra, vulgò *la Marrana* , Romam ingreditur . Hinc ad dexteram ſeſtendo per Cælij  
Mon-

Montis iuga, quibus Matthæiorum horti terminantur, ad Auentinum Montem pertingebant. Atque hîc toto Cælo iterum aberrauit Nardinus, cum, licet non sinè hæsitatione, ad Portam Latinam, & alteram S. Sebastiani protulit mœnia; quis enim capiat totam illam planitiem, quæ prædictas Portas, Templumque S. Xysti interiacet, muro Urbis clausam, contra Halicarnassei fidem? Præterquamquod ibidem non pauca sepulchra se vidisse testatur Ligorius, quæ certè extrâ Urbem esse debuerunt: quibus adde lapidem miliarium graphicè demonstrantem Portam Capenam nunc S. Sebastiani ad S. Xysti Ædem locandam esse, vt infra.

Mœnia igitur, post Cælium circumductum, Auentinum amplectendo, per imas eius radices ad Portam S. Pauli, vel paulò cis, perlata, ad dexteram flectendo versùs Aggerem Pauli Tertij, & Arcum S. Lazari, in angulo, cui Ecclesia Prioratus, aliàs S. M. Auentinæ imminet, omninò desinabant: ibi enim tyberis ipse mœnium munere, iuxtà Halicarnasseum, fungebatur: desisse verò hîc, inditio est lateritijs Arcus, sicut & proximus in Auentini crepidine murus è quadrato lapide vetustus, qui iampridem viscebatur. Tyberis ripa emensa, inter Pontem *Rotto*, alterumue *di quattro Capì*, (vbi muri portio è quadrato lapide adhuc prostat) as-

sur-

furgens illicò murus, & ad dexteram flectens, iuga illa, quæ Monasterio Turris Speculorum imminet (crediderim hanc Tarpeiam rupem fuisse) conscendebat: indè ad Aræceli schalas, iterùmque ad Macellum Coruorum, vndè itineris nostri initia sumpsimus. Hic est germanus mœnium Seruij Tullij gyrus iuxtà Halicarnassei, Plinij, & Strabonis itinerarium.

Remanet nunc postrema difficultas circa eorundem mœnium magnitudinem. Quam determinare operosum minimè foret; descripto enim eorum circuitu, integrum cuique esset illum mensorijs machinis ad calculum deferre. Sed ecce Plinius (a) nouam obscuritatem nobis suffundit inquiens: *mœnia eius collegere ambitu Imperatoribus, Censoribusque Vespasianis anno 828. pass. XIII. M. CC.* Alia, quæ addit, verba, infrà dilucidabo. Ex Plinio ergo mœnia Seruij, XIII. milliaribus procurrebant. Loqui autem de Seruij mœnibus Plinium, indè liquet, quòd ante Aurelianum, qui longè post Plinium vixit, Seruij murum intactum remansisse ostensum sit. Hac non contentus magnitudine Lipsius, (b) & cum eo Cluuerius (c) numerum XIII. qui in Plinij libris legitur, tamquam corruptum sic reformat: *Mœnia collegere ambitu XXIII. M.* Hoc additamento nec etiam

ex-

(a) l. 3. c. 5. (b) De magn. Rom. l. 3. c. 2. (c) Ital. l. 3. c. 2.

expletus Isaac Vossius legit (a) *pass. XXX. M.* quam vocat *constantem veterum librorum scripturam*; & postea addit, *nisi quod & in vulgatis, & in longè pluribus manu exaratis codicibus non XXX., sed verò XIII. millia, & CC. insuper exhibeantur passus*. Quod verum utique est, nam Donatus testatur septem se Vaticanæ Bibliothecæ Codices vidisse, è quibus vnus vetustissimus, omnes verò habere XIII. M. Quam varietatem Vossius Scriptorum imperitiæ adscribit, qui Plinij exemplaria deprauarunt, Theodosij præsertim tempore, qui proinde anno 15. regni sui nouas Orbis measuras conquiri curauit.

In tanta eruditorum hominum licentia, qui ampliandæ Urbis libidine tot monstra ediderunt, quid dicam? Si Urbem imminuerò, Urbis gloriæ videbor cuiquam inuidisse: si tam mostrosè eandem expariari sinam, Veritatis fronti turpem imprimi nœuum patiar. At præualeat, inter hæc, veritatis studium, & tam insolens Urbis magnitudo deeurteretur. Quare putauerim, si corrigendus sit Plinij numerus, prima nota tantillum variata, pro XIII. M. reponendum esse VIII. M. Quam cogitationem, quæ nullo mihi duce subuenerat, non sinè oblectatione comperij ab erudito Fabretto, (b) præoccupatam, sicut mihi iampridem ostendit Marcellus Seuerolius

---

(a) *De Rom. magn. c. 1.* (b) *Num. 261.*

lius eruditione non minùs, ac ingenio, quàm dignitate Illustriſſimus, cuius ſingulari erga me humanitati debeo, ſi quid in hiſce ſtudijs vñquam profeci. Quòd ſi deſcriptum ſupra mœnium Seruij gyrum quis ſeriò metiatur, octo illum milliaria non excedere obſeruabit. Et ſanè ſi nunc Romæ circuitus quatuordecim vix attingit milliaria, quantumuis Campum Martium, Collem Hortulorum, Montem Teſtaceum, Vaticanum &c. comprehendat, quis reformidet aſſerere Seruij gyrum, additamenta hæc excludentem, longè anguſtiorẽ fuiſſe?

Rationes, quæ Lipſij emendationem promouerunt, ſunt, quòd Halicarnaſſeus (a) Romam dixerit non minorem Athenis: Athenarum verò ambitus colligitur ex Ariſtide, (b) qui ait itineris diurni latitudinem habuiſſe; & Thucidide, (c) qui Athenis ſtadia tribuit 178. imò Dio Chryſtomus (d) 200. tum quia Plutarchus (e) Athenas comparat Syracuſis, quæ ex Strabone (f) ſtadia complectebantur 180. quæ omnia ferè milliaria 23. conficiunt.

Sed hæc argumenta modicum habent roboris, nam Ariſtides, & Strabo cum Athenis, & Syracuſis allatam ſuperiùs amplitudinem tribuunt, verbum addunt, *olim*, vt indicent

---

(a) l. 4. (b) *Orat. Panathen.* (c) l. 2. (d) *Orat. de Tyrann.* (e) *In Nicia.* (f) l. 6.



cent suo tempore imminutam fuisse: at verò Halicarnasseus cum Urbem Athenis comparavit, Athenas prout suo tempore imminutæ prostabant, consideravit. His adde Thucididem Athenarum gyro comprehendisse, etiam Murum Phalaricum, Piræum, Longum Murum, & Munychiam Athenarum, Suburbia, quæ ab Athenis diversa fuisse Ptolemæus (a) indicat, cum Athenas inter mediterraneas reponit Vrbes, Piræum verò, & Munychiam inter maritima loca recenset. Clarissimè omnium Plinius (b) ait: *Piræus, & Phalera V. M. pass. muro recedentibus Athenis iuncti*. Vt stet ergo Halicarnassei comparatio, sicut Romam ipse neglectis Suburbijs accepit, ita Athenæ sinè Suburbijs capiendæ sunt, quarum circuitum ex Strabone colligitur fuisse milliariorum 9. circiter, quæ mensura adamussim congruit Plinij loco à nobis supra emendato, milliarium scilicèt 8. Quod si hæc emendatio cuiquam displiceat vulgatæ lectionis tenaciori, dici rursus poterit, aut Plinium in mensura deceptum, non satis perspicuè apparētibus Urbis mœnibus, ab ædificijs quippe omninò occupatis, ut testatur Halicarnasseus: (c) aut Turrium exportationes, & peculiare Capitoliij muros inallata mensura ipsum comprehendisse.

Superest Vossij commentum, qui Urbem

no-

---

(a) Tab. 10. Europa. (b) l. 3. c. 7. (c) l. 3.

nostram supra quàm ab alijs effectum sit, ampliavit, ex Plinij textu malè à se intellecto . Ait citato loco Plinius, (a) *Eiusdem spatij mensura currente à milliario in capite Romani Fori constituto ad singulas portas efficit pass. per directum XXX. M. DCC. LXV. ad extrema verò tetorū cum Castris Prætorijs ab eodem milliario per vicos omnium viarum mensura colligit paulò amplius septuaginta millia passuum* . Super quo Plinij loco mirum est quam ingentem machinam, dicam fortasse meliùs, speciosum, somnium extulerit Vossius . Cogitavi deliria hæc cachinnis potiùs excipere, quàm seriò euertere . Verùm cum animaduverterim Vossium à nemine hucusque, quòd sciam, impugnatum, suaque ceteroqui molimina, ni vera, ingeniosa saltem esse, lubet his fabellis paulisper immorari .

Ergò fingit Vossius (b) milliarium Lapidem ( situs erat hic in capite Romani Fori non longè à tyberi, ad eumque omnes Italiæ vias terminasse creditur ) veluti centrum, fuisse, circa quod Romana mœnia semicirculi figura percurrerent, cuius semicirculi chorda, seu potiùs diameter, foret tyberis, quippè qui à lapide milliario, quem centrum ipse constituerat, non longè distabat . Hæmicycli hanc figuram Vrbi iamdudum à Fabio Pictore traditam ait Vossius .

H

cir-

(a) l. 3. c. 5. (b) *De magn. Rom. c. 1. § 3.*

circuli huius diametrum vult ipse millia passuum comprehendisse 20. itaùt à lapide milliario tamquam centro ad singulas portas, æquali interuallo, (quod proprium circuli est) distantia foret milliariorum 10. qui numerus erat huius imaginarij Circuli semidiameter. Atque ità opinatur ipse moenia Urbis ad decimum vsque viæ Ostiensis lapidem propè Ficanam excurrissè, ab opposita vero parte vsque penè Nomentum.

Hypothesi hac semel firmata obuium fuit Vossio triginta milliaria à Plinio asserpta explicare; cùm enim iuxtà Archimedis regulas circulus habeat triplam penè ad suam diametrum proportionem, & circularis Urbis diameter à Vossio constituta sit milliariorum 20. iam integer circulus milliaria habuisset 60. semicirculus verò 30. iuxtà Plinij textum. Ad explicanda verò milliaria 70. quæ idem Plinius in posteriori allati textus parte asseruerat, nouum commentum comminiscitur Vossius. (a) Statuit ipse quatuor passuum millibus extrà moenia quaquauersum excurrissè Suburbia, itaùt priori diametro milliariorum 20. alia octo hincindè accesserint: post quam accessionem, factò iterùm calculo, ex proportionè tripla circuli ad diametrum, integer circulus fuisset milliariorum 84. semicirculus verò

verò 42. quem vult Vossius fuisse circuitum Urbis cum Suburbiijs , Cui si addatur diame- ter, seu tyberis ripa ab Ostia ad Nomentum milliariorum 28. integer conficietur Romæ cum Suburbiijs vndiquè clausæ gyros millia- riorum 70. prout asseruit Plinius . Maxi- mum hoc Urbis incrementum ait Vossius extitisse sub Augusto, & Nerone , non verò sub Aureliano , vt nos dicemus infra : Rei- publicæ autem tempore mœnia à tyberi, ex ea parte , quæ Ostiam respicit, ad Anienem, vsque perrexisse spatio milliariorum 22. ma- gnitudini Athenarum æquali iuxtà superio- rem Lipsij explicationem : ab Aniene verò ad tyberim , ex ea parte , quæ Nomentum respicit, muro caruisse vsque ad Augustum, qui illum produxit, semicirculum complens.

Summas debemus ingenioso Vossio gra- tias , quòd Urbem nostram mirum in mo- dum amplificauerit; vtinàm , vt magnificè , ità & verè; quid enim prodest fucata ampli- tudo nullis innixa fundamentis , ruinæque exposita? Ad detegendum Vossij errorem satis essent ea, quibus supra ostendimus à Ser- uio Tullio vsque ad Aurelianum ampliatos non fuisse Urbis muros . Accedat his Scrip- torum omnium de ingenti hac magnitudine silentium : Plinij verò genuinum sensum, mox dabo. Ad hæc : tam vastæ molis nul- lum apparere in Romano agro vestigium ,

cùm Seruiani muri longè vetustioris extent adhuc rudera. Præterea sepulchrum Cæstij, Mausoleum Augusti, & Moles, seu sepultura Hadriani, quæ utiquè extrâ Urbem esse debuerunt, ut in Dissert. de Sepulchris dicam, satis indicant ad ea loca mœnia Urbis non pertigisse: Portam Capenam, seu S. Sebastiani non ultra Almonem fluuium, hodiè Acquataccio, extitisse, testatur Stadius: (a) Campum Martium etiam tempore Augusti extrâ Urbem fuisse clarè asserit Lilius, (b) aliique: extrâ Urbem etiam Ianiculum ex Tuscanico bello colligitur; Etrusci enim Ianiculum occupantes, extrâ Urbem adhuc erant. Sed quid plura commemoro? Expectentur quæ dicam paulò post de Aureliani muri amplitudine.

Sensus Plinij est, omnium viarum ductus à milliaria Columna ad Portas usque, unâ collectos, milliaria 30. perfecisse: viarum verò vniuersæ Urbis flexuosas mensuras, & gyros milliaria compleuisse 70. Quod satis apertè Plinius ipse indicat dicens, *per vicos omnium viarum mensura colligit paulò amplius LXXM. pass.* Ex quibus apparet numerum hunc non ex mœnium circuitu, sed ex vicis omnium viarum à Plinio collectum.

Quis enim, dùm sanus sit, sibi persuadeat in Vrbe Roma, quam Strabo non dele-

*flu.*

(a) 9. dylu. (b) 1.21.

*Et, sed necessitate conditam ait sine ulla lege, prout loci opportunitas ferebat, tam certam, exactamque rotunditatem statuere voluisse Plinium, ut ad mathematicas leges Roma deuecta, exactas circuli ad diametrum proportionales valeat reddere, sicut Vossius effinxit? Quid quod circularis Vossij figura, æqualisque à milliaria columna ad Portas distantia, Urbis minimè congruat oblongæ potius, imò & irregulari, sinuosæ, & laciniosæ, montium, scilicet flexuris, & amfractibus se accommodanti? Abeat ergo cum suis imaginarijs circulis malè circumscriptum Vossij caput, & Romana amplitudo extrà fabellarum fines stet.*

## SECTIO SECVNDA.

*De Mœnibus Aureliani, & deinceps, ad nostra usque tempora.*

**C**ircumscriptis in hunc modum Seruij mœnibus, iisdemque à plurimorum iniuria vindicatis, impresentiarum Aureliani murus perlustrandus est, cum dictum superius sit ad hunc usque Imperatorem antiquum murum illibatum stetisse. Quapropter operæ pretium minimè est, ut alias mœniorum ampliaciones Seruium inter, atque Aurelianum, sicut facit Panuinius, & Donatus,



consideremus, quippè quas imaginarias omnino esse demonstrauimus.

Imperatorem Aurelium moenia Urbis propagasse, certò certius est plurimorum auctoritate, quicquid effutiat Vossius nullo innixus fundamento. Tria verò circa hanc propagationem, sicut in muro Seruii Tullij præstitimus, inuestiganda sunt. Primò horum mœnium amplitudo, secundò situs, tertio, an eadem cum ijs, quæ nunc extant, fuerint, quoad gyrum inuariata. Incipiamus à postremo, sicut etiam supra obseruauimus, cum hoc sit reliquorum basis. Flauij Vopisci (a) sententia esse videtur murum Aureliani ab eo, qui nunc est, diuersum fuisse, cum eidem L. M. pass. circuitum attribuerit, ea verò quæ supersunt mœnia vix XIII. M. æquent. Rem tamen seriò consideranti aliter res apparebit his rationibus. Nam Aurelianus Urbem nouo muro cinxit, ut eam validiorem redderet contra hostium insultus: tempore enim antecessoris sui Gallieni triginta tyranni Romam inuascerant: tam portentosa autem amplitudine, cui tuendæ infinita propemodum militum multitudine, opus fuisset, infirmatam potius reddidisset Aurelianus. Audiatur insuper Eutropius, (b) qui de hoc Imperatore ait: *Urbem muris firmitioribus cinxit: nulla tam vastæ amplitudinis*



nis facta mentione, quam certè, vtpotè extrà ordinarias metas, prudens historicus minimè siluisset. Pendantur prætereà Sexti Aurelij verba sic de eodem iniquientis: *Nè umquam, quæ per Gallienum euenerant, acciderent, muris Urbem quamualidissimis laxiori ambitu circumsepsit: vbi significantiori phrasi muri validitatem, quam laxitatem exaggerat. Accedat his, tantæ amplitudinis nullum in proximis agris apparere vestigium; quod si aspicere potuissent ij Scriptores, quibus è longinquo res Romanæ maiores visæ sunt, in aliam certè sententiam iuissent. Ad hæc, P. Victor colligens singularum Regionum distributiue, vt cum schola loquar, sumptarum gyros, ait fuisse pedum 210995. qui, iuxta Plinij regulam, passus conficiunt 42200. Si ergo distributiue acceptæ vix milliaria 43. constituebant, quam summam constituent, si collectiue capiantur, cum ex mathematica demonstratione in quolibet circulo longè minor sit integra exterior periphæria, quam omnium figurarum circulo inscriptarum?*

Adde his, non apparere à quonam tam eximia mœniorum vastitas decurtata fuerit. Ab Aureliano enim vsque ad Honorium, toto annorum 257. spatio hostiles incursiones Vrbs nusquam passa est. Alaricus, & Gensericus mœnibus pepercerunt prædæ solùm inhiantes. A fortiori Odoacer, & Theo-

doricus, qui Romæ solium figere decreuerant : repararunt ipsi quinimò , vt Dissert. 2. dictum est . Totilas *muri quidem in partibus multis tantum diruit, quanta tertia pars totius esset*, vt ait Procopius (a) sed Bellisarius eos statim restaurauit : quòd verò eosdem minimè angustarit, clarè, nisi fallor, idem Procopius testatur de Bellisario inquiring : *cumque non posset eam mœnium partem, quam Totilas diruerat, breui instaurare, lapides, qui in proximo erant, in unum coacervatos, nullo ordine componebat*. Vbi notandum *restaurata dici mœnia non angustata*. Item si lapidibus, qui in proximo erant, è ruinis scilicèt superstitibus, vsus fuit Bellisarius, consentaneum rationi est, vt dicamus in eodem ipsum situ muros refecisse, aliàs non lapides, qui in proximo erant, sed è longinquo perductos Bellisarium adhibuisse scripsisset Procopius, quem ità concludentem audiamus : *per dies 15. quòd muri fuerat per Totilam disturbatum reficitur*. Quæ ergo fuit hæc angustatio, quam plerique Bellisario attribuunt, si quod muri fuerat disturbatum, tertia scilicèt pars, refectum est ? Muro enim decurtato iam non illud ipsum, quod disturbatum fuerat, tertia nimirum pars, refectum fuisset. Et tandem Gregorius (b) prophetiam adducit almi Patris Benedicti prædicentis Romam à Gentibus minimè ex-

ter-

---

(a) lib. 3. de bell. Ger. (b) l. 2. Dial. c. 15.

terminandam, sed in semetipsa marcituram : id quod verè accidisse testatur Gregorius *edificia*, inquiens, *longo senio laxata, quia ruinis crebrescentibus prosternantur &c.* Nulla ergo imminutionis fit mentio, sed solum de solationis.

Aliam adducit rationem non contemnendam Donatus (a) ab autopsia penè ipsa petitam. Circumeunti enim mœnia Urbis, quæ nunc extant, identitas, ut sic dicam, eorum cum antiquis statim apparet. Incipiamus, inquit ipse, à Porta Flaminia hodiè *del Popolo*; quam in eodem penè situ fuisse Procopius (b) indicat, cum ait Vitigem Gothum ad Pontem (de Miluo certè intelligit) quatuordecim stadia ab Vrbe distantem accessisse; quæ distantia etiam nùm servatur. Idem ex conflictu Constantini, & Maxentij ad eundem Pontem factò colligitur, de quo Eusebius ait, (c) *Deus ipse tyrannum longissimè à portis extrahit*: tunc ergo longissimè etiam, sicut nunc, Pons Miluus ab Vrbe distabat. A Flaminia versùs Pincianam eunti murus obliquus apparet vulgò *Muro torto*, quem à Bellisarij temporibus eundem in modum extitisse testatur Procopius: credentibus verò tunc Romanis eam scissuram à B. Petro munitam, nec resarcire imposterùm quisquam ausus est, ex eodem. Mœnia Salaris Portæ ibidem  
olim

(a) lib. 1. c. 17. (b) l. 1. (c) l. 1. c. 32. in *Const.*

olim fuisse, inde colligitur, nam Templum S. Susannæ fuerat eiusdem Diuæ ædes, hæc verò ad Hortos Sallustianos, Horti ad Portam Salariam, (a) igitur hæc Porta ætate Sanctæ Susannæ, nempè sub Diocletiano, à prædicto Templo non longè aberant, sicut etiam nunc eidem proxima est, interiectis tantùm Sallustianis Hortis. Muros Portæ Piæ non alibi fuisse locatos inde colligitur, nam Templum S. Agnetis post primum erat ab Vrbe lapidem, Constantini etiam tempore, (b) quæ distantia, hodièque seruatur. Castrum Prætorium, quod post Portam Piam visitur, muros ibi vltèriùs non processisse, apertè demonstrat. Templum S. Laurentij à Constantino conditum antiquis etiam temporibus dictum est *extrà muros*. (c) Extrà Portam Maiorem propè S. Crucis Templum vetus Ædes apparet ab Antiquarijs Veneris, & Cupidinis credita, quam P. Victor non longè à Porta Maiorì locauit eodem, quo nunc extat, situ. Portam Latinam in eodem stare vestigio, S. Ioannis ædicula, vulgò ante Portam Latinam testatur. Templum S. Sebastiani tempore D. Gregorij post secundum ab Vrbe milliarium, vt etiam hodiè, locatum erat; ait enim ipse: (d) *quædam Sanctorum corpora vsque ad secundum Urbis milliarium ducta*  
ad

(a) Bar. ann. 294. (b) Pompon. Latrus in Vit. Gall.  
(c) Præd. l. 9. (d) l. 3. epist. 30.

*ad locum, qui dicitur ad Catacumbas.* Templum S. Pauli à Constantino erectum Procopius (a) ait distasse à mœnibus stadijs 14. hodièque totidem distat. De Transtyberina Regione idem liquet ex Portæ Portuensis structura, cum inscriptione Arcadij, & Honorij.

Argumentum hoc Patris Donati, & ut ità dicam ocularis inspectio, sua energia non caret. Instare tamen posset quispiam nullum adhuc habere roboris, cò quòd Authores ab ipso citati de Constantini solùm temporibus loquantur. Vnde ad summum colligi inde posse videtur, Constantini temporibus murum Urbis eandem, quam nunc habet, amplitudinem obtinuisse: non verò necessario inferitur eiusdem etiam magnitudinis ab Aureliano extructum fuisse. Quid enim vetat, nè dicamus mœnia sub Aureliano amplissima, imminuta postea fuisse toto eo tempore, quod Aurelianum, & Constantinum interfuit? Instantiam hanc Donatus non præuidit. Vim tamen sui argumenti minimè infringit. Qui enim aiunt abbreviata fuisse mœnia Aureliani, à Iustiniano utique inquirunt abbreviata, cùm nonnisi post tot Urbis inuasiones, imminutis Ciuibus, minori ambitu opus esset. Nemo autem asseruit ante Constantinum Urbis circuitum fuisse decumatum, tùm quòd nulla huius tunc fuerit

rit necessitas, inuasionibus omninò quiescentibus; tùm quòd Aurelianum, & Constantinum 31. dumtaxat anni intercesserint. Si ergo Constantini temporibus mœniorum circuitus idem ac nunc extabat, semper talem fuisse, etiam sub Aureliano, credendum est.

Sed quid reponemus ad Flauium Vopiscum? Vossio enim, Cluuerio, & Lipsio supra satisfecimus. Suspiciatur Donatus, imò etiam Vossius, cum Vopisci locum corruptum esse: Blondus sentit Vopiscum Suburbia etiam comprehendisse: Nardinus notat additam fuisse à Vopisco particulam, *propè*, quæ incertitudinem sonat. Credunt nonnulli Vopiscum rumore vulgi deceptum, qui res solet vt plurimùm amplificare, eas præsertim, quæ nequeunt vnico mensurari obtutu. At ego consentaneè ad ea, quæ supra, Plinij textum explicaturus, asserui, dicerem nihil aliud Vopiscum intendisse, quàm, mensura à milliaria Columna ad Portas recurrente, & muros circumeunte, adiectis etiam vicis, collecta fuisse milliaria 50.

Quoad secundum postulatum de mœniorum Aureliani magnitudine, paucis me expedio. Stabilito enim semel ea mœnia eadem cum nostris fuisse, consecrarium est, vt dicamus illa, 14. milliaria non excessisse, tanta enim eorum, quæ nunc extant, comperta est amplitudo. Circa situm Aurelianei muri  
non

non est cur diù immoremur , nostro enim ,  
cuique obuiò , semel explorato , antiquum ,  
etiam illum compertum habebimus . Latas  
implet paginas Nardinus , vt indicet singula ,  
quæ Aurelianus Vrbi adiecerat , suoque cir-  
cumdederat muro , sed frustrà ; cum enim  
mœniorum Aureliani gyrus , idem quippe  
cum nostro , notus iam sit , circuitum insu-  
per mœniorum Seruij Tullij ex superiùs di-  
ctis perspectum habeamus ; iam Aureliani ad-  
ditamentum clarissimè nobis occurrit , erit-  
que totum illud spatium , quod Seruij mu-  
ros , & Aureliani , scilicèt nostros ipsos , in-  
teriacet : cum enim circulus minor maiori  
inscribitur , diuersitas vtriusque areæ erit  
portio illa , quæ inter maiorem , minorem-  
que circulum mediat , vt , vel sinè mathesi ,  
oculus ipse dignoscit . Nè tamen quoad  
hanc etiam partem quicquam deficiat , dico  
Aurelianum imprimis versùs Portam San-  
cti Laurentij , & Maiorem nonnihil addidisse .  
Item versùs Marranam , vbi murus an-  
gulum extrinsecùs facit , totam illam plani-  
tiem , quæ inter Templum S. Xysti , & Por-  
tas Latinam , & S. Sebastiani iacet , muro in-  
clusisse . Versùs Portam S. Pauli Montem  
Testaceum mœnibus circumdedit cum tota  
sua , cui prostat , planitie . Erant hic olim  
Vasariorum officinæ , vt proximi tyberis  
aquis suæ arti necessarijs fruerentur : è fra-  
cto



ctorum verò vasorum testis Mons Testaceus inde dictus coaluit. At maxima omnium, fuit additio Campi Martij. Quid nomen, istud sonet dubium est. Sentiunt aliqui totam eam planitiem complecti inter colles, & tyberim. Alij angustiores faciunt, eò quòd ea planities prata etiam Flaminia comprehenderet. Alij è contra illum vsque ad Pontem Miluium extendunt. Sed magis placet prior vsurpatio innixa authoritati Halicarnassei, (a) qui ipsum ait *situm Urbem inter, & fluium, Marti sacratum, equis, & inuentuti in armis exercendæ aecomodum*, cùm antea Tarquiniorum fuerit, de quo alibi sermo redibit. Addidit insuper Aurelianus Collem Hortulorum, vbi hodie Templum SS. Trinitatis prominet, qui priùs extrà Urbem fuerat.

Post Aurelianum vix quicquam vltra Vrbi adiectum est. Constantinus diruto Castro Prætorio, relictoque extimo dumtaxat muro, hoc ipso Urbis ambitum ampliorem fecit. Castrum Prætorium extitisse non longè à Porta, quæ nunc dicitur Pia, exporrectio illa quadrata extrà ordinem murorum, quæ adhuc visitur, clarè demonstrat. Castrum, hoc, vt & alia, extruxit Tiberius monitu Seiani Prætorij Cohortibus Præfecti. (b) Translato per Constantinum in Thraciam, Imperio imminui potius, quàm ampliari cepit

---

(a) lib. 5. (b) Tacit. l. 4.

pit Urbis murus. Honorius, & Arcadius illum instaurarunt. Post Gothicam illuminationem collapsa mœnia refecit Theodoricus ex Amphitheatri marmoribus, quæ à Senatu ipse petierat. Idem præstiterunt Bellisarius, & Narses post Vitigis, & Totilæ vastationes, ut in Dissert. 2. Eandem operam impigrè navarunt Romani Pontifices. Gregorius II. à Porta S. Laurentij murum restituit. Idem præstitit Gregorius III. & Hadrianus I. (a) Postmodum Leo IV. quindecim tures muro adiecit: eam quoque Urbis partem, quæ hodie *Borgo* appellatur, veteri muro producto, qui circa molem Hadriani, & Xenodochium S. Spiritus tantum protendebatur, mœnibus Urbis inclusit, dictaque est Urbs Leonina, quam Corsis habitandam dedit, ut Saracenis resisterent, qui iampridem Apostolorum Basilicam inuaserant. (b) Callixtus II. muros collabentes refecit. Item Clemens III. Gregorius IX. Urbanus V. Martinus, & Nicolaus V. Pius, & Paulus II. Sixtus IV. Alexander VI. (c) Molem Hadriani Bonifacius IX. muniuit, & in arcem primus mutauit, cui Alexander VI. Propugnacula, Fossam, & Aggeres addidit, sicut & Paulus IV. at Paulus III. ingentem in Auentino munitionem inchoauit. Non dissimiles fuerunt Iulius II. & III. Clemens VII. Gregorius XIII. & XV. Xystus,

---

(a) *Anast. in Vit.* (b) *Plat. in Vit.* (c) *Ciacc. in Vit.*

## SECTIO TERTIA.

*De alijs ad interiorem Urbis descriptionem  
pertinentibus.*

**V**T coronidem huic Dissertationi impo-  
namus, reliqua omnia ad Topogra-  
phiam Urbis spectantia curiosè lustranda  
sunt. At primò quidem ea, quæ intra Vr-  
bem, ut inde ad exteriora expeditiùs progre-  
diamur. Hic autem moenia ipsa Portas Vr-  
bis statim nobis ob oculos ponunt. Quas ta-  
men si iuxta Antiquariorum leges prosecui  
vellemus, spes omnis abriperetur tam citò  
Urbe egrediendi: diù enim Portarum inspe-  
ctioni insistendum nobis foret, adeò plura,  
eaque tricis, atque ambagibus plena sunt,  
quæ de Romæ Portis à Scriptoribus circum-  
feruntur, ut illas dixeris densissimis tenebra-  
rum velis obductas, omninòque obseratas.  
Quare illud nobis propositum est, relictis  
inanibus vitiligationibus, probabiliora so-  
lùm in medium afferre, ipso oculo, & iudi-  
cio ducibus: cum animaduerverim ab Anti-  
quarijs, Donato præsertim, & Nardino sæ-  
piùs Tulliani muri Portas cum recentioribus

Au-

Aureliani recinctus confundi. Præterquam-  
quod cum ipsi antiquæ Urbis mœnia satis  
dilatauerint, in Portarum etiam situ lapsos  
quandoque fuisse necesse est.

Incipiamus verò ab Vrbe ipsa quadrata,  
Romuli. Habuisse ipsam tres ad summum,  
Portas testatur Plinius (a) iniquens: *Vrbem*  
*tres Portas habentem Romulus reliquit.* Scio  
longè plures apud Varronem, (b) & Festum  
reperiri, Mugoniam scilicet, Trigoniam,  
Pandanam, Romanam, Romanulam, Libe-  
ram, Carmentalem, Ianualem &c. Existiman-  
dum tamen est vnâ, eandemque Portam  
pluribus nominibus insignitam, vt diuersitas  
solis vocibus insit. Prima fuit Romanula,  
propè Velabrum, non longè à Diui Theodo-  
ri Aede: eaque est, quam Lilius veterem  
Palatij Portam appellauit. Secunda fuit Mu-  
gonia in altero Palatini latere non procùl ab  
Arcu Titi: quod inde colligitur, nam An-  
cum Martium, quem ad Portam Mugoniam  
ædem habuisse testatur Varro, (c) ad Arcum  
Titi habitasse, Dissert. sequenti ostendam.  
Tertia Trigoniam Mugoniæ opposita versùs  
Circum Maximum collocanda est. Addi  
solet Pandana, quam non inèptè Nardinus  
(d) non Urbis, sed Capitolinæ Arcis Portam  
existimat. Post adiectum Vrbi Capitolinum

I. II. Ro

(a) lib. 3. c. 5. (b) lib. 4. de l. l. (c) l. 1. de Vit. Pop.  
Rom. (d) l. 2. c. 3.

Romanula, quæ illum respiciebat, inutilis prorsus remansit, duabus tamen reliquis immutatis. Nouæ huius additionis Portæ fuerunt Carmentalis, & Ianualis: prior quidem ad radices Capitolij versus Tyberim non longè à Montanario Foro, ita ut Marcelli Theatrum, sicut Festus ait, extrâ eam fuerit. Secunda verò à Macrobio (a) in radicibus Viminalis constituitur: à Nardino autem, qui secundi huius Urbis recinctus terminos nimis auarè restrinxerat, propè Sanctæ Martinæ Edem collocatur. Mihi verò iuxta superius exposita creditur Ianualis Porta extitisse in Capitolini radicibus ad Macellum, Coruorum, quò mœnia post Sabinorum fœdus produximus: dubio enim procùl aliqua hic esse debuit, ut mox subnectam.

Sed age iam inuestigemus Seruij Tullij Portas. Atque hic primò occurrit satis perplexus Plinij (b) locus, qui de Portis inquit: *quæ hodie sunt numero 37. ita ut duodecim semel numerentur, prætercanturque ex veteribus septem, quæ esse deserunt.* Quorum verborum ambiguitas Antiquarios in varias coegit abire sententias. Lipsius hæc verba præterijt, cum tamen omnes Vaticani Codices eadem exprimant. Panuinius legit 34. Marlianus (c) 24. Donatus (d) Plinium explicans ait: *Portas duodecim semel numerandas idem esse, ac pro*

*una*

(a) l. i. Sat. (b) l. 3. c. 5. (c) l. i. c. 6. (d) l. i. c. 21.

*una habendas* : unde si septem prætereantur, quas defuisse ait Plinius, solæ supersunt 19; id quod consentire ait Donatus cum verbis Procopij, qui Urbis Portas quatuordecim, Portulasque alias quasdam admisit. Sed verò sensatissime omnium se gessisse mihi videtur Nardinus, (a) qui Plinij mentem ita declarat, ostendendo plerasque in Urbe Portas Iani nomine fuisse appellatas, præsertim Carmentalem, de qua Liuius, *dextro*, ait, *Iano Porta Carmentalis profecti &c.* Cuius appellationis causa ea fuit, quod huiusmodi Portæ duplices forent ad modum porticus, duplicique ostio præditæ, ut dicam Dissert. de Foris : cuiusmodi erat antiquior Porta Portuensis, item Sancti Pauli, & Maior. Ex his facilis evadit Plinij mens, qui ad duplices hæc Portas respiciens ait, *ita ut duodecim semel numerentur*, nè scilicet, cum duplices essent, pro viginti quatuor acciperentur. Ex quibus consequitur non bene sensisse Donatum, cum voluit, iuxta Plinij mentem, duodecim Portas pro una habendas. Altera etiam superest Pliniani textus difficultas, utrum scilicet ex ipsis triginta septem Portis, veteres septem, quæ esse defuerunt, subtrahi debeant, sicut opinatur Donatus, an verò præter has septem, quæ non adhuc extabant, superstites etiam fuerint 37. Qua in re in-

(a) lib. I. c. 9.



Nardini etiam sententiam pedibus eo, qui posteriorem hanc partem ex ipsismet Plinij verbis satis ingeniosè tuetur. Quare Author hic, qui in superioribus sæpissimè mihi displicuerat, non sinè laudis encomio prætereundus modò est. Quòd verò minimè omnium extet memoria, temporis cum primis culpetur ingluviès, insuper eius æui Scriptorum oscitantia: nonnullæ etiam imposterùm sublatae sunt; quare Procopij tempore 14. dumtaxat durabant.

Ut Portas ipsas Seruiani muri singillatim describam, à radicibus ipsis Capitolini, quem Seruius Urbi addidit, exordium duco. Inter Macellum Coruorum, & Traiani Columnam debuit certè Porta aliqua ad proximam Viam Latam egressum parare. Donato creditur Ratumena: Nardinus nihil prorsus determinat: alij aliter sentiunt. Mihi verò iuxta superius dicta hic collocanda creditur Iantialis, quam Rómulus ipse, addito Capitolino, constituerat: post adiectum enim à Seruio Quirinalem, hæc eadem Porta, priori situ retento, vel paululùm immutato, inutilis hæud remansit. In rupibus Quirinalis usque ad Portam Salaria, quænam extiterit Porta, adhuc obscurum. In Quirinali Salutare locat Nardinus, necnon Catulariam, sed nullo fulcro. Vbi nunc extat Salaria creditur sita fuisse Collina, at magis introrsum



versus Villam Mandosiam, ubi Seruiani muri terminum ex ea parte constituimus . Porta Pia successit in locum Nomentanæ, quam Liuius Figulensem vocat : hæc tamen ante Aureliani dilatationem proximior erat Diocletiani Therinis, cum ulterius non protenderetur Seruij Tullij Agger . De Porta inter Aggeres valdè certant Antiquarij . Sed verò ex dictis constat eam fuisse Viminalem, hinc inter Aggeres appellatam, *quod in medio esset Aggeris*, vt ex Strabone, & Fabretto supra demonstrauius . Non minorem excitauit controuersiam Porta Esquilina, de qua videatur Nardinus, Marlianus, & Panuinius profusi non magis, quàm confusi . Nos iuxta superiorem Seruiani muri productionem illam collocamus ante Sancti Eusebij Ædem, quò terminari diximus Seruij Aggerem, quem ab Halicarnassco inter Collinam, & Esquilinam vidimus constitutum . Porta Neria confunditur vulgò cum Maiori: sed malè, cum còusque non pertigisse Seruij murum ostensum sit ; vnde illam inter Esquilinam, & Cælimontanam constituerem, nec fortassis incongruè intrà Alterianos Hortos, per quos antiqua mœnia produximus . Cælimontana eadem fuit cum illa, quam dicimus Sancti Ioannis . A Procopio (a) nuncupatur Asinaria, quam appellationem inde

(a) lib. 2. de bell. Ger.

fortitam ait Fulvius, (a) quòd per eam ingrederentur Neapolitani: at ego crederem, denominationem hanc Asinariæ ab ipso met Fulvio Cælimontanæ inditam. Sed exclusis iocis, verè hoc nomen habuit vel ab Hortis Asinij Pollionis, vt credit Donatus, vel ab Asinio Gallo instauratore. Portam Metrodij, cuius meminit Gregorius (b) opinor fuisse illam, propè quam aqua Crabra, vulgò *la Marrana*, Romam ingreditur. De Latina, frustrà differit Nardinus, cò enim non producebatur Seruii murus. Capenam, hodie Sancti Sebastiani, ad Ædem Sancti Xysti extrasse dictum est; atque indicio esse potest Milliarius Lapis signatus numero I. seu miliarij vnius, in vinea Nobilium de Naris repertus, hodieque in Capitolio expositus, è qua retrocedendo ad Sancti Xysti Ædem, mille passus adamussim explentur. In Montis Auentini crepidine ad summum extitit Lauernalis. De Porta Trigemina, nunc Sancti Pauli, dubitari solet, an eadem fuerit cum Ostiensi. Negat Nardinus, (c) & Fabrettus, (d) qui illam potiùs cum Nauali confundit. Sed relicto nomine, ad situm quod spectat, à Panuinio iuxta Scholam Græcam collocatur, quòd tunc temporis Auentinus extrà Urbem foret, à Claudio postea Pomerio inclusus.

Den-

(a) lib. 1. cap. 17. (b) lib. 9. epist. 69. (c) lib. 1. c. 9.

(d) De Aqueductu, Diss. 3.

Densissimus sanè error ex confusione Pomerij cum moenibus ortus: licèt enim Auentinus ante Cladium extra Pomerium fuerit; à Seruio tamen muro Urbis septum fuisse ostensum nobis est supra. Quare non reformido Portam Trigeminam in eodem, vel paululùm diuerso, quo nunc extat, situ collocare; Tyberim tamen aliquantulùm propinquiorem. Propè hunc erat Flumentana, quam nescio quo iudicio inter Capitolinum, & Quirinalem constituerit Donatus, (a) cùm ipsemet paulò antè dixerit: *hac ab antiquis Flumentana dicta est, quòd Tyberis partem ea fluxisse affirmant;* quis enim ità desipiat, vt Tyberim inter Capitolinum, & Quirinalem, fluxisse existimet? Post Flumentanam sequebatur Carmentalis vna ex antiquioribus adhuc superstes. Tarpeie rupis abrupta Portis carere debuerunt ad Macellum vsque Coruorum, vnde iter nostrum incepimus. Innumerabiles alias omitto huius antiqui muri Portas, seu potius innumerabilia Portarum nomina, nè paginas impleam verbis, & mentes legèntium umbris. Videatur Panninius, & Marlianus, quibus magis lubuit Portas Urbis contemplari, quàm Urbem ipsam. Fateor hìc me vniuerso Topographorum Urbis torrenti opponi: id verò non contradicendi cœssro, sed vt sapientiores ad me

(a) lib. 1. c. 21.

lora depromenda prouocarem : à quibus dum emendationem expecto, palynodiam non tam pudoris, quam profectus plenam præparo.

Aureliani recinctus nouas Portas minimè opus est vt consideremus : nam ostenso semel eius gyri ambitum adhuc superesse, Portas etiam easdem cum ijs, quæ hodièque extant fuisse necesse est. Dilatato muro multas passæ sunt antiquæ Portæ variationes. Addito enim Campo Martio, sublata Ianuali ad Capitolini radices sita, substitui cœpit Flaminia hodiè *del Popolo*. Ob additionem Montis Pincij aperta est Pinciana, quæ vulgò existimatur Collatina, refragante tamen Nardino. Porta Salaria, ampliato illic muro, vltèrius processit : sicut etiam Nomentana, hodiè Pia, necnon Esquilina nunc *di S. Lorenzo*, pariter Næuia, hisce temporibus *Porta Maggiore*. Latas scio impleri paginas ab Antiquarijs, præsertim Nardino, ad vestigandum, nùm verè Porta Maior fuerit antiqua Næuia, sicut Esquilina eadem cum S. Laurentij, Nomentana cum Pia &c, sed cùm vocibus immorandum, cùm situs ipsos studiosè venandi onus nobis incumbat ? Quare consultius erit hunc pedibus, & iudicio, voces verò solis oculis apud Calepinos Amalthæas, & Nizolios explorare. Ad rem, & in viam. Immota permansit Cælimontana. Ad-

data fuit Latina post adiectum Vrbi Cæliolum . Processit vltra Capena vbi hodiè Porta Sancti Sebastiani . Cincto muris Testaceo modicam variationem passa est Porta Trigemina . Ab altera Tyberis ripa constituta, fuit Portuensis paulò vlteriùs ac nunc visitur : Urbanus enim Octavius Urbis murum ab ea parte restrinxit . Accessit Porta Aurelia, Panuiniò Ianiculensis , vulgò *di San Pancratio* . Septimiana vel quòd subtùs Ianum , vel à Septimio Seuero ità appellata, etiam inter nouas recensenda est ; quidquid somniauerit Panuinius . Post additam Leoninam, Urbem alias etiam Portas aperuerunt Romani Pontifices Leo IV. aliique nonnulli .

Prolixam instituunt Dissertationem de Porta Triumphali Donatus, & Nardinus . Sed ego paucis hanc rem expedio . Olim Triumphalis erat Capena , extrà quam erat Martis Templum, & Senaculum , vbi Senatus ijs concendebatur, qui triumphum poscerent . Cum postea frequentari cepisset Campus Martius, Triumphalis Porta euasit Ianualis, è qua ad Campum Martium patebat aditus : vnde legimus triumphaturis Senatum in Circo Flaminio , qui erat in Campo Martio, dari solitum . Tandem postquam Aurelianus mœnia iuxta Tyberim dilatauit, sublata Ianiculari , cepit triumphalis pompa per nouam Portam in triumphali Ponte crecta ,  
Trium-

Triumphali imposterum appellata, perducitur. De Triumphali autem Ponte dicemus paulo postea; sicut de vniuerso hoc argumento nonnulla etiam redibunt tom. 3. *Dissert. de Triumphis.*

Antequam è Portis egrediamur, septem Urbis Colles perlustrandi sunt. Palatinus quadratæ Urbis basis, antea Palantium, postea Palatium; quòd *Palantes cum Euandro in eo habitarent*; vt ait Varro: (a) *vel à pecorum balatu, quasi Balantium*; vt ait Festus; vel quòd pecudes ibi palare, idest errare solerent, iuxta Ouidij explicationem. Proximus ei est Capitolinus ita dictus, quòd cùm fundamenta Templi Iouis ibi foderentur, hominis caput (quem Tolum appellatum fuisse scribit, nulli tamen veterum innixus, Arnobius) repertum sit; antea enim dicebatur Saturnius, & Tarpeius, sicut laudatus refert Varro. Duas habet summitates, quarum vna, versùs Tyberim Saxi Tarpeij nomine vocata, hodièque *Monte Caprino*, vbi Arcem struxit Romulus; (b) altera versùs Quirinalem, vbi Ædes nunc Aræcæli, quæ absolute Capitoliij nomine insignita est; vt potior Antiquariorum pars apud Fuluium adstruit. Ad alterum Palatini latus assurgit Cælius, cui nomen dedit Cælius Vibellus Tuscorum Dux, qui Romulo contra Sabinos suppetias

---

(a) 4. d. II. (b) Flut. in Cam.



tulit, vt testis ibidem Varro . Ad meridiem Palatino iungitur Auentinus, à *Rege Auentino Albano* quòd *ibi sit sepultus*, vel ab *auibus*, vel ab *aduentu hominũ*, quòd commune Latinorum *ibi Dianæ Templum sit constitutum*, nominatus, sicut etiam ait Varro . Ad radices Capitolini incipit Quirinalis, antea Salutaris, Mutialis, Latiaris, & Agon, postea à *Templo Quirini*, vel à *Quiritibus* eò conuigrantibus, Quirinalis, hodiè *Monte Cavallo*, à duabus marmoreis statuis Alexandri Magni Bucephalũ domantis, quas Constantinus Alexandria Romanam transtulit . Habet hic ab ortu Esquilinum, & Viminalem . Prior ex pluribus constans collibus nomen sumpsit, quòd *excultus fuerit à Rege Tullo*, vt inquit Varro . Hic verò mons est omnium amplitudine maximus. Viminalis vel à *Ioue Viminio*, quòd *ibi ara sunt eius*; aut quòd *ibi vimineta fuerunt*, cum eodem Varrone loquor, seu *viminum sylua*, vt explicat Festus . Atque hi sunt septem celeberrimi Urbis Colles : quatuor alij sequuntur minùs illustres . Collis Hortulorum à proximis Hortis Sallustianis, alias Pincius à Pinciorum domo, hodiè *la Trinità de' Monti* . Cæliolus propè Cælium, vbi nunc Porta sita est Latina . Ianiculus in TransTyberi ita dictus, quòd *ibi habitauerit Ianus*, hodiè Montorius, seu Mons aureus à flauis arenis, sicut è suo cerebro statuit Panuinius . Tandem



Vaticanus, qui olim extrâ Urbem, à Vaticano Deo denominatus, vt indicat Varro. De Citorio, alijsque minoribus Collibus dicam alibi.

E' Collibus importunum minimè erit ad Fontes digredi, quibus olim Roma, antè aduectas è longinquo exteras aquas, irrigabatur spatio annorum ccccxlj. Primus enim omnium Appius Claudius Censor cognomen Cæcus anno ccccxlj. aquam Claudiam Romam corriuauit, vt in Dissert. de Aquæduct. dicam. Antè id temporis Vrbs in montibus collocata modicis, quos mox adnectam, Fontibus contenta fuit. Aqua Mercurij Nardino creditur ad radices Cælij, vel Auentini scaturiisse: ast alium etiam Nardino inuisum Mercurij Fontem extrâ Portam Capenam insignem, cuius aquis religiosè ablui mercatores solerent, alibi ex Ouidio indicabimus tom. 3. Dissert. de Festis. Stagnum Iuturnæ è crepidine Palatini versùs Romanum Forum manabat: ex eadem Fons Luperçalis à Luperçalium cauerna ità appellatus. Aquæ Lautulæ è radicibus Capitolijs ad idem Forum profluebant. Fontes Pici, & Fauni è spelunca quadam sub Auentino orti tanquam religiosi habebantur. Accedebat his Almon paruus fluuius, hodiè *Acquataccio* extrâ Portam Capenam. Fons Ægeriæ, sicut etiam Petronius, non magnæ erant vtilita-

tis,

tis, quòd ab Vrbe distarent. Non deerant putei, & cystemæ, vt in Dissert. de Domibus. Aqua etiam Tyberis vsui erat, vt mox addam.

Ab aquis gressum facio ad Cloacas aquarum receptacula. Earum structura, licet minor cuiquam videatur, tantæ tamen fuit magnificentiæ, vt Halicarnassæus (a) pronunciauerit: *mibi sanè tria magnificentissima videntur, ex quibus maximè apparet amplitudo Romani Imperij, Aquaductus, Via strata, & hæ Cloacæ: reputanti non solum utilitatem, verum etiam impensarum magnitudinem, quam vel hinc licet conijcere, quòd neglectas aliquandò Censores mille talentis purgandas locauerint. De iisdem ità scripsit non sinè hyperbolis suspitione Cassiodorus: (b) quæ tantum visentibus conferunt stuporem, vt aliarum Ciuitatum possint miracula superare. Videas illic fluuios quasi montibus concauis clausos per ingentia stagna decurrere. Videas structis nauibus per aquas rapidas cum minima sollicitudine nauigari. Hinc Roma singularis quanta in te sit potest colligi magnitudo; quæ enim Vrbs audeat tuis culminibus contendere, quando nec ima tua possint similitudinem reperire? Primus Cloacas inuenit Tarquinius Priscus ad siccandas Paludes. Inter Palatinum, Capitolinum, & Quirinalem plurimis dispersitæ ramis ad Forum, concurrebant. Cloacam maximam à Foro*  
ad

(a) l. 3, (b) l. 3. epist. 3.

ad Tyberim. Tarquinius Superbus perduxit ex Liuiο, (a) qui addit: *quibus duobus operibus vix nona hæc magnificentia quicquam adæquare potuit*. Alias postea condidere M. Cato, & Valerius Flaccus Censores. (b) Agrippa sub Augusto purgatis veteribus nouas adiecit: *Suffossis Montibus, atque Vrbe pensili, subterque navigata*, vt ait Plinius. (c) Harum vnā fuisse suspicatur Nardius, (d) quæ in Campo Martio propè Ripetram visitur, sicut etiam illam, quæ à vico *de Chianari* per Templum S. Ignatii ad Quirinalem excurrit.

Describendæ nunc forent Urbis Viæ, per quas si nostrum instituere vellemus iter, Vrbe egressis vniuersa penè Italia percurrenda nobis foret, absque spe subito Romam remeandi. Viæ enim ipsæ duplicis fuisse generis, aliæ intrâ Urbem, aliæ à Columna Milliaria in capite Romani Fori sita incipientes, per vniuersam Italiani propagabantur, cuiusmodi fuere Appia, Flaminia, Æmilia &c. Secundi huiusce generis Vias saniori consilio omittendas duxi, tum quòd de iisdem singularem libellum ad vmbilicum penè perduxerit Reuerendissimus Cælestino-  
rum Generalis Guicciardinus ad vniuersæ propè Italiæ splendorem mox in lucem edendum: tum quòd non Italicam, sed Romanam dumtaxat Antiquitatem nobis perscrutari

---

(a) l. 1. (b) *Liui.* 9. (c) l. 36. c. 15. (d) l. 8. c. 5.

tari proposuerimus. Quare, ut nostro propius insistamus argumento, Vias dumtaxat Urbis percurram. Eæ, quarum nonnulla extat memoria, fuerunt Sacra, Noua, Lata, Recta, Triumphalis, Alta, Fornicata, Subura, & Carinæ. Post quas nonnulla etiam de Vicis innuam.

Præcedat singulis Sacra Via ita appellata, quod in ea factus esset inter Romulum, & Tatium, ut ait Festus. Hanc à Foro incepisse præter alios testatur Appianus, (a) qui narrat Octavianum è Via Sacra in Forum erupisse. Incipiebat ab Arcu Fabiano, de quo Asconius (b) inquit: *Fornix Fabianus Arcus est in Via Sacra à Fabio Censore instructus*. Hic verò situs erat propè Templum S. Laurentij in Miranda ex Trebellio. Hinc Via ipsa Sacra per Aedes Sancti Cosmæ, & Pacis excurrebat, ut colligitur ex Vopisco. (c) Opinati sunt nonnulli è Templo Pacis flexisse Viam ad Arcum Titi. Hunc tamen errorem fusè quidem rejicit Nardinus ex situ ipso Arcus eminentiori; an verò probè, non auisim determinare, cum insolens minimè sit vias quandoque per lenes cliuos perducì, in Vrbe præsertim Collibus vtrunque coronata. In eo certè Nardinum laudauerim, quòd Sacram Viam recto tramite per Templum, & Hortos Sanctæ Mariæ Nouæ ad Amphithe-

(a) 1. de Bell. Ciu. (b) In 2. Verr. (c) In Gallien.

theatrum Flauij, seu Colossæum protendat : quam coniecturam aliter ac ipse ostēderem, obseruando inter omnes Colossæi extimos arcus, seu ostia; vnum, quod reliquos amplitudine excedit, Hortis Sanctæ Mariæ Nouæ opponi : cum autem per maius illud ostium Amphitheatrales Machinas per Sacram Viam perducī solitas non rarò legamus, consentaneum est Sacram Viam per eodē Hortos recta linea excurrissē, vt ita in patulum illum Colossæi arcum immitteretur; si enim ad Arcū Titi flexisset, cur Sanctæ Mariæ Nouæ Hortis, & non potiùs Arcui Titi oppositum maius Amphitheatri ostium collocauissent? Viæ Sacræ ramus ab angulo Fori sub Palatino per Forum ipsum producebatur.

Via Noua Foro Romano iuncta non longè à Templo Sanctæ Mariæ Liberatricis in Velābrum desinebat. Aperuit eam Tarquinius Priscus, cum Cloacam struxit à Foro ad Tyberim; tunc enim Cloacæ non sub ædificijs iacebant, sed per publicum ductæ, vt ait Liuius. (a) Alteram Viam Nouam per Circum Maximum ad Thermas Antonianas parauit Caracalla ex Spartiano; quam ineptè Fuluius, & Marlianus cum priori confundunt. Via Lata è radicibus Capitoli ad Forum Columnæ, vt vult Panuinius; aut potiùs  
ad

ad Plateam *di Sciarra*; hinc enim initium ducebat Flaminia, una è Vijs extrà Urbem. Viam Rectam vt compendiosè, ità falsò definit Panuinius *propè Flaminiam per longitudinem Campi Martij*. Donato creditur inter Pontem Xystum, & alterum Sancti Angeli: at cùm postremus nondùm adesset primis inuectæ adhuc Viæ Rectæ temporibus, magis verè illam reponere in inter Pontem Xystum, & Triumphalem. Huic Viæ successit Iulia, inter præclariores nostræ Urbis, à Iulio Papa excitata. Via Triumphalis eadem prorsus fuit cùm Recta, quæ hanc appellationem meruit, quòd per eam Triumphalis Pompa duci soleret. Via Alta erat in dorso Quirinalis, ab equis marmoreis ad Portam Piam; Via Fornicata propè Fontem *di Treui*, ubi Sanctæ Mariæ in Fornica Templum adhuc extat.

Antiqua Subura, & Carinæ non modicum in Antiquariorum Museis puluerem excitarunt. Creditur vulgò prisca Subura eadem cùm illa, quæ hodièque hoc nomine appellatur: imò Donatus (a) illius fines longè, latèque diffundit per cliuum Sanctæ Lucie in Silice ad Arcum *de' Pantani*, Forum Cæsaris, Colossæum, Ædem Sanctæ Agathæ in Quirinali, & Viminalem. At quam abs re is viderit, qui tam vastam mensus sit ampli-

K

tu-

(a) l. 3. c. 10.



itudinem : ità enim vna Subura integram ab-  
 sorbuisset Regionem quartam , parum quin-  
 tæ , item sextæ , & tertiæ : cùm tamen ipsa  
 non Regio foret , sed secundæ Regionis via  
 ex Rufo , & Victore . Quibus accedit nus-  
 quam legi Forum Cæsaris , Neruæ , Tem-  
 plum Pacis , aliaque proxima ædificia in Su-  
 bura fuisse . Collocat hanc Panuinius in val-  
 le ab Æde Sancti Gregorij ad Arcum Con-  
 stantini inter Palatinum , & Cælium ; at nullo  
 duce , aut fundamento . Optimè omnium  
 Nardinus (a) antiquam Suburam protrahit à  
 Templo Sanctorum Petri , & Marcellini ad  
 Colossæum , hac perductus ratione , quòd  
 Varro ità inquit : *Suburam dictam puto Sucu-*  
*sam , quòd succurrit Carinis* : Festus verò ex  
 Verrio à *Pago Sucufano* : & paulò infrà ità di-  
 ctam opinatur à *Statio præsidio , quod solitum*  
*fit succurrere Esquiljs , infestantibus eam partem*  
*Vrbis Gabinis* . Ex quibus concludere sit tùm  
 Pagum Sucufanum , tùm Suburam ipsam  
 non inter Cælium , & Palatinum , aut alibi ,  
 sed in Esquiljs non procul à Porta Maiori ,  
 qua ad Gabios itur , extitisse , vt posset *Stati-*  
*uum præsidium* contra Gabinos Esquilias ipsas  
 tueri , antequam hæ à Seruio muris cinge-  
 rentur . Adderem insuper Plinij Secundi  
 domum collocari à Martiali (b) in Esquiljs ,  
 fateri verò Plinium (c) ipsam se in Subura  
 habi-

(a) l. 3. c. 6. (b) l. 10. epist. 19. (c) l. 3. epist. vii.



habitaſſe . Hanc locum permutaſſe exiſtimat Nardinus Gregorij Septimi tempore , cū exercitus Roberti Guiſcardi , omnibus deuſtatis inter Capitolium , & Lateranum , Suburbanos aliò tranſmigrare coegit . Fateor hīc Nardini coniecturas euincere quidem Suburam nec ad Arcum Conſtantini , vt ſentit Pantiniuſ , nec ad Quirinalem &c. vt Donati fuit placitum , pertigiffe ; nihil tamen obſtare quò minus eo loci , vbi & recens proſtat , veterem etiam collocemus Eſquilinam verſùs Portam , vel Neuiam , è quibus ad Gabinos etiam patebat aditus : ità enim optimè valuiſſet Eſquilias contra Gabinorum tueri inuaſiones , ſicut Feſtus aiebat . Vtut ſit , hæc via inter Principalioreſ olim erat , omnium frequentatiſſima ob perpetuum in ea Emporicum ; (a) hinc lupanaribꝯ erat referta , vt præter Rufum , & Victorem , Poetæ paſſim teſtantur . Huius Viæ delicias explicare videtur Vmbriciuſ cū apud Iuvenalem (b) Urbis illecebras faſtidiens ait : *ego vel Prochyta præpono Suburæ* . Qua in re videſis Nardinum , quem inoffenſo pede quoad hoc perlegi poſſe adiudico .

Superſunt Carinæ , quas Fuluiuſ , Blonduſ , & Marlianus nihil aliud fuiſſe aiunt , quam Domuſ illaſ in parte Eſquiliarum aſtrali inter Ædeſ Sancti Martini de Montibuſ , &

K 2

San-

( a ) Mart. l. 7. epig. 30. ( b ) Sat. 3.

Sanctorum Petri, & Marcellini, eò quòd lenes horum Collium Cliui simul iuncti Carinæ nauium similitudinem referant. At obstat cum Victore Rufus, qui Carinas in quarta Regione, cæque planà constituunt, cùm Esquilix è quinta, & tertia Regione fuerint. Non negauerim antiquius singulas Esquilini, Palatini, & Capitolij valles Carinarum nomine ob nauium similitudinem appellari solitas: tractu autem temporis vox hæc vni Viæ hæsit, quæ nullibi magis commodè locari potest, quàm inter Hortos Piorum, & Esquilias vsque ad *Tor de Conti*. Ædificijs ornatam declarat Seruius, (a) cùm Carinas *Lauas* vocat.

Nè quicquam nostræ desit Urbis Topographiæ, vicorum etiam insigniorum descriptionem subnectimus. Vt verò à proximè dictis Carinis iter ordiamur occurrit primò Vicus Cyprius Carinis ipsis conterminus: etenim à *Turri de Conti*, vbi Carinas terminauimus, excurrerat ille ad Templum Beatæ Mariæ de Montibus, licet vulgò constituitur à Templo Pacis per Hortos Piorum ad Ecclesiam Sancti Petri ad Vincula. Cyprio proximus erat Sceleratus propè Ædem Sanctæ Mariæ de Montibus versùs Cliuum, Virbium in recenti Subura locatum: quod colligitur ex Liuiò, qui de vxore Tarquinij

---

(a) 3. *aneid.*

Superbi, quæ super occisi Patris cadauer duci iussit carpentum, ait, *flectente carpentum, dextera ad Virbium Clivum*: è qua immanitate Scelerati titulus Vico huic mansit. Vicus Africus fuit in Esquilijs. (a) Vicus Vstrinus, & Palloris propè Portam Esquilinam in Puticulis, vbi pauperum erant sepulturæ. Vicus Patricius etiã in Esquilijs propè recentem Suburam à Cloaca ad Sanctæ Pudentiænæ Ædem. Vicus Lateritiuſ non procùl à S. Praxedis Æde. Vicus Africus etiã in Esquilijs. Vicus Fabricij ad Portam Capenam. Fortunarum ad Collinam. Fortunæ Despicientis in Palatino. Vicus Iani propè Marcelli Theatrum. (b) Iugarius ad Capitolini radices inter Forum, & Portam Carmentalem. Creditur idem cum Thurario, sed apud Victorem distinguitur. Epimelius, qui in Iugario legitur, falsò existimatur Vicus, cùm potiùs esset Platea. A Iugario ad Velabrum, seu Pontem Sanctæ Mariæ erat Vicus Thuscus. Vici Laureti Maior, & Minor in Auentino, vbi spelunca è lauris Titi Tatij. Mamertinus, hodiè *la Salita di Marforio*. Mamurri propè Ecclesiam Sanctæ Sussannæ. Mustellarius in Templo SS. Domini- ci, & Xysti. Piscarius propè Forum eius nominis. Publicus à Via Sacra ad Circum. Quirini in Valle ad Ædem S. Vitalis. Sanda-

K 3

lia-

(a) Varr. 4. l. m. (b) Iuv. l. 7.

liarius, vbi librorum officinæ, ab Arcu Titi ad radices Esquiliarum. Sigillarius Maior à Foro Traiano ad SS. Apostolorum Ecclesiam. Minor à Foro Augusti ad Traiani; vbi Argentariorum tabernæ. Archimonius propè Ædem Sancti Nicolai iampridem de Archimonijs, nunc à *Capo le Case*. Bubularius propè Palatinum, idem fortassis cum via, quæ *Capita Bubula* olim dicta est. Corneliorum in Hortis Columnensibus. Vicus Curiarum contra Diui Gregorij Templum. Vicus Colapeti, vel vt in Capitolina basi, Colafiti Pastoris in Regione xij. Brutianus, quem Brutij incolebant, in Transtiberi ad Ianiculum. Vicus Vrsi Pileati vbi S. Bibianæ Ædes. Vicus Solis in Quirinali. Argiletum à Foro Olitorio ad Vicum Thuscum. Sed de his satis.

## SECTIO VLTIMA.

*De reliquis extrà Urbem.*

**M**Ansuetudo diù in Vijs, pulchritudinem Urbis inspecturi. Exteriora manent Vrbi equidem nec amplitudine, nec maiestate ipsa minora. Egressum verò non è Portis, quas iam inspeximus, sed è Pontibus aspiciamur. Octo numerantur à Victore, Milui o etiam comprehenso: at intrà Urbem soli septem. Horum antiquissimus fuit Sublicius  
ab

ab Anco Martio extructus , cùm Transtyberinam Regionem Vrbi addidit . (a) Sublicij nomen è lignis, quibus componebatur, promeruit , ligna enim sublicia appellari priscis solebant ex Festo : vndè etiam Roboreus dicitur Ouidio : (b) cùm verò ferreis clavis ligna commissa essent , adeòque in bello Hetrusco ægrè reuelli potuerit, statutum fuit, vt impostèrùm nonnisi ligneos haberet clauos . (c) Ligneus stetit vsque ad tempora Augusti , imò & Vespasiani , vt ex eodem Plinio colligi potest . Sub Antonino etiam eiusdem Pontis restauratore ligneum perdurasse ostendunt nummi apud Ioannem Sambucum in suis Emblematis circa finem . Vndè non rectè ab aliquibus creditur Æmilius quidam Prætor hunc Pontem è marmoribus refecisse; tùm quòd id minimè apud priscos Scriptores reperire sit ; tùm quòd reficiendi eius cura solis Pontificibus commissa foret : vndè Varro (d) Pontificis nomen à Ponte ipso deriuat : nisi dicere velis ab Æmilio Lepido Triumuiro, & Pontifice Maximo extructum , vndè & nomen etiam Æmilij sumpserit apud Victorem , cui non abnuo , dummodò ligneus adhuc stet ; cùm nonnisi sub Hadriano Primo Summo Pontifice marmoreus reperiatur extructus apud Platinam ex

K 4

Ana-

---

(a) *Halic. l. 3.* (b) *5. Fast.* (c) *Plin. lib. 36. c. 15.*

(d) *lib. 4. de l. l.*

Anastasio . Circa huius Pontis situm nonnulla est controuersia . Etenim collocatus creditur vbi hodièque Pilæ visuntur propè Tyberis ripam, in qua nauium statio, vulgò à *Ripa Grande* . Sentiunt tamen alij propè Scholam Græcam, alla *Marmorata* situm, fuisse contra Victorem, & Architecturæ ipsius leges; quis enim sibi suadeat Sublicium Pontem ibi locatum, cui propinquus alter Sanctæ Mariæ extabat? Id enim neque necessitas vlla, neque eorum temporum caritas pati videtur .

Pons vulgò *di Santa Maria* ab Æde S. Mariæ Ægyptiacæ propinquiori ità appellatus, idem profectò esse debuit cum Palatino, cuius meminit Victor . Vocari etiam solet Senatorius, at nullo inquit Nardinus: (a) fundamento . Primus fuit è marmoreis intrà Urbem erectis, vndè Liuius (b) absolutè Pons nuncupatur . Instaurarunt illum primò Iulius III. deindè Gregorius XIII. at nunc inundationibus proruptus feriatur . Duorum Tyberinæ Insulæ Pontium primus est Fabritius, qui ab Vrbe ad Insulam ducit, hodièque dicitur *di quattro Capi* ob Iani quadriformis statuam: eius Author Fabricius post Catilinæ coniurationem ex Dione. (c) Alter est Cæstius, qui ab Insula ad TransTyberinam fert Regionem, cuius Author Cæstius Gallus

Con-

(a) l. 8. c. 3. (b) l. 20. (c) l. 37.



Consul sub Tiberio , vt sentit Panuinius ; licet non insulsè existimet Nardinus eum Republicæ tempore erectum , cum credi nequeat Tiberij superbiam pati voluisse, vt tam diues structura suo nomine non insigniretur . Eundem restaurarunt Valentinianus, Valens , & Gratianus ex inscriptione , quæ adhuc in hoc Ponte visitur . Vterque fuit marmoreus : sed antea ligneos fuisse acutè magis, quàm scitè Nardinus suspicatur .

Pons Xystus communiter creditur Ianiculensis, quòd ad Ianiculum præbeat transitum, postea, à Xysto Quarto resectus, Xysti nomen retinuit . Creditur Marliano ab Antonino è marmore conditus , nullo tamen nisi solius traditionis fundamento . Vaticani Pontis extant adhuc Pilæ apud Sancti Spiritus Xenodochium . Idem appellatus fuit Triumphalis à proximo Vaticano Campo , & Porta , è quibus triumphalem pompam postremis temporibus perduci solitam diximus . Pons Ælius ab Ælio Hadriano eius auctore nomen sumpsit, hodiè *di Sant' Angelo* .

Pontium extra Urbem primus fuit Miluius à Marco Æmilio Scauro eius conditore primum Æmilius, hodiè *Molle*; à Nicolao Quinto postea restauratus. Quatuor in Anicene fluuio , qui hodiè *il Tenerone* , inque Tyberim immittit, extabant , extantque adhuc Pontes , Salarius à Narsete resectus , isque  
anti-



antiquissimus à Gallica usque obsidione: Nomentanus à Via eius nominis ità dictus: Mammolus, vel Mammeus ab Alexandri Seueri genitrice Mammea ædificatus: & Lucanus à Tiberio Plautio extructus, vt eiusdem Pontis inscriptio præfert.

Admonent hîc nos Pontes, vt de Tyberi fluuio, cui insident, nonnihil addamus. Dicebatur antea Albula ab aquarum, vt vulgò inquit, limpiditate: postea à Tyberino Albæ Rege Tyberis. Quod mihi non plenè percipitur, qui Tyberis horridas aquas satis perspectas habeo: illas enim habet summè turbidas; quæ tamen in vasis reconditæ, subsidente statim sabulo, nitescunt. Quod adinuentum antiquis Romanis minimè incompertum existimo, ijs præsertim temporibus, quibus nondùm exteras aquas ebiberant; quidquid arguteretur Lancellottus in suo libro *dell'hoggidi*: quis enim adeò insipidos sibi effingat Romanos, vt tam obuiam adinventionem fugiisse eos omninò credat? Eò vel maximè, quòd turbida Tyberis aqua summo sit nocumento, vt obseruat Petronius in suo de victu Romanorum libro; id quod etiam iampridem Portuensium Salinarum operarij suomet periculo didicerunt, qui hac turbida aqua potati, in lethales statim morbos incidebant. (a)

Huius

Huius fluij latitudo ab Halicarnasseo (a) quatuor asseritur iugerum, quæ iuxta Plinij regulas efficiunt vlnas cxxviii. Quæ amplitudo cum hodièque minimè comperiat, hinc optimè obseruauit Donatus (b) ex traductorum inscitia *iugerum* vocem in latinum Halicarnasseum irrepsisse, cum ipse solùm dixerit : *Latitudo est quatuor ferè pletrorum, profunditas nauibus etiam magnis tranabilis, fluius concitatus, & vorticofus si quis alius* : pletra autem minora esse iugeris ostendit Lucas Pætus, (c) ita ut quatuor pletra vlnas constituent liij. His diebus longè minor comperitur ; licet enim alueus, cui Sanctæ Mariæ insidet Pons, quinquaginta vlnarum spatio amplius decurrat, & ad Pontem Milium lvj. procil tamen ab Insula angustior inspicitur. Neque hinc deceptum putemus Halicarnasseum, qui verbo *ferè* incertitudinem significauit. Præterquamquod credi potest in Pontium, extruptione, ad vitanda impendia, alueus fuisse restrictus. Tyberis profunditas Plinio (d) existimatur profunditati Nili æqualis, eò quod Ægyptio Obelisco, quem per eum Caius Cæsar Romam duxit, sustentando par fuerit, *quo experimento*, sunt Plinij verba, *patuit non minùs aquarum huic amni esse, quam Nillo.* Eiusdem Tyberis alueus altior creditur postea

(a) lib.8. (b) lib.3. cap.21. (c) lib.1. de mens. & pond. cap.ult. (d) l.36. c.9.

stea euasisse ob ædificiorum ruinas eò collapsas, licèt Nardinus (a) ex Pontium arcubus, plateisque oppositum nitatur inferre.

Antè Tarquinius Priscum Tyberis ad Palatinum vsque, Forum, & Circum Maximum perueniebat, vndè locus ille Velabrum dici cepit, quòd *velis transiretur*, sicut testatur Acron in notis ad Horatij Poeticam. Sed Tarquinius Cloacis ædificatis eam paludem siccauit, sicut Dissert. antecedenti dictum est, licèt poetæ aluei etiam variationem à Tarquinio nouis Aggeribus factam dicant; quæ tamen Donato, nescio quibus de causis, minimè arridet. Illud mirari subit hoc Tarquinij opus ab Acrone (b) attribui Augusto, & à Porphyrio etiam Agryppæ. Id verè de Augusto narrat Suetonius: *ad coercendas inundationes alueum Tyberis laxauit, ac repurgauit completum olim ruderibus, & ædificiorum prolapsionibus coarctatum*: sicut etiam Traianus Fossam adiecit: (c) & tandem Aurelianus ripis murum ædificauit ex Vopisco, cuius rudera in eo Tyberis loco, qui dicitur *Ripa*, adhuc prostant: olim enim crebriores fuisse inundationes, illud, præter Plinij testimonium, argumento est, quòd tùm imior esset Vrbs.

In eam nonnulli Antiquarij iuere sententiam,

---

(a) lib. 8. cap. 1. (b) In Hor. Poet. (c) Plin. lib. 8. epist. 17.

tiam, quòd interdictum esset priscis temporibus circa Tyberim ædificare, religionis quidè causa, cùm fluuius hic inter Numina recenseretur. Sed oppositum indicant Reguli Porticus, quas Plinius Iunior (a) *immensas* ait, & *ripam occupasse*. Addens insuper pluribus propè solus, quàm ceteri in omnibus terris amnes accolitur, aspiciturque Villis. Id quod etiam Claudianus (b) demonstrat, cùm Gallos ad Tyberis ripam ædificantes describit. Tractu temporis non modò secundum Tyberim, sed etiam in Agro Suburbano parcissimè ædificatum est, ob aeris insalubritatem, sicut Alexander Petronius animaduertit.

Ceterum Tyberim piscium feracissimum prædicat apud Macrobius (c) Varro ità in-  
 quiens: *ad victum optima fert ager Campanus frumentum, Falernus vinum, Cassinas oleum, Tusculanus ficum, mel Tarentinus, pisces Tyberis*. Inter quos laudatissimus erat Lupus, ibi præsertim capi solitus, quò Cloaca Maxima sordes immittebat propè Sublicium Pontem, & Palatinum ex eodem Macrobio. Quænam autem piscium species foret Lupus, dicam. Dissert. de cibo, & potu, ubi etiam nonnullus de Moletrinis in Tyberi extantibus sermo erit.

Hic verò operæ pretium poscit, ut pau-  
 la

(a) lib. 4. epist. 2. (b) lib. 2. in Stilic. (c) lib. 3. Saturnur. cap. 16.

la de Tyberina Insula libemus. Communis fert Antiquariorum opinio Insulam hanc primordia non aliundè habuisse, quam è spicarum segete è Campo Martio, qui tunc Tarquiniorum erat, collecta, & in Tyberim immissa, ibique in vadis hæsitante, & paulatim acervata. Deridet hoc, more suo, Lancelottus in libro, cui titulus *I Farfalloni*. Sed ecce Liuius, cui nescio, an subscribere vereatur perspicacissimus hic antiquitatis reformator, ni dicam & osor. Liuius (a) ergo de Tarquiniorum agro, postquam Vrbe eiecti fuerant, inquit: *Ibi tum seges farris dicitur fuisse matura messi, quem Campi fructum, quia religiosum erat consumere, desertam cum stramento segetem magna vis hominum simul immissa corbis fudere in Tyberim tenui fluentem aqua, ut medijs caloribus solet: ita in vadis frumenti acervos sedisse illitos limo, Insulam inde paulatim, & alijs, quæ temere flumen eodem inuectis factam: postea credo additas moles, manuque adiutum, ut tam eminens area, firmaque esset. Nosco Liuium voce illa, dicitur, incertitudinem quamdam subindicasse: at cum id ipsum affirmet Halicarnassæus, (b) dubitatione omni carere debet. Verisimilior res fiet consideranti multas latere sub Tyberi cæcas Insulas, quæ æstiuis temporibus, subfidentibus aquis, paulatim emergant: in quas tot farris manipulos impegisse, ibique*

---

(a) lib. 2. (b) lib. 5.

que hæsitasse , & stetisse , atque in cumulum assurrexisse , quid concipi vetat ? Quibus si addas lutum, aliasque immunditias , *eminentem habebis aream* , quæ manu adiuta , sicut Liuius ait , *Porticibus sustinendis foret apta* , prout in Pontium structuris , & in Venetiarum ædificijs fieri solet . At Insula hæc primùm nauis formam obtinuit , in eius nauis memoriam , quæ Romam Serpentem illum , qui Æsculapius credebatur , Epidauro aduexerat ; vndè hic Esculapij Templum cum Xenodochio , de quibus alibi erit sermo .

Sed verò relictis aquis , quæ in hac anni , qua scribimus , tempestate , plurimùm lædunt , cia nunc reliqua Urbis exteriora perlustremus . Atque hinc primò sese nobis exhibent Suburbia , Vrbi ipsi nec pulchritudine , nec vastitate inferiora ; vt illa non ineptè appellares Urbem alteram extrà Urbem : quid dico ? Urbem quinimò Vrbes ipsa ampliorem : vt , si vera forent , quæ de Suburbijs circumferuntur , Romam ipsam cogaris asserere Suburbiorum suorum Suburbium ; adeò mira sunt , quæ de ipsis Nuperrimè scripsere , Donatus (a) præsertim , & Lipsius . (b) Prisci quidem , si vnum vel alterum exceperis , qui Suburbia Romæ amplificauit potius , quàm descripserunt , nihil de ipsis certò statuere , quantum ex eorum le-

ctio-

(a) l. 1. c. 16. (b) De magn. Rom. l. 3. c. 3.

atione excipere valui. E recentibus, indicauimus iam supra Isaaci Vossij commentum, qui Suburbia circa semicircularem suam Romam quatuor milliarium spatio quaquauersum excurrissè somnauit. Donatus, Fuluius, Panuinius, & Lipsius eadem ad Gabios vsque, Tybur, Ariciam, Ostiam, & Otriculum protendunt ad quindecim circiter milliaria, celebrioribus vijs Latinæ, Cassiæ, Flaminiae, & Aureliæ imposita, & adificijs ex utraque parte plena, sicut ait Panuinius: *nunquam, aut rarò intermisso tectorum ordine, sicut inquit Donatus.* (a) Hinc Neroni, teste Suetonio, cogitatum, Ostiam vsque murum producere, vt ità mare ipsum Vrbi adnecteret, quamuis id non præstiterit. Innituntur ipsi potissimum Plinio (b) asserenti: *expatiantia tecta multas addidere Vrbes: tum etiam Aristidi, qui de Roma ait: descendit etiam, & porrigitur ad mare ipsum: in quacumque autem eius parte quis steterit, nullum est impedimentum, quò minus pariter in medio sit.* Quæ sanè postrema verba infinitatem quamdam videntur obtrudere, cuius proprium est nec medium habere, nec finem. Accedit his Halicarnasseus, (c) qui de Suburbanis inquit: *omnia loca circa Urbem habitata sinè mœnibus, in quæ si quis intuens, magnitudinem Romæ exquirere velit, frustra eum fore, & hæsurum ubi desinat Vrbs, ubi incipiat,*

1) l. 1. c. 16. (b) l. 3. c. 5. (c) l. 4.



piat , adeò Suburbana ipsi Vrbi adherent , & innexa sunt , & speciem immensæ longitudinis exhibent spectanti . Aliqui è contra apud Lipsium , modò laudatum hæc omnia non habitata ædificia , sed Villas , Prætoria , & voluptarias eiusmodi domos fuisse sentiunt . Nouissimè Nardinus (a) hæc ipsa adulatoriè Aristidi exagerata existimat , non sinè hyperbolis vitio : vndè concludit Suburbana ab Vrbe fuisse seiuncta ; Amniani (b) quidem verbis perductus , qui ait : *Vicum Alexandrinum tertio lapide ab Vrbe seiunctum per Hostiensem Portam .*

In hac Antiquariorum discrepantia , quò me vertam nescio . Suburbiorum equidem vastitas vereor nè , non tam pedes , quàm caput ipsum in errores agat . Angustiæ è contra Nardini , qui Suburbia eadem facit cum Villis ab Vrbe dissitis , Halicarnasseo contradicit , qui Suburbana ait , *ipsi Vrbi adherent , & innexa sunt* . Illud ergo nobis præstitutum est , media , eaque tuta incedere via , asserendo loca quidem Vrbi proximiora , Campum præcipuè Martium , ædificijs frequentata , de quibus iurè dixerit Halicarnassensis , *quòd Vrbi adherent , & innexa sunt* : cætera verò loca , Ariciam versùs , Otricum &c. ea cumprimis , quæ circa insigniores vias insistebant , ædificijs quidem decorata , at non vndèquaque , & circa Urbem quaquaversum , ita ut

L

tota

---

(a) l. i. c. 8. (b) l. 17.

totâ arca ab Ariciâ , Otriculò , Tybure , & Ostia Romam vsquè , *adificijs ex utraque parte plenâ essent*, vt ait Panuinius , continuatoque ductu, *nunquam intermisso testorum ordine*, sicut assererat Donatus : sed interruptè , & stâtis locis, certisque spatijs, propè vias præsertim, sicut paulò antè dicebamus .

Resectis aliquantulum Suburbij, habitantium etiam nimia excrescens multitudo succidenda est . Lipsius supra laudatus ex Suetonio , qui *trecenta millia plebis Urbana fuisse*, dixerat , hunc calculum ingeniosè effingit : totidem scilicèt ad minus esse debuisse nobiles, atque diuites: quibus si pueros addideris , ( qui vsque ad annos xvij. ætatis non censebantur ) fêmînasque , iam duplò , triplòque plures erunt: adijcias agmina, & turbam seruorum , qui præ multitudine ità dicuntur Senecæ , & Ammiano , eorumque numerum tom.2. *Dissert. de Seruis inuestigabimus*, iam quatuor , inquit Lipsius , hominum milliones habebis, omiſſis etiam Seruis , & peregrinis, quos non minus duobus millionibus fecisse ait . Hac multitudine minimè contentus Isaac Vossius ait, *vel solos seruos numerum , quem ille posuerit , superasse*; hoc instituto calculo: quia Athenis, quando viginti Ciuium numerabantur millia , simul quoque numerata fuere quatercentena seruorum millia , ex quibus concludit solos

Romæ seruos octo effecisse milliones. Postea ex Londini, & Parisiorum arcis cum Romana comparatis, quam *viscits*; ait, *utramque illam superasse*, concludit, quatuordecim fuisse Romæ milliones: dimidiam ~~tenè~~ partem totius Europæ incolarum, quos ipsemet alio in loco (a) vix viginti septem milliones attingere ait. Sed parcamus id Vossij libidini amplificandæ Urbis, plusquam par sit, studio, ut se nouæ Urbis potius fundatorem demonstraret, quam veteris illustratorem.

Ut autem nimis luxuriantem incolarum Urbis segetem non Tarquiniana, sed Censoria Virga præcidamus, certa ab incertis scernenda sunt. Indubitatum ergo omnino est, quod, si de legitimis Ciuibus sermo sit; eorum maximus numerus tum fuit, cum libera adhuc erat Respublica, antequam à Syllæ primùm, deinceps Pompei, Cæsaris demùm tyrannide opprimeretur. Eo enim temporis pauci admodum Ciuitate Romana donabantur, vixque vllis, nisi Romæ domicilium habentibus, honor iste concedebatur: siquidem ut in duabus, aut pluribus Urbibus iure Ciuitatis aliquis frueretur, stante Republica, non permittebant Romanæ leges. At verò post Syllæ dominatum plerique Italiæ populi ius Ciuitatis obtinuerunt, ideoque exteris Roma repleta est, ut dicam tom. 2. Dif-

---

sert. de Iur. Pop. Rom. Maximi, libera adhuc Republica, census fuere, alter anno Dclxvij. quo censa sunt millia CCCCLXIV. iuxta Eusebij Chronicon: alter anno Dclxxxij. quo censa sunt millia CCCCL. vt Iuiana habet Epitome; quamvis eximius Urbis amplificator Vossius, ex nescio quo manuscripto exemplari, millia referat DCCCC. Hicque fuit maximus legitimorum Ciuium census. Grassantibus postea Syllæ, Pompei, & Cæsaris seditionibus, in censu, quem post ciuile bellum Cæsar peregit, inuenta sunt nonnisi CL. millia Ciuium ex Plutarcho, & Liuiio, quos frustra Lipsius sollicitat: vnde Cæsar ipse præmia promisit illis, qui plures procreassent liberos. (a) Hanc tamen Ciuium paucitatem exteri compensarunt. Post enim Mithridaticum bellum, & denuò tempore Augusti, confertissimè ex vniuerso terrarum Orbe Romam confluxerunt, ita ut Roma victarum gentium facta sit colonia, & meritò illam Lucanus dixerit *Mundi face repletam*.

Quòd si poscat quispiam quotusnam fuerit hic conuenarum numerus? Ingenuè ego reponam me illum nescire; cum nusquam eorum habitus sit census; diuinari autem, cum Vossio, & Lipsio, multum quidem habet ingenij, parum tamen certitudinis, & firmitatis. Illud certò scio, Pop. Rom. multu-

titudinem summis conceptis encomijs apud veteres Scriptores extolli, quos licet ab hyperbolis suspitione minimè immunes crediderim, colligi tamen vel indè potest ingentis numeri excessus; hyperbolicus enim sermo nonnisi de maximis quibusque rebus institui solet. Audiatur Aristides; qui Romam vocat, *commune totius terræ Oppidum*: item ait, *omnes gentes quasi viciatim diuisas ad hanc suam Arcem conuenire, quæ nunquam ulli se negat, sed omnes homines capit*. Athenæus quoque Urbem vocat *Orbis compendium, & epitome*. Polemonis Sophistæ apud Galenum elogium, fuit: *Roma Vrbs Urbium, quia videre in ea est omnes vrbes collocatas*: deindè addit: *desiciat non vnus dies, sed quotquot habet annus, si quis adnumerare conetur omnes vrbes in Cælesti illa Vrbe positas; idque ob nimiam copiam: nam & totæ Nationes illic simul, & confertim habitant*. Seneca insuper ad Heluidiam matrem scribit: *aspice hanc frequentiam, cui vix Urbis immensæ tecta sufficiunt*: & paulò post, *ex toto*, ait, *Orbe terrarum confluxerunt*: quod iterat inquiringens, *nullum non hominum genus concurrat in Vrbe*. Lucanus tandem *populis*, ait, *vittisque frequentem gentibus, & generis capacem humani*: Si autem quæras tam immensæ multitudinis causam, illam dabimus tom. 3. Dissert. de Principum donis, vbi exponemus profusam Cæsarum in largitionibus munificentiam.

siuè frumenti ea foret, siuè carniū, aut etiam pecuniarum: qua allecti omnes Romanam confluebant, vt paulatim Italia vniuersa penè deserta remanserit. Hinc Lucanus Poeta, *videmus, inquit, tot vacuas Vrbes, generis quò turba redacta est humani!* Accedebant his ludi, aliæque voluptates: vndè Varro iam suo æuo conquerebatur plerosque ex Agris in Urbem correplisse, & *maluisse manus in theatro mouere, quàm in aratro.*

Illud postremo loco adiiciendum est, tàm amplam Urbem, vitandæ confusionis ergò, ab Augusto in quatuordecim Regiones fuisse diuisam. Dictum supra, à Romulo tres institutas Tribus: Tarquinius Priscus eas duplicauit, priori tamen numero, ob religionem, retento: Seruius Tullius Urbem in quatuor partes, seu Regiones dispertijt: Augustus tandè in quatuordecim. *Regio à Rege deriuatur, quòd, priusquam Prouinciæ fierent, Regiones sub Regibus essent, postea ab earum similitudine maiores in Vrbe partes, Regiones appellari cepta, sunt Panuinij verba,*

Prima Regio dicta est *Capena*, totaque ferè extrà Portam Capenam erat vsque ad Circum illum, qui hodièque post Diui Sebastiani Templum visitur. Secunda, *Cælimontana* nomine, supra Cælium Montem sita à Porta Capena per Latianam ad Cælimontanam: hinc per Aedes SS. Petri, & Marcellini, & S. Cle-



S. Clementis iterum ad Cælij rupes, quibus SS. Ioannis, & Pauli prostat Ecclesia. Tertia, *Isis, & Serapis* nuncupata, à Colle Sanctæ Crucis ad Esquiliarum radices, recentemque Suburam, è qua per Ædem Sancti Matthæi in Merulana ad borealem Cælij angulum, terminabat. Quarta, *Templum Pacis* dicta, à Colossæo ad Suburam; hinc ad Viminalem, Ædemque B. M. de Montibus; indè per Campum Carleum, & Sancti Hadriani Templum ad Titi Arcum desinebat. Quinta, *Esquilina* nuncupata, è Laterano ad Suburam, vndè per Ecclesiam Sancti Vitalis ad Seruij Aggerem ferebatur. Sexta, *Alta Semita* nomine, per Palatium Grillorum ad eum Campum, qui antè Ædem Sancti Vitalis extat, ad Thermas item Diocletiani, Portam Collinam, partem Pincij, plateam Grimanorum, Pontificios Hortos, ac Columnensium, & ad Traiani Columnam producebatur. Septima *Via Lata* è platea Grimana per Viam Constantinopolis ad Fontem *di Treui*: inde per Columnensium Ædes ad Macellum Cornuorum, & Capitolium: vndè per Ecclesiam Domini Iesu, & B. M. supra Minervam ad Fontem iterum *di Treui*, Cloacam *del Bufalo*, Plateamque Grimanam. Octava, *Forum Romanum* dicta, Forum hoc amplexa, per Ecclesiam B. M. in Campo Carleo, & Collem *Bagnanapoli*, Columnamque Traianam, ad



Capitolium; è quo ad Montanarium Forum, indèque versùs Sanctæ Anastasiæ Ædem, tandemq; ad Forum Rom. Nona, quæ *Circus Flaminius*, per radices Pincij ad Fontem di *Treni*, Romanumque Collegium, & Capitolium; à quo per Ædem di *Tor di Specchi* ad Forum Montanarium, & Carmentalem Portam. Decima, *Palatium* vocata, tota ferè supra Palatinum collocabatur. Undecima, quæ dicta est *Circus Maximus*, à Porta Flumentana ad Scholam Græcam; indè per Circum Maximum ad Portam Trigeminam, è qua ad Auentini angulum, vbi Ecclesia Prioratus eminet. Duodecima, cui *Piscina Publica* appellatio, vniuersam illam complectebatur planitiem, quæ Circum Maximum, & Antonianas Thermas interiacet, ad Auentini Montis radices. Decimatertia, *Auentinus* nominata, super eo monte constituebatur, è quo descendens, ad Tyberim perueniebat, iuxta cuius ripam excurrans, Testaceum Collem complexa, ad Portam Trigeminam, Capenamque perueniebat. Decimaquarta, quæ & *Translyberina*, quidquid vltra Tyberim situm erat comprehendebat, vsque ad Vaticanum Collem, eiusque prata Mausoleo Augusti opposita, scù Oræ illi, quæ *Ripetta*, vulgò appellatur.

Atque hæc sunt, quæ de maxima urbium Roma, rudi potius adumbrare penicillo, quam

quàm accuratè compingere, nostra sciuit in-  
scitia. Cuius si quis viuaciorem descriptio-  
nem exoptet, adeat Martialem, (a) Dionem,  
(b) Xiphilinum, (c) Ammianum, (d) Mamer-  
tinum, (e) Athenæum, (f) aliosque innume-  
rabiles, apud quos, cò significantiùs, quò  
breuiùs, Romam nuncupatam reperiet ter-  
rarum Dominam; Reginam; Deam; Virtutum om-  
nium Domicilium, & Larem; Mundi Asylum, ac  
Templum; dùm erunt homines, victuram; Mundi  
Epitomen, & Compendium; Immortalem; Felicem;  
Orbem Orbis terrarum; Urbem Deorum; Aeternam;  
Cælestem; Communem Orbis Officinam &c. Quæ,  
idue genus plura, vtique superfluunt; Roma  
enim laudatore non indiget, cum semet, vel  
silentio ipso suo, satis commendet: nec diser-  
tior Urbis encomiastes, quàm eadem Vrbs.

### Syllabus Authorum .

**T**Opographiam Urbis quamplurimi sunt,  
qui descripserint. Omissis enim vete-  
ribus, Fabio Pictore cum primis, Catone, Ha-  
licarnasseo, Tacito, Rufo, & Victore, qui  
illam indicarunt magis, quàm tradiderunt,  
scripsere de ea Flavius Blondus, Pomponius  
Lætus, Andreas Fuluius, Iacobus Poggius,  
Ioannes Tortellus, Raphael Volaterranus,  
Fabri-

---

(a) lib. 12. (b) lib. 72. (c) In Epit. (d) lib. 14.  
(e) In Paneg. (f) lib. 1.

Fabricius Varranus, Franciscus Albertinus, Bartholomæus Marlianus, Lucius Faunus, & Lucius Maurus, Bernardus Gamuccius, Manuel Chrysolorus, Bernardus Oricellarius, Iacobus Questenbergius, Pyrrhus Ligorius, & Fabius Caluus, qui & Tabulas concinnarunt, Hieronymus Fabricius, Honuphrius Panuinius, Pater Alexander Donatus, Famianus Nardinus, alijque. E quibus, si hos binos posteriores exceperis, nemo est, qui in turpes non errores impeggerit: quamquam nec isti quidem immunes sint, ut ex superius dictis perspicuè apparere potest. Quod si quærat hic quispiam, ecquid ego præstiterim in studiosorum commodum, profectumque? Reponam citò, illud à me post tot Scriptores effectum, quod Topographiam Urbis dilucidauerim, emendauerim, & ampliorem reddiderim, tum vel maximè, cum nimiam eius amplitudinem rescui. Non enim illud verè magnum, quod latum, & longum, sed quod verum; nec aurum, tam splendide inter metalla emineret, si scorijs permisceretur. Quare è tot vulgò circumferri solitis, quæ probabiliora, veròque proximiora mihi visa sunt, iudicio duce, reiectis alijs, excepi, paucisque in his tabulis exposui: absque tamen Tabulis, & Figuris, quod & imposterum etiam continget: Amicorum enim pia importunitas, & importuna,

ut ità dicam, curiositas, linæ adhuc impatiens, mea expleta vix Aduersaria è calamo ad prælum transfert. Sermonis tamen, cui summè studeo, perspicuitas, Figurarum, nisi fallor, vices supplebit.



## DISSERTATIO IV.

*De Domibus.*

ELINEATA rudi quidem, at impigra Minerva, Urbis Romæ Topographia, ordo ipse rei expostulat, ut eiusdem Ædificia perpēdamus, quibus se toto Orbe illustrem exhibuit. Primò verò omnium de Domibus erit sermo, ex earum quippe structura, reliquorum ædificiorum forma clarior euadet.

Ut autem ab etymo incipiam, vox Domus à Græca *dimos* ducitur, quæ à *demo*, idest extruo: vndè Domicilium quasi Domicolium, à Domo scilicèt colenda. (a) Dicitur etiam Ædes ab aditu, quòd plano pede primis Romæ temporibus ob suam humilitatem Domus adirentur. (b) Vndè fallitur Angelus Decembrius, (c) dum ait Ædes dictas, quòd editæ essent. Diuitum Domus Palatia etiam appellantur, à Palatino Monte, qui Palatium à Pallante nuncupari obtinuit, ut Dissert. prima; ibi enim fuit Augustorum Domus, quæ Palatium indè dici cœpit, à quo

(a) Vossius in Etymol. (b) Varr. l. 4. de l. l. (c) l. 7. de Polit. par. 77.

quo Magnatum etiam ædes Palatia dicta sunt. (a)

Vt à voce Domus ad Domum ipsam pateat aditus, ipsæ Domorum causæ examinandæ sunt. Finalis est securitas, atque tutamen contra elementorum intemperiem. Colligitur hinc Ædium antiquitas: post primorum enim parentum labem Cain super terram profugus omnium primus Urbem, Ædesque, quibus se tueretur, extruxit: (b) ab eo posteri omnes; ut nulla penè Natio extet, quæ tecto careat: licet de Scythis referant mobiles in plaustris habere Domos. Causa Domorum efficiens sunt Fabri murarii, de quibus plura tom.2. Dissert. de Artificibus varijs. Reliquum ergo est, ut circa Domorum materiam, formamque nostra versetur consideratio.

Ad materiam quod attinet, exploratum omninò est ab usque Mundi crepundijs, cum nonnisi aduersus Solis ardores, tempestatumque iniurias inuictæ essent Domus, aliud eas non fuisse, quam aut speluncas, aut tecta è frondibus. Ingeniosiores deindè furcas crexere, virgultoque intertexto, & lato induto parietes struxere, inuentore, ut creditur, Doxio Cælei fratre, sub idem tempus, quo à Iosepho Prorege Ægyptus regebatur, ut

tra-

---

(a) Voss. ibid. (b) Gen. c.4.

tradit in suo Lexico Vniuersali Hofman, nulli tamen innixus auctori; vnde dubitare liceat de huius chronologiæ veritate; sub Iosepho enim Ægyptus florebat: qui ergo stabit tunc primum virgulteos, luteosque parietes inuectos? Quare longè antiquius rudè hoc Dòxij adinuentum existimo, ab hirundinum inconcinuandis sibi nidis industria petutum. Postea verò non solum necessitati, commoditatique indultum; verum etiam voluptati infertutum, inuectis lapidibus, & lateribus, imò & ebore, argento, auroque parietibus ipsis splendide exornandis, de quibus mox sermo redibit. Hinc Architectonica ars reperiri coepta, in Græcia cum primis insignis, è qua celeberrimi Architecti prodierunt Agatharchus, Democritus, Anaxagoras, Ctesiphon, Metagenes, Ictinus, Carpion, Philo, Hermogenes, Argelius, & Satyrus: è Latinis verò Fuffitius, Vatro, P. Septimius, Cornelius Celsus, & Vitruuius. Qui omnes aliquid scriptis prodiderunt, quorum tamen nihil extat, præter decem Vitruuij libros.

Sed in viam reducamur. Sublata rudè illa priscorum hominum inertia, iam virgultis, lutoque saxa, & coctilis terra, parietibus concinnandis, subrogata est: Ergo communis Aedum materia fuit, aut è lapide, aut è lateribus, vnà cum arena, & calce. Lapidum, plu-



plures recenset species Vitruuius. (a) Alij molles, vt Romani, Fidenates, Albani, quos Itali dicunt *Piperini*; alij temperati, vt Tiburtini, & Amiternini: alij duri, vt silices Græcis familiares. Omnium mollissimi sunt topi in Campania rubri, nigrique in Vmbria, & Venetijs albi, qui *dentata ferra, vti lignum, secantur*, sicut loquitur ibidem Vitruuius. Cęmenta etiam sunt lapidum species in Campania satis in vsu, vbi & nomen etiam retinent, leuitate topis simillima. Ex tot speciebus molles commendat lapides Vitruuius, quòd facile tractentur, & si sint in locis tectis sustinent laborem; in apertis è contra pruinis dissoluuntur. Duros laudat, quia sufferunt onus, & tempestatum iniurias, sed ab igne non possunt esse tuti, quòd careant humore. Præter narratas à Vitruuio species, alias adducit Barbarus, (b) gemmas, marmor, cotem, silicem, saxum. Longè plures enarrat Marius Grapaldus, (c) Parium scilicèt, Carariensem album, Laconicum viridem, Ophitem serpentium maculas imitantem, Porphyritem rubrum candidis punctis intermixtum, Bossaltem ferrei coloris, Alabastriten candidum, Onychitem, aliosque, quos omitto, nè tot lapidibus caput legentium conteram.

Lateres arte perficiuntur ex terra non arenosa,

---

(a) L. 2. c. 7. (b) In notis ad idem Vitruv. Caput. (c) De part. dom. l. 1. c. 1.

nosa, sed cretosa, & albida, coëtaque. Mi-  
 scebant etiam marmoris puluerem. Ex cre-  
 tis commendabatur Samia, Aretina, Moda-  
 nensis, Saguntina, Pergamensis. Addebant  
 & paleas minutè concisas, vt leuitatem con-  
 ciliarent. Iubet Vitruuius, (a) vt lateres Ve-  
 re, vel Autumno comparentur; sic enim  
 æquo tenore siccati à scissionibus sunt im-  
 munes; contra ac in Æstu, qui superficiem  
 siccando, internum humidum incoctum re-  
 linquit fissionibus aptum. Ex quibus colligi  
 potest olim non coquendi, sed ad Solem sic-  
 candi lateres Romæ morem fuisse, id quod  
 Vitruuij interpretes fugiit. Triplicis erant  
 magnitudinis apud Græcos, à quibus Ro-  
 mani mutuati sunt, Didoron pede latus, ses-  
 quipede longus; Tetradoron è palmis qua-  
 tuor, Pentadoron è quinque quaquauersum:  
 postremorum vsus in maioribus fabricis: in  
 publicis scilicèt Pentadoron, in priuatis ve-  
 rò Tetradoron; Didoron autem in minori-  
 bus. Romæ familiares ad sternendas præ-  
 sertim vias, quod dicunt à *Spiga*, lateres di-  
 gitorum sex longitudine, at latitudine  
 tritum, crassitie verò vnius. In arcubus struen-  
 dis lateres erant pedum duorum vndique. (b)  
 Leo Baptista (c) commendat triangulares,  
 qui tamen priscis incogniti. Meminit Vi-  
 truius semilaterum, qui cum lateribus in-  
 tégis

(a) l. 2. c. 3. (b) Barb. hic. (c) l. 2. c. 10.

tegris in structura sociati non iniucundam, pariunt symetriad, quam ipse vocat *Anisodomon*, eo scilicet ordine, ut minor later supra duorum inferiorum, qui maiores sint, colligationem innitatur, de quo vide Barbarum, qui schema etiam adiicit.

De arena, & calce plura tradit Vitruvius, (a) eamque præfert, *quæ terram non habeat commixtam*, idue dignosci ait, *si confricata fecerit stridorem: item si in vestimentum coniecta, indeque excussa, illud non inquinaverit*, terra scilicet ibi non subsidente. Primas defert fossitiæ, quod Barbarus ibidem intelligit de minutiori, quam argillam vocat, cum crassior, quæ vulgari appellatione arena dicitur, ob sterilitatem inutilis sit. Si desint arenaria iubet Vitruvius è fluminibus, & marino litore arenam excerni; licet vitio hæc non careat, quod ista difficulter siccescat, & marina insuper falsuginem emittat; quod ex parte vitaueris, si ripæ propinquior colligatur, & crassior, nigrique coloris, & lucida. Romani olim rubra utebantur; nunc passim nigra, quam Putecolanam, italicè *Puzzolana*, appellant, quod optimi generis apud Putecos nasceretur, licet Vitruvius Baianam, & circa Vesuvium excavari solitam extollat. Fossitiæ quartam partem calcis addebant, fluviatili autem, & marinæ tertiam. (b) Ad cal-

M

cem

---

(a) l. 2. c. 4. (b) *Vitr. ibid.*

cem quod attinet, inculcat sæpè Vitruuius, (a) ut de albo saxo, aut silice coquatur, eoque spisso, & duro pro structuris, è fistuloso verò, & molliori pro tectorijs. De lignis structioni quam opportunis fusè differit idem Architectus: (b) tùm circa cædendi tempus, autumnale enim eligit, antequam fauonij spirent; tùm circa cædendi methodum; iubet enim, vt incidatur arboris crassitudo ad mediam medullam, vt faciliùs exiccescat: tùm quoad arborum qualitatem, *Ulmum* enim, & *Fraxinum* sustinendo oneri minimè idoneas ait: *Abietem*, *Quercum*, & *Exculum* multa durabilitatis: *Cerurum*, *Suberem*, & *Fagum* marcescibiles: *Populum*, *Salicem*, *Teliam*, & *Carpinum* tractabiles: *Cupressum*, *Cedrum*, *Iuniperum*, & *Pinum* à carie immunes. Cætera ibidem vide.

Vt verò ab vniuersalibus hisce Ædium matericibus ad Romanos nostros propiùs accedamus, crediderim illos primò ex tophis ædificasse; licèt pro tectorum materie à paleis etiam, & viminibus, ob inopiam, non astinuerint, vt dicam infra. Tophaceam structuram prisca moeniorum rudera, Tarquinij præsertim Aggeris, satis clarè ostendunt. Successit postcà opus lateritium ad Augusti vsque tempora, qui, vt vidimus, iactari solebat, *Urbem se lateritiam inuenisse*, reliquisse marmoream. Imò sub Augusto etiam late-

lateritia opera perdurarunt, ut ex substructionibus Aquæductuum ab eo erectis, quibus Aqua Paula percurrit, liquet. Sicut è contra antè Augustum ipsum nonnulla extarunt marmorea ædificia, quæ primò scenam M. Scauri exornarunt, ut infra. Philander (a) cratitiorum etiam parietum ex Vitruvio meminit, quos è ligneis cratibus, aut cannis in modum cratis insertis, & plexè intercussantibus constare ait, calce tamen, linitos, ut inquit idem Vitruvius, qui de eisdem addit: *velim, ne inuenti essent, quantum enim celeritate profunt, tanto maiori sunt calamitati, quòd ad incendia sunt parati; & postea nimis sensatè concludit: itaque satius esse videtur impensa testaceorum in sumpta, quàm compendio cratitiorum esse in periculo; quæ Vitruvii admonitio si ad moralem deflectatur sensum, non modicæ erit utilitatis. De macerijs ex cæmentis temerè, & sinè arenato congestis, quarum in sepiendis hortis vsus, non est hic locus dicendi.*

Expeditis ijs, quæ ad Domorum materiam pertinent, longè plura circa priscam earundem formam, seu Architectonicam rationem, forent prosequenda, ut sunt tres antiqui Græcorum ordines, à quibus & Latini acceperunt, Doricus, quem fortem appellabant, modicique ornamenti, virilium Deo-

*Doricus*

M 2

rum

(a) In cap. 8. Vitruv.

rum Templis adhibitus, vt Martis, Neptuni &c. Corinthius, quem mollem vocabant, satis comptus, Deabus destinatus: & Ionicus inter vtrumque medius: sicut & Italicus ex supradictis compositus: necnon Thufcanicus, seu Rusticus Villarum proprius: Domorum insuper ornamenta varia, quæ cum Græcæ sint appellationis non modicam præferunt perplexitatem. Sed quoniam isthæc præter historicum sunt institutum, & puram putam sapiunt Architecturam, consultò omittimus, tom. 3. Dissert. de Artibus examinanda. Impræsentiarum ergò varia structurarum apud prisca genera ex Vitruuio contemplantur in generali, è quorum notitia integrum cuique erit, antiqua ruderum contemplanti, eorum antiquitatem statim diuinari.

Duplicem ædificandi formam proponit expressè Vitruuius, (a) reticulatam scilicet, & incertam: tertium paulò post, sed obiter, memorat genus, nempe ordinarium. Palladius (b) tamen alia insuper quatuor genera recenset, nimirum lateritium, cæmentitium rude è saxo quadrato, & formaceum. Addit etiam Philander cratitium, & spicatum. Vndè stupori mihi est genera hæc à Vitruuio non fuisse seriò pertractata, quantumuis in eodem cap. eadem tetigerit. Reticulatum explicat Philander hoc modo: *cum camenta*

non

(a) 8. an. (b) Arch. l. 4. c. 9.



*non iacentia, sed in latus stantia ponuntur, ea enim structura rete videtur referre; & paulò post, fit, inquit, ex lapidibus, aut laterculis quadratis, sed in angulum stantibus, & vt ait Barbarus, in angulo se tangentibus. Sed meliùs pro quadratis dixissent quadrilateris, multotiès enim reticulatum ex rhombis componitur, Neapolitani dicunt à mustaccioli: ob quam figuram, opus etiam amygdalatum appellatur, sicut etiam cancellatum: apud Græcos vocatur Dictyotheton. Genus hocce suo tempore, valdè fuisse familiare ait Vitruuius, qui illud vocat venustius, sed ad ruinas faciendas idè paratum, quòd in omnes partes dissoluta habeat cubicula, & coagmenta; scè, vt explicat Baldus, quòd lateres cuneatim se protrudant.*

Incertum genus ab eodem Vitruuio describitur his verbis, *incerta verò camenta alia, super alia cadentia, inter seque imbricata non speciosam, sed firmiorem, quàm reticulata præstant structuram. Vbi ego, pace interpretum, loco vocis, imbricata, legerem ex antiquo Codice, implicata: hæc enim implicantià à plerisque nos, vt sic dicere fas sit, implicantijs, & difficultatibus eximit, magisque ob sui confusionem incerto huic generi congruit: Philandri enim explanatio rem magis implicat, cùm inquit: idest vt vnum duorum cementorum angulis, atque adèd cementis ipsis inuehatur, se-deatque imbricum tegularum modo: modus siqui-*



dem hic perpetuò seruatus, imbricum ordinem referens, quem ipsemet structuris è lapide quadrato attribuit, vt mox apparebit, non videtur posse cum incerto struendi genere compati, quod iuxta ipsum Philandrum nullum ordinem seruat.

Sed verò postremum hoc Philandri assertum difficultate mihi non caret. In Incerto etenim genere summum admiror ordinem, & in ipsa lapidum confusione symetriad, & regulam; nam lapides ipsi quantumuis & magnitudine, & figura inæquales, ita tamen exactè sibi inuicem quoad latera, & angulos respondebant, vt nullum relinquerent spatium calce replendum: quod vt obtinerent, utebantur prisca, vt ibidem obseruat Palladius, Regula quadam plumbea, quæ posset ad angulos metiendos inflecti: quæ diligentia in tumultuario opere vtique necessaria non fuisset. Hoc genere vtimur hodièque in sternendis filice vijs, Neapoli præsertim, & Florentiæ. Imò crediderim multas Antiquorum substructiones, Arcus præsertim, & Portas Incerti huiusce generis fuisse, quod à nemine video adnotatum, vt est Arcus Galieni apud S. Vitum, vbi lapides figura, & mole diuersi, tam miro ordine sinè calcis nexu coagmentantur: vnde musiuo operi grandiori illud non ineptè comparauerim. Quare censura inurendus est Barbarus de hoc

hoc genere inquiens: *la incerta è quella, che si fa di pietre di diuerse figure à caso poste*. Quod certè Vitruuius, quem ipse commentatur, non asseruit, sed solùm *alia*, ait, *super alia sedentia &c.* Et sanè nisi hoc structuræ genus summæ symetriæ, & artificij fuisset, inter generâ structurarum vnâcum reticulato à Vitruu recensitum minimè fuisset. De incerto genere, quod hodiè in vsu est, verum quidem dixisset Barbarus: lapides enim habet tumultuariè, & sinè ordine compositos, interiacentibus non paucis vacuitatibus calce quidem infarctis. Incertum ergò ordinatum antiquissimum esse testatur Vitruuius, & valdè tutum, licèt non adeò speciosum, præterquam cùm incertitudo ipsa ad symetriad redigeretur, vt de Arcubus diximus.

Meminit tertij cuiusdam generis ibidem Vitruuius, quod Ordinarium vocat Græcis familiare. Genus hoc, ait Philander, *medium esse inter illud, quod fit è quadrato lapide, & quod ex informi cemento temerè congesto, vbi lapides, etsi ad normam non respondent, à se inuicem non abhorrent, & ordine coagmentantur*. Quæ explicatio genus Ordinarium cum Incerto omninò confundit, prout hoc à nobis paulò ante declaratum est. Magis reprehensione dignus videtur Leo Baptista Albertus, qui Ordinariam structuram ex quadratis lapidibus ad regulam

compositis fieri ait apertè contra Vitruuium sic inquentem : *insuper non est contemnenda Græcorum structura, non enim utuntur è molli cemento, sed cùm discesserunt à quadrato, ponunt de silice, seu de lapide duro ordinariam* : quod si hæc fit cùm disceditur à quadrato, quì dici possit è quadratis fieri ? Magis deridendum se exhibet Barbarus cum eadem verba ex Baptista Alberto referens, Vitruuium ipsum testem aduocat, oppositum apertè asserentem : & non multò post sui immemor addit ; *la quale de Ordinaria structura loquitur, è mezzana trà la incerta, e quella, che si fa di pietra quadrata*, quod è Philandro sūpsit.

Quod si autem postules, quodnam tandem sit hoc ordinarium structuræ genus ? dicam ingenuè, & modestè quod sentio, nulli interpretum vestigijs inhærens. Putauerim esse idem quoad formam cum Incerto, solo penès materiam discrimine. Vtrumque ex Vitruuio ipso colligo, qui, cùm Ordinarij generis peculiarem non assignauerit formam, visus est ad alterutram è duobus à se allatis generibus illud reduxisse ; at non ad reticulatum, quod quadratum erat, ait enim : *cùm discesserunt à quadrato, ponunt ordinariam* : ad incertum itaque. Quod verò ab hoc etiam penès materiam differret, ex eodem Vitruuio est manifestum, qui cùm de Incerto antea dixisset : *cementa alia super alia seden-*  
*tia &c.*

tia &c. de Ordinario postea addit ; non enim utuntur è molli cemento, sed ponunt de silice , seu lapide duro: discrimen ergo est penès silicem, & cæmentum . Longior in minutijs hisce ex consilio fui , non vt contradicendi libidini indulgerem, sed vt agnouerint studiosi genuinos Authorum sensus rarò ab interpretibus, & scholiastis hauriri , ab ipsis verò fontibus sæpissimè : tum quòd cùm circa fabricas versemur, ingratum minimè erit nonnihil noui extruere .

Genera alia à Palladio relata perfunctorio dumtaxat indigent examine . Lateritium fit ex lateribus , aut tumultuariè congestis , aut ordine imbricato, de quo mox dicam . Cæmentitium è cæmentis , & tophis , aut rudibus, & ruditer coagmentatis, aut politis , & ordine quadrato dispositis . Structura è lapide quadrato speciosa non minùs , quàm firma , quid sit , nomen ipsum declarat . Ab antiquis ità adamussim lapides coagmentabantur, vt vnus esse viderentur lapis, sinè calce, & inuisis penè commissuris, atque ex anteriori facie omninò perpoliti; licèt interiùs rudes : de quo struendi genere plura vide apud Palladium . Dicebantur in hac structura lapides imbricatim compositi , hoc est imbricum more , quatenus superior lapis supra duorum inferiorum commissuram iaceret, itaùt commissura ipsa inferiorum lapidum

dum meditullium superioris attingeret, nec inferiorum, superiorumque lapidum commissuræ sibi corresponderent, ut videre est in Aggeris Seruij Tullij muris; & figuram vide apud Albertum, & Palladium; explicationem verò luculentiorē apud Philandrum, quem iterum miror hunc ordinem imbricatum adeò regulatum, & pulchrum incerto generi attribuisse, quod Vitruuius *minimè speciosum* vocat. Duo huius structuræ genera recenset Vitruuius Isodomum, & Pseudisodomum: primum cum omnes lapidum cursus, seu series æquales, secundum verò, eum inæquales forent, seu superior cursus latior, quam inferior, & sic deinceps. Formacei parietes fiunt è terra, erectis hinc inde duabus tabulis tantum à se distantibus, quanta latitudo muri faciendā est, quod spatium terra, & lapidibus tumultuariè impletur, *ita ut muri*, sicut ait Philander, *infarciantur veriùs, quàm struantur*; sicut hodiè in priscis Madriti mœnibus videre est, & Romæ in Villa Pij V. Ex priscis huius generis Romæ muris nullum superest vestigium; vix enim duo sæcula durabant. Genus hoc à Palladio vocatur à *cassa*, ouero *di riempita*. Sed veriùs putauerim id, quod ipse appellat, à *cassa*, idem fuisse, quod Græci dicebant, *Emplecton*, cum scilicet facies ipsa parietis ex quadratis, & politis erat lapidibus, intus verò ex camentis


tis temerè congestis , vt sunt prisca moenia , Neapolis, quorum antica , & postica facies è quadratis lapidibus , interiacens verò spatium terra opplerum . Craticei parietes è ligneis crateis, aut cannis in modum cratis insertis conformabantur , vt supra . Structura spicata , quam appellant Itali , à *Spiga* , nulli non patet : sicut & alia genera vt pedibus trita, ità & cognitu vnique notissima , quæ hinc lubens omitto .

Illud solùm adnotauerim , muros cuiuscunque generis, præterquam è quadratis lapidibus compositos, varijs procinctibus, seu fascijs circumduci ab antiquis Structoribus fuisse solitos; quos procinctus Vitruuius Græca voce appellat *Coria* , nostri dicunt *Cursus* . Constabant è lapidibus, vel lateribus solidioribus , quos ad quinos quosque muri pedes repetebant . Id maximè seruatum in lateralibus ipsis murorum angulis vtrumque murum copulantibus, Itali dicunt *le Cantonate* . Hi angulorum procinctus longè solidiores fieri solebant ; dicebantur enim ossa parietum , sicut cursus murorum vocabantur nervi . Addebant quandoque ad maiorem fortitudinem metallicas laminas .

Illud reliquum est , vt declaremus ex tot structurarum generibus quodnam apud Romanos magis fuerit in vsu . Primis Urbis temporibus Incertum genus frequentatum fuisse



fuisse ex Vitruvio colligo, qui illud *antiquissimum* vocat: non tamen rude, sed benè concinnatum; non enim deerant tunc Etrusci, Sabini, Gabijque Fabri, quos Romani acciderent. Structiones è lapide quadrato, aut cæmentitio, vel Albano statim successerunt, Regum etiam tempore, vt ex priscorum Aggerum ruderibus apertè constat. Accessit cæmentitium, & lateritium tumultuarium; postea reticulatum, quod suo tempore satis frequens fuisse testatur Vitruvius. Huius generis fuit Mausoleum Augusti, & Palatium Pincij Senatoris, quorum adhuc extant vestigia: extrà verò Romam centum Camerellæ in Baiano sinu, & Amphitheatrum, quod Scholam Virgilij vulgus appellat. Formaceorum, cratitiorumque parietum nulla extat memoria: fuisse verò, colligitur ex Vitruvio, (a) & Plinio, (b) qui illorum meminerunt. Declinante Imperio declinavit pariter structuræ decor: vnde cæmentitium genus, & lateritium inordinatum frequentari cepit; post inuasiones præsertim Gothorum, Vandalorumque, qui omnia pessumdederunt.





## SECTIO PRIMA.

*Romanarum Aedium structura per varias  
ætates magis in particulari  
inuestigatur.*

**S**ED age iam, quoniam de varijs Romanorum structuris sermo incidit, vt hoc idem argumentum meliori ordine, eoque chronologico pertractemus, age, inquam, Romanam Rempublicam in varias ætates distribuamus, vt quo in singulis splendore, & sumptu ædificatum Romæ sit, graphicè appareat. Sex verò ætates distinguimus. Prima sit ab Vrbe condita ad Gallicum vsque incendium; & complectitur annos ccclxv. Secunda ab Vrbe post incendium restituta, vsque ad deleta inter Marium, & Syllam, ciuilia bella; & annos continet ccc. Tertia, vsque ad decimum Neronis annum, quo Urbem cremauit; & annos habet cl. Quarta vsque ad Gothicam obsidionem, captamque Romam Duce Alarico; & complectitur annos cccxlvij. Quinta vsque ad annum xxj. Principatus Iustiniani, quo à Totila Gothorum Rege Vrbs magna ex parte incensa; & comprehendit annos cxxxvij. Sexta demùm ætas ad nostra vsque tempora decurrit.

Vt

Vt à prima istarum exordium sit, nulli dubium erit prima ætate exiguas, rudesque domos Romam habuisse. Nondum enim sub Regibus, sed exactis etiam ipsis regnabat in Vrbe paupertas, ut enim inquit Cato: (a) *amplissime laudabatur, qui dici posset bonus agricola, bonusque colonus, possetque impendia bellorum sustinere, quæ sine publico stipendio tunc gerebantur.* Hinc quæsitæ ab aratro Consules, & Dictatores, quos angustia rei familiaris bubulcos fieri cogeant, ut ait Valerius. (b) Romuli casam sic describit Ovidius: (c) *aspice de canna, straminibusque domum.* Item Numæ: *hic locus exiguus Regia magna Numæ.* Veteris Capitolij humilia tecta, & Vestæ focos fictilibus vasis contentos, vide apud Valerium. Plani pedis ædificia reperies apud Vitruvium, (d) qui ait: *cum arena plana postea non posset Populi recipere multitudinem, ad altitudinem adificiorum res ipsa cogit deuenire.* De Templis eadem ratio. Capitolinum enim omnium tum munificentissimum depingens Ovidius (e) ait: *Iuppiter angusta vix totus stabat in ade.* Huius rusticitatis causa erat summa eorum temporum ægestas. De priscis enim Romanis cum sui æui comparatis Plinius (f) ait: *quorum agri maiorem obtinent modum, quam cellaria istorum.* Opera quædam publica paulo ampliora hac

---

(.) De R.R. (b) l.4.c.4. (c) 4<sup>to</sup> 6. Fast. (d) l.2. c.8. (e) 1. Fast. (f) l.36. c.15.

ra hac ætate fuerunt , vt Porticus circa Forum, Aggeres, & muri Urbis , & Templum Capitolinum à Tarquinio Superbo in meliorem formam redactum; omnia tamen rudia, & inornata .

Post eiectos Reges , ingruentibus bellis , nihilo melior euasit Urbis ornatus , paupertate adhuc regnante; vt enim Plinius (a) ait: *perniciosus intelligebatur Cuius , cui septem iugera non essent satis: hæc enim mensura post exactos Reges assignata est*; imò Iuuenalis : (b) *pro multis vix iugera bina dabantur vulneribus*; vndè Cornelius Rufinus duobus Consulatibus , & Dictatura speciosissimè functus , quod decem pondo vasa argentea comparasset , à Fabricio Censore Senatu motus est , vt testatur Valerius . (c)

Capta à Gallis , incensaque Vrbe , tanta inopia paucos superstites inuasit , vt sint qui dicant apud Festum : *ob penuriam cibatus captos lx. annorum homines iaci in Tyberim*. Hæc fuit secunda ætas, de qua Florus (d) ingeniosè magis , quàm verè dixit : *Pastorum casus ignis ille, & paupertatem Romuli abscondit*. Etenim postquam reluctantes Ciues , qui Veios discefferant, exilium , quàm ædificationem malentes , Camilli Dictatoris eloquentia ad ædificandum adducti sunt , eisque *regula publice*

---

(a) lib. 18. cap. 3. (b) Sat. 14. (c) lib. 2. cap. 4.

(d) lib. 1. cap. 13.

*blicè præbita est, materiaque cadenda ius factum*, ut ait Liuius, (a) qua magnificentia ædificia creuerint Liuius (b) ipse declarat, *forma Urbis*, inquit, *occupata magis, quàm diuise similis*: *festinatio curam exemit vicis dirigendi*, nam intra annum noua Urbs stetit; & Tacitus (c) ait: *nulla distinctione erecta domus, hæc, & illuc flexi, & enormes vici*. Domorum pulchritudinem indicat Suetonius, (d) cum inquit: *deformitas ædificiorum, angustie, flexuraque &c.* Marmora, aliaque ornamenta adhuc inuisa: area insuper domorum modica, etiam Magistratuum. Catonis enim viri consularis angusti penates: Pompei ante tertium triumphum parua ædes; quam postea auctam ingressus Antonius, per iocum quæsiuit, vbinam Pompeius cænarit. Ditissimus ille M. Crassus angustè habitauit; sicut etiam Ælij, (e) Cæsar, & Augustus, cuius ædes *nec laxitate, nec cultu conspicua*, ut ait Suetonius, intellige id antè imperium. Non negauerim Q. Cæcilium Metellum hac ætate primum omnium ædem ex marmore molitum: vndè à Paterculo, (f) *vel magnificentia, vel luxuriæ Princeps dicitur*: sed hæc rara avis. Non multò etiam post Scipio Nasica, & Cn: Octavius splendide ædificauerunt: sed hoc adeò insolens hac ætate visum, ut excanduerit Paterculus (g) dicens:

---

(a) lib. 5. (b) lib. 6. (c) 15. ann. (d) In Ner.  
(e) Valer. l. 4. c. 4. (f) l. 1. (g) l. 2.

cens: publicam magnificentiam sequuta priuata luxuria est: & Lepidus Ælius augur, quod sex milibus aedes conduxisset, adesse iussus est à Censoribus, ut ait idem. Templà huius ætatis etiam parua, Iouis enim Feretrij fuit xx. palmos longum; Iouis Capitolini cclxvj. quod sustinebatur pilis è latere coctili dealbatis. (a) Substructio Capitolij è saxo quadrato, cloacæ, & stratæ silice viæ maiestatem quamdam spirabant. (b) Sed hæc nihil ad domorum splendorem faciebant, de quibus impræsentiarum est sermo.

Post sedata Marium inter, & Syllam ciuilia bella, incēpit tertia ætas, quæ iurè dici possit adolescentia ædificiorum. Hinc enim Domorum magnificentia enitere cōepit. L. Crassius Orator ædem condidit in Palatino columnis hymettij marmoris insignem: vnde à Cn: Domitio Censore grauitè reprehensus, & à Bruto Venus Palatina dictus fuit: ex Plinio, (c) qui sic sententiosè concludit: *tam recens est opulētia*. Domus M. Lepidi crustis Numidici marmoris ditata: præter Q. Catuli, C. Aquilij, M. Scauri, P. Clodij, aliasque magnificas ædes. Quibus adde Pompei Theatrum, Porticus, & Basilicam; Theatrum Marcelli, & Balbi; Amphitheatrum Statilij; Forum Cæsaris; Basilicam Pauli Æmilij, omnia ad stuporem; adeoūt dixerit

N

Pli-

(a) Halic. l. 4. (b) Liu. l. 6. (c) l. 17. c. 1.

Plinius: (a) *Lepidi domum, qua pulchrior Romæ nulla fuerat, intra annos xxxj. nec centesimum quidem locum obtinuisse. Statuarum, de quibus Cassiodorus ait penè parem populum Urbis dedisse, quàm natura procreauit, innumera- bilem numerum describam tom.2. Dissert.de Statuis. Qui luxus post deuictam Asiam Romanam translatus, sub Augusti Principatu summum culmen attigit. Hic enim, ut ait Suetonius, Urbem pro maiestate Imperij excoluit, publica opera plurima extruxit, & ceteros hortatus est, ut Urbem adornarent. Hinc Agryppa omnia ædificia publica, & vias priuatis impendijs refecit. Idem Augustus pulchrum extruxit Forum; & quæ Cæsar destinauerat perfecit, omnia è marmore, ut iurè moriens dixerit; Urbem lateritiam inuenisse, at marmoream relinquare; vnde à Liuius Urbis Conditor appellatur. Eadem ampliandæ Urbis cura, successoribus insedit, Tiberius enim Augustale Palatium in ampliorem formam struxit. In tanto autem Urbis splendore illud adhuc ad eam dehonestandam durabat; viarum scilicet flexura, & angustia: excepta enim Recta Via in Campo Martio, & Via Lata, omnes aliæ angustæ erant. His adde domus non ad lineam rectas, sed fortuito positas. Accedebant collium abrupta, & vallium ima, quæ turpem domorum inæqualitatem parie-*



pariebant. Vndè miror à magno Lipsio id laudi Urbis verti. Nec quicquam fecit Augustus, cùm iussit domus vltà pedes lxx. non extolli.

Sed ecce iam quarta ætas sub Nerone, qui, ut ait Suetonius, *offensus deformitate veterum, ædificiorum, & angustijs, flexurisq; vicorum, incendit Urbem*. Quo scito Timagenes felicitati Urbis inimicus aiebat, teste Seneca: (a) *Romæ sibi incendia ob hoc vnum dolori esse, quòd sciret meliora resurrectura, quàm arsissent*. Atque ità euenit: nam cum ex xiv. Regionibus, in quas Romam distribuérat Augustus, tres solo tenus deiectæ, & septem plusquam semiustæ fuissent, statim è suis flammis pulchrior Urbs resurrexit. Ut enim ait Tacitus: (b) *Domus non, ut post Gallica incendia, nulla distinctione, vel passim erectæ, sed dimensis vicorum ordinibus, & latis viarum spatijs, cohibita ædificiorum altitudine, affabrè factis arcibus, additisq; porticibus &c.* Hinc Roma frequentata domibus, ordinata vijs, ornamentis decorata. Non multò post eadem conflagrauit: sed mox à Vespasiano instaurata, Amphitheatro insuper, Templo Pacis, alijsque aucta. Arsit iterùm sub Tito, à quo iterùm reparata, & ornata. (c) Idem præstitit Domitianus studio solùm illustrandæ Urbis insignis: Capitolium enim tertio refecit, Tempora erexit,

N 2

laxa-

(a) *epist.* 41. (b) *15. ann.* (c) *Suct.*



laxauitque vias, quâ institorum tabernis, quâ artificum officinis occupatas. (a) Non minor fuit Traiani solertia, qui, præter illustre Forum, Urbem etiam egregijs alijs operibus decorauit. (b) Labente post Traianum Imperio, minui pariter cœpit sensim sinè sensu Urbis decus. Sub Commodò incensa iterum, ab eoque restaurata, Commodiana dicta est, cui statua aurea cum tauro, & vacca, quasi Urbis conditori, erecta. (c) Seuerus ædes publicas, quæ vitio temporum labebantur, instaurauit, *nusquam propè, ut ait Spartianus, suo nomine adscripto, seruatis tamen ubique titulis conditorum.*

Maius ædificiorum Romæ excidium fuit, cum, detonante ubique Gothici furoris procella, Romanum ipsum Imperium corruit. Atque hæc est quinta ætas, & quasi senium ædificandi. Sub Honorio fateor Alaricum Urbem ingressum, paucis ædificijs incensis, statim discessisse. Neque Gensericus, prædæ solùm inhians, in recta desæuiit, Odoacer Vrbi, in qua erat regnaturus, pepercit. Theodoricus Romam paucis deuastatam instaurauit, nouis etiam additis. Extat eius ad Sabinianum Urbis Senatorem epistola, qua, constituit ut XXV.M. regularum annua illatione in ædificiorum reparatione præstarentur, quarum nonnullæ nostro æuo repertæ sunt.

---

(a) Mart. l. 7. epist. 60. (b) Plin. in Pan. (c) Lamp.

sunt . Vsq̃ue hùc ergò miris Gothorum furor. Sed Totilas Vrbem magna ex parte post longam obsidionem demolitur . Reparant illam Bellisarius , & Narses ; at paulò post iterùm à Totila capta , suis tumultata ruinis relinquitur ; super qua, ceù Hyerosolima altera , audiendæ sunt Magni Gregorij (a) lamentationes, præter ea, quæ dixi Differt.2.

Vltima ætas à Iustiniano ad hæc vsque tempora perducitur . Post sedatas Gothorum procellas cœpit aliquantulùm sub Pontificum Romanorum Principatu Roma resurgere . Verùm, à Longobardis iterùm vexata , non valuit ædificiorum ornatui operam nauare ; nec pacatis etiam per Carolum Magnum bellorum furoribus . Tàm alta, enim inuecta fuerat à Gothis , & Longobardis barbaries , vt Architectonica Ars penè corruerit : quam barbariem ad xiv. penè à partu Virginis sæculum productam , etiam nùm in Italia lugemus . Sed tandem studioforum industria , qui ab antiquis , quæ supersunt, melioris Architecturæ monumentis , rectos extruendi modos imitati sunt , ad tàm splendidum nitorem hæc Ars assurrexit, vt nihil nobis reliquum sit , quod Priscis inuideamus . Si enim Augusti, & Neronis tempora excipias , alijs ætatibus nostra quàm longif-

---

( a ) Hom. 13. in Ezech.

simè præstat , vt vtrasque comparanti perspicuum erit .

## SECTIO SECVNDA.

### *De Domorum Partibus .*

**E**Xaminatis Domorum causis , earundem partes maiori , qua poterimus cura , lustrandæ sunt . Eas verò in duas classes distribuo , vt aliæ sint generales , & , sicut in Schola loquuntur , essentielles , sinè quibus domus non essent ; aliæ particulares , & , vt ità dicam , integrales . Primæ à Baptista Alberto quinque asseruntur , fundamentum , parietes , aperturæ , ( sub quibus comprehenduntur ostia , fenestræ , camini , & schalæ ) compartitiones ædium , & tecta . Pro quibus ritè struendis multæ tradi solent regulæ ab Architectis , qui omninò consulantur , præter ea , quæ supra tradidimus , & trademus deinceps .

Partes igitur secundi generis inuestigabimus . Qua in re me non pudet fateri laborasse diù , & hæsisse : licet enim pleræque domorum partes à nonnullis viris doctis explicatæ sint , omnium tamen collectim systema , & ideam apud neminem video , nec ipsum quidem Vitruvium , aut eius Interpretes multos

tilos in hac re nimis, & ieiunos: & quod deterius, nullum extat integrum priscarum ædium vestigium. Conabor tamen has tenebras nonnihil dilucidare, si detur mihi venia ex meo cerebro aliqua promendi, idue non inanis auræ cupiditate, sed vt viam sternerem studiosis meliora commoliendi, quos libentiùs hìc audirem, quàm vt audiri cupiam. Meæ igitur partes erunt Partes domus non tumultuariè, & Calepini more, sed ordinatè describere, vt indè citò domorum idea confingi animo possit.

Primò verò omnium occurrit Vestibulum, quod inter ædium partes, & quidem principaliores recensetur, licèt extrà ædes fuerit. Erat enim locus antè domorum ianuam, scù clariùs area inter domum, & viam, *per quam*, vt ait Gellius, (a) à via aditus ad ædes est. Etymon sumpsit, vel quòd ianuam, quæ post ipsum erat, vestiret, vel quod Vestæ foret consecratum. Malè autem Ouidius, (b) quòd in eo ignis Vestæ dicatus accenderetur, quî enim extrà ædes ignis accendi potuit? Inuentum fuit Vestibulum, vt detinerentur in eo Clientes, qui ad præstanda Patronis officia venissent, antequàm à Sernis admissionalibus intùsmitterentur, de quibus tom. 2. Dissert. de Sernis, & tom. 3. Dissert. de Salutationibus. Hinc

*Vestibulum*

fit Vestibulum proprium fuisse Nobilium , quibus solis officia præstabantur , præsertim Magistratuum : vndè Vitruuius iubet Vestibula iuxtà domos magnificas extrui . Confunditur ab aliquibus cum Atrio , quos tamen Gellius ibidem carpit, & nos infrà. Credit Vossius, (a) nec abs re, cum olim modicæ forent domus , idem fuisse cum Atrio Vestibulum , aucto vero luxu distingui cœpta . Nardinus (b) Vestibuli exemplum indigitat in Palatijs Columnensium , & Marganorum: at minùs propriè; quæ enim sibi putantur Vestibula, Impluij potiùs rationem , & specimen præseferunt : habent enim clausuram anteriorem cum ostio , quibus Vestibulum caruisse necesse est , cum ex Gellio , *antè ianuam esset* . Potiùs ergo mihi adumbratur in arca Farnesiani , aut Burghesiani Palatii , vt paulò infrà dicam . Decipitur etiam ibidem Nardinus , cùm designaturus Vestibuli terminos ait ; *sporgendo ambe l' estremità ( le Case ) come corni, teneuano in dietro la parte di mezzo, dalla qual retiretezza si lasciava il Vestibolo trà la strada, e la porta* . Fallitur, inquam: perpetua enim hæc cornuum exporrectio in solo Nardini capite ortum habuit, à nemine indicata . Poterat igitur claudi Vestibulum arca, aut porticibus , & columnis , vt de illo Neronis dicemus, (vndè Sca mozzius magna Vestib-

---

( a ) In Etym. ( b ) l. 3. c. 3.

Vestibula cum Porticibus confundit) aut terminalibus quibusdam lapidibus ; aut laterali-  
bus ipsis vijs , cum ampliores ædes Insula-  
rum more à vijs ambirentur . Atque hoc in-  
dicat ex Aquilio Gallo Gellius , Vestibulum  
fieri, inquit, *cum dextra, sinistraq; inter ia-  
nuam, testaque, quæ sunt viæ, spatium relinquunt*.  
Illud bene infert Nardinus apertum fuisse  
Vestibulum ; & non habuisse immediatum  
ad viam prospectum .

Sequitur post Vestibulum Ianua , de qua  
peculiarem instituam Dissertationem , ubi  
varias eius partes, limen, superliminare; val-  
uas, sicut etiam clauēs, feras, pessulum , alia-  
que scitu incunda explicabo .

*Ianua*

Post ianuam principalem ædium reperie-  
batur protinùs Atrium , quod ostio coniun-  
gendum iubet Vitruuius . Illo Græci care-  
bant, vnde ab ostio ad peristylum, quod nos  
dicimus, *il Cortile*, angustus erat aditus, quem  
Thiروهетрон appellabant . Pars erat inter  
ædes , ostiumque ipsum , eique coniuncta ,  
itaùt primò ianuam introeunti occurreret,  
quem Itali dicunt, *l'Andito* . Nomen sumpsit  
vel ab Atriensibus Etruriæ populis, (a) à qui-  
bus primum eius petatum exemplum ; vel  
quod fumo esset atrum ; vel ob ignem in  
honorem Vestæ inibi perpetuò ardentem ;  
vel ob Culinæ viciniam . Diuersum fuit à  
Vesti-

(a) Varr. 4. l. 1.



Vestibulo, vt supra; imò & ab Impluuiò, vtrumque hoc enim tecto destituebatur, cùm Atrium foret opertum, & vt plurimum testudinatum. Quod pluribus coniecturis nititur demonstrare Nardinus, quia nimirum in Atrio ardebat ignis, cœnabant, feminae texebant, congregabatur Senatus: ad hæc, quia Verius Flaccus in Atrio Catilinæ Grammaticam docuit, in Atrio Libertatis erat Bibliotheca, & in Atrio tandem Iustinus Imperator nuncios recepit, quæ sub dio facta fuisse repugnat. Sed, pace summi viri, hæc nihil ad rem, æquiocatur enim Nardinus in Atrij vocabulo: nam plura fuere prius Atria, præsertim interiora, vt dicam infra; quare actiones à Nardino allatæ in interioribus Atrijs factas fuisse credendum est: quis enim sibi suadeat propè ianuam receptos nuncios, feminas texere, cœnari &c. cò præsertim, quod feminarum ædes penitissimas fuisse dicturus sim? Quapropter opertum fuisse Atrium ex Vitruuio (a) vnicè colligo, qui de eo scribens, trabium, & lacunarium meminit. Habebat pariter Atrium, hinc indè columnas testudinatum Tectum sustentantes; quibus Alæ quædam formabantur, quas sæpè Vitruuius memorat. Mensura, & proportio Atriorum triplex ab eodem Vitruuio affertur; prima Diagonalis cùm nimirum

---

(a) lib. 6. c. 3.



mirum latitudo latitudini esset æqualis : secunda dicebatur Bipartiens tertias , ita ut ex quinque longitudinis partibus tres solæ latitudini attribuerentur : tertia Sesquialtera , ut ex tribus portionibus longitudinis, duæ latitudini assignarentur . Altitudo erat quanta longitudo, quarta solùm parte dempta .

Non modica est controuersia inter Antiquarios, & Architectos circa Tablinum, quod Festus Atrio proximum collocat . Dictum existimat Nonius, quod è tabulis componeretur , & Varronem ipse in testem adducit ; sed malè, hic enim de alio Tablini genere loquebatur, loco scilicet ubi hyeme cenare solebant . Nostrium autem Atrio propinquum aliter ac è lignis fuisse ex Vitruvio colligitur . Ità appellatum ait Festus à tabulis scriptis, seu codicibus in eo reconditis, ut idem foret cum Archiuo, quod etiam Tabularium nuncupant . Cui opinioni ego diù hæsi . Verum re subtiliùs examinata aliter iudicare cogor : Tablini enim situs, quem mox accuratè rimabor, ipsum ab Archiuo diuersum fuisse euincit . Philander existimat Tablinum ità appellatum à tabulis non quidem scriptis, sed pictis, ut idem foret cum Pinacotheca Græcorum, in qua picturæ, aliaque ornamenta recondebantur, Itali dicunt, *la Guardarobba* . Huic opinioni calculum non deferro, nam Vitruuius de Tablino, & Pinacotheca

theca tamquam de rebus diuersis scripsit, de hac quidem in cap. de Triclinijs, & Exedris, de illo autem in cap. de Atrijs. His adde situm ipsum Tablini illud à Pinacotheca distinguere, vt mox dicam. Quare concludo, non aliundè, quid fuerit Tablinum, apparere posse, quàm ab ipsius situ, quem si in tanta obscuritate inuenerimus, vt in votis habeo, rem totam confectam habebimus.

De Tablini autem situ silet Vitruuius totus circa eius mensuras occupatus. Tacent etiam cum ipso Scholiastes, & Architecti: vndè ad eum inueniendum ratiocinijs vtendum est. Facem præbet, at modicam, in his tenebris Festus, qui *Tablinum*, ait, *proximè Atrio locus fuit*. Sed ecce aliæ non minores vmbrae. Vbi enim? In eademne recta linea cum Atrio, itaùt ab hoc directè pateret ad Tablinum aditus: vel in lateribus porticum, seu alarum perystilij inter alias Cellas? Quorum primæ parti adstipulor, quam pluribus demonstrare enitar, cum id sit nostræ coniecturæ, & opinionis basis. Ad quod obtinendum ità ratiocinari lubet. Etenim Vitruuius de Tablino non in capitulo de Cellis, sed vnàcum Atrio scripsit. Fortiùs, nam idem post Atrij dimensiones exaratas, continuò, eodemque loquendi nexu, nullo verborum diuerticulo, ad Tablinum se contulit, vt ex ipsiusmet verbis mox afferendis apparebit.

For-

Fortissimè, nam Vitruuius, postquam determinauit Atrij proportionem, statim easdem penè Tablino attribuit inquit, *Tablino, si latitudo Atrij erit pedum xx. dempta tertia, eius spatium reliquum tribuatur*. Quod utique non rectè fecisset Vitruuius, si Tablinum è numero fuisset Cellarum; quid enim pertinebat ad Cellas Atrium? aut quandonam Atrij dimensiones Cellis ipsis fuerunt à Vitruvio attributæ? Tandem hic ipse iubet Tablini altitudinem Atrium superare, ut lumen superius acciperet. Ex quibus omnibus conijcere est, Tablinum non modò cum Atrio coniunctum fuisse, sed in eadem insuper recta linea cum illo, ita ut ab Atrio in Caucidium eunti, per Tablinum recto itinere transeundum foret. Sed quo inquit situ? Puto longitudinem Tablini latitudini Atrij fuisse adaptatam, & per hanc excurrisse.

Stabilito semel Tablini situ, quid tandem illud fuerit, perspicuè, nisi fallor, colligitur. Non enim potuit è Cellarum, aut Penuum censu fuisse, siue Archium illud dixeris, siue Pinacothecam. Ad quod tam securè asserendum contra omnium, quod sciam, Architectorum fidem, duplex me cogit ratio. Prima, quia si è Cellis fuisset Tablinum, clausum utique fuisset: Cella enim à celando dicitur: id quod maximè credendum est de ea Cella, ubi res tanti momenti asseruabantur,

tur, codices nimirum, & suppellex. Si autem obseratum fingamus Tablinum, quomodo liber patuisset ab Atrio ad Impluium, sicut par erat, aditus, cum Tablinum inter Atrium, & Impluium medium extitisse dictum sit? Altera ratio est, quia scripturae, & suppellex Armarijs recondita, nihil ad Atrium pertinebant. Itaque si Tablinum asseruandis codicibus, aut suppellectili destinatum erat, locatum utique non fuisset in Atrio propè ostium; quis enim ita desipiat, ut rem adeò magni momenti in loco tam aditu facili, & obuiò repositam velit, cum in penitiori, inter alias Cellas, ad alas peristylj locari potuisset? Ex quibus satis clarè concludo, si Tablinum, ut ostendimus, inter Atrium, & Impluium, situm erat, inter Cellas recensendum non esse, ideòque nec Archium, nec Pinothecam iurè dici posse:

Quid ergo, inquis, fuit Tablinum? Ut ingenuè dicam suspicor nihil ipsum aliud fuisse, quam id quod Itali Gallica voce dicunt *la Galleria*, locum scilicèt oblongum, apertum, ornatum, amœnum, expositum, in quo picturae, statuae, aliaque suppellex, non quidem recondita, ut in Pinacotheca, sed aperta, & ab omnibus cernenda exhibentur. Ità enim benè percipitur Tablinum locatum fuisse post Atrium, ut scilicèt Imagines, quæ erant Nobilium Stemmata, ab omnibus cerni po-

ni potuissent. Insuper, cum locus esset apertus, facilem præbebat ab Atrio ad Impluvium transitum. Momentum addunt huic meæ coniecturæ Serui Atrienses Atrijs custodiendis destinati, necnon Ianitores, & Canes eidem muneri obeundo. Quis enim, sciat, vtrum non alia de causa tam vigilem custodiam in suis Atrijs adhibuerint Romani, quam quod inibi, seu in proximo Tablino, suam suppellectilem expositam haberent? Ignoscat Lector, si plus æquo hac in re immoratus fuerim, cum rem hanc existimem à nemine hucusque sufficienter pertractatam. Mallem tamen meliora ab alijs audire. Protestor quinimo me nolle hæc pluris, quam ratio ipsa rei expostulet, venditare: intra coniecturæ enim fines singula collocaverim, facto tamen recto aliorum iudicio, debitaque sapientioribus, præsertim Antiquis, reverentia.

Difficilioribus hisce de Tablino exantlatis, obuium erit reliqua expedire: Mensura Tablini, & proportio in hunc modum à Vitruvio (a) præfixa est. Cum minora fuerint Atria, tribuantur Tablino due partes, ex tribus, quibus Atrij amplitudo constat: cum maiora struenda erunt Atria, è quinque horum portionibus due concedantur Tablino. In medijs verò sit dimidio minùs, quam Atrium. Altitudo ostij octava par-

(a) lib. 6. c. 4.

ua parte latitudinem superet : Lacunarium tandem sublimitas latitudinem tertia parte excedat .

E Tablino introitus patebat ad Cauēdium, insigniē aliam Domus partem . In hunc modum per syllabæ diminutionem dictum est, quasi cauum ædium, Itali dicunt, *il Cortile* : erat enim pars illa domus caua, circa quam Conclauia . Existimo idem fuisse cum Impluuio, & Peristyllo, sola penēs magnitudinem, & ornatum diuersitate : Cauēdia enim erant minora, & minūs culta : Peristyllia columnis, (à quibus & nomen) & Porticibus circumducta : Impluium dicebatur, si foret apertum, itaūt in ipsum plueret, sicut locus, vnde aquæ decidebant, Compluium appellabatur . In Aedibus nobilium sæpius tria hæc distincta erant ; ex multis enim Cauēdijs vnum altero erat ornatius, sicut Romæ in Palatio Vaticano videre est . Malè tamen à Scamozzio (a) Cauēdium cum Atrio confunditur . Quinque eorum genera enarrat Vitruuius, (b) Tuscanicum, Corinthium, Tetrastylum, Impluium, & Testudinatum; quorum differentias satis obscurè ipse tradit, obscuriūs eius Scholiastes . Rem sic pro virili declarare conabor . Tuscanicum Cauēdium erat rude, circa quod, vice columnarum, lignea pegmata, vt Bononiæ in antiquissima Populorum Domo videre est : in  
hoc

(a) *Archit.* p. 1. l. 3. c. 5. (b) l. 6. c. 3.



hoc genere longitudo latitudinem superabat. Corinthia multis erant ornamentis splendentia, tribus aut quatuor columnarum ordinibus hinc inde insignita, qui ordines dicebantur Alæ, eò quòd è lateribus essent. In his longitudo erat dimidio maior latitudine, aut duabus etiam tertijs partibus. Tetrastylum, idest quatuor columnarum, sola forma à priori differebat; figuræ enim erat quadratæ. Duo reliqua nihil habent, quod speciali sit nota dignum, nisi quòd Ca- nœdia operta propria essent domorum non illustrium. Dicendum foret de columnis, & porticibus, sed de his Dissert. de Basilicis.

Ab Alis Cauœdiorum, seu, vt magis propriè dicam, ab ipsis Porticibus aditus patebat ad ædium Conclauia, sic appellata, quod clauibus subijcerentur, Itali dicunt, *le Camere*, à nonnullis latinis malè appellantur cubicula; hæc enim vox dormitoria dumtaxat sonat conclauia. De his, quantum licuit ex priscis monumentis conijcere, adnotaui, apud antiquos minimè vñitata fuisse conclauia ità in eadem linea rectè locata, vt ab vno ad aliud liber esset aditus, & nos dicimus, *fughe di Camere*. Hoc inquam genus priscis inuisum; imò testatur Henricus Vvottonus (a) Eques Anglus hanc conclauium structuram extrà Italiam omninò insolentem esse,

O

&amp; ra-

(a) In Elem. Archit. p. 1.



& rationem affert, nam intolerabilem seruitutem imponit omnibus conclauibus, praterquam intimo, siquidem ad id nemo potest accedere nisi per reliqua: & postea de Italis ludens addit: animaduerti nullam nationem in toto Orbe, naturæ tam priuatæ, & secreta, quàm Italos, & quæ contra minus absconditas ædes habeat, itant pugna sit inter eorum habitationes, & ingenia. Sed id obiter. Priscorum ergo conclauium situm, Monachorum Dormitorijs assimilarem, seu magis clarè Carthusianorum in plano degentium Porticibus, è quibus ad singula eorum cubicula aditur; sic enim pariter circa Cauædium Porticus decurrebant, è quibus per diuersas ianuas conclauia singula adibantur.

At hic rei opportunitas poscit, vt antiquarum ædium exemplum, quantum fas sit, proponamus. Post hanc rem sedulò perpensam mihi videtur in magno Burghesiorum Palatio ideam quandam prisce domus adumbrari. Area enim illa columellis septa, Vestibulum representat, quod fuisse antè ostium dictum est. Post ianuam spectas aditum oblongum testudinatum, qui antiquorum Atrio respondet: deest Tablinum; vsus enim obtinuit, vt ipsum alibi apud nos collocetur. Ab Atrio ad Peristylum peruenitur, quod nihil ab antiquis Corinthijs Cauædijs differt. Hinc indè varia conclauia, & officinæ, vt paulò antè de prisca domo monueram.

Sed

Sed nostram Antiquitatem resumamus. Conclauium varia, pro eorum vsuum varietate, erant nomina, Cellæ, seu Penus, Triclinia, Dormitoria, Exedrae &c. de quibus ea pauca, quæ post diutinam lectionem obseruare potui, summa cura mox tradam. Cella, vel Cellarium à celando dicitur, quod reposita celet. Dicitur etiam Penus, Penarium, Promptuarium; sicut qui eius curam gerebat, vocatur Cellarius, Promus, & Condus, quod intus condat, & de intus promat. Varia Cellarum genera, Carnariæ, Farinariæ, Lignariæ, Librariæ &c. ex quibus illas in speciali describam, quæ aliquod continent præ alijs scitu dignum.

Cellæ vinariæ obuia apud Authores mentio: Iconem eius affert Pignorius (a) ex prisco marmore Augustæ Vindelicorum effosso, vbi fornices, & substructio artis nixa, super qua plura dolia ligneis nostris similia, ordine collocata: ex quibus patet verum esse quod ait Plinius, (b) *circa Alpes ligneis vasis condunt, circulisque cingunt*; sed de his in Dissert. de cibo, & potu. Vinariæ Cellæ locabantur quandoque in plano: non rarò in contignationibus, imò in editissimis locis, vt vini fumum biberent, (c) quo purgari credebatur; vnde Martialis ait: *accipit etatem.*

O 2

quic-

(a) l. de Ser. circ. fin. (b) l. 14. c. 21. (c) Lambin. in Horat. l. 4. od. 12.

*quicquid ab igne cadus . Sed hoc rarò . Cellæ subterraneæ Vitruuius non meminit , qui solum iubet , vt habeat à Septentrione lumina fenestrarum . Plinius quidem consulit , vt vina debiliora demissis in terram dolijs seruentur . Sed difficultatem omnem tollit Capitolinus , qui ait : in horreis dolia defossa , supra terram patuisse . Tandem Pirrhus Ligorius plures vinarias apothecas se reperisse testatur , non sub terra modò , sed sub cisternis ipsis aquarum : id quod etiam clarissimus Fabrettus , & Illustrissimus Ciampinus à se obseruatum , mihi iam pridem communicarunt .*

Post vinum sequatur aqua , quam quæ asseruabat Cella dicebatur Cisterna , quod sit cis , idest infrà terram . (a) Erat concameratio testudinata pilis innixa , & tenaci crusta illita ; apud Italos appellatur *Conserua d' acqua* . Huiusmodi plures Romæ fuerunt , & in Perettinis vineis vnā non ignobilem vidi . Adnoto priscis placuisse etiam Cisternas non sub terra , sed in plano habere , puto , vt aquæ magis ventilatæ purgarentur . Erat aliud Cisternæ genus suscipiendis imbribus accomodatum , vndè Horatius (b) ait : *collectos nè bibant imbres , puteosque percennes* . Ex quibus liquet , nec puteos Romæ defuisse , maximè antè conductas exterarum aquarum : Puteos primus inuenisse creditur Danaus Belifilius

(a) Fesl. (b) In Satyr.

filius ex Ægypto in Græciam aduectus .

Cella condendis libris destinata, dicebatur Bibliotheca , quarum multas Romæ fuisse, easque insignes dicam tom. 3. Dissert. de Script. De Archiuo, & Pinacotheca dictum supra . Cella, vbi frumentum recondebatur, erat horreum, à spicarum horriditate sic appellatum : quanquam hæc vox rerum etiam omnium reconditoria sonet: (a) vndè Horatio (b) Cella vinaria horreum nominata ; & Lampridius de horreis Alexandri ait : *ad ea singulos sua bona contulisse , qui priuatas custodias non haberent* . Præter publica Granaria, priuata etiam in diuitum domibus fuisse pro faciliiori vsu, non abnuo ; quæ crediderim in superiori sæpius domus parte locata, ductus quibusdam Vitruuij, (c) & Varronis (d) epithetis, quorum ille Granarij *sublimati*, iste verò *pensilis* meminit . Fœnilia, & Palœaria nihil ad nos, cùm ad Villas spectarent, non ad Vrbanas Domos : imò Vitruuius extrà Villam, ob incendij periculum, collocari iubet . Alias Cellas, vt Lignariam, Caseariam &c. missas facio, cùm nihil habeant peculiare, scitu dignum .

Expeditis Cellis reliqua Conclauia lustranda sunt . Occurrit primò Stabulum equorum, quod Equile appellatum est . Vbi pro-

O 3

prie :

(a) Apul. l. 3. de Asin. (b) l. 4. ed. 12. (c) l. 6. c. 9.

(d) l. 1. de R. R.

priè apud Romanos fuerit locatum, hucusque non reperi; crediderim tamen illos Græcorum situm imitatos. Apud Græcos verò statim post domus introitum (Atrijs enim caruisse diximus) erat Equile ad dexteram introeuntium, cuius alterum ostium ad occasum vergebat, antè quod Hippodromum, ampla scilicèt area exercendis equis destinata. Pavimentum erat silice stratum, aut glareum, & deuexum, ut humorem transmitteret, aut sugeret. Ad meridiem spectabat, ut à recrementis faciliùs siccaretur. Solebat testudine concamerari, ne ob fenum, & paleas, igni esset obnoxium. (a) De aliorum animalium stabulis, Ouli, Bouli &c. nihil dico, cum ad Villas potiùs pertinerent.

Culinam opinati sunt multi extare solitam propè Atrium, ita ut istud ab illius fumo atrium redderetur. At id mihi risum prouocat; quis enim hoc dicat, de Atrijs præsertim nobilium? Quare potiùs putarem cum Baptista Alberto (b) eius situm fuisse non valdè procùl à Triclinio. Triclinium, quod idem erat cum Cænaculo, (cænabant dumtaxat olim Romani, ut alibi) sic appellatur à tribus clinijs, seu lectis, in quibus cubantes cibum sumebant, licèt quandoque lecti plures essent, vndè Biclinia, Tetraclinia &c. ut tom. 3. Dissert. de Conuiu. Triclinia etiam

Diç.

(a) Scam. 1. 2. 1. 3. c. 3. (b) l. 5. Archit. c. 17.

Diætæ vocabantur apud Plinium, (a) ac Athenæum : (b) & rationem reddit Varro, quòd in ijs per diem edatur: item per contractionē dici solebant Zætæ, sicut Diabolus appellatur Zabulus. Videtis Velferi epist. de Zæt. Eorum proportio à Vitruuio (c) præfinitur, *ut longitudo foret latitudinis dupla, altitudo verò dimidium producti ex longitudine, latitudineque simul sumptis*. Quam proportionem omnibus penè conclauibus ipse assignat. Quadratam formam non reijcit, dummodò altitudo sit dimidio maior. Ex Triclinijs alia æstiuæ, quæ ad Septentrionem vergebant, alia verna, & autumnalia, quæ ad Orientem, alia hyberna Occidentem versùs. Meridionalem plagam reiecit Vitruuius, vtpotè humoribus scatentem. Quod de Bibliothecis fortius vrget ad præcauendas tineas. Propè Triclinia ædiculæ erant vbi cœnarum reliquiæ, vnacum utensilibus, recondebantur.

Conclauia dormitoria, Cubicula à cubando dicuntur. Angustiora pro hyeme; carebant enim prisca cortinis, aut velis, quæ nos dicimus, *le Trabacche*. Æstate in amplioribus dormiebant; meridiabant verò in Exedris longè amplissimis, de quibus mox. Lectos satis angustos fuisse prisca marmora ostendunt, quorum formam, sicut & vela, tradam alibi, cum ad suppellectilem potiùs

O

4

domo-



domorum pertineant. Propè, vel intrà cubicula quandoque Sacellum cum Deorum imaginibus, vt Dissert. de Templis. Dormitoria Seruorum propè ostium domus, vt ad seruitia expeditiores forent. Fœminarum è contra in penitiori secessu, vt ab omni commercio abstinerent; id quod & de alijs fœminarum conclauibus notat Albertus, (a) qui optat, vt idipsum à nostris fœminis obseruaretur.

Frequens Exedræ, sed in nobilium præsertim ædibus, vsus. Ampla erat Aula peristyllijs, alijsue ornamentis decora, ità à sedibus appellata, quibus refertissima erat. Exedrarum vsus vel ad meridiandum æstiuo tempore, vel ad colloquendum, disputandum, aut festa celebranda; vndè patet idem fuisse cum nostris Aulis, quas nuncupamus *le Sale*, nomine deriuato, aut à saltando, aut à salutationibus, quæ ibidem apud nos Principibus exhiberi solent. Iubet Vitruuius, (b) *vt amplis magnitudinibus sint constituendæ*: mensuras similes, quas Triclinijs, assignat. Puto easdem fuisse cum Basilicis, & Occis, licèt quandoque ad maiorem lautitiem loca hæc distinguerentur: Basilicæ erant Aulæ Iudicij exercendis destinatæ. Præter publicas, de quibus infra, priuatas etiam in Magnatum ædibus fuisse, incompertum mihi est. Remotæ

---

(a) loc. cit. (b) l. 4. c. 5.



motæ erant ab alijs Conclauibus , vltrà Ca-  
nædium, & contra Atrium collocatæ:at pro-  
spectum ad viridaria vt plurimum habebant.  
Eiusdem penè structuræ fuerunt Oeci, aut  
Corinthij, aut Ægyptij, hoc vno inter se  
discrepantes, quòd primi columnas habe-  
rent magis simplices, vniusque ordinis: po-  
stremi verò duplices, vno columnarum or-  
dine alteri superimposito, de quibus vide  
Vitruuium. (a) Sed Barbarus huiusmodi  
Oecos Græcis solum familiares fuisse, rectè  
ex Vitruvio colligit: aliud verò genus, quod  
Vitruuius vocat Cizicenum, ad Rom. perue-  
nisse. Ab œconomia ità dictos credit Scamoz-  
zius, quòd ibi texere solerent mulieres.

Præter publica Balnea, priuatorum etiam  
meminit P. Victor, qui huiusmodi Decce.  
propemodùm numerat. Balnea pro dome-  
sticis propè Exedras: pro exteris verò propè  
Vestibulum, vbi etiam Hospitia locata fuisse  
existimo, maioris commoditatis causa. Va-  
letudinaria diuersa fuisse à cubiculis ordina-  
rijs indicat Seneca, (b) qui illa tamquam  
quid distinctum capit, cùm, non video, inquit,  
quare sibi placeat, qui robustior est in Valetudina-  
rio. Armamentaria propè Exedras repone-  
rem. Vltrà Exedras Viridaria extitisse ex  
dictis liquet, cùm Exedras prospectum ad Vi-  
ridaria obtinuisse indicauimus. Virgultis  
mirè

(a) Ibidem. (b) In quæst. natural.

mirè confitis ornata erant, quod munus Scruis, Topiarijs appellatis, committebatur, qui ex myrto, & buxo varia hominum, nauium, aliarumque rerum simulachra confingebant, de quibus tom. 3. Dissert. de Agricultura. Lacus, & Stagna erant collectiones perpetuæ aquarum in ipsis viridarijs, aquarum, inquam, immobilium; salientes enim qui continebant, dicebantur Fontes, quos Agrypa primus inuexit, cùm antea è solis Lacubus aquæ haurirentur.

Diu hæsimus in primo ædium plano, nec abs re, nam planis Conclauibus etiam post inuentas contignationes gaudebant Romani: adeoût superiorem partem, quæ quandoque duas, vel tres contignationes complectebatur, inquilinis, & pauperibus locarent ex Plutarcho, qui ait, Syllam superiora ædis suæ libertino habitandam tradidisse: vndè Martialis suam paupertatem exaggeraturus ait: *tribus schalis habito, sed altis*. Vndè par est, vt credamus contignationes, scû solaria minùs fuisse ampla, & ornata, sicut sunt apud nos *le Camere locande*. Quare ad illas per diuersas schalas ascendebatur extrinsecùs locatas. Quia verò à nonnullis etiam nobilibus solaria habitabantur, operæ pretium est, vt hæc etiam cursim perlustremus. Vt verò per schalas, à scandendo ità dictas, ascendamus, erant ipsæ, vel gradibus distinctæ, tum lignis,

ligneis, tùm lateritijs; vel vnica continua de-  
 uexitate inclinatae , vt in ruderibus Palatini  
 adhuc visitur . In schalarum apice erant alię  
 Porticus inferioribus correspondentes: hinc  
 indè Conclauia, Exedrae, aliaque, vt in primo  
 plano , de quibus nihil vltèrius superadden-  
 dum . In superiori contignatione Tecta ita  
 erant conformata , vt in ea ascendi posset ad  
 spectandas pompas . (a) In hoc eodem loco  
 puto extitisse Xysta : licet enim Xystus esset  
 porticus tecta, vbi Atletæ per hyemem exer-  
 cebantur , Xysta tamen erant subdiales ha-  
 bitationes . Quam differentiam miror do-  
 ctissimum Mercurialem in sua Gymnastica  
 fugisse . Quòd si sub dio, non alibi certè op-  
 portunius , quàm supra Tectum . Quare pu-  
 tauerim Xysta fuisse arcas quasdam amplas,  
 eminentes , & columnis septas , quas Græci  
 dixere Paradromadas , Itali *Belvedere* , aut  
*Logge sconerte* . Crediderim insuper easdem  
 fuisse cum eo , quod Plinius vocat Proce-  
 strium , quæ vox, si latina est, mihi à proce-  
 dendo , scèu ambulando deriuatur : & alio  
 modo appellatur *Pergola* à pergendo : Xy-  
 stum etiam cum Heliocamino confunderem,  
 loco scilicet excipiendo soli idoneo: nisi cre-  
 dere velis Lucæ Olstenio, qui hos concame-  
 ratos sibi effinxit, vt infra indicabo .

Quoniam autem ad Tectum vsque domo-  
 rum

(a) Plin. in Paneg. & Euf. ath. 10. Odyss.

rum peruentum est, opportunum hîc esse videtur, vt de Caminis differamus, quorum, scilicet culmina Tectorum sunt, ornamenta- nè dicam, an impedimenta? Id quod eò lubentiùs aggredior, quòd, expeditis principa- libus ædium partibus, minores etiam exami- nandæ sint. Extitisse semper Romæ Cami- nos dubio omni caret: non infrequens enim eorum mentio. (a) Quid verò vox hæc, quæ Græca quidem est, sonet, non levis est inter Eruditos disceptatio; vctera enim Le- xica, & Scholiastes furnos, & hypocausta reddunt. Sed vox ex re ipsa innotescet.

At enimuerò quoad antiqui Camini for- mam non vnâ reperio Scriptorum senten- tiam. Primò enim nonnulli (b) censent fuisse Vas quoddam ingens, aut metallicum, aut è coctili terra, sed mobile, quod Græci Eschara, Itali dicunt *Braciera*. Nec aliam Camini formam agnoscit Brodæus. Existi- mant alij (c) præter Escharas extitisse etiam fixos Caminos, à nostris tamen tum situ, quod non ad parietem excauati, sed in me- ditullio conclauis extarent; tum forma, quòd carerent gula, seu tubo, fumique emissario. Probat hanc opinionem Manucius locis qui- busdam Catonis, (d) & Columellæ, (e) quo- rum

---

(a) *Julian. in Misopogone; Paul. Argin. l. 5.* (b) *Lips. Cent. 2. epist. 75. alijsque multi.* (c) *Paul. Manuc. in Not. ad l. 7. epist. 16.* (d) *De R. R. c. 18.* (e) *l. 6. c. 50.*

rum ille *focum*, inquit, *circumuersum habes*; iste verò rusticum monet, vt circa focum epuletur: ex quibus postea concludit Caminū in medio extitisse, quomodo enim, inquiring, circumuerti focus posset, si fuisset more nostro in excavato pariete? Indigna sanè tanto viro illatio. Esto enim non fuerit in excavato pariete, sed in medio Caminus, fixum tamen fuisse nullo modo inferitur; potuisset enim esse Eschara mobilis in medio conclauis locata, adeoque *circumuersa*. Gulæ, emissarijque defectum nullo modo euincit Manucius. Tertia est opinio Danielis Barbari, (a) qui gulis, fumiq; emissarijs antiquos Caminos donat. Quam sententiam Octavius Ferrarius (b) intensis lacertis propugnat.

Præter tria hucusque enarrata Caminorum genera, alia etiam in usu fuerunt non adeò quidem frequentia, at silentio non omninò prætereunda. Inter hæc fuerunt Hellocamini, Tubi, & Vaporaria. Primi erant loca Soli exposita, à quo innoxie quis calefieret, quæ loca eadem cum Xystis fecimus. Tubos clarè explicat Seneca (c) sic inquiring: *& impressos parietibus tubos, per quos circumferretur calor, qui ima simul, & summa foueret æqualiter*. Horum exemplum è balneis ceptum est, necessitate impellente, ad arcendum fumum:

(a) In Vitr. (b) Elect. l. 1. c. 9. (c) Epist. 90.

mum; calor enim ab igne, sub conclavi accenso, per tubulos ascendens, in cubiculum, diffundebatur, parato per foraminula egres-  
su, quæ aperiri, claudique iuxta opportuni-  
tatem possent. Huiusmodi tuborum ideam  
exhibet ædicula quædam ad Templum San-  
ctæ Cæcilie. Eorundem meminit Proculus  
I. C. in Legis cuiusdam Commentario, quæ  
vetat tubulos habere admotos ad commu-  
nem parietem. Vaporarium tandem sic  
Blondus explicat: sub conclavis pavimento  
circa parietum radices ingens gyra-  
bat tubus, per quem feruida decurrens aqua calidum  
vaporem eleuabat, qui in minores tubulos,  
maiori tubo perpendiculariter adhærentes,  
ingressus, conclauis ipsum calefaciebat, for-  
minibus scilicet introrsum apertis, ut supra,  
Sybaritarum luxus aliud genus inuexit: cœ-  
nantes enim ipsi alucis calenti lymphæ ple-  
nis se, cubantium situ, immergebant, ut à ca-  
lore tam intrinsecus, quam extrinsecus fo-  
uerentur. Verum hæc extra nostrum sunt  
argumentum.

Ut ergo propius ad Caminos accedamus,  
fateor in tanta Scriptorum discrepantia me  
diu Barbaro, & Ferrario herbam dedisse. Sed  
postea, ut in aliorum abirem sententiam, qui  
fumi emissaria priscis Caminis abiudicant,  
hæc argumenta coegerunt. Tum scilicet,  
quod ita omnes antè Barbarum asseruerint  
tradi-



traditione, nisi fallor, immemoriali, quod aiunt, adducti. Tùm quia omnes Scholiaſtes, Etymologica, & Lexica Caminum pro furno, & hypocausto accipiunt. Tùm quòd veterū nemo Fumariorum meminit: oppoſitum quinimò indicarunt Poetæ, Horatius præſertim, & Iuuenalis, cùm domos vocant *fumofas*, & *lachrymoſo non ſinè fumo*, ob fumi ſcilicèt emiſſariorum defectum. Cui coniecturæ maius accedit ex Polluce, & Vitruuio momentum, quorum primo, cùm peculiari capitulo ædium partes explicaffet, emiſſaria nec in mentem quidem venerunt: Vitruuius verò de iſſdem in tota ſua Architectura omninò ſilet: quinimò coronatum opus cælaturis illuſtre à Triclinijs excludit, nè fumo denigrarentur. (a) Nec reponat Mazzonus (b) multa alia Vitruuio prætermiſſa, vt columnas Athenienſes quadratas, Helio-caminos &c. etenim non, ſicut iſthæc, parui momenti fuiſſet emiſſariorum Camini ſtrutura; non modica enim induſtria, & arte opus habent, vt collocentur ad eum Cæli cardinem, & Regionem, vndè venti, fumi progreſſum impediētes, minimè perflent: quare hanc artem minimè omiſſet Vitruuius, qui in multis Philoſophum, & Aſtronomum agit, & tales optat Architectos omnes fore. Accedit his, quod in ædium priſcarum

---

(a) l. 7. c. 3. (b) In Dantem l. 1. c. 41.



carum ruderibus nullum appareat Emissario-  
rum vestigium . Nec dicat Barbarus hoc  
ideò esse , quòd Camini in editioribus sola-  
rijs locarentur , quæ cùm ruinæ magis pa-  
teant , hinc nullæ supersint Caminorum reli-  
quæ . Quod qua fronte asseruerit Barbarus  
vix capio , cùm ostensum abundè sit supe-  
riorem domus partem inquilinis locari soli-  
tam; quis verò credat alieno potius , quàm  
proprio commodo Romanos studuisse ? Ad  
hæc, in prisco opere musiuo Fortunæ Præne-  
stinæ, vbi Vrbs Roma cum suis ædificijs affa-  
brè repræsentatur , Emissariorum nec vnum  
quidem videre est. Musium hoc formis ex-  
pressum, & mox Typis tradendū mihi osten-  
dit Illustrissimus Ioannes Ciampinus antiquæ  
eruditionis, sacræ præsertim, splendor. Quid  
plura ? Hanc tandem coniecturam confir-  
mat impensissimum illud Romanorum stu-  
dium ad fumum arcendum . Ligna enim  
amurea illita ad Solem siccabant , quæ ligna  
*ncapna* vocabantur . (a) Cum verò industria  
hæc non adhuc euitando fumo par esset, Tu-  
bos, & Vaporaria , aut Heliocaminos inue-  
xerunt : quod certè dispendium inutile pro-  
suis fuisset , si Camini gulas habuissent emit-  
tendo fumo idoneas . Quæ argumenta mihi  
penè sunt euidentissima inter fumi hæc , in  
quibus versamur, obscuritates .

Sed

(a) *Plin. l. 15. c. 8. & Mart. l. 13.*

Sed inquis, cuius ergò fuere generis Romanorum Camini? Putaucrim in ijs conclauibus, quæ cœnis non erant destinata, Escharis vsos, vt in Exedris, alijsque Aulis. Triclinia verò fixos Caminos habuisse. Quod licèt à Manutio sit assertum; ab ipso tamen nulla coniectura stabilitum, duplici ego argumento ostenderem, tùm ex Suetonio, qui de Vitellio ait: *nec ante in Prætorium redijt, quàm flagrante Triclinio ex conceptu Camini*. Nisi enim immobilis hic fuisset, eò incenso, non necessariò Triclinium concepisset ignem. Item ex Plauto, (a) qui inquit senem avarum sub Foco ollam auro plenam, recondidisse: quod certè stultè egisset, si amouibilis erat Focus. Fixi hi Tricliniorum Camini vel in medio, vt vult Manucius, vel etiam ad parietem excauati esse potuerunt. Illud enim *de foco circumuerso* Manucij nullam habet vim; nam Authores de Re Rustica ab ipso citati, de Focis Villarum loquuntur, qui sanè in medio locati opportuniùs fuerant, vt singulis rusticis ab agro regressis sat esse possent. Existimarem insuper Tectum aliquod fixis hisce Caminis additum, fornicarij operis tholum referentis, ad recipiendum, quamuis non emittendum fumum. Id quod duplici etiam mihi ratione suaderetur, tùm ex allato Suetonij loco; nisi

P

enim

---

(a) In Plular.

enim Tectum aliquod Foco adhæssisset, quod Lacunari foret adnexum, percipi vix posset quomodo ex conceptu Camini flagrasset statim Triclinium: tum etiam ex veteri Scholiaste epigrammatum Græcorum, qui de Focis sic ait: *super quos cameram atramento illiniebant, ut atrum id pictura inductum pro fumo videretur.* Nec dicas Cameræ huius, seu Tholi Vitruvium non meminisse: nam simplex Tectum specialem non exposcebat regulam, præter eas, quas de fornicibus in generali tradiderat: non enim hæc concameratio Emissaria fumi habebat, pro quibus peculiare Architecturæ genus necessarium utique fuisset, ut dictum est.

Reliquum nunc est, ut ingeniosa satis Ferrarij argumenta, quæ fumi Emissarijs fauent, afferamus, diluamusque. Omnia verò ad tria genera reducuntur: Primum est, quod Virgilius (a) dicat: *& iam summa procul Villarum culmina fumant*; & apud Homerum Vlysses cupit videre fumum è patria terra egredientem: & apud Athenæum Diphilus Poeta Parasitum introducit optantem non vasa aurea, aut lacunaria cedrina aspicere, sed culinæ fumum. At pace summi viri argumenta hæc nihil aliud euincunt, quam ignis proprietatem fumum esse, quod quis inficias eat? Poterat tamen fumus aliundè, quam

per

---

(a) Ecloc. 1.

per Emissaria egredi, per fenestras scilicèt, aut scandalarum rimas, vt in quibusdam locis etiamnum videre est.

Secundum argumentorum genus magis ad rem multa complectitur loca Scriptorum, vbi Emissarij expressè fit mentio. Sic Ap- pianus (a) ait nonnullos è proscriptis, cum Triumuiratus sæuities vbique grassaretur, in Fumarijs, & summis tegulis se abscondisse. Et Herodotus (b) ait Lebeæ Regem ab op- rarijs mercedem petentibus sollicitatum, postquam Solem per Fumarium ingredien- tem respexit, dixisse se Solem illum pro mer- cede illis daturum. Adsumt etiam apud Athenæum (c) carmina Alexis, qui Cami- num, & Fumarium expressè nominat. Et Aristophanes in Vespis Phylocleonem se- nem introducit, qui à filio domi inclusus co- nabatur per Caminum effugere: quam vo- cem vetus interpres reddit *fumi conceptaculum instar tubi, & canalis*, quæ interpretatio fuit etiam Flori Christiani. Adderem ego Mar- tianalem, (d) qui ità inquit: *improba Massilia si- quid fumaria cogunt &c.* Verum isthæc Autho- rum loca, quantumvis à Ferrario ineluctabi- lia appellentur, nihil aliud probant nisi alte- ram naturalem proprietatem, fumi scilicèt subtilitatem, qua sibi vndeque egressum paret, quam quis negauerit? Egrediebatur

P. 2

enim

(a) Bell. Ciuil. 4. (b) l. 8. (c) l. 9. (d) l. 10. epig. 33.

enim fumus per fenestras, & scandularum rimas, ut dictum est; quibus quid quæso vetasset, nè à fumi exitu Fumaria ritè appellarentur? Tuborum verò, & canalium, nusquam laudati Authores meminerunt, vno excepto Græco Scholiaste, qui, forsan, quòd in Græcia Camini fumarios tubos haberent, patrio more ità reddidit. Quod etiam notari velim de omnibus, quos Ferrarius adducit, Authoribus, qui utique è Græcia sunt petiti.

Postrema argumentorum Ferrarij classis coniecturis innititur, quòd incredibile sit priscos fumo excæcari passos esse; acapna, enim ligna carò vendebantur: dicere autem apertis fenestris in medio hyeme mansisse, stultissimum. Sed dubitatio hæc inutilis est, nam ex Martiali constat acapna etiam apud rusticos vsui fuisse: quid enim pretiosi habet amurca, quo tam carò vendenda esset? Vltèriùs diuites acapnis uti poterant, pauperes verò, qui ut plurimum non sunt adeò molles, cur apertis fenestris viuere reformidassent, assuefactione præsertim sensus incommodum minuente? Nonnè & vsus obtinuit, ut nobiles etiam nudo capite inter brumæ algores incederent absque tibialibus, & fascijs cruralibus, imò & antiquiùs sinè interula, ut alibi dicam?

Id quod à Ferrario, & alijs prætermissum fuit,

fuit, maius mihi faceffit negotium: quî scilicèt sagaces, minimèque incuriosi Romani Fumariorum adinventionem, ceteroqui obuiam, non peruiderint? Fumonè excæcati Fumaria agnoscere non valuerunt? Non, me pudet fateri pluries hac super re meditantem, & consulentem non paucos, nihil assequi valuiffe, non dicam verum, sed nè verò quidem proximum. Venerat mihi in mentem, non potuisse commodè fumarios tubos ab imo ad summum Tectum produci, cò quòd superioris contignationis conclauias inferioribus adamussim non responderent, vt nostra, eodem scilicèt communi pariete, per quem Emissaria excurrere ad Tectum, possent, absque superiorum conclauium damno. Adducebar verò ad id cogitandum, quòd, sicut dictum est, superiores contignationes inquilinis, & pauperibus locari solerent: quare non, sicut in inferiori domus parte, Exedris, Basilicis, Oecis, magnisque Cubiculis, & Triclinijs opus erat: ex qua conclauium inæqualitatè proportio inter superiorem, imamque ædium partem tollebatur. Sed in hac re mallet alios audire, quam sinè duce errare, aut insanire.

Fumus, quem paulò ante dixi è fenestris olim egredi solitum, hîc me admonet, vt pauca quædam de Fenestrarum operimentis delibem. Vitreamina, quibus nos vtimur,



non sunt admodum antiqua, sicut nec vitrum ipsum, aut crystallus, ut Dissert. de Cib. & Pot. ostendam. Temporibus Senecæ, vel paulò antè inuenta fuerunt specularia vitreaminibus non dissimillima, quæ describens Plinius (a) ait, *lapis specularis finditur in tenues crustas*: vndè puto eundem illum fuisse cum talcho. Huius usum tempore Senecæ increbuisse ipsemet (b) testatur inquiring: *quadam nostra demùm memoria prodijisse scimus, ut specularium usum, & impressos parietibus tubos, per quos circumfunderetur calor*. Vndè par est credere post usum specularium tubos inuectos fuisse, aliter calor è fenestris egressus nullius certè fuisset utilitatis. Tractu temporis satis familiaria esse coeperunt specularia, de quibus Martialis, alijque Poetæ passim scripsere. Ijs lecticæ etiam claudiebantur, necnon & Balnea. (c) Non est tamen opinandum, ante specularium usum apertas omninò fuisse antiquorum fenestras: obducebantur enim aut carbaso, aut Ægyptia papyro, aut etiam velis, quorum apud I. C. frequens est mentio.

Cogitaueram sanè velis hisce, & specularibus fenestras omninò concludere, & è nostris Domibus egredi. Quoniam verò animaduerto à Luca Holstenio asseri cecos omninò Romanos fenestris prorsus, lumineque caruisse, earumque vices Heliocaminis suppletas,

---

(a) l. 36. c. 22. (b) *Epist.* 90. (c) *Sen. epist.* 87.



pletas, locis concameratis, Solique exposi-  
tis: quoniam, inquam, hæc animaduerto;  
onus mihi certè incumberet fenestrarum  
existentiam demonstrare. Sed quia satis  
mihi ipsæ patentes, apertæque videntur, suf-  
ficiat Iosephum Castaldum, (a) Iacobum  
Reuardum, (b) Ioannem Baptistam Pacichel-  
lium, (c) Ioannem Baptistam Donium, (d) &  
ex antiquis Plinium, (e) & Vitruvium, (f)  
de ijs differentes adire. Illustrissimus etiam  
Ciampinus musium Opus Templi Fortunæ  
Prænestinæ mihi humanissimè demonstra-  
uit, ubi creberrimus visitur Fenestrarum nu-  
merus: Templum autem illud Syllæ tempo-  
ribus extructum testatur Plinius. Ex quo-  
rum sedula lectione, inspectioneque illud  
colligi posse videtur, Fenestras nempe pri-  
mum luciferas tantum fuisse, seu ad solum  
lumen in conclavia admittendum, adeoque  
in eminentiori parietum situ: postmodum  
verò etiam prospectivas, inque commodiori  
ad prospectum loco, sicut ex Erasmo Ence-  
paur (g) laudatus Pacichellius subscribit.  
Fenestrarum figura multiplex fuit, quadrata,  
rotunda, & oblonga, quarum postrema hæc  
frequentior, ut apud Baptistam Albertum (b)

P. 4.

vide.

(a) *Decad. 7. Obser. in Crit. c. 6.* (b) *l. 1. c. 59.* (c) *De  
Diffant. c. 6. memb. 4.* (d) *De Salubr. testit. Agr. Rom.*  
(e) *l. 5. epist. 6.* (f) *l. 4. c. 2.* (g) *Exercit. Iustinian. 6.  
§. 3.* (h) *l. 1. c. 12.*

videre est : licèt Daniel Barbarus in laudatum Vitruuij locum *quadratam figuram antiquis probatam* dicat . Ornamenta Fenestrarum, sicut etiam totius Domus, priscis vsitata, cùm non sint huius argumenti , mihi omituntur , quarum tamen in descriptione Augustanæ Domus sermo redibit.

## SECTIO VLTIMA.

### *De Domibus in Particulari.*

**A** summis Fenestris ad ima descendimus , scè ab vniuersalibus Domorum structuris , & Partibus ad particularem earundem designationem . Difficile sanè argumentum, quippe quòd spissiores hìc nos premant umbræ , nullumque supersit priscarum Ædium vestigium . Romanorum siquidem in ædificando maiestas , quæ admirationem ipsam, superauit , non valuit tamen ità edacissimi temporis ingluuici, ni dicam tyrannidi, obistere , quin summa adhuc ædificia suismet tumultata ruinis iaceant , iacuerintque iamdiù . Vt stupori omninò sit ex tot saxeis molibus , quæ marmoreis innixæ pilis æternitatem videbantur æmulari , nè vnā quidem superesse, non dicam integram , sed solum non omninò obrutam, priscæ magnitudinis

dinis testem . Quarè illud reliquum erit , vt ex veteribus Scriptoribus lucem nonnullam feneremur , aliquarum , quantum fas erit , Domorum situs inuestigantes , ex Rufo præsertim , & Victore , Notitia etiam Imperij , licèt hæc mendis non careat .

Duo autem ipso in præliminari perpendenda sunt ; & primò omnium quotus fuerit Romanarum Ædium numerus . At stellas Cæli quis recenseat ? Innumerabiles enim fuisse , illud , plurimis prætermisiss coniecturis , argumento esse potest , quod vel ipsa Heliogabali fatuitas suggerit . De eo siquidem refert Lampridius , *seruis imperasse , vt omnes araneas colligerent in Vrbe , atque eos collegisse ad decem millia pondo : & postea addit subiecisse Heliogabalum , vel hinc intelligendum , quàm magna Roma esset : vt ità non iam dumtaxat ex vngue leo , sed ex ipsa aranearum exilitate immensum Ædium pondus agnosceretur . Quæ Heliogabali curiositas sicut domorum numerum mirè exaggerat , ità miror à grauiissimo Lipsio (a) ad ostendendam habitantium copiam afferri : cùm non tam Romanorum multitudinem , quàm inscitiam , segnitiemque declaret , quippe qui tam sordida aranearum suppellectili suas domos exornari passi sint : habitantium quinimò paucitatem*

---

(a) De magn. l. 3. c. 3.

tatem liquidò ostendit, quatenùs nullos in Vrbe extitisse seruos suadet, qui tot araneas excuterent; feriantes insuper, ac solitarias indicat Romanas ædes; aranearum enim aulæa, inculta præsertim loca decorare solent. At relictis iocis, sat erit ex collecto per Heliogabalum tot aranearum cumulo, Domorum multitudinem nos collegisse, siuè vacuæ eæ fuerint, siuè habitantibus confertissimæ, quod nihil ad præsens attinet, cum de Cuius numero Dissert. antecedenti satis, superque dictum sit. Aliquarum Domorum censum mox instituiam.

Alterum, quod examen exposcit, est Insulæ vocis enucleatio. Cum enim passim hîc Domorum, & Insularum occurrat mentio, iam quodnam fuerit inter vtramque discrimen explanandum est. Mirari enim subit apud Rufum, & Victorem legi in prima Reglone extitisse Domos tantum CXXI. Insulas verò IV.M.CCL. Hinc suspicati sunt nonnulli aliud Insulas non fuisse, quàm modicas ædes, Domos è contra conspicuas, vt Italis Magnatum Ædes Palatia dici solent. Momentum addit huic coniecturæ Suetonius, qui de Neronis incendio ait: *præter immensum numerum Insularum, domus. priscorum Ducum arserunt: vbi Ducum, seu Magnatum, Ædes, Domos appellari vides.* In aliam, sanè ingeniosiore, abiit sententiam Nardinus

dinus (a) existimans post Neronis incendium, eiusdem iussu, ex pluribus, iisque angustis pauperum ædibus, vnam prospectu quidem amplam coaluisse, vbi in diuersis contignationibus, & conclauium compartitionibus diuersæ degerent familiæ: Insulæ verò illis nomen ideo attributum, quòd, sicut vna Insula plures habet domos, ita hæc à pluribus familijs habitaretur, & velut plures minores domos caperet: vt hodiè Neapoli videre est in ea Regione, quæ dicitur, *il Lavinaro*, propè Emporium. Induxit ad id Neronem illustrandæ Urbis zelus, vt sublatis ædiculis pauperum, iisque in amplas domos commutatis, summa, quæ posset, structuræ vniformitas seruaretur. Lipsius (b) tandem Insulas ait fuisse domos non communi pariete, sed proprijs muris septas, nullique alteri adnexas, quod hodièque dicimus, *in Isola*. Id verò ad præcauenda incendia constitutum, nè ex vna in alteram domum serperet ignis, vt antea acciderat, cum infrequentes forent Insulæ, vt ex Libris linteis Lipsius ipse infert. Opinio hæc vniuersaliori plausu excepta est, sed iudicium doctis relinquo.

His explicatis, singulas Regiones cum Rufo, Victore, & Notitia lustrabimus, vt Domorum, Insularumque numerum, & nonnullarum, quarum extat memoria, etiam  
situm

(a) l. 3. c. 4. (b) In 17. Tac. Ann. lib.

fitum carpere liceat. Prima ergò Regio ex Rufo, & Victore Ædes habuit CXXI. Insulas IV. M. CC. L. ex Notitia verò III. M. CC. L. Notabile sanè discrimen aut erroris, aut mendi index. Ædium nomina à laudatis Authoribus omissa sunt; at neque ex alijs priscis Scriptoribus insignem vllam huius Regionis Ædem excipere licuit, fortè quòd nulla foret singulari nota digna, cùm ipsa iam ferè tota. extrà Portam Capenam flueret. Næuij dumtaxat occurrit domus, & sylua ob suas infamias celebris, cò enim scelesti homines conuenire solebant, ad nequitias commoliendas, ex Festo, qui ait: *hinc opprobrij eam obijci ab antiquis solere*. Theatra, Tempa, aliaque, tùm huius Regionis propria, tùm etiam aliarum, missa facio, suis peculiaribus locis describenda, nè sacra profanis admisceam.

Secunda Regio ex Rufo Ædibus insignita fuit C. XXIII. ex Notitia C. XXIV. Insulis ex Victore III. M. ex Notitia III. M. DC. Fuit hìc Cæsaris Domus in Subura. (a) Ædes Laterani vbi nunc Sancti Ioannis eius nominis Templum. (b) Ibidem habitauit Verus Imperator. (c) Domus Vespasiana in Cælio, sicut & Iunij Senatoris, & Mamurræ.

Tertia Regio decorabatur ex Rufo, & Victore Domibus C. LX. ex Notitia LX. Insulis ex

---

(a) Suet. (b) Capitolin. (c) Tac. 4. ann.

lis ex Rufo II. M. DCCC. VII. ex Victore  
II. M. CC. LVII. ex Notitia II. M. DCC. LVII.  
Fuit hîc eximia illa Neronis Domus, seu po-  
tius domorum portentum, quam infra de-  
scribemus. Ædes Titi propè Templum San-  
cti Petri ad Vincula. (a) Stellæ verò poetæ  
non procùl à Sancti Clementis Ecclesia. Me-  
rulana Domus vbi nunc Ædes Sancti Mat-  
thæi in Merulana: Plinij Iunioris in Esqui-  
lijs inter Sancti Clementis, & SS. Petri, &  
Marcellini Ecclesias. Ibidem Pedonis, &  
Pauli Ædes.

In quarta Regione ex Rufo, & Victore  
fuerunt Domus C. LXXXVIII. ex Notitia  
LXXXVIII. Insulæ ex Rufo II. M. DCC.  
LVIII. ex Victore, & Notitia II. M. DCC.  
LVII. Fuit hîc Regia, vbi Rex Sacrificulus,  
& Pontifices sua peragebant; & sita erat pro-  
pè Templum Sancti Laurentij in Miranda.  
(b) Ibidem penè eiusdem sacrificuli Regis  
Ædes, necnon Pontificis Maximi, & Vesta-  
lium. (c) Scipio Nasica habitauit ab his non  
procùl. Propè Palatinum versùs Titi Ar-  
cum habitauit Ancus Martius Rex. (d) Pom-  
peius in Carinis inter Esquilias, & Piorum  
Hortos. (e) Eius postea domum possedit M.  
Antonius, & postremò Gordianus. Atque  
hæc est Domus illa Rostrata apud Iulium  
Capi-

(a) Suet. (b) Afcon. 2. Verr. (c) Dio l. 54. (d) Tac.  
12. ann. (e) Suet. in 16.



Capitolinum, Rostris scilicet ornata earum  
navium, quas Pyratibus à se devictis Pompeius  
abstulerat. Fuit etiam hinc Balbini Impera-  
toris Domus, (a) sicut & ædícula M. Manlij.

Quinta Regio ex Rufo habuit Domos  
C. LXX. ex Victore, & Notitia C. LXXX.  
ex vtrisque Insulas III. M. DCCC. L. Inter  
has Licinij Suræ ædes ubi nunc Sanctæ Bibia-  
næ Ecclesia. Propè S. Eusebij Monasterium  
habitarunt Ælij. Turris, & Horti Mæcena-  
tis ab Ecclesia Sancti Martini ad Montes ad  
alteram Sancti Antonij. Ab ea Turri credi-  
tur nonnullis Nero inspexisse Urbis incen-  
dium: sed alijs verosimilius ab altera in Hor-  
tis Columnensibus. Propè Hortos Mæcena-  
tis habitavit Virgilius: Propertius in Esqui-  
lijs, item & Persius, ac Plinius Iunior. Aquil-  
lius I. C. in Viminali, ubi pariter Catulus, &  
L. Crassus. Domus Seruij Tullij Regis fuit  
ubi nunc Domus Sfortiorum supra Eccle-  
siam S. Laurentij in Fonte.

In sexta Regione fulserunt Domus ex Ru-  
fo C. XLV. ex Victore C. XL. ex Notitia  
C. XLVI. Insulæ ex Rufo, & Victore III. M.  
D. V. ex Notitia III. M. CCCC. III. Insignis  
fuit Domus Corneliorum, cuius extant adhuc  
apud Sanctorum Apostolorum Ædem rude-  
ra. Doinus, & Horti Sallustij ubi Ecclesia,  
nunc Beatæ Mariæ de Victoria. Domus,  
& Hor-

---

(a) Capitol. apud Nardin. hic.

& Horti Luculli in Cliuo Sanctissimæ Trinitatis de Montibus, hodiè dicuntur, *gli Orti di Napoli*. Ædes Pomponij Arsici in Quirinali.

Septima Regio ditata fuit Domibus ex Rufo, & Victore C.XX. ex Notitia C.XXX. Insulis ex Rufo, & Victore III. M. CCC. LXXXV. ex Notitia III. M. DCCC. V. In hac Regione habitavit Martialis loco, qui dicebatur *ad Pyrum* inter Rosellam, & Constantinopolis Viam. Ibidem Nossius Microscopicus.

Octava Regio frequentata fuit Domibus ex Victore C. L. Rufus verò hîc deest: ex Notitia C. XXX. Insulis ex Rufo DCCC. LXXX. (deficiunt tamen in eius codicibus aliquæ numerorum notæ) ex Victore, & Notitia III. M. DCCC. LXXX. Hûc pertinuit Tarquinij Prisci Habitatio sub Palatino versùs Forum Boarium: & Publicolæ propè Sancti Theodori Ædem, cui è publico ædificata fuerat, sed portis extrinsecùs ad viam apertis, honoris ergò, cùm antea priuatæ Domus Romæ intrinsecùs aperirentur, vt hodieque, qua de re Dissert. de Ianuis. Regia Numæ propè Ædem Sancti Georgij in Velabro. Domus Milonis in Cliuo Capitolino: Manlij verò in Capitolina Arce propè Tarpeiam Rupem. Habitavit etiam hîc Titus Tatius Sabinorum Rex: sicut Theia meretrix inter Tarpeias Sylvas. Ædes Ouidij in Capitolio, seu potius in eius radicibus, cùm

cùm ipsemet fateatur non valuisse è sua domo Capitolium respicere. Domus Marij in Capitolij latere propè Forum Romanum. Romuli Casam stramineam negat Nardinus in eodem Capitolio extitisse, & solum credit in Palatino illum habitasse: sed præter alios, apud Vitruvium reperitur Romuli Casa in Arce Capitolina stramentis tecta.

Nona Regio possedit ex Victore, & Notitia Domos C.XL. Insulas ex Victore III. M. DCC. LXXXVIII. ex Notitia II. M. DCC. LXXIV. Rufus hîc omninò nos deserit, sicut & in sequentibus Regionibus. Enituit hic Octaviæ Porticus extrâ Portam Camentalem, propè Ecclesiam Sanctæ Mariæ, in Porticu hodiè appellatam, sicut etiam & Metelli non minus illustris. Ædes S. Ambrosij erat vbi nunc Monialium Ecclesia eidem dicata. Propè suum Theatrum, quod in Æde Vrsinorum ad Floræ Campū extitisse, alibi dicam, Porticum etiam, & Domum habuisse Pompeium credidere Antiquarij omnes, refragante tamen cum Donato etiam Nardino, qui præter Pompeianam in Carinis Domum, nullam eius aliam admittunt. Ædes priuata Alexandri Imperatoris propè eiusdem Thermas non longè à *Nauonæ* Foro collocatur.

Decimam Regionem decorarunt Domus ex Victore, & Notitia LXXXVIII. Insulæ

ex Victore II. M. DC. L. XIV. ex Notitia II. M. DC. XLIII. Ad quam Regionem pertinuerunt omnes illæ Aedes, quibus Palatinus Mons illustris fuit. Exitit hîc antiquissima Romuli Casa. Hîc pariter Augustana Domus, de qua mox profusè sermo redibit. Habituavit ibidem Q. Catulus, & L. Crassus, quorum supra meminimus. Item Gracchi, Fulvius Flaccus, Cn. Octavius, & Scaurus. Ciceronis Domus ad radices Palatini vulgò collocatur. Donatus tamen ad montis apicem illam effert, quòd Tullius ipse dixerit: *in conspectu præterea totius Urbis Domus est mea.* Hæc à Clodio combusta locum cessit Libertatis Templo. Emerat illam Tullius à P. Crasso non sinè Sallustij calumnijs. Antea verò fuerat Drusi, de quo rem minimè prætereundam commemorat Paterculus inquiens: *cùm edificaret Drusus Domum in eo loco, ubi est, quæ quondam Ciceronis, mox Censorini fuit, nunc Basilij Sisennæ est, promitteretque ei architectus ita eam se edificaturum, ut libera à conspectu ab omnibus hominibus esset, nec quisquam in eam dispicere posset, tu verò, inquit, siquid in te artis est, ita compone domum meam, ut quicquid agam, ab omnibus perspici possit.* Propè Tullij Aedem habitavit Clodius Tullij inimicus: vndè hic cæstro quodam ait: *tollam altiùs Tectum, non ut eo te despiciam, sed tu nè aspicias Urbem eam, quam delere voluisti.* Eundem,

Q

mon-

montem coluit M. Antonius, Agrippa, Tiberius Nero, & quidam Dionysius; licet Pancirolus existimet hunc fuisse Dionem, Cassium historicum, quod in Notitia non, Dionysij, sed Dionis nomen adnotatum sit. Credit Panuinius hinc etiam habitasse Ancum Martium, & Tullum Hostilium, sicut & Scruium Tullium; sed abs re, cum primi ad Viam Sacram, postremus ad imas montis radices ædes habuerint.

Vndecimæ Regionis Domus ex Victore, & Notitia fuere LXXXIX. Insulæ ex Victore M.DC. ex Notitia II.M.DC. Paucissimas comperio huiusce Regionis Ædes: præter enim Patilij Domicilium, & Q. Ciceronis in Argileto, vix quicquam aliud adinuenire licuit. Domus meretricum extabat inter Sanctæ Mariæ Ægyptiacæ, & Sanctæ Mariæ in Cosmedin Ecclesias: quarum priori oppositam, quæ inspicitur, ædem, eamque cælaturis ornatam, scribit Fulvius suo tempore Pilati Domum appellatam, creditamque fuisse.

Ad duodecimam Regionem pertinere Domus ex Victore C.IV. ex Notitia C.XIV. Insulæ ex Victore II.M.CCCC.LXXXVI. ex Notitia II. M. CCCC.LXXXVII. Erat hic Palatium Caracallæ suis Thermis coniunctum; vnde proxima Sancti Cæsarei Ædes, in *Palatio*, dicta est, vt ex eiusdem Inscriptione liquet: atque Marlianus eius Palatii vestigia  
suo

suo adhuc tempore extasse; quod nescio cur à Nardino in dubium reuocetur. In hac ipsa Regione extitit priuata Hadriani Domus. Aedes Parthorum, quos Seuerus Romam, perduxerat, hic item reponitur à Nardino; vt etiam Cornificij Domicilium.

Habuit tertiadecima Regio Domos ex Victore C. III. ex Notitia C. XXX. Insulas ex Victore II. M. CCCC. LXXXVIII. ex Notitia II. M. CCCC. LXXXVII. Habitauit Suras Consul non procùl à Sanctæ Priscæ Ecclesia. Hæc quondam Aquilæ, & Priscillæ Domus: propè quam collocat Panuinius, ex veteri quadam Inscriptione, priuatam Traiani Ædem. Habitaculum in Auentino habuere Ennius, Vitellius, Maximus, Gallus, Faberius Scriba, Vmbricus Iuuenalis amicus.

Postremæ Regionis Domus fuere ex Victore, & Notitia C. L. Insulæ ex iisdem IV. M. CCCC. V. Cùm Regio hæc Trans Tyberim fuerit, nonnisi à vilissima plebe coli poterat: vnde Martialis Transtyberinum quemdam, describens, ait: *hoc, quod Transtyberinus ambulator, qui pallentia sulphurata fractis permutat vitreis &c.* Quare Baronius (a) in ea est sententia Regionem hanc ab Hebræa Gente habitatam fuisse. Culta etiam fuit à Seruis leſticarijs, quos licet Lipsius (b) eisdem fuisse credat cum ijs, qui leſticas ducunt, nos

(a) l. x. Anna!. (b) Elect. l. i. c. 19.



dicimus, *i Lettichieri*, Pancirolus tamen ea voce Vespillones intelligit. In eadem Regione habitarunt Coriarij; sicut enim inquit Artemidorus, *(a) coriariam exercere, malum omnibus, corpora enim mortua abiectat cerdo; ideòque ab Vrbe secluditur*. Nobilitauit tamen hanc Regionem Æde sua Symmachus Urbis Præfectus sub Valentiniano. Vaticanus Campus hortis vt plurimum destinatus erat. Palatium hîc habuisse Neronem propè suos Hortos, & Circum testatur Anastasius in Petro: quidquid argutetur more suo ad ostentationem ingenij Nardinus.

Hæc sunt, quæ de particularibus Romæ Ædibus adnotare nobis licuit, breui quidem, at non inordinata omninò methodo, prout ingens tùm ruinarum, tùm etiam Scriptorum obscuritas, & confusio nobis permisit. Singularum Domorum descriptionem consultò missam feci, vel quòd inutilis, vel quòd tota fuisset imaginationibus plena. Prætermittenda tamen non est Augustani Palatij, Neroniani præsertim, magnificentia, quam si ob oculos, breuibus tamen lineis, exposuero, toti huic Dissertationi colophonem imponam.

Vt autem ab ouo, quod aiunt, rem repetamus, recolendum memoria est duplicem habuisse super Palatino Monte Ædem Augustum,

(a) l. 1. c. 53.



gustum, vnam eius cunabulis illustrem, in Via, quam dixere, *Capita Bubula* propè S. Anastasiæ Ædem, vt suspicatur Nardinus: alteram, quam Suetonius vocat Hortensianam, neque laxitate, neque cultu conspicuam, vt supra dictum est: ibique erat locus in edito insignis, quem *Syracusas* ipse vocabat. Partem huius, publici iuris declarauit Augustus, à Pontifice scilicet Maximo habitandam, cum ad hanc eandem ipse dignitatem fuerat euectus post Actiacam victoriam. Huiusce Ædis situm non alibi constituit Nardinus, quam propè Veliam, non longè ab Ecclesia S. Mariæ Liberatricis. Ad ostij latera duas ex Senatus decreto habuit lauros, inter quas quæquea corona cum epigraphe hac, OB CIVES SERVATOS, vt Nummi demonstrant. Tractu temporis augustiorem reddidit hanc Domum Augustus, Catilinæ, alijsuè proximis ædibus ad eum finem coemptis.

Vita functo Augusto eius animi æmulator Tiberius Augustanam Domum ampliauit, noua superaddita Æde, quæ Tiberiana dicta est, (a) licet à priori minimè diuersa: ait enim de eo Iosephus, (b) *quod ita vnum erat, vt tamen excultum esset adificijs per partem à singulis Imperatoribus, quorum appellationē retinebat.* De Tiberiani huius additamenti situ digladiantur inter sese Antiquarij: Donatus

Palatij prospectum propè Arcum Titi collocat, posticam verò partem ad Circum Maximum vsque protendit : Nardinus tamen, qui eiusdem Palatij ingressum propè S. Mariæ Liberatricis Ecclesiam constituerat, posteriorem eius partem ad oppositum Palatini latus, quod Diui Gregorij prospicit Templum, producit. Cùm autem Tiberiana adiectio in postica parte Palatij asseratur à Suetonio, (a) Plutarcho (b) etiam, & Tacito, (c) illud videtur necessariò existimandum, Tiberianam Domum versùs Diui Gregorij Ecclesiam extructam fuisse. Attamen aliter laudati Authores indicare videntur : cùm enim Plutarchus de Othone ait : *per Tiberij Domum quam vocant, discessit in Forum*, Tiberij Domum Forum respexisse certè, nisi fallor, testatur: Tacitus etiam, *per Tiberianam*, ait, *Domum in Velabrum, inde ad Milliarium aureum*; Suetonius tandem de Vitellio inquit : *cùm & praelium, & incendium (Capitolij) è Tiberiana prospiceret Domo &c.* Ex quibus apertè deducitur Tiberianam Ædem Capitolium respexisse. Sed quid, inquis, dicendum de Nardini coniectura ? Patebit inde responsio, cùm Neronianum Palatium delineabimus.

Auxit deindè Augustanas Ædes Caligula anteriorem earum partem per Palatini Montis oram ad Forum vsque protendens, quâ  
 porti-

---

(a) In Vitell. (b) In Galba. (c) 1. Hist.

porticibus, quâ schalis, quâ arcis decoratam. Adde his Vestibulum , cui struendo *Aedem*, *Castoris*, & *Pollucis* transfigurauit, sicut ait Suetonius: adde etiam Theatrum, quod ante Palatii ingressum constituit Caligula : adde & Templum sibimet erectum, & Sacerdotes. In Templo simulachrum stabat aureum , amiciebaturque quotidie veste , quali ipse utebatur , ut idem loquitur Suetonius. A Palatio ad Capitolium usque , pontem duxit , ad quem pertinuissent tres illas , quæ propè Sanctæ Mariæ Liberatricis Ædem adhuc prostant, Columnas, asserit, sed falsò, ut supra visum est. Mariannus . In Capitolina area alteram incepit Domum ponti utique coniunctam : at post Caligulæ fatum à Claudio successore, & populo æquata solo fuit , sicut & Caligulæ Templum, Vestibulumque, pristino Castori, & Polluci honore reddito: restituit enim, inquit Dio, *Templum suum Geminis* . Nihil adiecit Claudius totus in demoliendo .

Sed quid enarrem de maxima Neronis additione ? cuius Domus , præter Palatinum , quidquid inter hunc, Cælium , & Esquilias iacet, occupauit . Suetonius enim ait : *Domum à Palatio Esquilias usque fecit* . At magis clarè Tacitus de Nerone inquit : *non ante Urbem ingressus est , quàm Domui eius , quæ Palatium , & Mæcenatis Hortos continuauerat , ignis propinquaret* . Quia verò Horti Mæcenatis

partem illam Esquiliarum occupabant, vbi nunc Sanctæ Mariæ Maioris, Diuique Antonij Tempia, huc Neronis Domum pertigisse putandum est. Huius ergò longitudo à Palatino ad Mecenatis Hortos, per Cluium, quoad Templum Sancti Petri ad Vincula ascenditur, vbi Titi Cæsaris Thermas collocabimus, quarum situm à Neroniana Domo occupatum testatur Martialis (a) inquiens: *hæc, vbi miramur velocia munera Thermas, abstulerat miseris Testa superbus ager*. Latitudo fuit à Templo Pacis vsque ad Colossæum, & amplius. Domus Vestibulum extitit vbi nunc Reliquiæ Templi Pacis visuntur. Huius tanta laxitas, vt Porticus Triplices Milliarias haberet, in tribus scilicet eius lateribus cum triplici ordine Columnarum, quæ, vel quòd mille fuerint; vel quòd mille passus occuparent, Milliariæ dictæ sunt, quidquid Nardinus nugari maluerit. In medio Vestibuli exstabat Neronis Colossus ad Sacram Viam, (è qua per clium ascensus erat in Palatinum) & propè Amphitheatrum, quod indè Colossæum dictum est. Marmoreus creditur Nardino, & alijs, cum Plinius (b) scripserit: *ea statua indicauit interyisse funditus æris scientiam, cum & Nero largiri aurum, argentumque paratus esset, & Zenodorus (eius Colossi faber) scientia fingendi, celandique nulli veterum*  

post po-

(a) l. 1, epigr. 2. (b) l. 34, c. 7.

*postponeretur*. At non est hic silentio prætereunda satis efficax Benedicti Millini coniectura, qui æneum ait fuisse Colossus, licet à Plasticæ Artis imperitis ministris inconcinne fustum: id quod præter alia indicia, ex ipsomet Plinio deducit: ineptè enim ille intulisset *æris scientiam funditus interuisse*, si Colossus è marmore extitisset; quid enim cum ære marmor? si autem dicamus ex ære fustum, at malè, recta tùm erit Plinij illatio. Exstat Millini Codex manu exaratus in pereximia Illustrissimi Seueroli Bibliotheca, inter insigniores Urbis celeberrima, & quò magis decoretur, omnium plenè vsibus humanissimè exposita. Colossi sublimitas asseritur à Suetonio pedum C. XX. à Plinio C. X. à Dionè C. à Xiphilino CC. XXIV. non sinè mendii suspitione. Vespasianus detracto Neronis capite caput Solis radiatum reposuit. Hadrianus Colossus locomotum aliò transtulit. *Commodus Colossi caput dempsit, ac suum imposuit, ut ait Lâmpridius*.

Post Vestibulum sequebatur Atrium. Quod Donatus cum Vestibulo confundit, at contra ea, quæ adduximus supra ex Gellio. Blondus, & Marlianus illud constituunt ultra Constantini Arcum in valle Cælium inter, & Palatinum. At priori Vestibuli designationi insistendo, verosimilius existimandum est per Hortos, & Templum Sanctæ Mariæ

Nouæ latitudine excurriffe, longitudine autem ad Titi vsque Thermas, aut paulò cis. Atrium admirandis columnationibus innixum, Neronianam Domum, & Augustanam Palatini coniungebat, indèque magnificis schalis aditus ad eandem patebat. Quoniam autem Sacræ Viæ pars Atrium occupabat, hinc *Transitoria* nomen huic Domui primò attributum, postea enim *Aurea* dici cepit. Atque ex his liquet, quid reponendum sit ad superiorem Nardini coniecturam. Cum enim post Neronianam additionem, ab eius Atrio, quod ad Hortos Sanctæ Mariæ Nouæ constituimus, Augustana Domus adiretur, hinc iurè Tiberiana adiectio, quæ versùs Capitolium erat, postica pars dici meruit. Atrio adnectebatur Stagnum *maris instar circumseptum edificijs ad urbium speciem*, vt loquitur Suetonius: ideòque *Cauædij* loco fuit. Situm eius describit Martialis inquit, *hic, ubi conspicui venerabilis Amphitheatri erigitur moles, Stagna Neronis erant*. Post Stagnum sequebantur *Rura hortensia*, & *Syluæ septis* Domus inclusæ vsque ad Mecenatis Hortos, quos suis Nero incluserat; vt meritò dixerit Tacitus de Nerone, *extructa Domo rarus egressu in Hortis morabatur*.

Huius Domus ornamenta si quæras, *Cuncta*, inquit in eius vita Suetonius, *auro lita, distincta gemmis, unionumque conchis erant*. Cæ-

natio-



nationes laqueata tabulis eburneis versatilibus, ut flores, fistulatis, ut unguenta desuper spargerentur. Præcipua Cœnationum rotunda, quæ perpetuò diebus, ac noctibus vice Mundi circumagere-  
tur. Balineæ marinis, & albulis fluentes aquis. Hinc ea Domus Aurea dicta fuit. Tamen, ut refert Tacitus, (a) gemmæ, & aurum haud perindè miraculo fuerunt, solita pridem, & luxu vulgata, quàm arua, & Stagna, & in modum solitudinum hinc Sylvæ, indè aperta spatia, & prospectus. Hæc verò tantæ erant magnificentiæ, ut superbus Nero, referente Suetonio, se diceret quasi hominem tandem habitare cœpisse. Vndè se stultitię prodidit Vitellius, cùm apud Dionem (b) dixit, Neronem malè habitasse, usumque fuisse paruo, & humili apparatu. Quid enim hac Domo augustiùs confingi poterit? Cui extruendæ, ut ait Tacitus, conferendis pecunijs, peruastata Italia, Prouinciæ enersæ, socij-  
que Populi, & quæ Ciuitatum liberæ vocantur, inque eam prædam etiam Dii cessere, spoliatis in Vrbe Templis, egestoque auro, quod Triumphis, quod Votis sacrauerat. Enimuero per Asiam, atque Achaiam non dona tantùm, sed simulachra, Numinum abripiebantur. Cœnationis rotundæ ideam, ut & alia ad rem, videsis apud P. Donatum. (c)

Vt verò ab ornamentis ad Domum ipsam redeamus, quæ super Palatinum etiam Col-  
lem

(a) l. 15. Ann. (b) l. 75. (c) l. 3. c. 5.



lẽ à Nerone ædificata fuerat , huius Domus pars, dirutis adhuc sub Vespasiano , & Tito reliquis, quæ infrà erant, incolumis permansit . Illam Domitianus auxit . (a) Eius ornamenta Traianus exornando Capitolino Iouis Templo destinavit . (b) Antoninus Pius, obserato Neronianæ Domus ingressu , sola Tiberiana contentus fuit . (c) Sub Commodò incendium passa est, à quo resecta, Commodiana appellari meruit. (d) Alia huius Domus propria videantur apud Nardinum, Donatum, aliosque .


### *Syllabus Authorum .*

**D**E Domibus Antiquarii passim: apud quos tamen præter loca , & situs , reliqua omnia desiderabis . De materia, & forma struendi Architecti cum suo Vitruvio profusi: varias nihilominus ædificandi ætates ad chronologiam , sicut nos præstitimus, accomodatas , nè quidem ipsi cogitarunt . Domorum Partes apud eorum nonnullos quandoque reperies, Scamozzium præcipuè, Palladium , Philandrum , & Barbarum ; sed adeò interruptè , vt ideam indè integræ Domus nusquam assequi valeas . Lautissimam mihi promiserat coenam Marius Gripaldu in suo de Partibus Domus libro ; at ieiunus indè

---

(a) *Suet.* (b) *Mart. l. 12. ep. 15.* (c) *Capitol.* (d) *Dio.*

indè discessi ; digressionum siquidem diues ; omnia , præterquam quæ specioso suo promiserat titulo , pertractat : sicubi verò partium Domus meminit , recentes potius spectat . Quod studiosorum curiositati indulturi præstitimus , illud est , materiei nimirum , formæque structurarum accurata , quantum nostræ vires pertulerant , crisis : struendi ætatum chronologica syntaxis : partium Domus methodica collocatio : Domorum postremo insigniorum non omninò incuriosa descriptio : vt ità multa apponeremus vnica super mensa ferculorum genera , quibus erudita , tyronum saltem , fames valeat expleri . Quòd si à Vitruuij Interpretum , Architectorumque vestigijs quandoque defleximus , nollem id arrogantiae mihi verti , sed proficiendi studio , & addiscendi ; quo & deinceps etiam lectorem monitum vellem .



## DISSERTATIO V.

*De Templis.*

**D**ISTRATIS iam Domibus, vnà cùm quibus vniuersa, ædificandi maiestate exposita, sacra loca religiosè nos aduocant, & cumpri-  
mis Tempia. Vox hæc plures habuit significatio-  
nes: primò enim denotabat Cœlum; secun-  
dò sepulchra; tertio loca quædam in aere,  
vel terra, quæ Augures captandorum Augu-  
riorum causa suis virgīs definire solebant,  
vt tom. 3. Dissert. de Augurijs. Ab hac de-  
signatione, & aereo Templo, quòd oportet  
esse circumquaque septum, nec plus-  
quàm vnum introitum habere, factum est,  
vt omnia etiam loca septa, vnico prædita  
ostio, Tempia appellarentur, quamuis sacra  
non essent. Postea tandem loca tantum  
Dij sacra nuncupata sunt Tempia, vel quòd  
non minùs ac aerea illa à Sacerdotibus desi-  
gnari solerent; vel quòd vndique septa; vel  
quòd Cœlorum instar sedes Deorum forent.  
Aliam etymologiam adducit Varro à tem-  
plando, seu tuendo. Scaliger apud Gyraldū (a)  
à Græ-

(a) *De Dij synt.* 17.

à Græca voce Temenos deducit, quòd est abscindo, eò quia Templum sit locus à profanis segregatus. Magis propriè Gyraldus ibidem à contemplando, quòd in Templis maiestatem Numinis propiùs contemplemur.

Templorum origo antiquissima quidem est, sicut enim ait Suetonius, & ex eo Isidorus, *cum primùm homines exuta feritate, rationem vitæ habere cæpissent, seque ac Deos suos nosse, cultum modicum, ac sermonem necessarium commenti sibi, utriusque magnificentiam ad Religionem Deorum suorum excogitauerunt. Igitur ut Tempia illi domibus pulchriora, & simulachra corporibus ampliora faciebant, ità eloquio etiam quasi angustiore honorandos Deos putauere. Et magis perspicuè Tullius; (a) Græci, inquit, atque nostri, ut augerent pietatem in Deos, easdem illas vrbes, quas nos, incolere voluerunt: assert enim hac opinio Religionem utilem Ciuitatibus: siquidem & illud benè dictum est à Pythagora doctissimo viro, tum maximè pietatem, & religionem versari in animis, cum rebus diuinis operam daremus: & quod Thales, qui sapientissimus inter septem fuit, homines existimare oportere Deos omnia cernere, Deorum omnia esse plena: forte enim omnes castiores: est enim quadam opinionis species Deorum in oculis, non solùm in mentibus. Vbi non tam fucatam Tullij religionem commendando, quàm eiusdem detester impietatem,*

---

(a) 2. de legib.

tem, quippè qui ad opiniones, existimationesque Religionem, & Tempia reuocarit; unde meritò atheus audiit, eiusque Libri de Diuinatione tamquam Religioni apprimè noxij, ab Antonino verè Pio legi vetiti fuerunt,

Sed vt ad rem nostram redeamus, illud ratum omninò est, existimationem hanc, opinionemque Deorum, vt Religionem, ità pariter Tempia in vniuersum penè Orbem inuexisse; si enim paucas exceperis Nationes, aliæ omnes sacris Templorum edificijs Deos suos honorarunt, Nonnullis etenim Populis eadem Deorum existimatio dissimilem, suavitatem venerationis formam, qua Templis omninò astinerent, Sic Persæ ex Magorum disciplina nulla Fana admittebant Solis, quòd maiestatem eius putarent nullis tectorum angustijs coercendam, vt ait Strabo; (a) nec esse parietibus includendos Deos, quibus omnia deberent esse patientia, sicut ait Tullius. (b) Hinc in Græciam irrumpentes, impla quadam religione omnia Deorum Tempia deuastarunt. Plurimum verò falluntur, qui id credunt in Deorum contemptum à Persis peractum, Origenes (c) enim ait, hoc ideò effecisse, quia Deos non credunt esse humana specie, quæ Scriptorum est opinio. Similis huic fuit doctrina Scytharum, Afrorum, & Numidarum;

turpe

---

(a) l. 15. (b) Orat. 2. in Verr. (c) l. 7. contr. Celj.

turpe enim existimabant Templis Deos circumscribere, quibus totus Orbis cælo tectus Templum foret: vndè nec Aras, nec Imagines vllas eorum habuere, Hostias interim loco in quocumque immolantes. Sic Sicyonij nullum Fanum, vel statuum suæ Deæ Coronidi crexerunt: nec suæ Deæ Clementiæ vllum simulachrum Athenienses, solo Luco in media Vrbe eidem dedicato. Apud Græcos post inuecta adhuc Tempia nonnulli vetus dogma continuarunt de Templis, Arisque non adhibendis. Hinc circa annos CCC. post Epimenidem, qui Templorum inuentor credebatur, Zeno Citticus, eiusque sectæ Tempia ex professo extrui improbabant, tametsi extructa tolerarent, ex Plutarcho.

Prætermissa verò huiusmodi irreligiosa, quarumdam Nationum religione, quæ Tempia omninò detestabatur, interrupta paululum Templorum origo retexenda est. Mirum sanè quanta cum animorum contentione digladiantur inter sese Populi ferè omnes, vt adinuenti Templi palmam vnusquisque consequatur. Fertur vulgò Epimenides Cretensis primus omnium Tempia dedicasse. Sed id credi nullatenus potest, tum quòd ipse tempore, quo Hierosolymitanum Templum excidit, floruisse dicatur, vndè aperte constat Templum hoc longè antè Epimenidem extructum: tum quòd apud Græcos

etiam Tempia antè Epimenidem extitisse, Pythagoras ipse demonstret, qui, Epimenide satis antiquior, Templorum passim in suis Symbolis meminit; fertur imò circa annos M. CCCC. antè Epimenidem in Creta etiam à primo illic Rege Crete Templum Cybelis extructum, sicut in Delo Appollinis ab Herysichthone Cecropis filio. Hinc alij primam Templorum adinventionem Ægyptijs attribuerunt, (a) à quibus Græci desumpserint: & sanè Mosis tempore in Ægypto Tempia extitisse testem habemus Eusebium. Circa eadem sæcula Palæstinam Templis decoratam satis clarè Dagonis Domus declarat. Non desunt qui Phalegi Templorum adscribant initia. Alij Authorem faciunt Pelasgum, vel Thessalum, aut Eleutherum, vel Phoroneum, aut Orritam Amazonem, vel Lycaonem. Alij Melisseum, vel Vsonem Phœnicium, Meropem, Æacum, aut Bacchum, post Indos debellatos, vel Isim Ægyptiam. (b) Sunt qui Thraces, vel Arcades, aut Phryges, vel Cyprios. (c) Alij Peucalioni primas deferunt. (d) In qua controuersia, cum extrà nostrum sit Forum, Iudex esse nolim: videatur laudato loco Gyraldus, & Hospinianus. (e)

Sed ad Romanos nostros quod attinet, fertur in Latio Ianus primus omnium Tempia

---

(a) Herod. l. 2. (b) Varr. in Admir. (c) Naz. cont: Julian. (d) Apollon. l. 3. (e) De Templ. l. 1. c. 5.



pla struxisse ; ideòque veteri instituto in sacrificijs Ianum Latini perpetuò præfari solebant , vt nos alibi . Alij hoc honore insignire voluerunt Faunum , vndè ab eo Temppla appellari Fana meruerunt. Romæ verò Templorum author creditur Romulus , deindè frequentius Numa . Huic tamen peruulgatæ iamdiù opinioni obstare videtur Varro , qui apud Augustinum ( a ) asserit : *Romanos primis C. LXX. annis prisco ritu Templis, simulachris, Decrumque statuis caruisse, & in syluis, & Lucis Deos coluisse.* Id quod Tertullianus ( b ) etiam affirmat inquiens : *etsi à Numa concepta est curiositas superstitiosa, nondùm tamen, aut simulachris, aut Templis res diuina apud Romanos constabat.* Ex quibus collegere nonnulli sub Tarquinio Prisco , qui fuit Epimenidi , primoque Hierosolymitani Templi excidio cœuus , Temppla Romæ inœpisse , sumpta nimirum occasione ex peruagante de Hierosolymitana clade passim fama , vndè Templorum phantasmata in Romanorum , Græcorumque mentes immitti potuerint . Verumenimuerò , vt ingenuè fatear , tamdiù Romanos, eosque, plusquam par esset, religiosos, Templis caruisse, nusquam, vt credam, adduci potero . Nihil enim in vita Romuli , atque Numæ magis obuium , quàm ab ipsis Temppla dedicata , vt illud Iouis F-

R 2

retrij,

( a ) De Ciuit. l. 4. c. 31. ( b ) In Apol. c. 25.

retrij, & Statoris, de quibus in Dissert. 2. Pro reconciliatione autem Tertulliani, & Varonis dici posse crediderim, vsque ad Tarquinium Priscum Tempa fuisse adeò angusta, inornata, & inculta, straminibusque tecta, vt Templi etiam nomen minimè mererentur, essentque potiùs cellæ quædam sacris rebus asseruandis, ritibusque peragendis idoneæ, & quod magis ad rem facit, absque Decorum simulachris: indignum sanè reputantibus Romanis Numina terreis imaginibus repræsentare. A Tarquinio verò splendorem quemdam Tempa accepisse, vnde Templorum author appellari iurè potuerit.

Qui verò simulachra primus repererit, non est huius loci disputare, illudque inuestigare conabimur tom. 2. Dissert. de Statuis. Impræsentiarum verò, vt curiosis nonnihil indulgeam, indico solùm adinuentum hoc à nonnullis attribui Telchini apud Rhodios; ab alijs Cadmo apud Græcos. Sunt, qui Hetruscis hanc palmam deferant; id quod ego ad solam Italiam limitarem, Hetruscos enim ab Ægyptijs multa hausisse alibi tradam, ab Etruscis verò Tarquinium, qui ex Etruria fuit: quare Ægyptios statuarum authores crediderim. Namque ex ipsis primus omnium Sirophanes, filio suo superstes, eius desiderio simulachrum Domi constituit, ad quod familiares, Domini iram vitantes, confuge-

fugerent : quo modo veniam ab Hero consecuti , idemmet defuncti filij simulachrum floribus ornabant : indèque simulachrorum propagata consuetudo , vt refert Diophanes Lacedæmonius in suis Antiquitatibus. Quamquam & palma hæc Babylonijs concedi possit.

Post originem Templorum , eorundem causæ, sicut in Domibus fecimus, explorandæ sunt . Efficientem, seù Fabros, & Architectos ipsos alibi exponam . Finalis erat cultus , & veneratio Deorum . Hinc Dijs penè omnibus Tempia passim extructa ; nedùm maioribus, sed inferioribus etiam, vt Febri , Risui, Timori, Pallori , & sexcentis eiusmodi monstris , quæ enarrabimus tom. 1. Dissert. de Dijs : Hominibus quinimò erecta, Tempia per Apotheosim inter Diuos translatis, vt Cæsari, Augusto, Traiano &c. Quibus supersedendum censeo , cùm Prouinciam hanc non sinè lauro suscepit Illustriss. D. Seuerolus in præclaro suo libro de Apotheosi , cedro equidem , imò & Apotheosi ipsa dignissimo, qui ad calcem penè , & umbilicum perductus , vtinam ea, quam iustè meretur, lucis vsuta, ad vniuersi litterarij Orbis profectum, quamcitissimè perfruat. Materialis primò fuerunt Romæ stramina , & cannæ, sicut Dissert. præced. ex Ouidio adnotauimus . Postea quadrati lapides, terra coctilis , tandemque marmorum

crustæ, æque è peregrinis Regionibus adue-  
ctæ, imò & solida ingentis molis marmora,  
quæ in columnas, quæ in peristylia, quæ in pi-  
las, & antas transformata.

Superest vt formam ipsam, structuramque  
Templorum perpendamus. Quæ res cum  
tota ferè ad Architecturam pertineat, ea so-  
lùm eligemus, vt in superioribus etiam effe-  
ctum est, quæ curiositati valeant satisfacere.  
Illud autem occurrit primò circa formam  
obseruandum, non temerè olim Templo-  
Dij extructa, sed iuxtà eorum, quibus sacra  
erant, qualitatem, & indolem; hinc Solis  
quidem ædem, Liberique Patris, rotundam  
veteres probauerunt. *Iouis verò Templo, quòd  
omnium rerum semina is Deus patefacere credebatur,*  
*perforato tecto esse oportere* inquit Varro:  
id quod in Templo Pantheon integro adhuc  
post tot aliorum ruinas extante, deque Tem-  
pore ipso triumphatore, cernere est. Ædem  
Vestæ, quam cum Terra eandem putabant,  
rotundam ad pilæ similitudinem efformare  
moris erat. Vt plurimum verò oblongam  
seruabant figuram, vt ex Ichnographia Vr-  
bis à Petro Bellorio descripta apparet.

Circa structuram insuper nonnulla quæ-  
dam religiosè obseruabantur. Sicut enim,  
inquit Vitruuius, (a) *Minervæ, Marti, & Her-  
culi Aedes Doricæ sient: his enim Deis propter*  
*virtu-*

virtutem sine delicijs, ædificia constitui decet: Veneri, Floræ, Proserpinæ, fontium Nymphis Corinthio Genere constitutæ aptas videbuntur habere proprietates, quod his Deis propter teneritatem graciliora, & florida, folijsque, & volutis ornata opera facta, augere videbuntur iustum decorem. Iunoni, Libero Patri, cæterisque Deis, qui eadem sunt similitudine, si Aedes Ionica constituentur, habitabit ratio mediocritatis, quod ab seuero more Doricorum, & è teneritate Corinthiorum temperabitur earum proprietatis institutio.

Non minor erat quoad situm, & locum obseruantia. Cœlitibus enim Tempia à terra extabant: inferis sub terra: terrestribus verò medias ponebant Aedes. Ioni Fulguri, sunt eiusdem Vitruuij verba, & Cælo, & Soli, & Lunæ ædificia sub dio: horum enim Deorum, & species, & effectus in aperto Mundo, atque lucenti præsentem videmus. Generaliter verò Tempia ad Orientem Solem constituere solebant veteres: qua de re audiatur iterum Vitruuius: (a) Aedes autem, inquit, Sacra Deorum immortalium ad regiones, quas spectare debent, sic erunt constituendæ, uti si nulla ratio impedierit, liberaque fuerit potestas Aedis, Signum quod erit in Cella collocatum, spectet ad vespertinam Cæli Regionem, uti, qui adierint ad aram, immolantes, spectent ad partem Cæli orientis, & simulachrum, quod erit in Aede, ipsaque simulachra

*videantur exorientia contueri supplicantes . Sin autem natura loci interpellauerit, tunc conuertenda sunt earum Aedium constitutiones , uti quamplurima pars mœnium è Templis conspiciatur ; similiter si circum vias publicas erunt adificia Deorum, ita constituantur, uti pratererunt possint respicere, & in conspectu salutationes facere .*

Quoad locum, illud ritè obseruari solebat, ut qui paci, pudicitia, bonisque artibus præessent Dij, eos intra mœnia collocarent; qui vero voluptatibus, rixis, & incendijs , ut Venus, Mars, & Vulcanus, ab Urbibus excluderentur : tamen si hoc non ita ratum fuisse, semper, ex historijs appareat, erat tamen in Hetruscorum Aruspicum scriptis sancitum, nè scilicet insuesceret in Vrbe adolescentibus Venerea libido, & armigera dissentio . Eadem ratione Aedes etiam Bellonæ extra Urbem, ubi Senatus dabatur ijs, qui triumphum poscerent . Vestæ item extra Romam, loco, quo non semper homines, nisi per sacrificium, adirent, ut religiosius coleretur ; Iouis, Mineræ, & Vestæ Tempia in medio Urbium, & Arcium locabantur, quòd, sicut inquit Vitruuius, ante quem & dixerat Plato, *horum Deorum Maxima in tutela videtur Ciuitas esse* . Neptuni Aedem ad maris litus statuebant : Iani verò in excelsis montibus, quamuis & aliquando in Foro : hic etiam struebantur Mercurij Tempia, & Gratiarum :  
Isidis,

Isidis , & Serapidis in Emporio : Apollinis & Bacchi secundum theatra : Herculis in Gymnasio, Amphitheatris, & Circis: Veneris ad Portum . Templum Æsculapij in Insula Tyberina reposuerunt, quòd ægroti maximè aqua indigeant, vt inquit Gyraldus, (a) nisi dicere velis , & sanè magis verè , quòd in hac Insula Serpens, qui Æsculapius credebatur ab Epidauro aduectus reconderetur .

Isthæc sunt , quæ de prisca Templorum Architectura ex veterum lectione licuit adnotare, nostro, in quo versamur argumento, propinquiora . Reliqua autem ad puram putam struendi formam pertinentia vide apud Vitruuium . (b) E quo hæc pauca dumtaxat colligere lubet . *Species autem Aedinum* (de Sacris vtique alloquitur) *sunt quinque , quarum ea sunt vocabula ; Pycnostylos, idest crebris columnis , Systylos paulò remissioribus , Diastylos amplius patentibus , rarius quàm oportet inter se deductis Araostylos , Eustylos interuallorum iusta distributione .* Quarum specierum explanationes , symetrias , & proportiones ex ipsomet potiùs Vitruuio , (c) quàm ex eius Scholiastis pete . Mensuras Templi idem Architectus ità determinat: *distribuitur autem, inquit, longitudo Aedis, uti latitudo sit longitudinis dimidia partis, ipsaque Cella parte quarta longior sit , quàm est latitudo cum pariete , qui pa-*  
ries

(a) Syntag. 17. (b) l. 3. c. 2. (c) l. 4. c. 4.



*ries valuarum habuerit collocationem* . Paulò verò post Valuarum ipsas, Ostiorumque, & eorum Antepagmentorum rationes attingit, (a) quæ cum extrà nostrum sint institutum, consultiùs omitto, id duntaxat animaduertens, Antepagmenta fuisse lapides vtrumque Ostij latus munientes, qui & Antæ dicuntur, vt explicat Philander hic. Adhuc insuper Templorum ostia, vt & Fenestras, nonnisi quadrangula olim fuisse; hinc Vitruuio *Thyromaton* appellantur. Arcuata autem ostia solum post inuectam barbariem, è Germanorum, & Gothorum arbitrio inceperunt in Templis, vt de Domibus etiam in antecedenti Dissert. dictum est.

Sed hic alteram Templorum formam minimè prætermittam, eamque haud materiale, & vbique patentem, sed arcanam, & mysticam. Consistebat hæc in nonnullis ceremonijs, quibus ritè inaugurari, & consecrari ea solebant; sinè quibus, velut informia, nulloque modo sacra reputabantur. Tempia siquidem antea vouebantur, vt Tom.3. Dissert. de Votis dicam: sique id, propter quod erant vota, prosperè successisset, tùm diffiniebantur, seu certi illius fines constituiebantur; id quod dicebatur *efferrî* Tempia, seu *effari*; vndè Templi *effati* passim apud Festum, & Varronem (b) mentio: idque

---

(a) c. 6. (b) l. 4. de l. l.

idque muneris pertinebat ad Augures ex eodem Varrone, qui ait : *hinc effari Tempia dicuntur ab Auguribus : Effatus, cum in his fines sunt &c.* Vbi ita definita erant Tempia, tunc condebantur. Condita verò dedicabantur ab his, qui ea vouerant, sed nonnisi per Pontifices, qui certa, & solemnia verba, formulasque proprias proferebant, Postem Templi manu tenendo, aliosque adhibendo ritus, vñctiones, coronationes, & similia, de quibus peculiariter sermo erit tom. 3. Dissert. de Consecrat. Tempia vota, & dedicata tandem inaugurabantur, idest Augurijs captatis sanctiora reddebantur : quod nisi fieret, Tempia esse non poterant, sed Ædes, ex Festo, & Varrone apud Gellium : (a) vnde discrimen inter Templum, & sacras Ædes facile intelligitur. Quamquam diuersitatem, hanc primis temporibus sanctè obseruatam, negligere postea cœperint, vtramque vocem promiscuè confundendo : id quod ineptè Merula (b) nulla habita temporum distinctione indefinitè asseruit. Si quæ verò Tempia his ceremonijs forent augurata, tunc sancta, imò & sacra dicebantur, nedum religiosa : quarum vocum diuersitatem videsis apud Iacobum Gutherum, (c) ex quo obseruare est,

---

(a) lib. 14. cap. 17. (b) De Sacrif. c. 7. (c) De vet. Jur. Pont. l. 3. c. 1.

est, sanctum dici, vel quòd foret sancitum, idest lege inter religiosa adscriptum: vel à sanguine Hostiæ ità appellatum, quasi eo cruore consecraretur: Sacrum verò esse, quod si quis illud profanasset, sacer alicui Deorum esset, quæ formula priscis idem prorsus valebat, ac diris omnibus esse deuotum, seù posse impunè occidi, vt dicam, tom.2. Dissert. de Pænis. Postea idem author concludit sacrum omne dici religiosum, non è contra: hinc sepulchra religiosa, sed non sacra. Quæ omnia, aliaque à laudato authore adnotata, obelum quidem nullo pacto merentur, præter illa, quæ in sequenti capitulo adiungit, vbi ait: *atque vt Templà sacra erant, non tamen omnia erant sancta*: perinde ac si magis foret *sanctum*, quàm *sacrum*: quod manifestè contradicit superioribus, quibus demonstraerat in eminentiori loco collocari sacrum, ac sanctum: id quod ex capite decimo expressiùs tradidit inquiring: *Portæ Ciuitatum sanctæ sunt, sed non sacræ*. At hæ nubeculæ potis non sunt tam splendidum Solem obnubilare.

Ex hac Templorum sanctitate ortum habuit summa apud priscos eorundem veneratio. Habebantur enim Asyli loco, iisque iniuriam inferre, sicuti etiam ad ea confugientibus, pessimum erat nefas. Sic è Templo Dianæ Ephesi nemo quouis crimine damna-

damnatus educi poterat. (a) Idem commemorat Iustinus (b) de Æde Dianæ quidem, at non Ephesinæ, ut vulgò creditur, sed Epitricæ. Non absimile refert Pausanias in Corinthiacis de Templo Hebes, ad quod si quis supplex confugisset, cuiusvis criminis impunitatem consequeretur. Idem in Laconicis narrat de Templo Mineræ apud Tegeatas. Et in Leotyichide ait religionem hanc Argiuis adeò conseruatam, ut si apud eos quisquam se in Templum reciperet, nec postularetur quidem ut dederetur. Imò & idem Pausanias hanc Templorum obseruantiam in semetipso expertus fuit; prodicionis enim accusatus, in Templum Palladis Chalcieræ apud Lacedæmonios tutò confugijt.

Idem Author plura enarrat exempla Numinum ob violata Tempia iratorum. In Atticis enim ait non aliundè Syllam in diram incidisse calamitatem, quàm quòd Aristonem è Mineræ Templo extractum interfici iusserit. Et in Achaicis vrbis Helicis excidium in similes causas refert. Apud eundem videre est Iouis Dodonæi Oraculum Atheniensibus suadens Templi Martis, & Eumenidum reuerentiam his verbis: *Ara tibi Eumenidum fumans, & Curia Martis sit cordi: hinc bello domiti nam fortè Lacones suppliciter tristes venient, tu proijce tela, supplicibus parcens,*  
*Diuum*

---

(a) Cic. in Verr. (b) l. 28.

*Diuùm quos iura tuentur*. Præter Pausaniam abundant aliorum scripta similibus exemplis. Virgilius (a) enim de Oreste post necatam à se matrem tribus Furijs infestato recenset, in Templum Apollinis confugisse, nec ausas ingredi in eum Eumenides donec ipse è Templo exiret. Et Statius (b) Aræ Misericordiæ apud Athenas meminit ab Herulis nepotibus extructæ, è qua nemo abduci poterat. Nec alia arte Heliogabalus insidias Macrini Præfecti Prætorio euasit, quàm in Solis Templum se recipiens. Hinc immortalis se laude dignum exhibuit Pisistratus, qui Apollinis Pythij Templo à se ædificato inscripserat: *sacer est locus, extrà meyte*: peregrinum verò inibi meientem deprehensum morte mulctauit: vndè apud Suidam adagium: *in Pythio cacare, in Pythio deambulare*: cùmque Pisistratus obambulantem per Templum inspexisset, legem sanxit, vt quilibet in eo delicto comprehensus, capite plecteretur, ex eodem Suida.

Eximia hæc priscorum religio fortior erga Aras ipsas, equidem sacratiores, viguit. Indè *ad Aram confugere* prouerbiali sententia dicimus extremum refugium designaturi. Quare Ouidius (c) rectè cecinit: *unica Fortunis Ara reperta meis*: & apud Plautum Seruus ait: *ego interim hanc Aram occupabo*. Seruis enim,

---

(a) 4. Aen. (b) Theb. 21. (c) 4. de Ponto.

enim, quoties ab Heris suis malè tractarentur, hoc refugij genus familiare fuit, ex Euripide. Quod si quis Aras ipsas amplexatus esset, deterrimum omnium fuisset facinus illum iniuria afficere. Quare cunctorum ore celebratur Agesilaus, quòd post victos Athenienses, quotquot Aras amplexarentur seruauerit, ex Æmilio Probo in eius vita. Alarici insuper, Theodorici, aliorumque effera ceteroqui Regionis hominum erga eos, qui ad Aras Apostolorum confugerant, egregiam pietatem indicauimus Dissert. 2. Nec impunè fuit Philippo Macedoni Aras Atheniensium euertisse, indè enim illi cum Romanis grauissimum bellum fuit; nam, ut ait Florus, (a) *postea creuit implorantibus Athenis auxilium contra Regis iniurias, cum ille ultra ius victoriæ in Tempia, Aras, & Sepulchra ipsa saureret*. Vndè meritò Virgilius (b) Pygmalionem impium appellat, quòd antè Aras Sichæum interfecisset. Atque hinc tot Principum Sanctiones, quibus Templorum religionem sartam tectam haberi statuunt. Quod tamen ità accipi volebant, ut ad Aras confugiens nemini iniuriam intulisset: aliter enim poterat indè impunè euelli. Qua de re perlegatur celebris Dissertatio Cælij apud Tacitum (c) his verbis: *fassus quidam est Principes instar Deorum esse; sed addidit, neque à Dijs iniu-*

---

(a) l. 2. c. 7. (b) 1. Aen. (c) 3. Ann.

*iniustas supplicum preces audiri, neque quemquam in Capitolium, aliudue Urbis Templum confugere, ut ea occasione arrepta, flagitijs magis, ac magis inquinetur. Vndè libera Republica non aliud præter Romuli Asylum reperitur.*

Sed cùm ego incautè, vel nullius flagitij reus, in Asylum tam citò me recepi? Imò autem vel hoc ipso summi flagitij reus, quòd ità præproperè, ni & præposterè, in Asylum diuerterim. Expectetur tomus 2. vbi specialiter de Asylo erit sermo. Interim verò, ut nonnihil huiusce loci magis proprium depromatur, illud prætermittendum minimè est, priscis, reuerentiæ ergò, moris fuisse, è Templis quicquam decerpere, secumque domum afferre, bonæ scæuæ, seu felicitis omnis gratia, puta aut libi frustulum, aut frondem virentem; (a) ea enim ipsa valerudini apprimè conducere existimabant, ideòque *sana* vulgò appellabantur apud Hesychium. Obsequij etiam, obseruantiaque contestatio, ac monimentum erga ipsas sacras Aedes fuit, quòd inibi controuersia omnes, litiumque efferuens bilis sedaretur. (b) Quid plura? Nonnè in idem collimabat argumentum pecunia in Templis asseruari solita, non sacra modò, verùm & profana; nec solùm publica, sed etiam priuata? (c) Quare in Saturni

---

(a) *Ath. lib. 3.* (b) *Plin. epist. 1. lib. 5.* (c) *Plaut. in Bacch.*



turni Templo Ærarium fuisse Dissert. de Pecun. dicam: nolo enim his pecunijs, vt in paræmia est, legentium tedium, meique odium emere.

## SECTIO PRIMA.

*De Templorum Partibus, & Ornamentis,  
varijsque sacrarum Aedium  
speciebus.*

**E**Xplicatis vix Templorum causis, eorumdem protinùs Partes oculos nobis, animumque prolestant. Qua in re non dissimile onus incumbit nobis illi, quod in expiscandis Domorum partibus experti fuimus: cum par sit vtròbique obscuritas, & confusio, atque Scriptorum silentium: vtinam haud etiam impar euasurus sit nostri quantumque laboris fructus. Duplicis ipsæ fue-  
re generis, sicut in Domibus pariter admo-  
nuimus, aut scilicèt generales, vt parietes,  
pauimentum, tectum, columnæ, antæ &c.  
aut magis peculiare, vt Area, Atrium, Ara,  
aliæque: de quibus dumtaxat postremis hic  
erit sermo, cum primas Architectis reliquis-  
se sit satius. Atque de ipsis primò in vniuer-  
sali delibandum, in quatuor partes singula,  
Templa distributa fuisse, sinistram nimirum  
ab Oriente, dexteram ab Occidente, anticam

ad Meridiem, posticam tandem ad Septentrionem: quarum omnium ordinem, dignitatemq; tom. 3. Dissert. de Augurijs tradam.

Modò ad particularem Partium descriptionem deuenientibus primò occurrit Area. Hæc propriè pars Templi dicenda non est, sed eiusdem appendix: erat enim spatium illud antè Deorum Ædes; (a) quod in priuatorum ædificijs Vestibulum appellari diximus in Dissert. de Domibus. In profanis vñbus erat Area locus in vrbe sinè ædificijs, vt alibi tradam: sed hæc nihil ad rem. In Area ergò, seù Templi Vestibulo vanales Hostiæ, ceteraque ad sacrificium pertinentia exponebantur. (b) Aderat quandoque Piscina Areæ adiuncta, seù aquarum Receptaculum pro sacrificiorum vñu, vt ex Inscriptione Narbonensi apud Gutherum (c) apparet. Aulas, quarum Seruius (d) meminit, puto fuisse septa quædam inter Vestibulum, & Atrium ad turbas arcendas, vt in D. Petri Templo, vbi antè Atrium ferrea sunt clatra. Arearum mos nedùm in Vrbe, vbi nihil frequentius, quàm Vulcani Area, Iouis Capitolini, Fidei &c. vt apud Suetonium, Plinium, & Vitruuium passim, verùm in colonijs etiam ipsis, quod ex Marmore Neapolitano collegit Dempsterus ad Rosinum. (e)

Ab

(a) Sauer. in Not. ad Sidon. c. 13. (b) Tull. 2. de Diuin.  
(c) l. 3. c. 6. (d) 7. Aen. (e) l. 1. c. 13.

Ab Area ad Atrium aditus. Erat id ædificij genus antè Templum, continens mediam quandam Aream vacuum, in quam collecta ex omni Tecto pluvia descendebat. Videantur quæ de Atrio profano attulimus Dissert. de Domibus, cùm omnia sint vtrique communia, puta Columnæ, Antæ, Porticus; Peristylia, Tectum &c. licet Columnæ, & Porticus hic non in Atrio solùm, sed circa vniuersum Templum, (de insignioribus loquor) erigerentur, vt in descriptione Capitolini Templi mox apparebit. Præcipua, Romæ Atria fuere Libertatis, Mineruæ, & Vestæ.

Post Atrium statim Templi Fores apparebant: de quibus plura adducemus in Dissert. de Ianuis. Id dumtaxat non erit negligendum, religiosè admodum culta fuisse Templorum limina,, quòd ibi Numen inesse crederetur: hinc mos limen coronandi, exornandique, amplexandi etiam, atque exosculandi, imò & salutandi: pedibus insuper illud terere, nefas; vndè transiliendum erat ab eo, qui vellet Templum ingredi, vt suo loco ex Catullo ostendam.

Post Atrium Basilica, seu corpus ipsum, Templi, varijs Porticibus arcuatis ornatum: atque ipsæ concamerationes Columnis, Antisque suffulciebantur. Hanc Templi partem Græci appellabant Prodomum, aut etiam

Pronaum : continebatque quicquid Atrium inter, atque Cellam iacebat, vnà cùm Alis hinc, & indè à Columnarum processu efformatis. Vndè non immeritò Polletus (a) antiquorum Tempia nostris assimilat: licèt non sinè quadam diuersitate, à Polleto tamen, prætermissa, scilicèt quod prisca Tempia ea caruerint parte, quam nos vocamus, *la Croce Naue*. Qua de re plura trademus in Dissert. de Ædificijs Iudicialibus, vbi Basilicarum structuram graphicè delineabimus, eis-que potius Christianorum comparabimus Tempia.

Basilicæ adnectebatur Cella, ità, nisi fallor, appellata, vel quòd esset veluti Cœlum, cùm in ea Deorum simulachra recondiderentur, vel quòd Numinum maiestatem celaret, seù absconderet, erat enim inaccessa, & consequenter sanctior omnibus pars. Luculentissimam eius descriptionem habes apud Polletum supra laudatum, quam eò lubentiùs afferam, quòd vniuersum penè Templum, affabrè depingat. *Constabant, inquit, Tempia Cella sanctiore, nos Chorum vocamus, quæ Cella sanctior à Basilica, & Porticibus distinguebatur Pluteo, & quasi altero Pronao, nos non malè Pulpitum vocamus, quòd in modum Pulpiti, aut tabulati erectum sit: Basilica verò, quam nos Naue, aut Carinam vocamus, Deambulationes, quæ*

utrin-

(a) De Fer. Rom. l. I, c. 3.

utrinque sunt: Cella sanctior solis rebus sacris destinabatur: Basilica verò, & Porticus, & Pronaon ferè usibus profanis exponebantur. Illie enim & nundina mercium, & prologi nuptiarum, & colloquia transactionum, ut hodiè apud nos, nimis impie exercebantur. Quam suam descriptionem à P. Victore, nisi erro, disumpsit Polletus, ille enim in libello de quatuordecim Urbis Regionibus breuissimè ait: *ante Cellam est Prodomom, post Templum Epistodomom*. In ea autem Polleti descriptione duo exoptarem, primò, ut Cellam non rebus sacris in generali destinatam asseruisset, sed simulachris: locus enim reponendis sacris rebus assignatus, erat Sacrarium, ut mox dicam: secundò, ut Cellam non Choro assimilasset, verùm nostris Tribunis, in quibus Sanctorum Imagines, & Reliquias, ipsumque Christi Corpus nos collocamus: nostris enim Choris Adyta potiùs antiquorum correspondebant, ut statim indicabo. Ex quibus habes Cellas sitas fuisse in extrema Templi parte, seu Templi capite, Ianuæ opposita, ubi nos Tribunas constituimus. Quandoque erat una, aliquando plures, in Capitolino Templo tres demonstrabimus: vndè Vitruuius (a) interiores Cellarum, Angulares Cellarum &c. passim memorantur. Ratio autem, cùr religiosè seruatum, ut singulis simulachris speciales

ciales assignarentur Cellæ, ea fuit; si enim vna pluribus inseruisset, iam; cum hæc fortè fulmine tacta esset, quo casu profanata utique fuisset, ut alibi tradam, vtri Deo diuina res fieret, sciri non posset. Hinc Dedicatio Templi, quod Marcellus Honori, & Virtuti vouerat, à Pontificibus impedita fuit, negantibus vnā Cellam ampliùs, quàm vni Deo ritè dedicari. (a) Id omninò dubiū, vtrum præter maiores Cellas in capite Templi sitas, aliæ etiam minores è lateribus forent, nos dicimus, *le Cappelle*. Quia in re mihi videtur negatiuæ parti adhærendum: tùm quòd nulla earum mentio; tùm quòd Basilica, ut dictum est, profanis vsibus esset destinata. De simulachris nihil addendum puto; nisi quòd lignea, aut etiam fictilia Romæ fuerint vsque ad Asiam deuictam, vno excepto Cereri sacro ex ære, annos CCC. ante illud bellum ex Plinio. (b) Alia in hanc rem tom. 2. Dissert. de Statuis opportuniùs tradam.

Inter sacrationes Templi partes reponuntur etiam Adyta, Penetralia, Sacraria, & Donaria. Adytum ità appellatum ait Agrætius, quod adiri non potest: illud sic describit Pol lux: (c) *Templi locum, quem adire non licet Adytum nominaueris, intantum, sacrosanctum; testum, & Oracularem*: & sicut Cæsar (d) addit, quod

(a) Liu. l. 27. (b) lib. 34. cap. 7. (c) lib. 1. cap. 1.

(d) Bell. Ciu. lib. 1.

quod præter Sacerdotes adire fas non est. Adyti situs ancipitem, fateor, me diù detinuit. Sed tandem opinari lubuit fuisse locum illum, ante Cellam, seu Cellam inter, atque Basilicam, quem nonnulli Vestibulum Cellæ appellarunt, Halicarnassei, (a) verbis perducti; qui de Mineruæ Cella ait: *nunc altera est in Vestibulo Mineruæ &c.* Quare hæc Templi pars nostris Choris respondebat, seu ei, quam dicimus, *il Presbiterio*, quò solis Clericis adire permissum. Eò loci moris fuisse Oraculorum responsiones, & somnia captare, dicam tom. 2. Dissert. de Oraculis: & commodissimè quidem, cum proxima Adytis fuerint Deorum simulachra in Cellis. Vndè labitur Dempsterus infra adducendus, qui hæc eadem Delubris attribuit. In subterraneis quandoque Cryptis Adyta ipsa collocata non ab re animaduertit Salmasius. (b)

Penetræ, quod Seruius (c) vocat *Secretum*, confunditur à nonnullis cum Adyto: fuisse verò diuersum indè liquet, nam in eo non solum Victimæ immolabantur, sed honoratiorum recondebantur cadauera, & pretiosissima quæque abdebantur. (d) Quis enim sibi suadeat recondi pretiosa potuisse in Adyto, Cellæ scilicet Vestibulo, vtrique patenti, & solis Sacerdotibus adiri permissa? Exi-

S. 4

stimo

(a) lib. 2. (b) In Solin. pag. 1212. (c) In 2. Atneid.

(d) Lucan. l. 2. & 5.



stimo itaque Reconditorium quoddam fuisse, seu Penum non absimilem illi, quem Græci Pastophorium, nos dicimus, *la Sagristia*, sacrae asseruandæ suppellectili dicatam, ab Adyto equidem non valdè procùl. Nec audiendus Dempsterus (a) inquiring: *quippe hîc simulachrum ipsorum Deorum erat collocatum*: quod figmentum ex Claudiano (b) confirmat asserente: *Penetralibus amens exilit*: at non sinè amentia nota: ubi enim hîc Deorum mentio vlla? Sed nè vmbra quidem. Non negauerim quandoque Adytum, imò & Cellam ipsam, Penetrale, aut Sacrarium, appellari: at nos non vocum synonymiam, sed res ipsas per voces importatas rimamur. Vnam, eandemque rem cum Penetrali existimo fuisse Sacrarium, quod describens Gutherus supra laudatus ait: *Sacrarium locus erat in Templo, in quo sacra reponerentur*: ex quibus patet, eundem vtriusque vsum extitisse. Quare miror Gutherum sui immemorem paulò post addidisse: *quod & Adytum dicere possumus*: quid enim huic cum Repositorio, vt modò dicebamus? Sacrarij etiam nomine intelligebatur Ædicula priuata, ubi Deorum simulachra, præsertim Larium, reponerentur, vndè Lararium dici meruit. Sed iuxtà hanc etiam usurpationem ab Adyto distinguebatur, quod propriè erat publicum

---

(a) *In Rosin. l. 1. c. 2.* (b) *De Rapt. l. 3.*

carum Aedium locus . Modicum Sacrarij Ostium, *Festra* appellabant . (a)

Donarium dicebatur ea Templi pars, vbi collocarentur Oblata : fortassis non longè à Deorum simulachris, & Cella, veriùs in ipso Adyto : id quod in tam alto Scriptorum silentio diuinare nobis liceat, iudicio duce ; cùm congruum fuerit Oblationes coram Deorum Signis exhibitas . Postquàm oblata fuissent Dona, suspendebantur, pompæ ergò, & sacri cuiusdam luxus gratia . Locus verò, vbi ipsa suspendi solerent, erat Tholus. Cuius variæ sunt acceptiones : nonnullis enim creditur fuisse breue quoddam scutum in medio Tecti constitutum, in quo trabes coibant, sicut explicat Gutherus : alijs existimatur Camera erectior, & fastigiata, quam Itali Cuppolam appellant, vt placuit Philandro ad Vitruuium : (b) quæ explicatio nobis præ ceteris arridet . Sed illud superaddimus Cameram hanc non in medio Tecti, sed in Adyto ipso elatam, sicut apud nos etiam moris est ; vt ità Oblata coram Simulachris suspensa consisterent . In Tholis autem suspendi consueuisse Donaria testatur clarè Virgilius, (c) qui de Donis ait : *si qua ipse meis venatibus auxi, suspendiue Tholo, aut sacra ad Fastigia fixi &c.* Cuius loci explanatio nobis mirè fauens apud Seruium videatur : sicut etiam

(a) *Macrob.* 3. *Sat.* c. 12. (b) *l.* 7. c. 5. (c) 9. *Aen.*

etiam Statius, (a) Arnobius, (b) & Martialis. (c)

Non est hic prætermittenda Dempsteri modò laudati sententia, qui inter penitiora Templi loca Delubrum collocasse videtur, cum inquit: *hic captabantur somnia*: horum siquidem captationem nonnisi in intimiori Templorum loco propè Deorum Simulachra haberi potuisse alibi tradam. At incohærentiæ, imò & contradictionis notam nullo pacto effugere valet Dempsterus, qui paulò antè de eodem Delubro fassus ex Isidoro fuerat, irà illud appellatum, *quod ibi sacrificaturi se abluerent*: cui verò credere placeat coram Deorum Simulachris abluì potuisse sacrificaturos, non sinè patenti irreuerentiæ labe? Eò præsertim, quòd hoc certè sine ipsis in Templorum Arcis, Vestibulisque Piscinæ constitui solerent, vt supra adnotauimus. Quare id meum esto iudicium: si Delubrum ab ablutione sit dictum, in Vestibulo Templi extitisse; nec inibi captari potuisse somnia, sed in Adyto, vt iam indicauimus: si autem alia sit eiusdem vocis vsurpatio, quæ inferiùs enucleabitur, aliter sentiemus.

De Templorum Tectis nihil speciale occurrit præter illa, quæ de Tectorio opere tradidit

---

(a) 1. Sylu. (b) lib. 6. (c) lib. 2. epig. 71.

didit in generali Vitruuius, (a) Architecti-  
que cum eo omnes, quæ nihil ad nos, cum  
nulli non pateat Tecta olim, vt hodièque,  
deuexa hinc indè fuisse, vt ità ab vtraque  
parte descensus aquarum pararetur, nullibi-  
que super Tecto ipsæ, non sinè eius ruina,  
subsisterent. Atque hæc eadem ipsa necessi-  
tas Fastigia quoque Templorum adinuenit,  
nos dicimus, *le Facciate*: quæ vtique ob Te-  
cti deuexitatem triangulari figura prædita,  
esse oportuit, vt ex Numismatis apparet:  
super plano enim illo, quod à Coronicibus  
circuibatur, statim triangulari assurgebat  
prospectu paries iisdem coronicibus insigni-  
tus. Audiatur hac de re Tullius: (b) *Capi-  
tolij Fastigium illud, & ceterarum Aedium non  
venustas, sed necessitas fabricata est: nam cum es-  
set habitatio, quemadmodum ex vtraque parte  
Tecti aqua dilaberetur, utilitatem Templi, Fasti-  
gij dignitas consecuta est: vt etiamsi in Cælo Capi-  
tolium strueretur, ubi imber esse non posset, nullam  
sinè Fastigio dignitatem habiturum fuisse videatur.*  
Atque hinc Cellarum, seu Cappellarum,  
etiam Fastigia, quæ non subdualia, sed te-  
cta sunt, triangulari hac figura decorari so-  
lent. Nostro attamen æuo ab antiqua  
trianguli forma nuperi Architecti abhorren-  
tes, Borrhominus præsertim totius priscae  
Architecturæ reformatornè dicam, an de-  
formi-

---

(a) l. 7. c. 3. (b) De Orat. l. 3.

formator, miris modis triangulum ipsum, deflectunt, effringunt, diuexant, extorquent, difformantque: quod, ut & alia multa non sine pessumdata Antiquitatis iactura confingi solita, vna cum eruditissimo Petro Bello-rio, Antiquitatis non minus tenaci, quam studioso, pluries defleui. De Campanaria Turri, num verè in priscis Gentilium Templis, sicut in nostris, extiterit, dicam peculiari Dissert. de Campanis.

Sed verò frustrà ego, furum more, supra Tectum confugij, cum Aram ipsam habeam totius refugij locum. Ergò de Ara nonnihil carpamus bonæ scæuæ causa. Circa eius Ety- mon non vnàm comperio Eruditorum opi- nionem: Varro (a) enim ait: *loca in Vrbe pu- ra Area dicuntur, à quo potest Ara Diuùm esse, quòd pura: nisi potius ab ardore, ad quem, ut sit, fit Ara*. Cui postremæ Varronis explicatio- ni adstipulatur etiam Pollux, (b) & Isidorus. (c) Aliam affert idem Varro (d) originem ab Ansa, inquiens, *Aram deriuari, quòd qui pre- carentur, Ara angulos, quasi ansas apprehende- rent: cui concinens Virgilius (e) inquit: tali- bus orabat dictis, Arasque tenebat*. Hinc Passe- ratius in verbo, *Ara*, hanc ab antiquis *Aram*, primùm, deindè *Aram* appellatam ait. Ali- ter explicat Seruius inquiens: *Ara ab ariditate dicta,*

---

(a) 4. de l. l. (b) l. i. c. i. (c) l. i. c. 4. (d) 5. de l. l. (e) 4. Aen.

dicta, quia in ijs adoletur ignis. Isidorus tandem ita inquit: *Alij Aras dicunt à precatio-  
nibus, quas Græci aras dicunt.*

Quoad rem verò, Aræ ab Altari discrimen erat, quòd, sicut ait Seruius, *Ara Superis, & Inferis Dijs consecrata sunt, Altaria verò superiorum tantum Deorum, quæ ab altitudine, constat esse nominata: vnde Isidorus addit, Altare quasi alta Ara.* Attamen vtramque vocem promiscuè vsurpari solitam asserit probè Berthaldus; (a) cui & ego subscribo, licèt Authores ab ipso adducti oppositum potius videantur adstruere: affert enim Tacitum, (b) & Plinium; (c) quorum ille de Matrona, quadam ait: *Altaria, & Aram amplexa est: hìc verò: nè propitiadis quidem Numinibus ascendi ex his Altaria, Araque debent.* Vbi copulatiua illa particula, & geminatio, diuersitatem Altaris, Aræque significare videtur, nisi aliud addatur luminis, quo hæ vmbra dissipentur. Quare ad locum Taciti dico, rectè pro eodem Altare, & Aram ibi vsurpari; si enim vtrumque Matrona *amplexa est*, iam in eodem debuit esse Templo, (de Concordiæ Æde intelligit Lipsius, vt infrà) adeoque non potuit vnum Dijs Superis, alterum Inferis, iuxtà Seruij explicationem, esse dictum; hanc enim Numinum confusionem vitabant antiqui. In Plinio autem adnoto verbum

---

(a) De Ara c. 2. (b) 16. Ann. (c) l. 15. c. 30.



bum illud *ascendi*, non minùs Aram, quàm Altaria afficere; ex quo conijcere datur; Aram ab Altari minimè diuersam fuisse, non enim *ascendi* potuisset Ara, nisi alta extasset, adeòque eadem cum Altari, quod, ex Isidoro, *altam Aram* appellauimus. Sed opus non est, vt in hisce quisquilijs diutiùs immoremur.

Materia Aræ passim è lignis, & lapidibus apud Pausaniam in Eliacis, (a) vbi Aræ etiam lateritiæ meminit. Rusticorum Aræ solebant è cespite, & lignorum strue tumultuario opere componi: vndè eas Lucanus (b) vocat, *subitas congestas cespitis Aras*. Gramineas pariter Aras commemorat Virgilius (c) inquit: *ergò instaurantur Diuis communibus Aræ Gramineæ*. Atque hæc Ararum pauperes primis præsertim Romæ temporibus vixit, cum, sicut Tertullianus in suo inquit Apologetico, *nulla Capitolia certantia Cælo, sed temeraria de cespite Altaria, & Vasa adhuc samia, & nidor ex illis*. Vbi loco vocis *temeraria*, ego legerem *temporaria*, seu extempore structa: ita enim vox hæc Altaribus è cespite factis magis congruet. Huiusmodi Aræ faciliè solubiles erant. Solubiliùm autem, imò & portatiliùm Ararum mentionem fecit allato loco Pausanias.

Maiori admirationi sunt duo alia Aræ genera,

(a) l. 6. (b) l. 9. (c) *id. den.*



nera, Cinereum, & Corneum. Iouis enim Olympici Aram ità describit Pausanias: *Confecta est Ara ex Cinere collecto ex adustis Victimarum femoribus*: & postea adiicit moris fuisse, ut Aruspices die 19. Februarij cinerem è Prytaneo deportatum, aquis Alphei fluminis diluerent, eoque Iouis Aram illinirent. Apollinis etiam Aram è Victimæ cineribus congestam idem Author in Bæoticis (a) affert. Omitto Herculis Thebani immunditiem, qui Didymis Milesiorum Vrbe Aram è luto subacto Victimarum sanguine extruxerat, apud Berthaldum. (b)

Arae Cornæ inter septem Orbis miracula recensitæ meminit Ovidius in Heroicis his verbis: *miror & innumeris structam de Cornibus Aram*. Et Martialis, (c) inter Ægypti Pyramides illam reposuit inquiring: *Barbara Pyramidum sileat miracula Memphis, dissimuletque Deum Cornibus Ara frequens*. Hanc Domitius Scholiastes in Lybia apud Hammonis Templum collocat: Eustathius in Vrbe Ephesi: at vulgò in Delo reponitur. Quid verò ea fuerit, nemo satis declarat. Quare illud mihi potius miraculo est, quòd inter septem Orbis miracula hæc Cornea Ara adscripta sit: quid enim admirabilis habere potuit? omninòque riderem stultæ Gentilitatis simplicitatem, quæ adeò cornua demirata sit,

rem

(a) l. 9. (b) c. 4. (c) l. 1. epig. 1.

rem nec multùm infrequentem, nec valdè decoram; nisi præstò mihi adesset Plutarchus, (a) qui illam sic describit: *Aram Cornutam vidi inter septem Mundi miracula, quòd neque glutino ullo, neque alijs vinculis coharens, è solis dextris cornibus compacta est.* Vndè videas iterùm, quàm pròni ad demirandum, fuerint prisci. Adeas Alexandrum Neapolitanum, (b) & Angelum Politianum, (c) qui plurima, Aris equidem digna, de hac Ara consignarunt.

Forma Ararum non vnus erat generis: quædam enim quadrangulæ, nonnullæ oblongæ, aliæ rotundæ, vt patet tùm ex Pausania in Eliacis, tùm ex Numismatis apud Guillelmum Chouium, & Aolphum Occonem, qui varios etiam afferunt Aræ Titulos, Inscriptiones, & Hieroglyphica. Solebant cum primis Aræ latera fasciculis quibusdam herbarum hinc, atque indè pendentibus insigniri: quos *Struppos* appellatos ait Blasius Virginerius in suis ad Liuium notis, & ex eo Berthaldus; at quam benè non calleo, nam ex Festo, *Struppi vocabantur in Puluinaribus fasciculi de verbenis facti, qui pro Deorum capitibus ponebantur.* Vtut fuerit, illud dubio omni caret, Iouis Aram esculo, aut quercu redimitam, Apollinis lauro, Mineruæ olca, Vene-

(a) lib. 1. de anim. solert. (b) lib. 6. cap. 2. (c) In Miscell. l. 52.

Veneris myrto, Herculis populo, Bacchi hederâ, pampino, & ficu, Panis pinu, Plutonis, & Syluani cupressu, vt Alexander Neapolitanus (a) eruditè nos admonet. De primo Aræ repertore sermonem instituiam tom. 2. Dissert. de Dijs. Illud satis sit impræsentiarum perfunctoriè adnotare, è Græcis ad Romanos eius vsum peruenisse: Aram enim Maximam sub Palatino Monte sibimet extruxerat Hercules, Græcanico ritu & ipse excultus; Æneas verò eiusdem cultum amplio- rem reddidit, vt Dissert. prima dictum est; & fusiùs tom. 3. Dissert. de Sacrif. vbi Aræ etiam vsus, aliaque id generis. Plura, qui cupiat, Berthaldum ipsum adeat, qui de Ara non contemnendum exarauit librum.

Nos intereâ paucula quædam subiiciamus è re nostra magis, & Berthaldo ipsi, diligenti cætera Scriptori, prætermissa. Aræ situm Vitruuius (b) stabilit his verbis: *Ara spectent ad Orientem; & semper inferiores sint collocatæ, quàm simulachra, quæ fuerint in Aede, vti suspicientes Diuinitatem, qui supplicant, & sacrificant, disparibus altitudinibus ad sui cuiusque Dei decorem componantur.* Id quod ex Nummis Domitiani perspicuè demonstratur. Inter Deos autem hic ordo ritè obseruabatur, ex Festo, vt Dijs Superis altissime constituerentur Aræ; Terrestribus mediæ; Inferis verò nonnisi sub

T

terra

---

(a) l. 4. c. 17. (b) l. 4. c. 8.

terra in scrobibus excauata. Quorum posterius neglexit Vitruuius suis potius structuris intentus, cum ait : *altitudines earum sic sunt explicandæ, ut Ioui, omnibusque Cælestibus, quàm excelsissimæ constituentur, Vesta, Terra, Marique humiles collocentur.*

Locus Ararum erat varius pro earundem varietate, Plures siquidem Aras eodem locatas in Templo certius est, quàm ut probatione indigeat; minimùm verò tres, semperque impari numero Superis, & Inferis pari, ut tom.3. Dissert. de Sacrif. dicemus. Harum prima erat præ Foribus Templi, ubi Victimæ immolarentur : secunda in Templi medio : tertiam demùm ante ipsum Simulachrum constituerem, fretus sanè tùm Domitiani Nummo apud Guthereum sæpè laudatum, tùm Arnobij (a) verbis ita inquentis : *thura injciuntur Altaribus antè ipsa Numinum Signa.* Vndè vix capio quo perductus argumento Gutherus asseruerit tertiam propriè Mensam fuisse, quam Festus *Anclabrim*, appellat; cum Arnobius non Mensam, at Aram nominet : non negauerim Mensas, quandoque, si sacræ forent, Ararum loco fuisse habitas; at alius earum situs, quàm in sacratissimo propè Simulachrum loco, nec super eis Victima libabatur, sed vinum, ut alibi, Aras pariter extrà sacras Ædes ex Augusti

---

(a) lib. 7.

gusti Numismate comperies . Aræ partes apud Iosephum Scaligerum (a) videsis, supremam scilicet superficiem, quæ à prunis Græcè *cantir* dicebatur, quod ibi Victima vreretur; basim, quæ & *epipiron*, & quæ supra basim partem *vomisicos* dictam. Atque hæc de Ara libasse sit satis.

Reliquum nunc est, ut nonnulla de Pulvinariis, & Lectisterniis subnectamus. Stulta siquidem priscorum superstitio haud contenta Deos suos in Cella collocasse, insuper, velut si viuerent adhuc, & cum ipsis conuersarentur, Mensas iisdem constituebant cibis refertissimas, quibus vesci possent; & lectos, ubi ad Mensas ipsas cubarent. Hæcque sunt Lectisternia, aut alio etiam vocabulo, sicut Seruius (b) ait, Pulvinaria, apud Scriptores frequentissima. In Templo præsertim Capitolino Ioui, Iunoni, ac Mineræ Lectisternia consecrata, quamquam solus Iuppiter lecto cubaret, istæ verò sellis insisterent, ut infra trademus. Hinc coeptum alijs promiscuè Dijs Lectisternia in Templis prope eorum Aras dici, & ad Templorum ornamentum unà cum ipsis consecrari, illaque verè Tempora dici, in quibus Pulvinaria essent: quare cum Drusillæ Templum constituit Caligula, statim Pulvinaria adiecit: (c).

T. 2

imò

(a) In 1. Astron. Manil. lib. (b) 3. Georg. (c) Tac. 14. Ann.

imò & pro Templis ipsis Puluinaria vsurpata passim sunt. (a) Potuisse Puluinaria ab Æde sacra aliò transferri, sicut etiam de Supplicationibus, quæ Lectisternia dicebantur, in extremis Urbis periculis institui solitis, dicam tom. 3. Dissert. de Festis, & de Precibus. Non erant continuò in Templis exposita, sed statis Solemnitatibus; interim verò in Sacrario, aut Donario asservabantur ex Porphyrio apud Rhodiginum. (b) Eorum formam lectis haud valdè ab similem ex Nummis Domitij Ænobarbi apud Gutherum. (c) cernere poteris: plurima verò hac de re apud Hieronymum Bossium. Illud dumtaxat postremò adnoto, sæpè apud Scriptores Puluinaris nomine vsurpari locum in Templo apparatus, ubi diebus Festis ea disponentur, quæ in Sacrario, aut Donario inclusa erant; sicut Lectisternij voce non rarò sacrum Epulum intelligitur, de quibus alibi.

Ornamenta Templorum erant Lectisternia ipsa, & Puluinaria: præterea Currus, Bigæ, Quadrigæ, & id genus. Item Coronæ diuersi generis, Vittæ, Teniæ, Spolia, Exuniæ, Vota, & Anathemata; Statuæ, Picturæ, Signa, Sigilla, seu parua Signa in suis Ædiculis, seu oculis posita, (quos nos Nichias appellamus) ad parietum honestamenta: quæ & Sigillaria, & Sigilliola dicebantur, habeban-



banturque etiam pro Dijs, si forent consecrata. Pariter Clypei, quos primus Appius Claudius in publico loco dicare instituit, posuitque ipse in Æde Bellonæ Maiores suos in Clypeis conspiciendos ex Plinio. (a) Clypeorum forma ex Nummis Augusti, & Lepidi apud Gutherum apparet. Vasa etiam sacra inter Templorum ornamenta censebantur. De quibus hic nihil differere visum est, quod huiusmodi rerum pluries rediet sermo tum tom. 2. Dissert. de Donarijs; & Dissert. de Statuis; tum tom. 3. Dissert. de Sacrif. & alibi.

Quare illud pro Sectionis huius coronide præstandum nobis est, brevis scilicet quarundam Templi specierum syntaxis, quæ sunt Fanum, Sacellum, Ædícula, Lararium, Tesca, Lucus, Dianium, Mineruium, Bidental, atque Delubrum. Fanum propriè dictum, ait Festus, à *fando*, quòd dùm Pontifex *dedicat*, certa verba *fatur*. Quamquam Asconius Fanum appellatum censeat, unde *Fata* petuntur; & Capella à *Famis* Latinorum Dijs, qui indormientibus responsa dare solebant. Vtut scilicet habeat, Fanum erat locus sacer, & inauguratus, atque effatus, at sinè Tecto, si Tullio (b) fides. Hinc, *sistere Fana*, erat locum futuri Fani designare ex Festo: & *exaugurata Fana*, erat euocatis Dijs locum Religionibus

T 3

libe-

(a) l. 35. c. 3. (b) l. 12. epist. 35.



liberare, (a) vt alibi explicabo. A Fano Ha-  
nula, quasi Fanula, seu parua Tempia ex Fe-  
sto. Sacellum erat locus paruus, Deo sacra-  
tus cum Ara: addit Festus sine Tecto fuisse;  
vnde à Fano parum differebat. Ædicula,  
quasi parua Ædes Sacello vtique non absimi-  
lis. Singulos Romæ Vicos suas habuisse  
Ædiculas, ex Rufo, & Victore colligitur,  
qui in Urbis Regionum descriptione tot fe-  
rè Ædiculas nominauerunt, quot Vicos. La-  
raria etiam priuatæ erant Ædiculæ, & Sacel-  
la, quæ vnusquisque Domi suæ habebat, in  
quibus cubiculariæ Imagines, seu Lares re-  
ponerentur. Sic in Larario suo Alexander  
Seuerus inter alias habuit etiam Christi, &  
Abraham Imagines, quibus rem diuinam  
quotidiè faciebat ex Lampridio. Magni  
Principes duo habebant Lararia, maius, &  
minus: vnde idem Seuerus in magno suo  
Larario Imagines habuit Alexandri Magni,  
Christi, Abraham &c. in minori autem Vir-  
gilij, & Tullij. Tenuioribus, Lararij loco,  
erant Foci, ex Plauto, in quibus Lares suos  
colebant ijs ritibus, quos dabimus alibi. Il-  
lud postremo loco non est prætereundum,  
quod Plato (b) in suis Legibus iussit his ver-  
bis: *Sacella nemo in priuatis Aedibus habeto.*  
*Cùm alicuius animum sacrificandi studium intesse-*  
*rit, ad publica sacrificaturus accedito.*


Tesea

Tesca erant loca sancta quidem, sed agrestia alicuius Dei, quales apud nos sunt Heremi in locis abruptis extructæ; vndè à Tullio aspera, & difficilia dicuntur. Nomen sumpsisse ait Gyraldus à *tuendo*, vndè ea Tescæ primùm dicta ex Varrone subdit. In ijs solebant Augures Auspicia captare, quæ utriusque solùm in agris, sicut in sola Vrbe Auguria, ut fusè ostendit Guthertus, (a) ubi plura alia, quamvis de solis vocibus, reperies. Eiusdem agrestis pariter generis fuere & Luci priscis inter sacra etiam loca habiti: imò ex Tacito Germanis loco Templorum soli Luci fuerunt, sicut Persis, & Celtis. Horum in Vrbe trigintaduo extitere: magis verò præcipui Dianium, apud Catonem, (b) & Festum, ubi *Dianus* legitur, & Scaliger *Dianium* emendat: & similiter Minernium apud Varronem: (c) de quibus plura afferemus tom. 2. Dissert. de Asylo, cui & Luci ipsi affines, ni & iidem fuere. Bidental verò ex Festo, & Persio locus erat fulmine tactus, qui & pro religioso habebatur, Sacerdotemque in eo adhibebant, qui fulminis dispersa vestigia colligeret, & bidenti Hostia sacrificabat, vndè & nomen, ut alibi tradant. Quia verò, ut ait Festus, nefas ducebant totum cum locum fulmine tactum contegere, hinc foramen inibi relinquebant apertum, quò

(a) l. 3. c. 3. (b) Orig. l. 2. (c) l. 4. de l. l.

Coelum pateret: illudue *Lapide* quodam *per-  
tuso* operiebant, cuius meminit Victor, (a)  
& malè apud Rufum legitur *Lacus per-  
tusus*.

Quid fuerit Delubrum sub indice adhuc  
est: aliqui enim apud Festum aiunt, *esse lo-  
cum antè Templum, ubi aqua currat, à diluendo  
dictum*: cui & concinit Isidorus; (b) eundem-  
que locum Festus *Fauissas* appellat. Fronto  
dictum putat locum, *ubi homines pericula sua  
diluunt*. Sed placet magni Varronis apud  
Macrobiū (c) opinio existimantis, *sicut lo-  
cum, in quo figerent candelam, candelabrum ap-  
pellatum, ità in quo Deum ponerent, nominatum  
Delubrum*. Quare idem erat, ac Templum,  
ubi Dei cuiuspiam Simulachrum situm esset.  
Sed pro omni Templo promiscuè vsurpatur;  
imò & passim pro Simulachro ipso Deorum.  
Sed à vocibus, atque Templorum speciebus  
ad specialem eorum recensum tandem de-  
ueniamus.



## SECTIO SECVNDA.

*De Templis in particulari.*

**Q**uantumuis scientias circa ipsa versari vniuersalia probè asseruerit Philosophus, de metaphysicis quidem; & merè speculatiuis intelligens; Historicas tamen notitias de solis esse particularibus, certò certius sanè est. Quare ad pleniorẽ Templorum agnitionem, eorundem particularis descriptio exaranda foret. Quoniam verò id incertæ alexæ plenum, prolixumque nimis foret, contenti erimus peculiarem illorum situm indicare, vno dumtaxat eorum liberaliori calamo exarato, vt ab eo reliquorum ideam sibi vnusquisque confingat. Numerum verò Templorum, quæ vniuersam, penè Urbem implebant, sicut arduum, ita & inutile omninò esset, cùm neque è ruinis, nec è Scriptoribus certò id hauriri valeat. Illud rarum cuique sit, Romam superstitionibus addictissimam, sicut omnium ferè Nationum Deos colendos suscepit, ita pariter omnibus Tempia erexisse, nedùm maioribus, sed infimis etiam, qui derisionibus, cachinnisque potiùs fuissent venerandi, vt alibi tradam. Vndè Leo Papa (a) de ea inquit:

cũ m

cùm penè omnibus dominaretur Gentibus, omnium Gentium seruebat erroribus, & magnam sibi videbatur assumpsisse Religionem, quia nullam respuebat falsitatem. Quot verò ea fuerint, non est nostrum diuinare: vnde satis sit ex Notitia Imperij Occidentis pernosse, præter Ædículas, innumeraque Sacella, illustriora Templà fuisse CCCC.XXIV. Quibus perfunctoriè animaduersis, Templà ipsa Regionatim designemus.

In prima ergò Regione insigne imprimis fuit Ædes Martis Extramuranci non procul à Porta Capena, si Ouidio fides; (a) in vineis fortasse Marchionum de Naris, vt ex Inscriptionibus inibi effossis conijci rectè potest. Duo Martis Templà extrà hanc Portam sibi effingit ex Fulvio Panuinius, sed contra Victoris, Rufique fidem. In eodem hoc Martis Templo suspendisse arma milites è Bello reduces, alibi ex Propertio ostendam. Propè idem Templum asseruabatur Lapis ille Manalis, quem siccitatis tempore per Urbem solemni pompa deferebant, vt aquas à Ioue impetrarent, ex Festo in hoc verbo. Proximè Mercurij aquas, alibi à nobis descriptas, Ædes etiam Mercurij, cuius meminit in hac Regione Victor, à nonnullis constituitur: at quoniam eius nullam habuit rationem Ouidius in eiusce aquæ profusa

---

(a) 6. Fast.

fusa satis descriptione, hinc dubitari hac de re meritò potest. Propè eandem Portam, Tempia Honoris, & Virtutis; insuper Tempestatis; & Camenarum; quibus & Lucus etiam dicatus; Minervæ pariter; Apollinis, Iſidis, & Spei: Dei etiam Rediculi in Via Appia, vbi Hannibal castrametatus fuerat, tandemque redire coactus discessit: demùm Herculis in eadem Appia, necnon Iouis, Saturni, Iunonis, Veneris, & Dianæ Ædiculæ, quarum elenchum apud Victorem, & Rufum vide.

Secunda Regio multis illustrata erat Templis: imprimis Minervio in Monte Cœlio, cuius præter Varronem meminit Ovidius, (a) qui Minerviam *Capitam* vocat, hoc est, vt ipsemet explanat, *Ingeniosam*. Iouis item Reducis Ædes. Templum S. Stephani, hodiè in *Rotondo*, creditur vulgò Fauni, Donato verò Claudij, Nardino autem Bacchi, licet, more suo, non sinè scrupulis, & hæsitatione. In Cœlio pariter Carnæ, aut Carmæ Ædes. In Cœliolo Ædicula erat Dianæ. In eadem Regione Isium Metellinum, seu Iſidis Templum à Metellis structum legitur: Arbor item *Sancta*, quam Pancirolus in Notitiæ Imperij explanationibus arborem quandam fuisse existimat Numini cuidam dicatam, vt moris olim fuisse, alibi ex Plinio

---

(a) 3. Fast.



nio (a) ostendam . Hic etiam erat Spoliarium, ut in Notitia Imperij legitur, quod ex Plinio (b) colligitur idem fuisse cum Saturni Templo : ita verò dictum ait Pancirolus, quòd ibi Rei morte plectendi spoliari sole-  
rent: vix verò percipio, cur id Nardinus (c) derideat, cum ab eodemmet Plinio idipsum disertè tradatur, qui de eo Templo ait : *nunc Templum illud non Spoliarium Civium, cruentarumque prædarum Receptaculum* . Negat etiam Nardinus Ædem Quietis, quam ubi hodiè-  
que SS. Petri, ac Marcellini adest Ecclesia, collocat Faunus, eo loci extitisse, quòd Li-  
uius (d) Quietis Templum extrà Urbem re-  
ponat: at quis revelavit Nardino Faunum de Ecclesia SS. Petri, & Marcellini intrà Vr-  
bem, & non potiùs de altera extrà Portam  
Maiorem, à Constantino ædificata, intelle-  
xisse, ut ita cum Liujò reconciliari Faunus rectè queat ?

Tertia Regio habuit Ædiculas Iſidis, & Serapidis, vnde & nomen etiam sumpsit : quantumvis ex Fulvio Nardinus existimet non ab hisce Ædiculis, sed à duobus amplif-  
simis Templis, quæ Augustus, & M. Anto-  
nius iisdem Numinibus dedicauerant in Em-  
porio, sicut Vitruvius ait, huic Regioni no-  
menclaturam inditam . Vtut sit, *Templa*  
hæc

---

(a) lib. 12. cap. 1. (b) In Paneg. (c) lib. 3. cap. 7.  
(d) lib. 4.



hæc in Hortis Sanctæ Mariæ Nouæ, vbi binæ apparent Tribunæ, minimè extitisse, sicut Fulvio placuit, alibi tradam. Propè Colossæum Monetæ Ædes fuit. In Traiani Thermis Diocletianus Æsculapij Templum dedicauit, vt ex Sancti Seneri Martyris Actis colligitur.

Quartam Regionem decorarunt Sacra-  
rium, vbi Hastæ Martiæ asseruatæ dicuntur  
Gellio, (a) quas loco Martis Simulachri ha-  
bitas olim, testatur Clemens Alexandrinus  
in Proteptrico ex Varrone: item Regia Nu-  
mæ, in qua Opis Continæ Ædes ex Festo:  
præterea Templum Veneris Cloacinæ propè  
Regiam ipsam; & Ædes Faustinae, vbi hodiè  
Sancti Laurentij in Miranda visitur Ecclesia.  
Non longè erat Templum Remi, quod Fe-  
lix IV. in honorem SS. Cosinæ, & Damiani  
consecrauit ex Anastasio, qui ingentem ape-  
ruit dubitandi viam, cùm Felicem Quartum  
inquit Ecclesiam ædificasse *in loco, vbi Ædes  
Remi, ac Romuli fuisse aiunt*: vndè creditum,  
vulgò est, vtrumque hîc Templum habuisse.  
Quare toto Cœlo aberrat Baronius, (b) qui  
soliùs Romuli Ædem hîc constituit; sicut  
etiam Donatus, cùm Quirini ibi collocat  
Templum; alijque, apud Baronium, Castoris,  
ac Pollucis Ædes ibidem constituentes. Sed  
quid dicemus de augustissimo Pacis Tem-  
plo,

(a) l. 4. c. 6. (b) In Martyr. ad 27. Sept.

plo, cuius extantia adhuc rudera priscam redolent magnificentiam, leonemque illum, verè regium contra Temporis insidias rugientem, ex vngue ipsa, quæ remanet, patefaciunt? Sat dicere sit ab Ammiano (a) inter præcipuas Urbis structuras recensitum; Ormisdam verò Persam hæc dumtaxat Romæ demirari solitum, Templum Pacis, Capitolinum, Pantheon, Veneris, & Romæ, Amphitheatrum, Pompei Theatrum, Traiani Forum, Thermas, Odæum, & Stadium, (b) Herodianus (c) vero asserit: *quod unum scilicet opus cunctorum totæ Vrbe maximum fuit, atque pulcherrimum*. Eius Ichnographiam apud Serlium vide in sua Architectura; (d) Prospectum verò ex Nummo Vespasiani, quem affert Erizzus; ornamenta tandem apud Iosephum Hebræum, (e) qui testatur singula Hierosolymitani Templi à Tito deprædatis, Romam deuecta, (ut in Arcu ipso Titi affabre expressum videmus) hic Vespasianum collocasse, Legis dumtaxat Tabulis, purpureoque Templi Velo exceptis, quæ suamet in Domo custodienda mandavit; necnon & Arca Fœderis, quam in Ecclesia Sancti Ioannis in Laterano asseruari, pluribus ostendere nititur laudato loco Nardinus. Hæc verò eadem ornamenta à Genserico Vandalorum

---

(a) l. 16. (b) Plin. l. 36. c. 13. (c) l. 1. (d) l. 2, (e) l. 7. c. 37.

rum Rege in Africam asportata, postmodum à Bellisario triumphali pompa Constantino-  
polim perducta, Iustinianus tandem iterum  
Hierosolymam misit, ex Procopio; (a) sed  
isthæc nihil ad nos. Plura qui cupit, adeat  
Ipsium. (b) Non minoris magnificentiæ  
fuerit Tempia Veneris, & Romæ ab Hadria-  
no extructa; quæque satis rectè Nardinus in  
Hortis Sanctæ Mariæ Nouæ collocavit, alio-  
rum reiectis opinionibus. Non valdè pro-  
cul erat Solis Ædes, quam propè Amphi-  
theatrum plura Martyrum Acta testantur.  
Sacellum Larium, illudque antiquissimum,  
erat ad Palatini radices, vbi Titi postcà Ar-  
cus erectus fuit, vt Dissert. 1. dictum est. Hoc  
proximè erat Orbonæ Ara, & Sacellum Stre-  
niæ, quorum meminit Varro, & in hac Re-  
gione etiam Victor. Telluris Templum in  
huius Regionis limitibus. Ædes Concor-  
diæ in Liuiæ Porticu collocatur à Rufo; at  
magis sanè propè illam, cum Porticus in  
tertia fuerit Regione. Templum Iani Qua-  
drifrontis propè Nervæ Forum, (quod indè  
Transitorium dici cœpit) versùs Romanum  
Forum, itaùt è quatuor suis lateribus, qua-  
tuor ipsa Fora respiceret; Iani siquidem  
Tempia quatuor Arcus habebant vbique pa-  
tentes, vt alibi tradam. Palladis hìc etiam  
Ædes, cuius vestigia extant adhuc in Via  
Recta

---

(a) *De Bell. Vandal. l. 2.* (b) *De Magn. l. 3. c. 6.*

Recta inter Turrim *de' Conti*, & Viam *de' Pantani*. Propè Ecclesiam Sanctæ Mariæ de Montibus collocat Nardinus (a) Dianium : an verò Lucus fuerit Dianæ dicatus, cuius meminimus supra, an verò eiusdem Sacellum, anceps sum. Hic etiam extitit Musarum Ædícula, cuius, ultra Rufum, Martialis (b) mentionem egit.

In quinta Regione enituere, præter Quercetulana Sacella, & Lucos in Esquilij apud Varronem obuios, sicut & Fagutalem, Esquiliaremque Lucum, & Mephitis Varroni prætermisissos, enituere, inquam, Veneris, & Cupidinis Templum, cuius extant adhuc ad dexteram Sessoriani Palatii, & Ecclesiæ S. Crucis in Hierusalem rudera, quicquid oblatret Nardinus: Templam insuper Spei in Labicana Via: Quietis præterea, quam in Regione secunda indicauimus. Ædes Minervæ Medicæ creditur vulgò collocata, post S. Matthæi Ecclesiam, ubi decagonum, adhuc prostat ædificium. Ad Mariana Monumenta, propè S. Eusebij Templum, Ædes erat Honoris, & Virtutis, ut ex Vitruvio (c) colligitur. Timoris verò, & Palloris in Vstriño Vico super Esquilij. In Vico Patricio Templum Isidis Patriciæ; item Dianæ, inquam viris ingredi vetitum, ut suo didicisse periculo incautum quemdam inibi à canibus

(a) l. 3. c. 15. (b) l. 12. epig. 3. (c) l. 3. c. 15.

nibus dilaniatum testatur Plutarchus . (a) In Esquilij etiam Ara Malæ Fortunæ , (b) cui ego in Esquilij degens quotidie sacrifico . Reponit etiam hic Panuinius Felicitatis Templum : at Nardinus in Regione Fori illud ipsum collocat, non in Esquilij; & sanè meritò , nullam enim mihi in hac Regione licuit umquam felicitatem experiri . Sylvani Ædes vulgò ad radices Viminalis , Ecclesiæ S. Vitalis opposita, collocatur; in eodemmet Monte post Diocleriani Thermas Iouis Viminci, vndè & nomen mons ipse sumpserat, Templum, vt Rufus sentit, aut ad minus Ara : extrà verò Viminalem Portam, Neuæ Sacellum : sicut extrà Salariam Ædes Veneris Ericinæ, Herculis, & Honoris; extrà Nomentanam Rubiginis; præter Lucos Pœtilios maiorem, & minorem, aliosque, qui, ex Varrone, Esquilias nostras decoraruntne dicam, an desertarunt ?

Sextæ Regionis Tempia hæc fuere : Diui Fidiij, aut Sangi in Hortis Aldobrandinis . Item Quirini, seu Romuli in Valle S. Vitalis, è cuius inibi effossis marmoribus, Aræ celi schalas extructas testatur Fuluius, Romuli Templum Numa ædificauit, angustum tamen iuxta eorum temporum modulum, quod Papirius Dictator in ampliorem formam redegit, ex Halicarnasseo, primumq;

V

Sola-

-(a) Probl. 3. (b) Plin. l. 2, c. 7.

Solare Horologium, quod Romæ visum fuerit, ibidem constituit, ex Fabio apud Plinium. (a) Idem Plinius (b) narrat antè Quirini Templum bīnas extasse myrtos, quarum vnā Plebeiam, alterā Patritiam nuncupabant, eo tamen portento, vt cūm Plebeiorum præualuisset Factio, Plebeia Myrtus effloreret, & languesceret altera; prædominante verò Patritia, prior illa floribus despoliaretur; cuius fides apud Plinium sit. In eadem Valle Templum Fortunæ Publicæ, licèt Victor super colle eam collocet: hīc etiā Salutis Ædes. In Quirinali Sacrum Saliorum, Collinorum, sicut & Apollinis, ac Clatræ Cancellorum Deæ. Floræ Templum propè eius Circum in Platea Grimana, Non valde procul erat Ædes, Fortunæ Reducis ob Domitiani è Germanico Bello reditum, ædificata. (c) In eadem Regione alia Fortunæ Liberæ, Primigeniæ, & Fortunæ Statæ Tempia apud Rufum hīc. Veneris Ædes in Hortis Sallustianis.

Septima Regio hæc iactat Tempia; Quirini nouum ab Augusto excitatum; Solis alterum ab Aureliano erectum; Nouum item Fortunæ Templum, quod Donatus à Lucullo ædificatum ait, refragante Nardino: Ædiculam tandem Caprariam: alia non reperire licuit.

In

---

(a) l. 7. c. vlt. (b) l. 15. c. 29. (c) Mari. l. 8. epig. 64.



In octava Regione isthæc resplenduerunt  
 Tempia . Felicitatis in Curia ; ibidemque  
 Victoriæ Ara . Concordiæ Ædicula in Græ-  
 costasi , cuius in Dissert. de Ædificijs Iudi-  
 cialibus erit sermo . Alterum Romuli Tem-  
 plum in Lupercali . Ædes Deorum Pena-  
 tium ad Titij Arcum . Castoris item , & Pol-  
 lucis in Palatino , vbi Tiberianam Domum  
 ædificatam diximus ; in eodem Palatini late-  
 re Iulij Cæsaris Templum extitisse Quidius  
 (a) satis indicat . Opis , & Saturni in Thura-  
 rio Vico, in quo Cuium erat Ærarium , (b)  
 sicut alterum Saturni Templum commune  
 fuisse Ærarium mox dicemus . Vertunni  
 Ædes in Vico Thusco ; Victoriæ verò sub  
 Velia . Vestæ Templum cum Atrio , & Lu-  
 co propè Iuturnæ Lacum ad Palatini radi-  
 ces , non procul fortassis à S. Georgij in Ve-  
 labro Ecclesia . Concordiæ , & Vespasiani  
 Tempia inter Capitolium , & Forum ex Fe-  
 sto . Saturni Ædes, vbi Ærarium Pop. Rom.  
 extitisse diximus , locatur vulgò vbi hodiè  
 S. Hadriani prostat Ecclesia ; quamquam &  
 aucto postea Imperio , ampliatur etiam  
 Ærarium, quod *Aerarium sanctius* diù coepit ,  
 (c) alibi traditurus sim . Iani Templum in  
 Foro : illudue est , quod Belli tempore ape-  
 riebatur ob rationem , quam indicauimus in

(a) 2. de Ponto eleg. 1. (b) Tull. 1. Phil. (c) Tull.  
 3. Verr.



Dissert. 2. In Foro pariter Veneris Cloacinæ Signum, & Templum, sicut credit Panvinius; Ædesque Hadriani. In Cæsaris Foro Templum Veneris Genitricis, & Martis Victoris. In Foro Traiani huius eiusdem Ædes. In Velabro alterum Larum Templum, quod Victor Delubrum vocat. Ibidem Fortunæ Ædes à Lucullo excitata. In Foro Boario Templum Herculis Victoris rotundum; Matutæ pariter, & Fortunæ Virginis, sicut & Sacellum Pudicitæ. In Capitolino cliuo Ædes Iouis Tonantis, & Fortunæ; propè Tarpeiam Rupem Iunonis Monetæ; Concordiæ in Arce: in Capitolio ipso Ædes Iouis Custodis, & Feretrij à Romulo primum Romæ erecti, vbi nunc Aræceli Ecclesia: Iouis item Sponsoris; Iouis, & Herculis; Dianæ, & Iouis. Item in Asylo Misericordiæ Templum, sicut Seruio placet asserere, aut Veiouis, sicut credit Donatus. Ibidem Capitolini Iouis omnium magnificentissimum, quod infra opportuniùs describemus.

Nona Regio his Templis insignis fuit. Iunonis, atque Apollinis, quorum alterum certè primum fuit, quod Romæ è marmore fuerit à Metello extructum, sicut Paterculus testatur. Templo item Pictatis eo loci, vbi postea Theatrum Marcelli conditum fuit, sicut testis est Plinius. In quo etiam situ antiquum Iani Templum extitisse ex Victore

torre habemus, quod Numæ Sacrarium à  
 Seruio (a) appellatum fuit. Extrà Carmenta-  
 lem Portam antiquissima Apollinis Ædes.  
 Propè Circum Flaminium, vbi nunc Mona-  
 sterium *di Tor di Specchi*, locatur Nardino  
 Bellonæ Templum, cum Area, in qua Belli-  
 ca Columna, vndè Consul hastam iacere so-  
 lebat, cum primùm aduersùs aliquem Regem  
 Bellum foret inferendum ex Victore hîc:  
 ibidem etiam triumphum postulantibus,  
 Senatum concedi solitum alibi dicam. Pro-  
 pè ipsum Ædes Herculis Custodis; sicut  
 etiam Herculis, Musarum, Neptuni, Martis,  
 Vulcani, Iunonis Reginae, Dianæ, & Casto-  
 ris, Delubrum Domitij, Iouis Statoris, &  
 Bruti Callaici. In Pompei Theatro Tem-  
 plum Veneris Victricis, aut etiam Victoriæ,  
 vt Donato creditur, & Fortunæ Equestris.  
 In Campo Martio Martis Ara, & Templum,  
 vndè & appellationem ille sumpserat: vt &  
 alia multa, scilicèt Ara Ditis, & Proserpinæ  
 propè Plateam Nicosiam, Ædemque S. Lu-  
 ciæ della Tenta; quam posteriorem vocem,  
 indè deriuat Nardinus, quòd Ara illa à Festo  
 Terentus appelletur: Ædes item Larium Per-  
 marinorum, & Vulcani. Antonini Templum  
 in eiusdem Foro, hodiè *Piazza Colonna*; &  
 ab eo non procùl Neptuni etiam Ædes.  
 Iuturnæ Templum, quod propè Aquam,

(a) In 7. Aen.

Virgineam à Victore asseritur, Marlianus in Fontibus *di Treui*, Nardinus proximè Romanum Nobilium Seminarium collocat. Scrapium Nardinus ipse eo loci, vbi adest Ecclesia Sancti Stephani *del Cacco*, constituit; Isium verò propè Romanum Seminarium statuit Donatus. Mineruium erat in eo situ, vbi Ecclesia Sanctæ Mariæ supra Mineruam hodièque visitur, & à Rufo dicitur, *Minerva vetustum Luco*; vndè à Minerva Chalcidica differre iustè credit Nardinus. Sed ditissimum omnium, quibus Regio hæc ditescit, fuit Pantheon, hodiè *la Rotonda*, ab Agrippa constructum, quod penè integrum assurgens, temporis tyrannidem calcit. Cuius vberem descriptionem à Lipsio pete, Ichonographiam verò à Serlio.

Decimam Regionem illustrauit imprimis Iouis Statoris Templum in Foro, vt vulgò creditur, aut propè ipsum, vt Nardinus (a) profusè demonstrat. Sacrarium Saliorum in Palatino Colle. Ædes ibidem Cereris, Victoriæ, & Fidei antiquissimè ab Euandro extructæ. Caligulæ Templum in Augustano Palatio; Apollinis alterum ab Augusto ibidem erectum, vbi poetis passim carmina recitandi mos; (b) Augusti Templum in eodem Palatio, vt & Vestæ Palatinæ Ædes. Bacchi item, & Cybelis in Palatino, vnà cum Iunonis

(a) l. 6. c. 12. (b) Horat. l. 1. Sat. 10.

his Sospitæ Delubro, & Victoriæ Æde . Accedunt his Templum Fidei , Iouis Victoris , Deæ Viriplacæ , Rhamnusiæ , Diouis , Iouis Arbitratoris , quod & Pentapylon dictum , Heliogabali , Orci , diutorum Cæsarum , Minervæ , Iouis Propugnatoris , Fortunæ Respicientis , Mutinæ , Mutini Titini , Lunæ Noctilucæ , Victoriæ Germanicianæ , & sexcenta eiusmodi , quæ sicut Romanos apprimè quidem Religiosos ostendunt, ità & omninò stupidos clarè demonstrant, quippe qui tot saxea monstra colere voluerint, vero, summoque Deo relicto .

Ad undecimam Regionē pertinuit Ædes Solis in Circo Maximo , qui & Soli dicatus . Templum etiam Mursiæ , quod & Valli eidem nomen tradidit . Ædícula Iuuentutis itidem in Circo . A quo non procū erat Templum Liberi , & Liberæ , & Proserpinæ , Floræ , Pompei , Veneris , & Mercurij . Aram etiam Maximam propè Circum extitisse in Foro Boario , inter Circum , Palatinum , & S. Anastasiæ Ædem , ex Halicarnassco (a) satis colligitur . Propè Portam Trigemīnam Ara Iouis Inuentoris . Ædes Portumni propè Sublicium Pontem . Ibidem Voluptiæ Templum , cuius rotunda adhuc extant rudera . Ecclesia Sanctæ Mariæ Ægyptiacæ creditur Nardino , & Marliano Fortunæ Virilis ,

Volaterrano Bonæ Fortunæ, Blondo Misericordiæ, Fulvio Pudicitæ: at iudicium penes lectorem esto. In Foro Olitorio Iani Templum, & Pietatis: non procùl Ædes Iunonis Matutæ, & Spei, & Iunonis Sospitæ. Quibus adde Ædem Ditis Patris, Castoris, Sacrarium Saturni cum Luco, & Apollinis Medici Templum.

E duodecima Regione fuerunt Ædes Bonæ Deæ Subfaxanæ, Fortunæ Mammosæ, & Ara Lauernæ, unâ cum Luco, quò commearé fures solebant, qui in eiusdem Deæ erant tutela, hinc fures *Lauerniones* appellati ex Festo. Tandem hic Isidis Athenodoriæ Templum. Alia verò ulterius huiusce Regionis observare non valuimus.

Tertiadecima Regio his Templis ditata fuit: Dianæ Communis apud eum Auentini locum, vbi Sanctæ Priscæ nunc assurgit Ecclesia. Eodem in Colle Lunæ Ædes; item Iunonis Reginæ, & Bonæ Deæ in eo præcisè Collis angulo, vbi Sanctæ Mariæ Auentinæ prominet Ædes, vulgò *il Priorato*. Templum item Herculis Victoris in Auentino, sicut & Euandri Ara, Iouis Elicij, & Vortumni, Ædes Mineræ, Victoriæ, Libertatis cum Atrio, & Archiuo, ac Bibliotheca, de quibus nos alibi; pariter Syluani, Tutilinæ, Fortunæ Dubiæ, Hilernæ, & Spei.

In Postrema Regione fuere Tempia Fortis

ris Fortunæ, Herculis Cubantis, Furinarum cum Luco, Deæ Maniæ, Æsculapij in Transtiberina Insula, eique proximum Iouis, & Fauni. In Vaticano propè Neronis Circum Ædes Apollinis radiorum Numinis, cuius sub rutilis auspicijs hanc priscaurum Ædium materiam tenebris equidem refertissimam, adeoque vberioris lucis indigam, terminamus: illud postremo loco protestantes, non hic nos Templorum picturam tradere curiosis voluisse, sed tenui dumtaxat ea adumbrata carbone, tyronum exhibuisse oculis, ordine solum obseruato, vt excitata hinc mentis prurigine, apud Antiquarios luculentior eorum descriptio hauriri valeat; nos enim, alio scribimus scopo, annusque, nedum dies, desineret, si omnia prosequi vellemus.

Non est tamen vnus saltem, eiusque omnium celeberrimi, prætermittenda delineatio; vt exindè totius sacræ structuræ forma vnâ, atque splendor appareat. Erit id Capitolinum Templum, Romanorum omnium facile Princeps. Tradit Cassiodorus in Chronico fuisse illud à Numa ædificatum, de illo certè veteri, atque primo intelligens; quamquam & id nesciam à quo antiquo hauserit Scriptore. Sed vtut illud sit, certè Tarquinius Priscus idem Templum, aut solo æquatum excitauit iterum, aut vile sanè, angustumque, sicut alibi dictum est, in  
amplio-

amplio rem formam permutauit, dicam melius, permutare designauit; complanato scilicet Cápitolini Montis iugo, iactisque fundamentis ex voto, quod bello Sabino ediderat, eque manubrijs, & præda, quam ex Apiolis Oppido à se capto detulerat: (a) morte autem præuentus rem imperfectam reliquit. Quam Tarquinius Superbus eius nepos postea perfecit: licet Tacitus solus à Seruio Tullio aliquid additum scribat. Tarquinius ergo *Suessæ Pometia*, sicut Liuius inquit, *è Volsis capta, diuendita præda, cum quadraginta talenta argenti, aurique recepisset, concepit animo eam amplitudinem Iouis Templi, quæ digna deum, hominumque Rege, quæ Romano Imperio, quæ ipsius etiam loci maiestate esset. Vbi Lipsius ex Halicarnassæo, & Plutarcho, loco numeri quadraginta legit quadringenta, & sanè eius Templi maiestati congruentius. Completo in hanc magnificam formam Templo, illud, Regibus, Regioque nomine pulso ex Vrbe, dedicauit Horatius Pulullus Consul ea magnificentia, quam immensæ postea Populi Romani opes ornarent potius, quàm augerent, sicut testatur Tacitus. (b) Sed post annos CCCC.XXV. incensum Sylla Dictator restituit, eoque vita functo Catulus dedicauit, quod vnum felicitati suæ defuisse, Sylla ipse apud Plinium deflet. Arsit iterum sub Vitellio, refecitque Vespasianus:*

---

(a) Plin. l. 3. c. 5. (b) l. 3. Hist.



ianus: rursùmque incendio correptum Titò Principe, Domitiantis instaurauit, vt ex Tacito, alijsque liquet. Atque ità diù seruatum, tandem in Gothorum alluuiione, deuastationeque inter alia excisum fuit: vndè D. Hieronymi tempore nihil eius extasse idemet (a) testatur: Quare non sinè astu quodam Gentiliùm eius Templi ruina Christianis attributa fuit; id enim nec Christiana tulisset Pietas, nec Imperatorum Sanctiones: nam Honorius (b) ità iubet: *sicut sacrificia prohibemus, ità volumus publicorum operum ornamenta seruari.*

Sed agè reliqua prosequiamur: & primò situm, de quo ità ait Halicarnasseus: *situm est in alta crepidine*: è quorum verborum breuitate iure disceptari cœptum inter Antiquarios, in quamam Capitolini Collis parte collocatum fuerit; diximus enim Dissert. 3. bina habuisse eum montem cacumina: Donatus (c) in Rupe Tarpeia, & Arcè, quæ versùs Tyberim est, Ecclesiæ Aræcæli opposita, illud constituit: Nardinus (d) è contra in ipso cliuo, vbi Aræcæli prostat Templum: quorùm argumenta, & disceptationes, satis equidem ingeniosæ, apud ipsos videantur, nè nostra Dissertatio in immensum excrescat. Vt autem quid ego hic sentiam breui-

(a) l. 2. c. 1. Iovin. (b) C. Theod. leg. 15. de Pagan.

(c) l. 2. c. 3. (d) l. 5. c. 14.

breuiter exponam, Nardino certè herbam darem: quippè ipsum Capitolini Templi nomen, idipsum satis declarat; Capitolij enim vox illi solùm Saturnij motis parti hæsit, vbi Aræcæli adest Ecclesia, sicut ex Historijs liquet, cum altera opposita pars, Arcis nomine insigniri soleret, vt alibi diximus. Quare cum consonum vtique sit Capitulinum, Templum in ipso Capitolio propriè dicto extitisse, nam à Liuiο, (a) & Tacito (b) Capitolij nomine absolutè Templum ipsum, pluries appellatur, in eius certè Ecclesiæ situ collocandum erit. Sed de his iam satis.

Magnitudo, & forma huius Templi ab Halicarnassco (c) ità declaratur: *situm est in, alta crepidine, habetque in ambitu octo iugera, sic vt latera singula ducentorum ferè pedum sint, exigua latitudinis, & longitudinis differentia, nisi quod ista illam vincit vix pedibus quindenis. Qua parte frons eius meridiem spectat, triplici columnarum ordine circumcingitur, ab alijs lateribus duplici. In ipso sunt tres Cellæ, ex ordine, à lateribus communione parietum clausæ. Media est Iouis, vtrinq; altera Iunonis, altera Minervæ, sub eodem laqueari, eodemque Tecto. Qua descriptione nihil sanè operosius, si pauca quædam explicentur. Obseruat primò Donatus, & ex eo Nardinus, octo Halicarnassei iugera pedes effecisse CC. XL. iuxtà Plinij, (d) & Varro-*

---

(a) l. 3. (b) l. 3. Hist. (c) l. 4. (d) l. 18. c. 3.

Varronis (a) regulas: quare cùm Halicarnas-  
seus ipse CC. duntaxat pedes lateribus at-  
tribuat, credi meritò poterit loco vocis *In-  
gera*, reponendum *Pletra*, prout in Græco  
eius Textu ab imperito scriba malè reddito,  
videre est; & hæc ex ijs, quæ Dissert. 3. ex Luca  
Peto adnotauimus, CC. circiter pedes red-  
dunt. Cellarum descriptionem ex superio-  
ribus pete: solumue ex eodem Halicarnas-  
seo animaduërto, antè ipsas, Vestibula quæ-  
dam interiora extasse, quæ malè Nardinus  
cum clatris, aut cancellis confundit; erant  
enim idem cum Adyto, nos dicimus, *il Pres-  
biterio*, vt supra explicauimus: quamuis id  
non negauerim, Cellas ipsas clatris clausas,  
vt Gellius (b) indicauit, qui de Scipione ait,  
*solitauisse noctis extremo, priùsq̃ quam diluculetur,*  
*in Capitolium ventitare, ac iubere aperiri Cellam*  
*Iouis, atque ibi solum diu demorari.* In Cellis  
Signum Iouis in medio, in dextero latere Mi-  
neruæ, Iunonis tandem in sinistro, vt ex lau-  
dato superius Liuiο perspicuum est. Iouis  
Signum priùs fictile, minio oblitum; post  
deuictam Asiam eboreum, Iouis Olympici  
exemplo; tandemque Traiani tempore au-  
reum, vt Riquius ostendit, & nos tom. 2.  
Dissert. de Simulachris. De Templi gradi-  
bus, eorumque situ plura disputant contra,  
Lipsium Donatus, & ex eo Nardinus, sed  
modi-

---

(a) De R. R. l. 1. c. 10. (b) l. 7. c. 1.

modico fructu , maioriq̃ue tēdio , temporisq̃ue dispendio . Reliquæ partes ex dictis sunt notæ , vt Basilica , Tholus &c. nihilque speciale ipsæ continent .

At quid tandem differemus de huiusce Templi ornatu , nos omni eloquentiæ ornamēto destituti ? Quare satius erit Authores de ipso loquentes audire . Et ecce Tacitus (a) de Fundamentis sic ait ; *pāssim iniecta fundamentis argenti , aurique stipes , & metallorum primitiæ nullis fornacibus victæ ; prædixere Haruspices , nè temeraretur Opus saxo , auroque in aliud destinato &c.* De Ianuis sic ait Lilius ; (b) *anea in Capitolia limina .* Quæ insuper aureis laminis stipata asserit Claudianus in Stiliconis laudibus , vbi ab eodem Stilicone sublata ait ; vndè ipse paulò post infeliciter perijt , ex Zosimo , Columnæ à Plutarcho (c) describuntur ; *Columnæ Templi eius ex Pentelico lapide excisæ sunt , crassitudinem habent optimè longitudini congruentem . Vidimus quidem ipsas olim Athenis ; sed rursus Romæ extenuatæ , & expolitæ , non tantum ex sculptura ornatus acceperunt , quantum mensurarum convenientiæ amiserunt ; vbi Plutarchus de Columnis à Domitiano è Græcia allatis certè loquitur ; at antè eum Sylla alias , licèt minoris pretij , è Iouis Olympij Templo aduexerat : primam autem ,*  
loco

---

(a) lib. 3. Hist. (b) lib. 10. cap. 3. (c) In Public.

loco columnarum, *antis suffulciebatur.* (a) Qui has columnas videre cupit, Ecclesiam adeat Aræcæli, vbi in sacrationem vsum à Christianorum pietate translatae sunt. De laquearibus ità breuiter Plinius: (b) *post Carthaginem euersam laquearia in Capitolio inaurata.* Idemmet de Tegulis ità monet, *eas Q. Catulus aereas inaurauit primus.* Vndè Seneca pater ait: *fastigiatis supra Tectis, auro puro fulgens, præluceat Capitolium.* Quarum Tegularum dimidiam partem à Gensericò Vuandalorum Rege in Africam deportatam, testatur Procopius. Præter verò inauratas tegulas totum item Templum inauratum erat: de parietibus enim subiicit Plinius; *parietes quoque iam tamquam vasa inaurantur.* Idipsum de Zophoris, Coronis, Fastigioque Templi asserit Donatus: hinc Templum hoc *fulgens, micans, & aureum* à Poetis passim appellitatum, deque eo iurè asserere potuit Tertullianus à nobis supra laudatus, *Capitolia certantia Cælo &c.* Quibus perficiendis inaurationibus quantum absumptum sit, audi ex laudato superiùs Plutarcho, qui ait: *solam inaurationem priuatum omnem modum excedentes opes impensas, nempe supra duodecim millia talentorum, quæ iuxtà Lipsij calculum efficiunt septem miliones:* vbi enormis Nardini lapsus prætereundus non est, cum ait: *ma contuttocciò que*  
cento

(a) Plin. l. 36. c. 6. (b) l. 33. c. 3.

cento millioni possono dar marauiglia: cui per similem errorem nescio, an in sua enumeranda pecunia Nardinus commisisset.

Præter fixa hæc ornamenta, & ad Templi integritatem pertinentia, alia erant aduentitia, extraneaque, dona scilicet, aut à fœderatis, sociisque Imperij Romani Regibus, aut à triumphantibus, vel ex conceptis votis, vel ex multa, vel à Senatu, Populoque oblata; vt Statuæ, Picturæ, Clypei, Aulea, Peristromata, Aquilæ, Mensæ aureæ, Coronæ, Victoriæ aureæ, Candelabra, Vasa, Quadrigæ argenteæ, inauratæque, quibus Arcus ipsos Templi, & Tholum exornabant, & id genus sexcenta, quorum censum apud Riquium, Lipsium, Marlianum, & Donatum vide, nè tot ornamentorum profusa enarratione nostram Dissertationem deornemus. Id quintaxat postremo loco adnotauerim ad Romanæ Gloriæ elogium, *Augustum in Cellam Capitolini Iouis XVI. M. pondo auri, gemmasque, ac margaritas quingenties HS. una donatione contulisse, vt loquitur Liuius, (a)* qui addit insuper Carthaginenses Coronam auream pondo XXV. misisse: Attalum Regem pondo CC. XLVI. Philippum Macedonem pondo C. Alabandenses pondo L, Lampfacenos pondo LXXX. Pamphylum, ex XXX. millibus Philipperorum factam. Hieronem

---

(a) lib. 7.



ronem Syracusanum Victoriâ auream pond-  
do CCC. XX. ex Iosepho (a) verò Aristobo-  
lum Iudæorum Principem Vitæ auream,  
quingentorum talentorum; Ægyptios Co-  
ronam quatuor millium aureorum. Sed his  
finis, nè tam coruscus auri fulgor oculos no-  
bis subripiat, inter ipsasque diuitias, Tantalî,  
aut Midæ exemplo, pretioso quodam nau-  
fragij genere immergamur.

### *Syllabus Authorum.*

**H**occe de Argumento nemo pertracta-  
uit, & omnes; nemo quidem siuè ex  
professo, quod aiunt, peculiarique libro,  
siuè pro rei ipsius exigentia, consummatè-  
que: omnes tamen perfunctoriè, arreptaque,  
aut data opportunitate quicquam de Tem-  
plis fassi sunt. Et verò, antiquos vt præter-  
mittam, Rodolphus Hospinianus iustæ mo-  
lis librum de Templis exarauit; at sacra dum-  
taxat Christianorum ipse describit: imò quid  
inquo sacra, cùm hæc eadem sacrilegis  
suis cauillis, ineptijsque adeò turpiter profa-  
narit? vndè Authorem hunc omninò negli-  
gendum, aut ferreo graphio perlegendum  
consulerem: sicubi autem aliqua de priscis  
Romanorum attigit Templis, singula à ver-  
bo, vt in paræmia est, & ad verbum è Lilio

X

Grego-

---

(a) lib. 14. c. 4.



Gregorio Gyrardo exscripsit, nè iota quidem, aut commate vno immutato. Præfatus Gyrardus in sua de Dijs libro paucula delibauit solum, quæ famem acuant quidem, non expleant. Pauciora certè Rosinus, & in eum Dempsterus in Paralipomenis. Paulò plura Kippingus: at paucissima Barthius, atque Turnebus in doctissimis cetera suis Aduersarijs. Plurcula, sed perturbatè, suo ritu, Iosephus Laurentius in Polymathia. Vix nonnihil Paulus Merula: tantulùmque vberius Alexander ab Alexandro. Ornatisimè, ità me Deus adiuuet, Lipsius, at de Pantheo dumtaxat, & Capitolino, de quo præclare etiam Riquius, alijque supra memorati. Architecti cum suo Vitruuio toti quanti sunt, in sacrarum Ædium structura, & symetrijs occupantur: sicut Antiquarij è contra in puris putis sitibus determinandis. Ichnographiam Templorum satis equidem, ingeniosè nè dixero, an verè, tradidit in suis Architecturæ libris Serlius, atque Scamozzius: Iacobus item Laurus in Romana sua Antiquitate pluribus Figurarum Typis expressa: necnon Iacobus Meursius in Romæ Iconibus: & præter Occonem, & Chouinum, Ioannes Iacobus Boissardus: apud quos Templorum etiam insigniorum Scenographiam comperies. Sed supra ceteros lectione dignissimam existimo Ichnographiam Cl: viri  
 Petri

Petri Bellorii Urbis Antiquarii, deque Antiquitate ipsa optimè meriti, qui è lapideis Tabulis Farnesianis, in quibus illustriorum quorundam Ædificiorum sculpta extant Vestigia, seu, vt Italicè dicimus, *le Piante*, egregium concinnauit librum, quà æneis figuris, quà eruditis suis notis excultum: vnde Romanæ magnificentiæ idolum, nequum Templorum, Domorumque situs, formasque, facile animo concipies. Partes Templorum, non minùs ac de Domibus diximus, in suis latent ruinis, inque Scriptorum paginis magis; situs præsertim, rectaque earum constitutio, collocatioque. De Ara doctè scripsit Berthaldus, qui vtinam de partibus alijs id ipsum effecisset. Magnam, fateor, mihi mutuatus est lucem Iacobus Gutherus in suo de Pontificio Iure libello, aureo sanè, omninòque exoptando, nisi ordinem adhuc, & maiorem in eo diligentiam potius exoptare cogeremur. At quid, poscis, nobis in tam spissa Scriptorum turba, inque spissiori scribentium caligine superfluit? Illud in votis saltem habuimus: ex ijs omnibus præsentem Dissertationem elucubrare, in qua, aliorum placitis, aut reiectis, aut castigatis, certè reformatis, plura addidimus, quæ indè dumtaxat contemnenda iudico, quòd me virorum vilissimum habeant Authorem; ceterum enim puto veritati

haud absona esse, Partium præcipuè penè omnium syntaxim, distributionemque. De sacris Christianorum Ædibus nihil impræsentiarum edisserendum conduxi, quòd Provinciâ hanc in alio meo Opere, quod in Schedis, & Aduersarijs habeo, suscepturus sim, cui titulus, *Ecclesiastica Antiquitas illustrata, & illustrata, atque in tres partes distributa &c.* Quam diuino fauente flatu, profanam post pernaugatam Antiquitatem, ad Præliportum perducere, in animo est.



## DISSERTATIO VI.

*De Sepulchris.*

IX Templo egressis occurrit statim Sepulchrum, illi quidem non proximitate loci affine, (nec in Templis enim, nec propè camoris fuisse tumulari olim defunctos, infrà ostensus sum) verùm religionis; erat siquidem vtrumque religiosum, ac sanctum, nisi quoque & sacrum: imò si Gyrardo in Sepulchralibus suis, ità inquiringi, fides, fuit usque aded Sepulchrorum veteribus cura, ut non aliundè Templorum, & sacrarum Aedium originem deducam diligentissimi Scriptores tradant Eusebius, & Lactantius: id quod in Dissert. de Templis, hùc apponendum, omisimus. Cui & ego adijcerem Clementis Alexandrini etiam in suo Proteptrico verba, ubi ità ait: *Superstitio Tempia condere persuasit: quæ enim priùs hominum Sepulchra fuerunt, magnificentius condita, Templorum appellatione vocata sunt. Quibus & accedit Prudentius (a) ità concinens: & tot Tempia Divùm Romæ, quot in Vrbe Sepul-*

X      3      chra

(a) lib. 1. contr. Symm.

*chra Heroum numerare licet &c.* sed de his iam abundè.

Quare ordo rei expostulat, vt post Templâ nonnihil de Sepulchris subiiciamus: de Sepulchris inquam; seu de materiali illo structuræ genere, vbi cadauërâ ipsa reconduntur: de Ritibus enim Sepulchralibus, vniuersaque tumulandi ratione dicam tom. 3. Dissert. de Funeribus. Sed hîc ab etymo primum, more nobis sueto, exordîendum ducô. Quâ in re, minusculâ licet, non vbiq; constantem reperio Philologorum sententiam. Imprimis enim antiquum Terentij (a) Interpretem mirè se torquentem animaduërto, cû addubitat, vtrum sic dicatur per antiphrasim, *quod sinè re pulchra sit? an quod ibi sinè pulsu sint, idest mortui? an quod illic animæ à viuis sepeliantur, idest separentur?* quæ cû sibi ineptiæ omninò viderentur, non solum docto Grammatico, sed Grammatistæ vix dignæ, tandem concludit, Sepulchrum à sepeliendo dici. Cui & assentitur Isidorus: (b) At non minor in verbi *Sepelio* significatione obscuritas: Kirchmannus (c) enim pro *humare*, vel *humo condere* accipit: at Quenstedt (d) pro *terra obruere*, aut *tegere*; aut, iuxtà hebræam phrasim, pro *colligere*, & *congregare*. At omnium sanè candidissimè Christianus Bœcman-

(a) In *Andria* 1. (b) *Orig. l. 15. c. 11.* (c) *De Funer. Rom. l. 3. c. 10.* (d) *De Sepult. vet. l. 9.*

Becmannus (a) fatetur, originis admodum obscuræ eam vocem esse: quam non ineptè crediderim vnam ex Aboriginum vocabulis, aut antiquis illis Oscanum, vel Sabinorum vocibus, de quibus nos alibi.

Sed verò, si detur mihi venia quicquam è mea etiam promendi penù, dicam Sepulchri nomen à *Sepe* deriuari; eò quòd id moris veteribus fuerit, vt Sepulchrum sepe circumdarent, luxu scilicèt non adhuc inuecto, vt infrà trademus. Sed hasce minutias otiosioribus relinquo. Illud solùm pro nostræ orthographiæ apologia non est omittendum, malè à Kirchmanno asseri Sepulchrum sinè aspiratione scribendum, Seruij (b) scilicèt vnius authoritati suffulto, qui sic ait: *tria veteres habebant nomina, in quibus C litteram sequeretur aspiratio, Sepulchrum, Orchus, Pulcher: è quibus Pulcher tantum hodiè recipit aspirationem*: malè, inquam: Seruij etenim authoritati opponere possumus Gellium, (c) & insuper, quod maiorem facit accessionem, priscos Lapides, & vsum ipsum, quem nos insequentibus imitabimur.

Explicato, quantum nobis licuit, Sepulchri etymo, varia eius synonima enucleanda sunt. Varijs enim appellationibus, prisca reuoluenti monumenta, vocatum occurrit

X 4

Sepul-

(a) In Orig. l. l. (b) In 3. Georg. (c) Noët. Attic. lib. 2. c. 3.

Sepulchrum . Dicebatur siquidem Monumentum, Memoria, Conditium, seu Conditorium, Requietorium, Domus, Domus æterna, Stabulum, Thesaurus Orcius, Tumulus, Sarcophagus, Cœmeterium, Polyandrum, Area, Pyramis, Mausoleum, Bustum, Urna, Puticuli, Dormitorium, Ergastulum, Cenotaphium, Quies, Sedes, Arca, Feretrum, Depositum . Quæ voces, vel in idem omnino recidunt, vel paululum diuersa sonant . Sepulchrum enim dicebatur Monumentum, seu Memoria, quod, ut ait Festus, *ob memoriam alicuius factum sit* : seu, ut inquit in Epistola ad Cæsarem Tullius, *ad memoriam posteritatis*: hinc Sepulchrales Inscriptiones, quibus posteri admonerentur, ut infra: licet D. Hadrianus à *muniendo* dictum velit . Appel- latur Conditium, seu Conditorium, quod corpora in eo condiantur . Requietorium verò, aut Quies, vel Sedes, & Dormitorium, quod, ut ex veteri Poeta ait Tullius, (a) *ibi, remota vita, corpus requiescat à malis* . Domus, vel Stabulum, quod usque ad Mundi finem ibi simus permansuri: æterna verò, quia Ethnici eum finem minimè agnoscebant . Thesauri Orciui vocabulum ab Orco deriuatur, funerum Deo . Item dicebatur Tumulus, quasi tumens humus, quæ, sepulto homine, eleuatur . (b) Sarcophagi quandoque nomine

---

(a) l. 1. Tusc. (b) Idem l. 3.



mine Sepulchrum appellari solet : quamquam & vocabulum hoc propriè significet lapidem illum marmoreum , vel fictilem , in quo , vt testatur Plinius , (a) *corpora defunctorum condita, ab eo absumi constat intra quadragesimum diem, exemptis dentibus* : vndè Sarcophagus à Græco verbo *Sarcos*, quod est caro, & *Phagin*, quod est comedo, quasi comedens carnes, aut consumens. Cœmeterium quasi Dormitorium, quia Domus, in qua hospites dormire solebant, Cretensibus Cœmeteria dici solebant, à verbo *Cimen*, quod sonat dulce, & *Sterion*, quod est *Statio*. Polyandrum quasi pollutum antrum, cadauerum enim, contactu res pollutas euadere creditum dicam alibi. Aræ appellationem hinc Sepulchris inditam crederem, quod sicut in illa, triticum trituratur, ita & in Sepulchris cadauerum carnes. Pyramis à Græco verbo *Pyros*, quod ignem significat, eò quia in modum flammæ ignis cuspidatim ascenderet. Ægyptijs familiares, è quibus etiam ad Romanos, quibus mos Magnatum cineres in Pyramidum cuspidem collocandi: hinc ex Herodoto pro Sepulturis accipi coeptæ. In idem fermè conuenit Mausoleum, ita à Mausolo Rege Carix, cui tale ab Artemisia Coniuge extructum fuerat, appellatum. Bustum propriè locus, in quo corpora vrentur,

---

(a). lib. 36. c. 17.

tur, quasi *bene vstum*; sed passim pro Sepulchro ipso vsurpatum; sicut & Vrna, vas scilicet, quo combustorum cineres recondebantur. Puticuli, in quibus corpora plebeiorum humabantur, vt infra. Dictum, quandoque fuit Sepulchrum, per antiphrasim nisi fallor, Ergastulum, quod laborem sonat, à Græco verbo *Ergasia*, hoc est operari, per antiphrasim, inquam, quasi quod mortui in Sepulchro non laborent, sicut Lucus dicitur, quod minimè luceat, Bellum quod minimè bellum &c. Cenotaphium erat honorarius tumulus, nullo interim cadauere in eo existente; vndè Græcis *inane Sepulchrum* dicitur, de quo nos infra. Arca erat Capsa Sepulchralis. Feretrum veriùs Machina, qua cadauera ad sepulturam efferebantur; sed passim pro pauperum tumulo, imò & quandoque diuitum. Deposita tandem erat Capsa in altum locata, in qua corpora defunctorum condita. Plura qui velit, adeat Glossam, (a) & Florentinum, (b) præter Kirchmannum, & Lauorium, (c) in quibus plura, quæ deerant, suppleuimus; loca verò Authorum, quæ compendij ergò prætermisi, apud Kirchmannum legito.

Sed relietis vocibus, rem ipsam aggrediamur: & primò, Philosophorum more, intrin-

---

(a) In leg. *Quicumque de inst. act.* (b) In leg. *Monumentum*, ff. de Relig. & sumpt. fun. (c) Tit. 2. c. 6.

trinfeca ipsa Sepulchrorum, deindè verò extranea perpendamus. Ex intrinsecis autem antè alia recensendæ sunt nonnullæ Sepulchrorum species, (quas enim modò adduximus, vocabula potius sunt, & epitheta Sepulchrorum) nisi enim res probè diuidantur, iam nequeunt, iuxta Philosophi monitum, perfectè dignosci. Ergò Sepulchrorum, alia realia, fictitia alia. Primas deferamus postremis, seù fictionibus ipsis, quæ pluris quandoque, quàm res ipsæ æstimantur. Ficta ergò Sepulchra Cenotaphia appellata sunt, sicut initio etiam admonuimus: Græco quidem vocabulo, à Græcis enim originem ducunt, ut apud Suidam videre est. Extruebantur ipsa illustribus quibusdam viris honoris ergò, & memoriæ egregiè gestorum asseruandæ causa; vnde *honorarij tumuli* appellantur Suetonio; aut etiam Religionis, ut mox addam: ceterum verò ossa, aut cineres haud continebant. Ea verò dum fuere generum; vel enim alibi sepultis erigebantur, vel sepulturæ planè expertibus. Prima magis propriè *honoraria* dicta sunt. Sic Druso, qui in Campo Martio tumulatus fuerat, Cenotaphium propè Rhenum milites excitant: (a) & Alexander Cenotaphium in Gallia, Romæ Sepulchrum amplissimum meruit; sicut ait Lampridius. Quæ verò insepultis excitata,

pro-

---

(a) Suet. in Claud.

propriè Religionis causa fiebant; existimantibus scilicet priscis non posse animas prius quiescere, quàm Sepulchris essent conditæ; ut ita quorum corpora reperiri nusquam, possent, ijs inanis tumulus extrueretur, ad quem animas mortuorum vocarent. Sic Cenotaphium Argivis, qui bello Troiano occubuerant, Corinthi constitutum memorat in Corinthiacis suis Pausanias: apud Romanos verò, Varianis Legionibus ab Arimino occisis post sex annos Cenotaphium, condidit Germanicus *gratissimo munere in defunctos*, sicut Tacitus (a) loquitur. Isthæc verò ficta Sepulchra, perindè ac si vera forent, inscriptionibus ornabantur; (b) quod & Græcis vsitatum, ex Laertio in Periandro. Athenienses in Cenotaphij indicium constituebant Lignum nauale, seu Tabulam, quod mari ferè ex Attica disceditur, ut Marcellinus in Thucidide apud Kirchmannum: (c) Longobardi verò Perticas statuebant, si forte qui è consanguineis peregrè obijisset. (d) Illud verò admiratione dignum, Pythagoricis eum morem fuisse, ut si qui è sua Philosophia defecissent, ijs Cenotaphia tamquam mortuis extruerent. (e) Sed hæc extrà nos, quare de fictionibus satis.

Rea-

---

(a) 1. Annal. (b) Ouid. 11. Metam. (c) lib. 3. c. 27.  
 (d) Paul. Diac. de Reb. Longob. l. 5. c. 34. (e) Orig. l. 1.  
 in Cels.

Realium itaque Sepulchrorum alia erant , quæ sibi , aut Coniugi suæ quis ædificabat ; alia verò , quæ sibi , familiæ , posterisque suis . Prima istorum nulli omninò heredum patebant ; id quod etiam pœnis præcaueri solebat , vt ex Inscriptione Hispanica colligit eruditè Kirchmannus , (a) adiungens , potuisse hæc *Prinata* , vel *Prina* ritè appellari : at ego malim *Singularia* , aut *Particularia* dicenda fore . Alia verò posterioris generis *Communia* dicta sunt ex Tullio . (b) Horum verò rursus alia Hæreditaria erant , Familiaria insuper alia . Prima ex Vlpiano (c) definiuntur , quæ quis sibi , hæredibusque suis constituit . Alio etiam nomine dicta sunt Sepulchra Maiorum , item Patria , Auita , & Gentilitia , vel Gentilititia , vt apud Terentium , Suetonium , & Valerium passim . Inque hæc Sepulchra inferendi ius hæredes habebant : item & bonorum possessores : Liberis etiam , quantumvis hæreditate sese astinerent : excludebantur tamen Liberti , sicut ex allato Vlpiani loco deducitur , & in Iureconsultis obuium . In Familiaria verò Sepulchra , quæ quis sibi , familiæque suæ constituit , sicut ait Caius , (d) quotquot è Familia forent , licet non essent hæredes , inferendi ius habebant ; Liberti etiam ipsi , quos vtique è Familia fuisse aliàs

---

(a) l. 3. c. 13. (b) 1. Offic. (c) D. de Rel. & Sumpt. Fun. (d) D. de Relig.

aliàs opportuniùs ostendam . Ad præciden-  
da tamen litium semina moris erat, expressè  
de personis præcauere, quæ inferendæ erant,  
vt ex varijs Inscriptionibus laudatus Kirch-  
mannus obseruauit . Quibus adde , viuos  
etiã quandoque è Sepulchris fuisse exclu-  
sos , vt ex veteris Inscriptionis fragmento ,  
vbi post alia ità perlegitur ; *Excepto . Hermen-  
te . Liberto . Quem . Veto . Propter . Delicta .  
Sua . Aditum . Ambitum . Vel . Vllum . Accessum .  
Habeat . In . Hoc . Monumento .* Aliæ Sepul-  
chrorum species fuisse Puticuli , vel Puticu-  
læ , pauperes vbi humabantur , vt infrà . In-  
super Subgrundaria, quæ erant puerorum se-  
pulturæ .

Enarratis Sepulchrorum differentijs , in-  
trinsèca eorum compositio inspicienda est ;  
& primò materia . Hæc autem aut lapidea ,  
aut marmorea , aut etiã testaceæ , sicut ait  
Kirchmannus . Quibus ego adderem & la-  
teritia, aut cœmentitia, & vt breuiùs dicam,  
Sepulchrorum materia eadem profectò erat,  
ac aliorum ædificiorum, de qua in Dissert. 4.  
tùm præsertim, cùm sumptuosæ ædificiorum  
moles Sepulchris apponi cœptæ sunt . Mar-  
morea , lapideaque Sepulchra ex Inscriptio-  
nibus apud laudatum Kirchmannum , & ex  
Cæstij Sepulchro : fictilia ex Plinio ; (a) late-  
ritia demùm , cœmentitiaque ex Augusti,  
aut

---

(a) lib. 35. c. 12.

aut Hadriani Mausoleis, alijsque passim. Ex his priora, posterioraque ditiorum erant, cum fictilia pauperum essent; cuiusmodi apud Corinthios plurima etiam effossa testatur Strabo. (a) Ad hæc: priscorum Sepulchra absque lapideo opere, aut fictili, in pura puta terra excauari solita mox dicam, vnde terrea appellare ea possis. Sepes, quibus Sepulchra olim circumuallare solitos principiò diximus, & Pausaniam (b) testem habemus, fiebant partim ex maceria, partim è silice, aut marmore ex Suetonio, partim etiam è ferro, vt de Augusti Mausoleo asserit Strabo, (c) quod *cinctum ferrea sepe in Orbem* ait.

Sed iam opportunum erit circa Sepulchrorum formam, structuram, amplitudinem, ornamentaque calamum conuertere. Si primæua inspexerimus tempora, alię sanè non occurrent Sepulchrorum structuræ, quam rudes, incomptæ, inornatæ, & squalidæ, vnde illa verè mortis domos appellaueris. Priuata Sepulchra aliud profectò non erant, quam scrobes in terra excauati, quibus infodiebantur potius, quàm sepeliebantur defuncti, vt ex Etymologico veteri perspicuum fiet. Quæ scrobium simplicitas ad Neronis vsque tempora vixit, eo solùm ornatu superaddito, quòd fossa ipsa lapidibus sterneretur. Audiatur de ipso Neronis Sepul-

---

(a) lib.8. (b) l.2. Eliacorum. (c) lib.5.



pulchro Suetonius ità inquiens : *ut quamprimum se impendentibus contumelijs eriperet , scrobem coram sibi fieri imperavit , dimensus ad corporis sui modulum , componique simul , si quæ inuenerentur , frustra marmoris , & aquam simul , ac ligna conferri curando mox cadaueri : vbi mira elucet Neronis temperantia , nusquam profectò moderationis , quam cum impendentibus contumelijs impeteretur .*

Communia verò Sepulchra aliùs erant generis : consistebant siquidem plerumque in subterraneo quodam ædificio arcuato , pauimentis strato , ac parietibus circumsepto , in quæ per gradus descenderetur , foribus omninò clausis , solùmque opportunitate exigente reaseratis : quæ omnia egregiè , more suo , demōstrat Kirchmannus<sup>(a)</sup> ex Petronio , & Inscriptionibus , quas apud ipsum videsis . Luculentiorum Sepulchrorum delineationem reliquere nobis Marlianus , <sup>(b)</sup> & Fabricius , <sup>(c)</sup> quorum ille sic ait : In eodem Campo , ( de Esquilino loquitur ) plurima , variaque Sepulchra effodi vidimus varijs exornata marmoribus . Quædam erant concamerata vnica testudine , alia duplici concameratione , ut ex superiori in inferius Sepulchrum descensus esset . Erant & pauimenta tessellata , vermiculataque ; in parietibus per ambi-

---

(a) l. 3. c. 15. (b) l. 4. c. 19. (c) c. 21.

ambitum loculi, in singulis urnæ binæ: extrâ cameram Sepulchri, longitudinis, latitudinisque inscriptio. Quædam verò Sepulchra ex pluribus constabant parietibus parùm inuicem distantibus, in quibus urnæ similiter binæ ferè contiguæ, modicoque intervallo: aliæ binæ, & super his totidem: itaut ex ordine decedentium urnæ additæ nouo includerentur muro. Hæc pauperum, illa diuitum Sepulchra fuisse opinamur. Hactenùs Marlianus. Fabricius tandem sic inquit. Nos in Agro Viæ Appiæ in profundum sub terra fornicem descendimus plenum loculorum inter se dispositorum: ex ruina autem parietum verè cognosci ordo loculorum, non potuit. Inter Puteolos, & Atellam ad vtraque Viæ silicibus stratæ latera, plurima Sepulchrorum lustrauius monumenta: quorum ædificia partim quadrata sunt, partim rotunda. Inter cetera pulcherrimum est, quod Arcum Cellæ nominant. Parietes eius tetragoni cum laqueari vermiculato, in cuius medio Centauri imago puerum vehentis. Loculi vltra sexaginta, mediij amplij, fortasse patronorum; laterales contracti, libertorum, libertarumque. In oculis urnæ singulæ, pluresque dispositæ fuerunt, clausæ exterius tabellis marmoreis, in quibus nomina depositorum de more fuerunt adscripta. Hucusque Fabricius, qui non absimilem

Græcorum structuram ex Cyriaco Anconitano demonstrat.

Quibus equidem descriptionibus quid locupletius tradi possit ignoro. Nonnihil dumtaxat de Loculis, & Vrnis esset adiiciendum. Sed hæc etiam satis nota: Vrna enim erat vas modicum, in quo cineres è rogo collecti ( incensa enim olim corpora, tum alibi, tum mox inferam ) condebantur; sicut Arca erat, ubi corpus integrum reponeretur, quam Plinius (a) *Solium* vocat: dicebatur etiam Vrna alio vocabulo, *Ossuarium*, vel *Cinerarium*; vnde *Cinerarii* dicti sunt, qui Martyrum cineres honorabant; (b) ipsæ verò Vrnæ aut aureæ, aut argentæ, aut marmoreæ, aut etiam fictiles apud Scriptores compertiuntur. Loculos eosdem omnino cum Vrnis constituit Kirchmannus, (c) cum ait: *sic appellabant capsulas illas, quibus vel integra corpora, vel reliquæ asservabantur* - At mihi omnino creditur, magnam intercessisse diversitatem: loculi enim erant vacuitates quædam in parietibus excavatæ, ut locum darent rei alicui inibi reponendæ, nos dicimus, *le Nicchie*, ut in Dissert. antecedenti adnotauimus: atque in his loculis constitutas existimo Vrnas: id quod ex laudatis modo Marliani verbis colligo, ubi ait: *in parietibus per*

---

(a) lib. 35. cap. 12. (b) Hieron. epist. ad Riparium, (c) lib. 3. cap. 15.

*per ambitum loculi, in singulis Vrnæ binæ: vbi vides Vrnas in loculis collocatas. Non negauerim tamen quandoque cum Vrnis confusos apud Scriptores: sic Paulus Diaconus in Narsete inquit: cuius corpus positum in locello plumbeo &c. sicut eodem etiam sensu Capulum accipit Nonius inquiring: Capulum dicitur, quicquid aliquam rem intra se capit. Sed hæc minora sunt, quam vt diuturniorem moram mereantur,*

In viam ergò redeamus. Hac non contentus mediocritate, lautitiem etiam, atque splendorem in Sepulchris ipsis, atque cineribus adinuenit hominum luxus. Tumuli enim supra terram eleuari ceperunt, altiores quidem pro tumulandorum celsitate, & eminentia: tumque verè tumuli dici meruerunt, à terræ scilicet tumore, vt initio admonuimus. Atque ità cum structuræ proceritate, ornatus quoque, & luxuries inuecta. Veterunt eam Athenienses, apud quos, vt Tullius (a) ait, *lege sanctum est, nè quis Sepulchrum faceret operosius, quàm quod decem homines effecerint triduo; neque id opere tectorio exornari.* Id quod Plato etiam in sua Republica (b) iussit his verbis: *extrui autem lex vetat Sepulchrum altius, quàm quod quinque homines quinque diebus absoluerint, nec è lapide excitari plus, nec imponi, quàm quod capiat laudem mortui incisam, nè plus*

Y 2

qua-

---

(a) 2. de leg. (b) lib. 12.

*quatuor herois versibus , quos logos appellat Ennius . At apud , magnificentiæ vtique amantiores, Romanos nusquam id vetitum : imò Iauolenus (a) ait : cauere , vt ad certam altitudinem monumentum ædificetur , non potest . Indè tam, speciosanè dicam, an potius portentosa Sepulchrorum in Vrbe proceritas , & sumptuositas ? Qua enarranda hîc prorsùs astineo , quòd hac de re in Sectione de Sepulchris in speciali futurus sit sermo .*

Ornamenta Sepulchrorum quod attinet , varia quidem ea fuisse . Præter enim proprios architecturæ ornatus , consistebant ipsa in statuis, columnis, antis, aliisque id genus, de quibus tom.3. Dissert. de Statuis : quæ si quemquam morari tēdeat , apud laudatum superiùs Fabricium (b) plura comperiet scitu dignissima ; vt erant Emblemata varia defuncti vitam affabrè exprimentia . Confer etiam Kirchmannum (c) apud quem Græcorum pariter ornamenta obseruabis . De lucernis sepulchralibus , quæ & ipsæ inter tumulorum ornamenta abiēre , dicam Sectione vltima opportuniùs . Illud dumtaxat silentio abruendum omninò non est , præter Simulachra, & Emblemata, Inscriptionibus etiam , atque Titulis Sepulchra insigniri olim solita, vndè aut Monumenti , aut Memoræ

---

(a) Leg. 4. Dig. lib.2. tit.4. (b) cap. 21. (c) lib. 3. cap. 18.

morix nomen fuerint consequuta, quod titulorum vocibus defuncti gesta admonerent: Interdum prosa oratione, sæpè etiam versu concipiebantur, ut ex antiquis Lapidibus, qui quotidie è ruinis effodiuntur, liquet. Solebant quandoque tituli minio conscribi, ut clariores essent: (a) Plures notis consignabantur, quarum frequetiores D.M. vel D. M. S. vel disertè DIS MANIBVS SACR. vel D.I.M. seu Dijs Inferis Manibus: nec deerat defuncti nomen, ut & vitæ spatium, & mortis etiam causa; integra interdum testamenta Sepulchris inscribi curabant, item legata, & conditiones: Gesta tandem ipsa defuncti; ut fieri sibi iussit Augustus, (b) & alij, quæ omnia ex Inscriptionibus apud Grutherum petere vales, cum nos magis curiosa iam mancant.



## SECTIO PRIMA.

*De Reliquis ad Sepulchra spectantibus.*

**E**Xaminatis iam intrinsicis Sepulchrorum, alia perlustranda sunt ipsis quidem extrinseca, minimè verò extranea. Et primò occurrit locus Sepulchrorum. Qua in re illud in præliminari peruestigandum est, nobis prioribus Urbis temporibus intranè, an extrà Romam corpora tumularentur? Atque hìc duo celeberrimi viri in scenam sunt adducendi, Servius scilicèt antiquus Grammaticus, Virgilijque doctissimus Scholiastes, & Kirchmannus sæpè nobis laudatus, recens quidem Scriptor, at ob doctrinæ prærogatiuam antiquis omninò comparandus, qui in Re Sepulchrali supremos conatus est commolitus, immortalemque Gloriæ vitam è Sepulchris ipsis suo nomini mercatus est. Ait ergò Servius, (a) *moris fuisse apud maiores, ut qui mortuus esset, domum suam deferretur, & in illa sepeliretur: & alio in loco* (b) *inquit: omnes homines in suis domibus sepeliebantur; unde ortum est, ut Lares colerentur in domibus; unde etiam umbras larvas vocamus, à quo mutuati idipsum sunt Alexander ab Alexandro, (c) & Ioannes Meursius. At displicent*

hæc

(a) In 5. Æn. (b) In 6. Æn. (c) l. c. c. 14.



hæc Kirchmanno, (a) si de Romanis intelligantur, quæ de Latinis solum populis ipse fatetur, (b) at verò Romæ, eius recito verba, *sub ipsis Urbis cunabulis, multò antè latas à Decemviris leges, more quodam receptum fuit, ut Urbem, extrà sepelirentur vita functi*. Probat autem positionem suam hic Author, tum, quòd Numa feratut in Ianiculo humatus, ex Livio, Plutarcho, Halicarnasseo, & Plinio: (c) Servius item Tullius extrà Urbem ex Halicarnasseo: (d) tum fortiùs, quòd P. Valerio Publicolæ, virtutis causa, Sepulchrum in Urbe à Senatu fuerit concessum ex Tullio: (e) id quod & de Fabricio, atque A. Posthumio Tuberto etiam narratur. *Quale autem, inquit Kirchmannus, illud honoris argumentum, vel virtutis fuisset præmium, si promiscuè omnibus in Urbe sepeliri licuisset?* In cuius ego confirmationem adijcerem, hinc Philologos rectè argumentari ritum aperiendi extrinsecus Domorum ianuas, Romæ quidem minimè viguisse, ut apud Græcos in usu, sed solum intrinsecus, sicut nostris etiam temporibus ubique moris est; hinc, inquam, id rectè deduci, quòd eidem Publicolæ hic honos fuerit tributus, ut dicam Dissert. de Ianuis; aliàs enim honoris species minimè fuisset, nec privilegium vllum; cum hoc à

Y 4

Iuri-

(a) Exerc. crit. l. 3. c. 20. (b) l. 2. c. 20. (c) l. 13. c. 13.

(d) l. 4. (e) 2. de leg.

Iuristis definiatur, priuatio legis, seu ab vſitato more deuſatio. Ità ergò dicere poſſet in ſui patrociniũ Kirchmannus, inſolentem fuiſſe rem, in Vrbe ſepeliri, ſi id iuris Publicolæ, honoris cauſa, fuit tributum.

Hac ergò in controuerſia pugnantem video cum Seruij authoritate, Kirchmanni famam, & quod maius faceſſit negotij, rationes ab eo adductas. Quid ergò determinabimus? Mediam quamdam viam, nouam, quidem, at non omninò ſalebrosam, lubet aperire, quo & Seruij authoritatem, & Kirchmanni demonſtrationem integrum ſit conciliare: fidem enim omnem percelebri Grammatico, ſicut facit Kirchmannus, derogare, temeritatem, certè audaciam ſapit: illi ſiquidem plura Antiquitas, maiora autem Philologi ipſi debemus. Opinor ergò cum diſtinctione quadam procedendum tutò eſſe. Aut enim de Sepulchris publicis, aut de priuatis eſſe poterit ſermo. Qua diſtinctione præmiſſa, meum hocce eſto iudicium: de poſtreminis intelligendum eſſe Seruium, cum in proprijs cuiusque domibus ea fuiſſe ait: at verò de publicis iurè dixiſſe Kirchmannum, extrà Urbem eadem extitiſſe; nec aliud fanè eius argumenta oſtendere mox indicabo. Hic autem priuata Sepulchra pro ijs accipere nolim, quæ pro ſingulis corporibus ſtuebantur, iuxtà ſuperiorem explicationem;  
ſed

sed pro illis solùm , quæ in priuatis conde-  
bantur locis, quæque magis opportunè *Clan-*  
*destina* dici possent.

Nè autem videar mediam hanc meam,  
viam temerè, atque in medio aere pensilem,  
nullisque fundamentis innixam extruxisse,  
conabor illam quadruplici fulcro obfirmare:  
& primò quidem ex celebri Tullij authoritate,  
secundò ratione, tertiò ex priuilegio ipso Publicolæ, quod in sui tutelam Kirchmannus adducit; quartò tandem ex eodemmet Kirchmanno. Vtque à primo istorum incipiam, ecce præstò nobis occurrit Cicero,  
(a) qui ità ad rem meam opportunissimè, legem duodecim Tabularum commentans, inquit: *in Vrbe sepeliri lex vetat; sic decretum est à Pontificum Collegio, non esse ius in publico loco fieri Sepulchrum; statuit enim Collegium, locum publicum non potuisse priuata religione obligari.* Vbi vides publicam dumtaxat sepulturam, intrà Urbem interdictam, nè locus publicus religione obligaretur: (erant quippè religiosa Sepulchra) quæ ratio de priuatis minimè militat, non enim sic *publicus locus* religione remansisset obligatus. Authoritati succedat ratio, quam indè peto, quòd priuata Sepulchra domi constitui, nulla prorsus lex reperiatur, primis sub Romæ cunabulis, vetasse: cur ergò eo commodo se priuare.

---

(a) 2. de leg.

uare voluisse Romanos credemus ? cùm satis obuium esse cuique potuerit, in ea bonorum fortunæ caritate, in proprijs hortis corpora, tumulare, priuato funere, absque pompæ, & luxus impendijs, quæ sepultura extrâ Vrbem exegisset. Accedit his tertia coniectura ex ipso Publicolæ priuilegio petita, quod de publico intelligendum esse Sepulchro, indè, nisi fallor, euidenter constat, quòd ius hocce ex Senatus decreto, vtique publico, concessum fuerit, sicut Cicero inquit: tùm quia locus Publicolæ Sepulturæ assignatus fuit iuxtâ Veliam in Palatino, publicum certè locum, imò omnium frequentatissimum: publicæ ergò sepulturæ ius tantùm concessum, non verò priuatæ; adeòq; illam in Vrbe fieri insolitam, ritè credi potest, non istam. Vtrumque id complexus est Plutarchus, & pro mea quidem thesi significantiùs, his verbis: *cùm Populus Romanus nihil in eum (Publicolam) contulisse, dum viueret, arbitraretur, sed omnem ei gratiam adhuc debere, publicum honorem funeri decreuit, sepeliendumque in Vrbe iuxtâ Veliam suffragijs decreuerunt &c. vbi publicum honorem* expressè commemorat Plutarchus. Postremum argumentum ipsemet Kirchmannus suggerit, qui sequenti Capitulo causam vestigans Sepulchri extrâ Vrbem extructi, duplicem eam fuisse ait, alteram moralem, physicam alteram; primam, nè aspectu  
fune-

funerum sacrificia profanarentur: secundam  
verò, nè incendijs Vrbs esset obnoxia. Ex  
quibus ego subinfero, publica dumtaxat Sepulchra extrà Urbem fuisse: ista enim con-  
specta valuissent sacrificia profanare, non  
sic priuata, quæ in proprijs domibus quis  
constituebat: quæ enim necessitas, vt clau-  
destina hæc Sepulchra à Sacerdotibus con-  
spicerentur? Maiorem vim facit illud de  
incendijs; etenim, sicut Plinius (a) disertè  
testatur, ipsum cremari apud antiquos non fuit  
veteris instituti: terra condebantur: at postquam  
longinquis bellis obrutos erui cognouerunt, tunc in-  
stitutum: & tamen multæ familiæ priscos serua-  
uere ritus. Vndè Tullius supra laudatus mor-  
tuos terra condere antiquissimum vocat Sepul-  
turæ genus; redditur enim terræ corpus, ac quasi  
operimento matris obducitur: qua de re nos vbe-  
riùs aliàs. Cùm itaque antiquis temporibus  
corpora non cremarentur, quodnam  
quæso fuisset incendiij intrà Urbem pericu-  
lum, in priuatis præsertim funeribus? Ex  
quibus clarum euasisse existimo, publica,  
dumtaxat Sepulchra, non item priuata, intrà  
Urbem interdicta.

Atque ex his facile erit Kirchmanni ar-  
gumentis obuiam ire. Illud enim de Nu-  
ma, & Seruio Tullio extrà sepultis, præter-  
quamquod vniuersalem vtique legem haud  
consti-

(a) lib. 7. c. 54.

constituit, dici potest publica eorum, quip-  
pè Regum, fuisse funera; adeoque Urbem  
extrà. Alteri de Publicolæ &c. satisfactum  
iam esse puto, cùm publicam itidem fuisse  
eius Sepulturam euicimus. Quibus & ad  
maiores vbertatem addi potest, indè aliud  
non inferri, quàm Publicolæ æuo, seu post  
exactos Vrbe Reges extramuranæ sepultu-  
ræ morem inuectum fuisse: quo etiam con-  
cesso, facta adhuc, testaque erit nostra opi-  
nio, quòd primis Regum temporibus intrà  
Urbem fierent sepulchra. Sed de his plura  
fortassis, quàm opus esset: ergò ad alia pro-  
peremus.

Vt autem interruptum huiusce rei filum  
resumamus, illud pro rato habendum cense-  
mus, primoribus Romæ crepundijs priuatos  
tumulos intrà Urbem in proprijs cuiusque  
domibus initos, publicos extrà. Cùm verò  
honoris ergò publica etiam nonnullis Sepul-  
chra conderentur, vt Publicolæ, Tuberto,  
Fabricio, & Vestalibus, quòd *hæ legibus non*  
*tenerentur*, sicut ait Seruius, iam indè euasit,  
vt plerisque idem honos concederetur; præ-  
sertim Imperatoribus: sic Cæsari ex decreto  
Senatus concessum, vt intrà mœnia sepeli-  
retur ex Dione: (a) sic etiam de Cincia,  
Claudiaque Gente legitur apud Festum, at-  
que Suetonium: (b) idemque de Traiano nar-  
rat

---

(a) lib. 44. (b) In 11 uer.

rat Eutropius . (a) Horum exemplo alij etiam hæc patuit via; vnde breui Vrbs tumulis repleta . Hinc duodécim Tabularum Leges sanxere : *Hominem mortuum in Vrbe nè sepelito , nèue vrito . Vbi prætereundus non , est Rosini (b) lapsus , qui ait : post latas duodecim Tabulas fuerunt quidam in ipsa Vrbe sepulti , ut Valerio Publicolæ contigit ; quod & alibi repetit (c) non finè anachronismi nota ; cùm Publicolæ funus antè duodecim Tabularum latas leges contigerit : id quod apud laudatum Tullium legere potuisset Rosinus ; ait enim ille : antè hanc legem virtutis causa tributum fuisse , ut Publicolæ &c. Ut ut id sit , exolere cœperunt tractu temporis hæc leges : vnde mutata Republica , ab Imperatoribus restitutæ sunt : Hadrianus enim poenam statuit quadraginta aureorum tam in eos , qui in Vrbe sepelirent , quàm in Magistratus , qui id passi essent , iussitque insuper , ut corpus aliò transferretur : (d) idipsum præstitit Antoninus Pius , (e) & Diocletianus . (f) Excipiebantur tamen insignium quorundam virorum corpora , præsertim Imperatorum , atque Magnatum , ut modò adnotauimus . Verùm Leo Imperator has leges iterùm aboleuit , liberam cuique sepulturam permittens :*

---

(a) libr. 8. (b) libr. 5. cap. 39. (c) libr. 8. cap. 6.  
 (d) Vlp. libr. 30. in Edict. (e) Capitolin. (f) C. de Relig.



mittens : quòd antea Antoninus ipse , pestis causa, effecerat. (a)

Atque hæc de loco Sepulchrorum in generali adnotauimus . Particulares autem loci in Sectione de Sepulchris specialibus indicabuntur . Sat nunc sit præmonere , Sepulchra pauperum fuisse Puticulos extra Portam Esquilinam , ita dictos , vel quòd ibi in puteis obruebantur homines , vel quòd putrescebant ibi cadavera proiecta , sunt Varronis (b) verba . Appellabatur alio nomine locus hic *Sestertium* apud Plutarchum in Galba . Ceterum , cum vicinitas horum Puticulorum Urbis esset insalubris , Augustus loca hæc Mæcenati concessit , quæ & in Hortos ipse transtulit , (c) alijs locis inopum sepulturae destinatis , quæ fortè fuisse *Culinae* appellatae , de quibus Agennus Vmbrius (d) ad Frontinum , Nobilium è contra Sepulchra erant passim in Campo Martio , (e) sed nonnisi ex Senatus decreto licebat cuiquam huc inferri . (f) Frequentissimè autem omnium Sepulchra in Agrorum marginibus ad publicas vias constituebantur , præsertim Appiam , Aureliam , Flaminiam , Latinam , Labicanam , Laurentinam , Ostiensem , Prænestinam , Salariam , Tiburtinam &c. vt præter  
vete-

---

(a) Suet. lib. 15. (b) 4. de l. l. (c) Horat. l. 1. Sat. 8. (d) l. 1. de controu. Agr. (e) Strabo lib. 5. (f) Dio lib. 48.

veteres Scriptores autopsia ipsa declarat, & nos mox ostendemus. Vbi adnotanda diligenter est pia Romanorum sagacitas, qui ut viatores suæ mortalitatis admonerent, secus vias sua collocabant Sepulchra: (a) hinc formulæ illæ passim vſitatæ, ASPICE VIATOR, CAVE VIATOR &c. in Lapidibus notissimæ. Quamquam & alia accederet, eaque œconomica ratio, nè, si in meditullio agri Sepulchra collocarentur, fructus terræ impedirentur, adeoque detrimentum, indè caperent vini, ut Plato (b) in suis legibus iusserat. Quod de fertilibus intellige agris; si infœcundi enim forent, in ipsorum etiam meditullio Sepulchra extruebantur, ut ex Siculo Flacco (c) habetur. Locum autem sepulturæ designare ad solos pertinebat Pontifices, ut ex Tullio sæpiùs nobis laudato, & ex Inscriptionibus apparet; id quod nos tom. 2. Dissert. de Sacerdot. ostendemus.

Illud postremo loco curiosis indulgendum, vtrum scilicet Gentibus, sicut apud Christianos moris est, Sepulchra in Templis fuerint. Quæ in re negatiuæ parti adhærerem, si paucos admodum casus excipias: nusquam enim id reperire licuit, præterquam de vno, aut altero, at extrà Urbem: de Pyrrhi enim dextero pollice ait Plinius, (d)

*quem*

---

(a) Varr. 5. de l. l. (b) De leg. l. 12. (c) De conflict. Agr. (d) l. 7. c. 2.

quem cremari cum reliquo corpore non potuisse , tradunt , conditumque loculo in Templo . De Græcis idem refert Arnobius . (a) Testatur insuper in Medæa Euripides , Argiuos cadauera in Templis sepelire consueuisse , dùm Medæa Iasoni promittit se filiorum corpora in Luco Iunonis Acrææ sepulturam . Ex Plutarcho item in Aristide habemus Plataenses Euchidam in Dianæ Euchiæ Fano tumulasse : pariterque Lycurgus , vt admonet in eius vita Plutarchus , Sepulchra Templis proxima ædificari voluit , vt assuesceret iuuentus mortem non timere . Illud solum de Romanis comperio , in Deæ Libitinæ Templo, singula, quæ ad rem funeream pertinerent , asseruasse , vt alibi dicam . Inter Christianos , à Constantini Magni temporibus tumulandi in Templis mos inuectus creditur ; quem Gratianus , Valentinianus , & Carolus Magnus inhibuerunt , vt in nostra Ecclesiastica Antiquitate dicemus .

Explorato Sepulchrorum loco , eorum causæ extrinsecæ inuestigandæ sunt : à quo nimirum conderentur , & quibus . Condebantur autem ipsa , ( de Fabris non loquor , de quibus alibi , sed de Dominis Sepulchrorum ) seù iuebantur , aut à morti proximis , imò & sanis adhuc degentibus ; aut ab hæredibus . De primis , præter Scriptores ,

testes

---

(a) lib. 6.

testes habemus sepulchrales lapides , in quibus hæ observantur notulæ , V. F. scû *viuus fecit*; vel V. F. C. idest *viuus faciendum curauit*: vel V. H. S. F. M. idest *viuus hoc sibi fecit monumentum* . De hæredibus etiam, ex Inscriptionibus res liquet , quas apud Kirchmannum (a) vide . Sepulchrorum extruendorum sumptus ipsi quandoque testatores definire solebant , sicut & structuræ etiam modum : aliquoties id hæredum relinquebatur arbitrio , vt apud eundem Kirchmannum pluribus demonstratum Inscriptionibus reperies .

Ij, quibus extruebantur Sepulchra , fuerunt quotquot Fato subessent , & mortis legibus forent obnoxij. Nulli enim hominum sepulturæ honos denegabatur , quippè qui à natura mortalibus insitus putatus est: vndè Quintilianus (b) ait : *neminem non mortalium fauere hominis sepulturæ conuenit , quia hæc vna res est , cuius exemplum ad omnes pertineat : & post pauca: certè rerum natura, vt in generandis , alendisque hominibus , quæ necessaria erant ex se ipsa prospexit, ità cûm rursûs opus suum resoluit , corpora nostra quamprimùm reducere ad principia festinat: paucisque tandem interiectis: nobis verò aduersûs exanimis genuit, non solùm miseratiōnem , sed etiam religionem : indè ignotis quoque corporibus transeuntium viatorum collatitia sepultura.* Et hac sanè de causa naturalis prorsûs

Z

iuris

---

(a) l. 3. c. 12. (b) Declam. 6.

juris esse corpora sepulturæ committere, vulgò creditum est. Multi quinimò, nè sepultura destituerentur, se viuos tumulandos curarunt; sicut de Asdrubale, Labeone, M. Antonio, & Labieno, non sinè Authorum calculo refert Spondanus. (a)

Atque hinc laudabilis ille mos non pauperum modò, peregrinorumque corpora Sepulchro donandi, verùm etiam hostium ipsorum bello obeuntium. Non solùm enim Athenienses sepulturæ honore Medos insignire voluerunt, ex Pausania in Atticis; & Philippus Macedo Athenienses ipsos ex Polybio; (a) vt alias prætermittam Nationes; sed Romani ipsi religiosa hac pietate illustres fuere. Quid enim magis notum, quàm locus ille in media Vrbe, cui *Busta Gallicæ* nomen, vbi ossa Gallorum, qui Urbem ipsam incenderant, recondita fuere? (b) Eandem humanitatem exercuit L. Cornelius in Hannonem Carthaginensium Ducem eximium: (c) Idem & Cn: Pompeius Mithridati præstitit: (d) Idem tandem, vt innumera præteream exempla, effecit in Archelai corpore Antonius, vt testis est in eius vita Plutarchus.

Sed nihil profectò isthæc forent, nisi & bestias ipsas tumuli honore decorassent.

Equos

(a) lib. 1. p. 1. c. 13. (b) lib. 5. (c) Varr. 4. de l. l.

(d) Val. lib. 5. c. 1. (e) Dio l. 37.

Equos enim ( Alexandri Magni exemplo , qui Bucephalum suum exquisitissimis Exequijs donavit ex Plutarcho ) Augustus etiam sepultura nobiles reddidit . ( a ) Hadrianus item Boristheni Equo monumentum ædificavit , & columnam erexit , inscripto epigrammate , ex Xiphilino in eius vita . Idem factitavit Commodus Verus ex Capitolino . Mulae tandem suæ Crassus Sepulchrum cum Inscriptione dicavit , Quem morem è Græcis crederem ad Romanos propagatum ; apud illos enim Equi , qui in Olympicis Ludis victores fuerant , in Ceranico Athenis terra condebantur , ( b ) Simili honore affectos reperio & Canes : de Hadriano enim ait Spartianus : *Equos , & Canes sic amavit , ut eis Sepulchra constitueret .* Quid quod idem de Aulibus effectum narret Statius ? ( c ) referatque Plinius ( d ) Coruum , præcedente Tibicine , ab Æthiopum humeris ad Sepulchrum elatum . De Anseris funere , Cornicis , & Galli vide Ælianum . ( e ) Pisces etiam sepulturæ commissos apud eundem ( f ) reperies , qui de muræna Crassi ita ait ; *hanc ille mortuam fleuit , & honore sepulturæ affecit ; & cum aliquando Domitius in hunc dixisset , stulte Crasse murenæ fleuisti mortuam , Crassus inquit , ob bestiae mortem ,*

Z 2

fleui ,

( a ) Plin. lib. 8. c. 42. ( b ) Aelian. l. 12. c. 40. ( c ) 11. Sylu. ( d ) l. 10. c. 43. ( e ) l. 6. c. 7. & l. 7. c. 41. & l. 3. c. 4. ( f ) Ibidem ,

fleui, tū verò nè quidem ob tres uxores, quas terræ mandasti. De ritu Ægyptiorum, qui Bo-ues, Feles, Canes, Vrsos, Lupos, aliasque bestias sepeliebant, vide Herodotum. (a)

Non negauerim tamen quosdam fuisse Sepulchri honore denegatos. Erant hi hostes Patriæ, suspendiosi, & qui se ipsos necassent. Primum patet exemplo Gracchorum apud Valerium, (b) item Lentuli, & Catilinæ ex Plutarcho. (c) Nec immunes fuere ab hac pœna Imperatores, sicut ex Heliogabali in Cloacam proiecti, vt Lampridius; exq; Commodi, & Maximini vnco tractorum, vt Capitolinus, infelicissimis euentibus liquere potest. De secundis videatur Neratius I.C. (d) & Lipsius de Cruce. (e) De postremis audiatur Seruius (f) ità inquiring: *sciendum, quòd tantum fuerit in Pontificalibus libris, vt qui laqueo vitam finisset, insepultus abijceretur.* Cuius pœnæ origo à Tarquinio Prisco fuit. Sed mitigarunt illam posteriores leges, de ijs solùm intelligi curantes, qui alicuius flagitij conscij è medio se sustulissent; secùs verò si tēdio vitæ id patraretur. Sed de his nos discretiùs tom.2. Dissert. de Pœnis. Missos facio alios variarum Gentium ritus, qui vice sepulturæ mortuos suos frustatim concisos deuora-

---

(a) l.2. (b) l.6. c.3. (c) In Anton. (d) In leg. Liberatorum D. de ijs, qui not. infam. (e) l.2. c.15. (f) In 12. Aen.



uorabant, vt in proprio ipsis ventre conditorium struerent: ita de Scythis enarrat Lucianus in Toxari, & de Hiberniæ habitatoribus Strabo. (a) At Sidones caput excipiebant, quod inauratum asseruabant, tamquam omninò sacrum: (b) idemque de Effedonibus refert Herodotus. (c) Hyrcani, & Caspij, & Bactrij cadauera canibus proijciunt deuoranda. (d) Vulturibus verò Iberi. (e) Æthiopes in aquas immergebant. Colchi patibulo suspendebant defunctos: quibus ineptissimè, an immanitatibus dicam, non est immorandum; sed videatur Lauorius, (f) & Kirchmannus. (g)

Quare fatius erit ab aliarum Gentium feritate ad Romanorum erga Sepulchra pietatem, & religionem gressum facere. Hæc verò tanta fuit, vt maior Templis non adhiberetur; quare illa religiosa, & sancta superius dixi. Erant insuper Asyli, & confugij loco, ex Plutarcho in Theseo: imò & apud Sybaritas cum seruus quidam ab hero suo cæsus, ad Templum confugiens nihil profecisset, ad Sepulchrum veniam meruit. (h) Hinc pecuniæ in Sepulchris asseruatæ, custodiæ causa, ex Plutarcho in Pyrrho. Hinc etiam Sepulchrorum custodia seruis commissa,

Z 3

missa,

(a) l. 4. (b) Zenob. centur. 5. (c) l. 4. (d) Strabo l. 11. (e) Sil. Ital. lib. 2. Punic. (f) De Fun. cap. 21. (g) In App. Fun. c. 21. (h) Aib. l. 12. c. 3.

missa, ut alibi ostensurus sum: hinc pariter Gryphium figuras Tumulis insculpebant, ut vigili asseruandos cura eos esse innuerent. Quod verò addit Spondanus, (a) non licuisse in Sepulchra despuere, puto de solis Doliolis fuisse observatum, ut infra dicemus. Excipiebantur solum sepulturæ hostium, quæ sacræ non erant; (b) licet servorum Sepulchra sancta fuerint. (c)

Hæc verò Sepulchrorum sanctitas tum verè incipiebat, cum glebam, seu terræ portionem in ipsa iniiciebant; qua de re audiat Cicero: (d) *nam priusquam, ait, in os iniecta gleba est, locus ille, ubi crematum est corpus, nihil habet Religionis: iniecta gleba, & humatum est, & gleba vocatur, ac tum denique multa religiosa iura complectitur.* Ritus verò glebam iniiciendi ortum habuit ex illo altero, terram scilicet ter plena manu iaciendi in cadauera insculpta, & fortuito oblata; quæque sepelire non liceret; de quo tom. 3. Dissert. de Funer.

Post glebæ ergò iniectionem sanctum erat Sepulchrum; illud violare nefas, maximumque crimen; quod hæ poenarum species sequebantur, puta mors, relegatio, damnatio ad metalla, deportatio, pecunia, & manus amputatio, ut apud Iuristas passim, & nos tom. 2. Dissert. de Poënis. Violabantur autem

---

(a) l. 1. p. 1. c. 9. de Cæmet. (b) leg. Sepulchrum, D. de viol. Sep. (c) Vlp. leg. 2. D. de Relig. (d) 2. de leg.

attem Sepulchra his potissimum de causis : scilicet demolitione , habitatione dolosa , illatione illegitima , & alienatione . Demolitione quidem , si quis de Sepulchro abstulerit vel saxa , vel columnas , aliamque materiam fabricandi gratia . (a) Habitatione , si quis in eo dolo malo habitauerit , ædificiumve aliud , quàm de Sepulchri causa factum sit , habuerit . (b) Illatione illegitima , si quis contra voluntatem testatoris in hæreditarium Sepulchrum quamvis hæres , inferat . (c) Alienatione tandem , si quis res Religioni destinatas contigerit , & emere , & distrahere non dubitauerit . (d)

Ad enarrata hucusque capita reducuntur contrectatio cadaueris , mutilatio , spoliatio , translatio . Profanari enim credebatur Sepulchrum , si corpus à quopiam contrectatum , esset : quare in veteribus etiam monumentis reficiendis curabant , nè corpora contingerentur , ex Marciano I.C. Præterea profanabatur si membrum aliquod cadaueris amputatum esset : quæ amputatio passim ab homicidis fiebat , qui interfecti nasum , auriculam , aliamque partem abscindebant , eamque sub axilla ferebant , ita occisum credentes inualidum omninò reddi ad se vlciscendum , ut apud Sophoclis Scholiastem legitur . Quare inter reliqua Magicæ disciplinæ capita

Z 4

erat

(a) leg. 4. C. de Sep. viol. (b) Vlp. leg. 3. D. de Sep. viol.

(c) l. 3. D. de Sep. viol. (d) l. 22. D. de contr. empt.

erat præfatæ mutilationis modus, vt apud Quintilianum, (a) & Apuleium (b) videre est. Spoliatio cadaueris erat, cùm quis res cum mortuo conditas clàm auferret. Quamuis enim lex duodecim Tabularum aurum vetauerit cum defunctis condij; non obtinuit tamen vim suam, quin multæ è contra in tumulos diuitiæ conijcerentur, vt ex Terentij, & Plauti Comedijs liquet. Hinc in Sepulchris notulæ istæ inscriptæ: I. M. I. ST. ABSC. hoc est: *In Memoria ista sunt bona abscondita*; vel IN.HC. MM. S.P. SN. FN. idest: *In hoc Monumento sunt pecuniæ sine fine*, vt Manutius interpretatur. Translatione tandem cadaueris Sepulchrum violabatur; perpetuæ siquidem Sepulturæ tradita, nequibant aliò transferri ex Marciano: (c) hinc in Tumulis passim inscriptum, PERPETVÆ SECVRTATI, apud Velsorum; vndè domos æternas dici consueuisse Sepulchra supra indicauimus. Agnita tamen causa transferri corpora poterant, vt ob fluuij incursum, aut ruinæ metum. (d) Huiusmodi autem cognitio ad Pontifices pertinebat; postea verò quàm Pontificatum Maximum sibi Imperatores adiunxerunt, hanc etiam facultatem sibi ascinuere, vt tom. 2. Dissert. de Sacerd. & Dissert. de Magistr. dicam. Atque hæc de tem-

pora-

---

(a) Declam. 15. (b) l. 3. Magic. Officin. (c) leg. 39. D. de Relig. (d) leg. 1. C. eodem.

poranea tumultatione intelligi nolum; quæ enim ad tempus alicui loco commendabantur reliquæ, poterant absque licentia aliò transferri, quicquid in oppositum adducat Kirchmannus: (a) si namque ea licentia opus fuisset, iam nullum foret temporaneam inter, perpetuamque sepulturam discrimen: supplex verò hac de re libellus Severo Principi oblatus, vel quia vnicus, vel quòd ex adulatione conceptus, nihil profectò in favorem Kirchmanni euincit. Vtut sit, in ea reliquiarum translatione multos intercessisse ritus, sacrificia, & preces, fuisseque à vectigalibus immanes; vt vectigalia pro ijs exigere, summæ fuerit auaritiæ index, locumque prouerbio dederit, (b) alibi commodiùs demonstrabo; vt & alia multa in hanc rem opportuna; cùm purè legalia è Iureconsultis peti valeant.



## SECTIO SECVNDA.

*De Sepulchris in particulari.*

**P**ost vëctigatas, quantum Sepulchrorum obscuritas nobis permisit, tùm intrinsecis, tùm extrinsecis ipsis Sepulchri, particularis quædam eorundem designatio, sicut in Domibus, ac Templis præstitimus, tradenda est, brevis tamen: cui & vnus, aut alterius delineationem adiiciemus, vt reliquorum modulus animo concipi queat. Extrà Portas Urbis frequentiora fuisse Sepulchra, iam supra dictum est: nos tamen, quæ intrà Urbem erant, aut Vrbi proximiora, tamquam è re nostra magis, perquiremus.

Vt ergò Regiones singulas, sicut aliàs præstitimus, cursorio calamo hic lustremus, ecce in prima Regione non pauca extitisse Sepulchra, præter Tullium, (a) Pyrrhus Ligorius, cuius æuo rudera adhuc extabant, testatur. Erat hinc Colatini Monumentum; item Seruiliorum, & Metellorum: Cæciliæ cumprimis Crassi vxoris, Metellique Cretici filiæ, quod hodièque à Bouis Capite ibi insculpto, *Capo di Bone*, vulgò appellatur. Mutarunt illud in Arcem, cuius adhuc recinctus perdurat, Romani, cum Factiones vbique in

Urbe

---

(a) 1. *Tusc.*

Vrbe grassarentur. Ibidem erat Q. Cæcilij Tumulus, in quo & Pomponium Atticum, eiusdem nepotem sepultum asserit in eius vita Cornelius Nepos. Hic etiam fuit Basilij Sepulchrum, vbi latrocinia patrari solita ait in Miloniâna Asconius. Extrâ Portam Capenam Horatiæ Montimentum, sororis illorum Horatiorum, qui cum Curia-rij certarunt, ex Liuiô. Horatiorum verò Sepulchra malè ibidem à Panuiniis collocantur, cum ex eodem Liuiô in Albano potius fuerint Territorio, vbi & prælium commissum fuit. Hic tandem Thessali medici Memoria. Nullum in secunda Regione adinuenire Sepulchrum licuit. In tertiâ erant *Busta Gallica* Liuiô (a) appellata, vbi scilicet Gallis in Romæ obsidione cæsis, Tumulum, Romana pietas excitauit. Reponuntur ipsa vulgò ad Palatini radices contra Piorum, Hortos, vbi D. Andreæ Aedes hodiè extat, quæ, corrupto forsân vocabulò, in *Portugallo*, pro, in *Busta Gallica*, nuncupatur. In hac eadem Regione erat Septizonium, quod Sepulchrum creditum est, de quo paulò post sermo redibit. Quarta Regio Sepulchris caruit, quod intrâ Urbem fuerit: de publicis loquor, priuata enim quæ domi suæ unusquisque constittebat, rimari non lubet, nec vacat, nec si vacaret, eorum notitia haberi posset.

---

(a) lib. 2. dec. 3.



posset . In quinta Regione , seù potius post eam,extrà Esquilinam Portam, inque Esquilino Campo, erant Puticuli, vbi pauperes tumulari solitos supra dictum est; ibidemque Vstrinæ Publicæ, vbi corpora cremabantur, de quibus alibi differemus . In sexta Regione Campus erat Scèleratus propè Portam Collinam, cum subterraneo Antro, in quo Virgines Vestales incestus crimine infames,viuæ adhuc tumulari solebant,ex Festo. An verò intrà, vel extrà Salariam Portam is Campus extiterit, digladiantur inter sese Antiquarij : at intrà Urbem fuisse clarissimè Festus ipse indicat inquiens : *nec tamen, licèt nocentes, ( de Vestalibus loquitur ) extrà Urbem obruebantur, sed in Campo proximè Portam Collinam &c.* clariùs verò Halicarnasseus (a) de iisdem ait : *vsque ad Collinam Portam Vestales, intrà muros, in monumento ad id parato deponuntur : Plutarchus tandem in Numa inquit : quæ virginitatem polluerit viua iuxtà Portam defoditur, vbi est tumulus intrà Urbem .* In Salaria Via monumentum vnius è comitibus Herculis . (b) In septima Regione nullum aliud reperio Sepulchrum, quam C. Poblìcij sub Capitolino, Macellum Cornuorum versùs, cuius rudera cum Inscriptione eo loci apparent,ex qua constat publicum eum locum, honoris causa, Poblìcio traditum, vel extrà

mœnia,

---

a ) lib. 2. ( b ) Suet. in Vespas.

mœnia , vt suspicatur Nardinus , vel etiam intrâ ; quod eximijs quibusdam viris concedi solitum obseruauimus : quare ineptè quidem in suis Dialogis de eius Sepulchri veritate dubitauit Augustinus. Hoc propè forsàn fuit Gentis Claudix Sepulchrum , quod intrâ Vrbem, honoris causa, eidem Genti tributum diximus . In octaua Regione ad Veliam in Palatino erat Publicolæ Sepulchrum , cuius supra meminimus . Propè Cloacam, Maximam erant Doliola, *ubi non licet despuere* : Varro loquitur, *eorum duæ traditæ sunt historiæ, quòd alij esse aiunt ossa cadauerum ; alij Numæ Pompilij religiosa quædam post mortem eius infossa*, vt nobis alibi erit sermo . Accæ Laurentiæ Sepulchrum in Velabro, *quâ in Nouam Viam exitur*, vt ait Varro , (a) vbi Accæ Simulachrum, propè quod Laurentina Festa peragi solita , aliàs tradam . Tarpeia Virgo in Tarpeia Rupe , ab ea sic appellata , Sepulchrum obtinuit, si Plutarcho in Romulo fides.

Sed verò Regio Tumulis præ omnibus ditissima fuit Nona , ob Martium Campum , in quo insigniores quosque tumulari diximus . Ergò in Campo Martio Augustorum cum primis erat Mausoleum , cuius peculiarem descriptionem infrâ traditurus sum . In huiusce Sepulchri Nemore Libertorum Augusti Sepulchra ; Vlpj præsertim Martialis

inter

---

(a) lib. 4. de l. l.

inter ruinas nuper repertum , sicut testatur Fulvius . In eodem Campo erat Bustum , in quo Augusti corpus combustum fuit ; eius situs sic describitur à Strabone ; *in medio autem Campi, Busti eius ambitus ex albo lapide ferreis in orbem cancellis septus , intus populis consitus ; præcisus autem Busti locus creditur Nardino eo loci extitisse , ubi nunc Sancti Augustini Ædes .* In eodem Campo Iuliæ Tumulus ; item Syllæ Felicis , Hirtij , & Pansæ Coss. Agrippæ, Drusi , & Britannici : Domitiorum verò Sepulchrum in Colle Hortulorum propè Portam *del Popolo* , ubi & Nero tumulatus fuit ex Suetonio . Sed quid plura commemorem ? cum Strabo Sepulchris refertissimum cum Campum asserat, inquires : *ea propter cum locum istum religiosissimum esse cogitarent , clarissimorum virorum , ac faminarum, Monumenta in eo construxerunt .* Quem tamen Strabonis locum non de omnibus promiscuè , & è plebe hominibus intelligi velim , sed de solis Magnatibus , qui non sinè Senatus decreto inibi , honoris causa , tumulabantur ; vnde Appianus (a) de Sylla ait : *translulerunt in Campum Martium , ubi solos Reges sepelire, mos est .* Hinc Iuliæ Pompei vxoris , Cæsarisque filiæ eo in Campo tumulationi sese Domitius opposuit ; (b) Marcique Oppij Ædilis ossa aliò ex Senatus decreto translata fue-

---

(a) 1. de Bell. Cru. (b) Dio l. 39.

fuere . (a) In decima Regione solum Cinciorum Sepulchrum apud Antiquarios reperio , in Palatini loco , qui, *Statue Cinciae*, Festo dicitur ; item Septizonium Seueri , de quo infra erit mentio . In vndecima Regione in extrema Circi ora Sepulchra olim extiterant Tribunorum militarium, qui in Bello Volscorum obierant, ex Festo . In duodecima Septizonium Vetus collocatur à Panuino ; sed veriùs Seueri Sepulchrum in Septizonij speciem extructum creditur Nardino : quam controuersiam infra examinabimus . In tertiadecima erat Auentini Albæ Regis priscum Monumentum super Auentino colle ex Varrone ; (b) licèt Sextus Aurelius Victor de Romanorum Origine differens , ad eius montis radices illud constituerit . In eodem Colle Titi Tatij tumulus in loco, qui, à Laurorum copia, *Lauretus*, dicitur Varroni . Caij tandem Cæstij pyramidale Sepulchrum in Campo Testaceo, vt mox subnectam. Postremam Vrbis Regionem decorauit Numæ Sepulchrum in Ianiculo colle ; (c) testaturque ex Cassio Emina Plinius (d) repertam ibidem *Arcam* , in qua Numa ; in eadem libros eius repertos ; qua in re varia Nardini dubia , more suo , orta sunt , quæ apud ipsum (e) vide . In Ianiculo etiam Ludjani Sepulchrum : item  
Statij

(a) Idem l. 48. (b) 4. de l. l. (c) Halic. l. 2. (d) l. 13. c. 13. (e) l. 7. c. 11.

Statij Cæcilij Poetæ . Hadriani Sepulchrum, quod in Vaticano Campo situm est, mox describemus . Ab eo non procùl erat Aurelij Imperatoris Tumulus. Scipionis Africani Monumentum creditum vulgò est ad Ædem Sanctæ Mariæ Transpontinæ collocatum, vbi ingens Pyramis alteri Cæstij similis; è cuius extimis marmoribus Donus Primus Pontifex D. Petri Atrium strauit, quicquid cauillis suis aliter Nardinus suadeat . In Vaticano etiam Honorij Sepulchrum, eiusque coniugis Mariæ. Equi tandem Lucij Veri, non sinè insanix nota, eodem in Campo tumulati . Atque hæc sunt, quæ de nonnullis Sepulchrorum locis dignoscere licuit, multis alijs prætermisissis, præsertim quæ extrâ Vias Appiam, Flaminiam, aliasque insigniores extasse diximus; cùm nostrum sit interiorē Urbis Antiquitatem perlustrare .

Sed age iam postremo loco insigniora quædam prisca Monumenta rudi calamo adumbremus . Et primò omnium Hadriani Tumulum, quem paulò antè commemorauimus . Extructus fuit ab Hadriano Imperatore ex Augusti æmulatione, in Vaticano Campo ad Tyberis ripam . Eius forma erat, è parte inferiori, quadrata; desuper verò rotundè, adinstar Turris, assurgebat, vt hodièque videre est . Tegebatur vndique candidissimis Parij marmoris crustis; in summitate  
verò

verò innumera emicabant quà virorum, quà equorum, quà curruum Simulachra, (a) quæ à Græcis, Gothicæ inuasionis tempore, in fragmenta comminuta, in Gothos ipsos iacta fuere. A Gothis ea Moles pluries capta, à Rauennæ postea Exarchis, Arcis loco, possidebatur. Donec Crescentius Romanus Ciuis in ampliorem Arcis formam eam redegit; & Bonifacius Nonus munivit; tandemque Urbanus Octauus non sinè magna auri profusione validiorem reddidit.

Augusti Mausoleum, vndè Hadriani Mo-  
lem exemplar sumpsisse diximus, in Martio  
erat Campo, ad alteram Tyberis ripam, cuius  
cernuntur adhuc rudera reticulati operis,  
circularisque formæ, tùm propè S. Rocchi  
Ecclesiam, tùm in Benedicti Florauantij Ædi-  
bus. A Marliano, cuius æuo minorem pas-  
sum fuerat deformationem, ità describitur:  
*Extat adhuc ubi vulgò Augusta dicitur, iuxta*  
*S. Rocchi Ecclesiam interior circumferentia, reti-*  
*culato opere: olim verò tres circumferentias fuisse,*  
*vestigia satis ostendunt, inuicem ità distantes, ut*  
*in plures partes interfecarentur, pluresque effice-*  
*rent loculos, quo quisque seorsim à cæteris sepeli-*  
*retur. E tribus his circumferentijs, ea, quæ*  
*imiolem obtinebat locum, amplior erat, su-*  
*pra quam secunda angustior assurgebat, tertia*  
*tandem omnium erat angustissima; ut ità*

A a

tria

---

(a) Procop. 1. Bell, Goth,

tria efformarentur plana populis confita; ut indè asseruere valuerit Suetonius: *quorum omnium præclarissimum est Mausoleum Agger ad amnem supra sublimem albi lapidis fornicem congestus, & ad verticem usque semper virentibus arboribus coopertus; in fastigio statua Augusti, sub Aggere loculi eius, & cognatorum, ac familiarium, à tergo lucus magnus Ambulationes habens admirabiles, Populos hæc Mausoleum inter, & Populi Portam, quæ hinc nomen desumpsisse existimatur, Nardinus rectè collocavit. Eiusdem Mausolei Porta ad Campum Martium vergebat, sicut asserit ex ruderibus sui æui Ligorius. Bini antè eam Obelisci, pedum LXXX. quorum vnus antè Ecclesiam Sanctæ Mariæ Maioris Sixtus Quintus erexit, alter post Sancti Rocchi Ædem iacere creditur.*


Cæstij Sepulchrum integrum adhuc perseverat Portæ Sancti Pauli coniunctum, Pyramidale è quadrato marmore assurgens. Extrà Urbem fuisse, Dissert. 3. dictum est, Eius altitudinem, latitudinemque, ut & picturarum, quæ in interiori eius cameratione reperiæ sunt, explicationem, Cæstij denique conditionem, atque officium, aliaque ad hanc rem, in erudita Dissertatione Octavij Falconerij, quæ Nardini libris inseri solet, reperies.

Quare Severi Septizonium, cuius supra plu-



pluribus meminimus, reliquum est, ut explicemus . Septizonij vox satis indicat molem, quamdam fuisse septem solarijs , seu planis , eam totidem zonis quaquaversum circumdatam , distinctamque ; quæ plana ita locarentur , ut vnum supra alterum foret ; quatenus alter eorum ordo, atque contignatio, alteri ordini, super columnis immineret , ( ut de Mausoleo Augusti explicauimus ) at septuplex . Tria apud priscos Scriptores reperire est Septizonia , vnum vetus , cuius meminit Suetonius in Tito; alterum Seueri Imperatoris apud Spartianum ; tertium verò eiusdem Seueri , *specie Septizonij extructum* , ut ait in Geta Spartianus ipse . Ex his tribus Septizonijs postremum dumtaxat verè Sepulchrum fuisse opinatur acutè Nardinus, quòd illud *specie Septizonij extructum* dicat Spartianus , ut ita Septizonium reuerà non foret, nec septuplici donatum ordine ; sicut Septizonium erat vetus Suetonio memoratum : duo verò priora non Tumulos fuisse censet , sed Xystos quosdam , nos dicimus , *Logge* , aut *Beluedere*; quòd ex Spartiano ipso colligit Nardinus , etenim inquit ille : *Cum Septizonium faceret , ( Seuerus ) nihil aliud cogitauit, quàm ut ex Africa venientibus suum opus occurreret: vbi nulla Sepulchri , sed magnifici cuiusdam operis , mentio .* Nos verò controuersiam hanc curiosis dirimendam vltro

concedimus. Illud è re nostra potiùs animadu-  
uerterem, Sepulchrum Seueri, *specie Septizono-  
nij extructum*, in Via Appia fuisse ad Anto-  
nianas Thermas, vt idem Spartianus testa-  
tur: Septizonium verò Seueri alterum, con-  
tra D. Gregorij Ecclesiam extasse, ex ijs, quæ  
extant ibi, ruderibus cerni potest: Septizo-  
nium tandem vetus in Esquilijs vulgò loca-  
tur supra Sanctæ Lucæ in Silice Ædem,  
quam & in *Orthea* agrominatam reperimus;  
quæ Græca vox idem profectò sonat, ac  
apud nos *Logge*, aut *Ringhiere*; quæque appel-  
latio certè Nardini coniecturam rectè con-  
firmat. Vtrum autem vetus solùm Septizo-  
nium septuplici insignitum esset ordine, si-  
cut suspicatur ex Marliano Nardinus, an  
etiam Septizonium Seueri iisdem ordinibus  
gauderet, vt vulgò creditum est, non audeo  
determinare. Illud dumtaxat ex Philandro  
(a) adnotarem, tam ingentem sublimitatem  
minimè cum inferiori, quod extat, plano  
cohærere, aut compati. Sed in his haud diu-  
tiùs immorandum, quòd hæ Septizonio-  
rum species ad Sepulchra non spectent, de-  
que ijs alibi futurus sit sermo.



## SECTIO VLTIMA.

*De Sepulchralibus Lucernis perpetuò  
ardentibus .*

**C**VM dictum à nobis superiùs sit , inter alia Sepulchrorum ornamenta fuisse Lucernas ; hinc operæ pretium erit , vt de istis etiam nonnihil attingamus potiùs , quàm differamus : eò vel maximè , quòd ipsæ ad nostros vsque dies arsisse compertæ , non leuem accenderint in Lycæis curiositatem : cui vt satisfacerem , illud à me præstandum , constitui , ex vberi scilicèt Scriptorum , Fortunij præsertim Liceti , viridario , paucos flosculos colligere , quibus Sepulchra nostra , prisco sanè more , cèu tot corollis exornem .

Lucernarum ergò Sepulchralium materia , erat , aut è terra , aut è metallo ; sed frequentiores certè fictiles : auream memorat Pausanias : argenteam verò D. Augustinus : (a) æneam tandem in Batauicæ Arcis ruinis inuentam describit Petrus Scriuerius : Lapidream etiam è Lunensi marmore , Benauidij IC. Patauini Museum asseruat : Ligneamque indicare videtur Tullius , (b) dùm *Lychnum ligneolum* nominat : quamuis dubitent

A a 3

cru-

(a) *Epist.* 164. (b) *l.* 3. *epist.* 7.

eruditi, nūm verè totam ligneam intellèxerit ipse lucernam, an ligneam eius thecam, vel candelabrum, lucernariumque. Vtut verò se habeat, infrequentes erant postremæ eiuscemodi materiæ; sicut primæ frequentiores.

Lucernarum forma multiplex, variaque utique fuit pro artificum varia indole, & arte: ut mirari equidem subeat, quanta cum ingenij luxurie luserint priscorum hominum ingenia in suis diversimodè lucernis conformandis. Erant ut plurimum rotundæ, aut paululum oblongæ. Nobiliores verò nullam non exprimebant figuram, quâ auium, quâ ferarum, quâ piscium, quâ etiam hominum; ut apud Casalium, & Licetum, fusiùs verò in Museis, videre est. Singulæ verò hæ figuræ suis non vacabant significationibus, allusionibusque, emblematum, Hieroglyphicorumque rationem imitantes; quorum explicationes, interpretationesque apud eundem Licetum (a) habes ad satietatem usque, at non sinè eruditionis lautitie.

Magnitudinem Lucernarum quod attinet, existimat falsò Cardantus (b) ingentis ipsas molis fuisse, exemplo, ut idem censet, eius, quæ in Mineruæ Æde Athenis erat. Sed notat rectè Licetus parùm diuersas à nostris, quæ quotidiano vsui sunt, priscorum lucer-

---

(a) lib. 6. per totum. (b) 1. de Subtilit.

lucernas extitisse; & meritò sanè : ità enim, suadent Nesidea, Olybiana, Pisana, aliæque, de quibus mox dicemus .

Sed Sepulchrales Lucernas in generali dumtaxat hucusque attigimus . Ut autem propiùs ad rem accedamus, de Lucernis perpetuò ardentibus differendum nobis est. Quæ in re duo conficienda sunt : primò earum, stabilienda est existentia ; cùm à plerisque aniles inter fabellas, & commenta recensentur : secundò verò probabilior eius perpetui incendij excogitanda est ratio .

Ut autem à primo istorum exordium sit , occurrunt in præliminari prisca , eaque indubitata fidei monumenta idipsum testantia . Pausanias enim cum primis in Atticis aureæ meminit Lucernæ , in quam oleum infusum ad integrum annum duraret . Non absimilem , imò & diuturnioris durationis , commemorat in libris de Oraculorum defectu Plutarchus , in Iouis Ammonis Templo ardentem . Eiusmodi etiam fuit, quæ in Fano Veneris micabat ; Augustino, (a) à nullo tempestatum, imbrisque impetu extinguibilis asserta. Eiusdem farinae fuit Vestæ ignis. Huc etiam spectat Lucerna Peionis apud Pausaniam in Bæoticis ; Prytanæi apud Gyraldum : (b) Munichæ apud Strabonem, (c)

(a) De Ciuit. lib. 21. cap. 6. (b) Synt. 4. (c) lib. 9.

Vulcani apud Poetam Thebæum ; (a) Proserpinæ in Terento superius nobis explicato, Pyrethiorum apud Rhodiginum ; (b) Mycerini Ægyptiorum Regis apud Herodotum in Euterpe : & sexcentæ id genus aliæ inextinguibili igne oppidò præditæ .

Verūmenimuerò , quoniam Scriptorum hac de re nonnullis suspecta visa est fides , ocularis tandem patrum nostrorum in viuis adhuc degentium inspectio dubietatem omnem eliminabit . Cui enim non innotescat Lucerna illa , quæ Paulo Tertio P. M. regnante reperta est Romæ in Via Appia , è Regione Conditorij M. Tullij ? cui hæc Inscriptio , TVLLIOLÆ FILIÆ MEÆ . De hac autem Lucerna retulere fossores ardentem fuisse repertam , sed admissio aere protinus extinctam , sicut testatur Guido Pancirolus in suo Rerum Memorabilium deperditarum libro ; cui & subscribit Henricus Salmuth in ad eundem Notis , necnon Hermolaus Barbarus , ac Franciscus Maturantius , aliique . Similes huic fuere Lucernæ Ferentillæ in Agro Viterbiensi repertæ , Ruscellio attestante . Alia fuit , quæ in Agro Patavino iuxta Atestem , anno M. D. nostræ salutis , inuenta fuit intrâ fictilem urnam ardens inter duas ampullas , cuius Author creditur Olibius . Eius meminere Bernardinus

Scar-

---

(a) In *Helena Raptu* , (b) *l. 7. c. 5.*

Scardeonius de Antiquitatibus Patauinis, (a) Grutherus, Hermolaus Barbarus (b) in suis Corollarijs, (c) Gesnerus, Citesius in sua Astinente Confolentanea, Petrus Appianus in Inscriptionibus, Porta in sua Magia, (d) Delrius in Magicis, (e) Ruscellius, Rubeus, Eritius, alijque. Non minus admirabilis fuit Lucerna altera anno M.D.L. reperta in Nefide Infula in Neapolitano Cratere sita, quæ rupta, illicò extincta est, si fides præstanda sit eximio rerum naturalium indagatori Ioanni Baptistæ Portæ (f) Neapolitanorum decori. Alterius etiam meminit suo tempore in Monte Quirinali effossæ Iacobus Mancinus in epistola ad Licetum; quam effossores testati sunt à se ardentem adhuc compertam fuisse: cuius lumen à semetipso visum ait Vuolfangus Lazijs. (g) Idem Mancinus aliam etiam commemorat Lucernam Pisanam in ruinis maioris Ecclesiæ adiuventam, calentem valdè, bitumineq; refertam, prout Presbyteri, Canonique eius Ecclesiæ fassi sunt. Bononiæ pariter plures ardentes Lucernas effossas fuisse testantur Porta, (h) Iulius Iacobonius in Appendice de prisca Cæsiorum Gente, & Hieronymus Ruscellius de illustrium Virorum Stemmatibus. Sed omnium,

---

(a) l. 1. class. 3. c. ult. (b) l. 3. c. 11. (c) l. de Lunar.  
(d) l. 3. c. 18. (e) l. 1. c. 5. q. 1. (f) Mag. nat. lib. 1.  
c. ult. (g) l. 2. c. 37. (h) l. 12. c. ult.



omnium, quotquot vulgò circumferuntur, celeberrima fuit Pallantis Lucerna, anno M.CCCC.I. ab agricola quodam non longè ab Vrbe inuenta in Sepulchro lapideo, in quo procerae staturæ Vir, qui è lancea, pectorisque vulnere, Pallans Arcas creditus fuit. Lucerna hæc nec aquæ iniectione, nec flatu extingui potuit; sed in fundo perforata, statim extincta est. Eius meminit Martinus in Chronicis, (a) Ioannes Boccacius in Genealogia Deorum, Philippus Bergomensis in Chronico Mundi vniuersali, & Volaterranus.

Hæc omnia satis, superque, nisi fallor, Lucernarum perpetuò ardentium existentiam euincunt, nisi quis mala fide, affectoque præiudicijs animo experimenta hæc inficiari maluerit; sicut efficit Paulus Aresius in Opere suo sacrorum Emblematum, qui neruis omnibus hæc ipsa demoliri curauit, Pallantis præsertim, atque Tulliolæ: tum ex Pallantei Sepulchri Inscriptione, quæ minimè videtur illius æui barbariem sapere; tum quòd per ea tempora concremari corpora moris esset; tum quia diuitiarum penuria huiusce inconsumptilis olei minimè ferret impensas: tum tandem, quòd testes pro huiusmodi Lucernis afferri soliti, ex auditu dumtaxat sint, non item ex visu. Quas, istæque

---

(a) lib. 12. cap. 67.

que affines Arcsij dubitationes, apud Licetum (a) eruditè, ingeniosèque prostratas vidè. Nobis interea illud ratum omninò sit, plures adesse oculares testes, qui Lucernarum perpethò ardentium existentiam contestati sint: Beltramus imprimis Eques, Cardinalis Estensis nobili seruitio addictus, qui sub Paulo Tertio Tulliolarum Sepulchri inuentioni adfuit: cui adde eruditum Virum Ioannem Baptistam Casalinum Romanum, qui in suis veteribus Christianorum Ritibus (b) se testem de visu fatetur: eiusdemque census fuit Frater Leander Albertus in sua Italiae descriptione, vbi Ioannem etiam Garzonium in testem aduocat; vt alios plures missos faciam irrefragabilis fidei Viros. Quare huiusmodi Lucernarum realitas pro incomperta omninò habenda est.

Alterum, quod subindicauimus punctum, quò scilicèt hoc Lucernarum genus confici valuerit, fateor non rem parui esse momenti, nec adeò facile assequibilem: circa eas enim inextinguibiles flammæ plura caligarunt ingenia, earumq; fumus haud vnus intellectus splendorem obfuscauit. Cum autem res non philologica, verùm philosophica omninò sit, nobis satius erit varias hac de re opiniones referre, iudiciumque ingenioso Lectori committere. Ergò ingenio-  
rum

---

(a) *Toro lib. 5. (b) cap. 32.*

rum Phoenix Augustinus credidit Dæmonum opera tamdiu eas Lucernas arsisse. Simon Maiolus Vulturariensis Episcopus perennem illum ardorem Diuino miraculo attribuit. Ioannes Baptista Porta ad vacui fugam, vel penetrationis periculum, quibus euitandis tam enixè natura satagit, confugium tentauit. Franciscus Citesius ad ellychnium ex amianto incombustibili lapide, oleumque è metallis, aut ex amianto ipsoeductum, recurrit: cui annuens Vuolfangus Lazius, auri etiam oleum, pinguedinemque subnectit: Andreas verò Libauius pulueres insuper, ramentaue Gagatis lapidis addit, supra quæ destillans aquæ gutta, vel vapor, tam diuturnam flammam excitarit. Plutarchus ad ambientis aeris frigiditatem, humiditatemque se recepit, quibus ignis vis, qua oleum consumere solet, retunderetur. Quas opiniones, seù hypotheses Licetus integro secundo libro lacertosè quidem confutat, suam postea adiiciens, quam vtinam pari neruo ipse confirmasset. Supponit enim haud oleum esse, vt vulgò asseritur, ignis pabulum, sed flammæ hoc solùm prodesse, scilicet, vt vinculi, compedisque instar, ignem rerardet, nè in suam auolet sphæram: Aristotelis scilicet somnio præiudicatus, ignis sphæram supra aerem constituentis, quò ignis ipse pernicissimè ferri enitatur. Quare il-

re illud tandem concludit, oleum quoddam ex asbesto, & amianto, similique materia, confici posse, eam seruans cum igne proportionem, ut nec ab eo vinci, nec vincere illum vicissim valeat: quapropter perpetuo nexu, societateque æterna cum suo oleo ignis inextinctus asseruandus foret. Quod ingeniosum Liceti placitum Aresius laudato expugnat loco: suam & ipse sententiam (si vera foret earum Lucernarum existentia) exponens; quatenus per canales quosdam, subterranei specus bitumina in Lucernam confluentia, perpetuum ignis pabulum perennarint. Quod Aresij figmentum à Liceto ipso confossum etiam fuit.

In hac ergo contentionum, & iurgiorum plena disputatione, duo sunt, quæ mihi præ reliquis arrident. Aut enim perpetuus hic ardor conceditur, aut omnino negatur: si primum; tunc dici poterit, mechanicum, artificium in hoc constituisse, ut perpetua quadam circulatione, flammulæ fumus sursum elatus, iterum in oleum addensaretur; atque ita replicato, iteratoque circulo ignis perpetuaretur: prout in alembico, & quotidie in Elementis videre est, cum aqua in vapores soluitur; hi iterum sursum in aquas agglomerantur, atque ita deinceps. Si verò lubeat negare hos perpetuos ignes, dici non omnino ineptè posse crediderim, flammulas, quæ

quæ in Sepulchrorum effossione apparuere , non inibi arsisse semper , sed tum primùm , ob aeris irruptionem , erupisse : quatenus è superstitie olei vntuositate , aeris vi , igniculi in oleo sopiti , extricari , atque in libertatem educi potuerint, vndè momentanea apparuerit flamma citò euanescens; haud profectò absimilis flammulis illis, quas in recens iugulatorum frontibus ipse pluries vidi , è sudoris oleositate erumpentes . Quòd si his nè quidem acquieueris, expectes precor, quæ in meis Philosophicis Progymnasmatibus , partim mente conceptis , schedis partim consignatis , si Deus dederit , traditurus sum , vbi magnetem quemdam indicabo, cuius vi aeris nitrum combustioni idoneū attrahi queat .

*Syllabus Authorum .*

**M**irum semper mihi visum est , quòd Sepulchrales inter Cupressus tot peruolitarint ingeniorum Aquilæ ; inque tumultuum oris tot Cycni , affabris quibusdam modulis , tristes nantias cecinerint : dicam clariùs , quòd tot eximij Authores de Sepulchris scriptitarint . Vt stupore certè non vacet , pereruditorum hominum animas è Monumentis , Mortis sede , vitam quiuisse adipisci ; ditescque sapientiæ thesauris in excauatis hisce scrobibus valuisse effodi ; tantamque è cineribus , ossiumque ariditate exoriri  
fēcun-

fecunditatem potuisse. Nisi dicere mauis, nouum minimè esse, è cineribus Phœnices oriri: aut cineres, ignium ardorem diù asseruare incolumem; cineres demùm ipsos, si Plinio credamus, mirè fecunditatem conciliare. De Re ergò Sepulchrraria pertractarunt imprimis Alexander ab Alexandro Neapolitanus in suis Genialibus Diebus; sola tamen suimetipsius autoritate contentus, Authorum, quibus vsus fuerat, nominibus, locisque suppressis; quos postcà Andreas Tiracuellus summo labore detexit, declarauitque. Successit Ludouicus Cælius Rhodiginus, & Lilius Gregorius Gyraldus: ex quibus Thomas Porcaccius suos sermone Italico Dialogos vnà cùm varijs figuris confarcinauit. Amplissimè verò idem Argumentum pertractarunt Ioannes Baptista Asinius IC. Florentinus ad Titulum Digestorum de Religiosis, & Sumptibus Funerum; Claudius Guicardus Pedemontanus Gallico idiomate: deindè Ioannes Meursius Batauus; & Ioannes Kirchmannus Lubecensis, qui de Sepulchris nullum non mouit lapidem, vixque vnum, aut alterum successoribus reliquit. Ab eo omnia penè ad verbum suscepit Ioannes Andreas Quenstedt. Sed plura prioribus superaddidit Henricus Spondanus in suis Cœmeterijs sacris, tanto equidem Viro dignis. De Iure Manium, Legumque Funerearum inter-

preta-

pretatione plura tradidit Iacobus Guthenius Gallus . Non inconcinna reliquere Ioannes Baptista Hansenius ; Franciscus Peruccius Italico sermone ; Iulius Laurorius ; Onuphrius Panuinius ; Florianus Dulphus ; Iacobus Gothofredus in Deatriba de Cenotaphio ; Paulus Aringus in Roma subterranea ; Henricus de Noris in Cenotaphijs Pisanis ; Iacobus Gretserus ; Franciscus Pomey ; Ioannes Baptista Casalius ; Martinus Geierus ; Fridericus Mülleus ; Iulius Cæsar Bulengerus in Imperatore Romano ; Rosinus cum Dempsterò ; Kippingius ; Emmanuel Gonzalez Tellez in Decretalibus ; Ioseph Laurentius in Polymathia ; Iosua Arndius ; Ioannes Hoornbeekius in Miscellaneis ; Franciscus de Mendoza in Viridario ; Ioannes à Chokier in Face Historiarum ; Conradus Brunus ; Nicolaus Gragius ; Franciscus Ptolemæus ; Ioannes Hieronymus Sopranus ; Ioannes Stephanus Menochius in Republica Hebræorum ; Elias Schedius de Dijs Germanis ; Polydorus Virgilius ; Petrus Bellonius ; Paguninus Gaudentius de Funere Heroum , & Cæsareo ; Ioannes Senebault ; Guillelmus Bernard ; Antonius Bosius in Roma Subterranea ; Ioannes Iacobus Chiffletius de Linteis Sepulchralibus Christi , & in Geminæ Matris Sacrorum Titulo Sepulchrali explicato ; Barthius ; Turnebus, alijque . Antiquos omitto, quorum



rum passim in decursu meminimus . De peculiaribus Sepulchrorum locis disputant Antiquarii : sicut de eorundem structuris Architecti, Albertus præsertim, apud quem plures illorum Ichones reperies . De Lucernis tandem Licetus , Aresius , Cásalius , Porta , Foxius, Guilandinus, Maturantius, Scardeonius, & obiter alij, quos supra laudaui . Quare fateor inopem me tot Scriptorum copiam reddidisse . Illud nobis satius visum est, è tot sepulchralibus lucubrationibus cineres collegisse, sique nonnullæ superfuere, reliquias, è tot diuitum mensis collectas, aut clariori ordine, aut nouis etiam quibusdam saporibus conditas, amæniores reddidisse, inque præsentí Dissertatione, Parentali velut in Cœna, Tyronum exposuisse stomachis: vt sicut vno in Tumulo plura degunt corpora, vnoque in Agro plures Tumuli, ità in sola hac elucubratione tota Sepulchralis structura resideat : de Sepulchralibus enim Ritibus tom.3, Dissert. de Funer. sicut de Christianorum Sepulturis in mea Ecclesiastica Antiquitate sermo erit,



## DISSERTATIO VII.

*De Aedificijs Iudicialibus, scilicèt  
Foris, Basilicis, Rostris, Cu-  
rijs, Græcoſtaſi, Senaculis,  
& Comitio.*



ACRIS locis hucusque à nobis, quantum fas fuit, explicatis, religione quadam affinia fuere ea Aedificia, quæ exercendis Iudicijs dicata erant, vt Fora, Basilicæ, Rostra, Curia, &c. Isthæc enim quamuis minimè sacra, certè sancta habebantur, nec sinè Ritibus, & Cæremonijs dedicari solebant. De his ergò impræsentiarum ordine seruato differendum est.

Vt verò à Foris ordiamur, vox hæc vel à *ferendo* deriuatur, sicut sentit Varro, (a) quòd in Forum merces, tum etiam lites ferrentur: vel à verbo *foras*, eò quòd foris essent, & sub dio, vt nonnulli opinati sunt apud Oſman in suo Lexico, suppressis tamen nominibus. Isidorus etymon deducit à *fando*, eò quia in Foro litigantes, & eementes fari sole-

rent,

(a) 4. de l. l.

rent, sicut etiam alij homines otiosi eò loci  
 ut plurimum conuenire ad confabulandum  
 solent, de quibus Seneca ait, *quibus trina non  
 sufficiunt Fora*. Verùm deriuationem hanc  
 reprehendit Alciatus, (a) & Polletus, (b)  
 quod syllabæ quantitas id minimè patiatur;  
 cùm prima verbi *fandi* longa sit, *Fori* verò  
 breuis. Quæ reprehensio vtrum digna sit  
 tantis viris, an potiùs Grammaticis, ni dixe-  
 rim Proscholis, viderint eruditi. Idem Isi-  
 dorus Forum trahit à Phoroneo Argiuorum  
 Rege, primo fortassis *Fori* repertore. Quæ  
 etiam deriuatio displicet Polleto, cùm non sit  
*verisimile* (sunt eius verba) *Romanos exteri  
 Regis, atque ignoti memoriam, Forique constituti  
 beneficium coluisse, Peloponesum autem, Achaiam,  
 reliquamque Græciam, contempta Regia nomen-  
 clatione; non Phoron; sed Dicastrion pro Foro  
 usurpare maluisse: & post hæc Isidorum vocat  
 virum non tam eruditum, quàm bonum. Vbi  
 certè mirari subit adeò displicuisse Isidorum,  
 nedùm Polleto, verùm omnibus penè Phi-  
 lologis; fortassè quòd Monachum, cellæ au-  
 steritatibus assuetum, amœniori literaturæ  
 ineptum existiment: cùm è contra multa  
 Monachorum solertiæ, eorumque Scholis  
 debeant bonæ Artes, Latinæ præsertim lin-  
 guæ candorem, emortuarumque disciplina-  
 rum restitutionem; Isidoro cumprimis, qui*

B b 2

suo

(a) l. 2. disp. 6. 24. (b) *Hist. For. Rom.* l. 1. c. 1.

suo Etymologico, quibusdam licèt nouis res-  
 perfo, eruditionibus tamen refertissimo, ma-  
 gnā lucem Antiquitati fēneratus est. Vn-  
 dē portentum illud eruditionis Panuinius in  
 principio sui operis de Circensibus Ludis  
 ingenuè ait, *nec parū adiutus sum Isidori ety-  
 mologiarum libris*. Et vt propiūs ad rem no-  
 stram accedamus: idem Isidorus in Fori ex-  
 plicatione laudatur in Capite *Forus* de Ver-  
 borum Significatione. Sed id obiter, & abs-  
 re, in qua versamur. Vt in viam redeamus,  
 omittendus non est Nonius Marcellus, qui  
 notat Forum masculino genere dici apud  
 Lucilium, & Salustium: sed magis verè ex  
 Festo crediderim Forum masculini generis  
 locum quemdam nauis significasse, vt paulò  
 post diceretur. Italis Forum dicitur, *la Piazz-  
 za*. Apud Græcos Fora dicebantur *Dicaste-  
 ria*, quorum Athenis, ex Solonis institutione,  
 decem extitisse notant Comici Interpretes,  
 singula litteris quibusdam inscripta, vt in  
 quo quisque Foro iudicaturus esset, digno-  
 sceretur, sortitione antea facta. Sed hæc ni-  
 hil ad nos.

Diū vocibus hæsimus. In re autem, sex  
 Fori species adducit Festus, *Primò*, inquit,  
*Forum erat negotiationis locus*. *Secundò*, in quo  
*Iudicia*, & *Conciones* haberi solerent. *Tertiò*  
*tūm is*, qui *Prouinciæ præest*, *Ciuitates* vocabat,  
 & de controuersijs cognoscebat, & *Forum agere*,  
 dice-

*dicebatur. Quartò Forum antiqui appellabant, quod nunc Vestibulum Sepulchri dici solet. Quintò locus in navi; sed tùm masculini generis est, & plurale. Sextò Fori significant Circensia spectacula. Sed nos omiſſis reliquis, de ijs tantùm Foris dicemus, quò res ferebantur, vt Varronis etymo insistamus. Quæ duorum fuerent generum: alia enim ad Urbis splendorem, vel ciuilia negotia; alia ad communes populi vsus, & negotiationes, de quibus infra specialis erit sermo.*

*Vt verò rem altiùs repetamus, Forique originem, & diuersitatem magis profundè vestigemus, scire oportet Forum primis temporibus in Vrbe aliud non fuisse, quàm arcam aliquam vacuam, quò merces, tùm etiam exculenta deportabantur, emptoresque confertim conueniebant negotiorum causa. Occasione autem conuentuum, iniebantur in Foris ipsis Iudicia, & conciones ad populum; tùm præsertim cum ijs celebrandis non adhuc Basilicæ, & Curia inuictæ essent. Hinc Forum pro iudicialibus rebus vsurpari cœptum, & Tribunalia Fori nomine appellata; imò Iurisdictio ipsa eadem voce exprimi solita: dicimus enim Forum Laicale, & Ecclesiasticum, Forum conscientia &c. Quantumuis verò Iudicia in Foris exercerentur, erant tamen adhuc ipsa rudia, inculta, ornatuque omnis expertia;*

in quibus proindè Iudiciorum maiestas squallescere, ni etiam sordescere videretur. Quare cogitatum fuit Porticus, Atria, aliasque Aulas, quæ Basilicæ dictæ sunt, Foris adijcere, quò iudicia translata, decentiùs tractarentur. Atque hinc intuecta est distinctio Fori purè venalis, & ad communem populi vsum, & necessitatem; à Foro Iudiciali, quod etiam splendorem, & maiestatem Vrbi conciliaret.

Ex quibus iam perspicuè apparet Fori vsus. Primus enim fuit, res inibi venales exponere, & negotiationes exercere: lites deindè ibidem agitare, conciones habere, otiososque homines per apertam Fori aream, obambulare: ludos denique, non extructis adhuc Amphitheatris, eodem loci celebrare, sicut aliàs dicam.

Sed iam ad generaliora quædam alia, quæ Fora ipsa attinent, explananda pergamus. Et primò occurrit Fororum figura; quam Vitruvius (a) ità determinat: *ut longitudo in tres partes cum diuisa fuerit, ex his due partes ei dentur*, sicut infrà luculentiùs exponetur. Amplitudo Fori non poterat certò definiri, cum à situ ipso dependeret. Eiusdem ornamenta, Porticus nimiràm, Columnæ, Peristylia, Antæ, Statuæ, aliaque id genus, in peculiari cuiusque Fori descriptione explicabuntur.

Sup-

(a) lib. 3. cap. 1.

Superest nunc , vt Fororum numerum recensēamus . Decem ea fuisse opinatus est Rufus : Tredecim Alexander ab Alexandro : Septemdecim Victor : Panuinius verò Nouemdecim : quorum ista sunt nomina , nempe nobiliora , Romanum , Cæsaris , Augusti , Neruæ , Traiani , quibus & adderem Sextum Antonini . Minus nobilia erant Boarium , Piscarium , Piscatorium , Olitorium , Suarium , Pistorium , Argentarium , Archimonium , Sallustij , Cupedinis , Domitij Ænobarbi , Diocletiani , Aurelium , Cæsidiij , Gallorum , Rusticorum , & Macella , quæ inter Fora quoque adnumerari valent . Hic verò antequam illustriorum , eorumque negotijs dicatorum descriptionem aggrediamur , venalia Fora , eaque minùs splendida delibanda sunt ; atque vnà Emporia , & Aræ , cùm hæc sæpè numero in idem conueniant : breuiter tamēn , & velut per saltum ; Dissertationis enim titulus Iudicialia dumtaxat Ædificia complectitur .

Boarium ergò Forum , vt ab hoc exordium prætexamus , ità appellatum vulgò creditur , vel ab ænea Bouis figura (a) in medio collocata ; vel quòd ibi boues vendi solerent . (b) Eius situs Donato , & alijs vulgò fuisse existimatur inter Auentinum , & Tyberim ; itaut latitudo eius fuerit à S. Geor-

B b 4

gij

---

(a) Tac. 12. Ann. (b) Lit. l. 2.



gij Æde ad Auentinum ipsum; longitudo autem à Circo Maximo ad Sanctæ Mariæ Pontem. At verosimilius opinatur Nardinus (a) Forum hocce Tyberim non attigisse, summum verò Scholæ Græcæ Ædem: aliter siquidem per Circum Maximum maiori sui parte transeundo, ineptè à Rufo, atque Victore in octaua Regione fuisset collocatum, cum Circus ad vndecimam pertinuerit. Boarium Forum ad Sancti Georgij Ædem pertigisse, indicio est tum eius Ecclesiæ appellatio, quæ, ad *Vellus aureum*, vocatur; tum propinqui Arcus Inscriptio, vbi in fine sic legitur: *Argentarij, & Negotiantes huius loci deuoti &c.* quæ verba, negotiorum locum, consequenterque Forum fuisse eam Arcam declarant. Erat hic rotundum Herculis Templum; item Matutæ, & Fortunæ, atque Pudicitæ, vt alibi: Arcus item Quadrifrons, qui & Ianus dici solitus, vt paulò post dicam. Præter rerum venditionem, Gladiatoria etiam exerceri munera hoc eodem in Foro moris fuisse, testem habemus Valerium. (b) Hic item, belli tempore, tumultare solebant Romani masculum, atque feminam ex ea Regione, cum qua bellum gerebatur, ex Plinio. (c) E Boario Foro in Pisciarium erat introitus, quod Varro propè fluuium locat. Hinc Donato creditur scun-

---

(a) l. 5. c. 20. (b) l. 2. c. 4. (c) l. 28. c. 2.

cundum Tyberim vsque ad Urbis mœnia ; iuxta Sancti Nicolai in Carcere Ecclesiam, excurrisse : at longè meliùs Nardino, propè Sancti Eligij, Sanctique Ioannis Decollati Templâ; cui & ego suscribo . Hoc in Foro, præter pisces, alia etiam vendi solebant . Diverſum tamen fuit ab altero Foro, *Piscatorio*, appellato, quod à M. Fulvio Censore extructum testatur Liuius : (a) hoc enim iustè ab Antiquarijs in Tranſtyberina Regione constituitur, vbi suos Piscatorios ludos à Piscatoribus celebrari solitos alibi tradam . Piscario proximum fuit Olitorium, ab oleribus, quæ in eo vendebantur, ita nuncupatum . Extrâ Urbem fuisse ex Liuij, quem modò laudauimus, loco, euincitur, qui Spei Templum, quod extrâ Carmentalem Portam extitisse communiter asseritur, in Olitorio collocat Foro : præcisus autem eius situs erat inter Marcelli Theatrum, Tyberim, & Flumentanam Portam, hoc est inter Pontem *di quattro Capi*, & Sabelliorum Domum . Hic erat Columna illa *Lactaria*, vbi infantulos lacte alendos deponere moris erat, ex Festo . Ibidem, sicut & in Capitolio, vendi solebant sub hasta plurimæ res, ex Tertulliano . (b) Erat hic Templum Pietatis, item Iani, aliaque, de quibus alibi dictum est .

Præter hæc Fora, quæ coniuncta penè erant,

erant, sese offert Suarium, seu, vt ex prisca legit Inscriptione Panuinius, *Siarium*; quod ab omnibus penè Antiquarijs eo loci reponitur, vbi nunc Lucensium extat Ecclesia, vulgò, *i Capuccini vecchi*: cui argumento est proxima, eaque antiqua Ædes Sancti Nicolai, quæ, *in Porcis*, appellatur. Vendebantur hîc aut sues, aut suillæ etiam carnes. Forum Pistorium à Domitiano excitatum, sed verò terminatum à Traiano post firmatum à se Pistorum Collegium, credi ritè potest in Testaceo Campo extasse, in quo, aut propè quem, frumentaria Horrea collocanda, esse dicam Dissert. de Cib. & Pot. Forum Argentarium Panuinio commemoratum, idem forsàn fuit cùm Argentariorū Basilica, quæ in Notitia Imperij legitur, vbi argentea vendebantur ornamenta, in octaua Regione eo loco, quem, *la Salita di Marforio*, appellamus, vt benè sentit Nardinus. Archimonium Forum propè Fontem *di Trevi*, vbi Sancti Nicolai Ædes, olim *in Archimonijs* vocata, nunc à *Capo le Case*. Forum Sallustij eo loci, vbi nunc Sanctæ Susannæ Templum, vt ex Actis eius Diuè colligitur. Forum Cupedinis, vel vt apud Symmachum, Cupedinarium, aut in Subura, aut in Via Sacra, Palatinum versùs, constituitur. Vendebantur ibi exculenta lautiora, quæ *cupes*, aut *cupedia* à cupiditate, nisi fallor, dicebantur.

Aliam

Aliam affert denominationem ex Varrone, Donatus; fertur enim duos fuisse Romæ latrones, Cupem, & Macellum, quibus in exilium missis, dirutisque eorum Aedibus, in illarum sitibus binas comparatas fuisse areas, in quibus exculenta venderentur, quæ ab eorum nominibus dictæ sint, à Cupe quidem, Cupedinis Forum, à Macello verò, Macello- rum nomen innectum: quæ deriuatio nescio cur Benedicto Millino in Manuscriptis displicuerit, cum non tam Donatum, quam Varronem habeat authorem.

Alia Fora, quæ Panuinius adducit, lubens omitto, cum nec apud ipsum, nec apud alios illorum explicationem compererim. Quare opportunius erit nonnihil de Macellis paulò antè memoratis, necnon de Emporijs breuissimè attingere. Duo fuisse Romæ Macella, certior res est, quam ut probatione egeat; vnum scilicet in Esquilijs non longè à Sancti Viti Ecclesia, quæ hinc, in *Macello*, appellata, fuit; alterum in Cælio, quod, *Macellum Magnum*, vocatum legitur. Præter hæc duo, multa Romæ extitisse certum est. Macellum enim erat locus quilibet, vbi nedum carnes, sed & pisces venderentur, aliaque huiusmodi: sed illa dumtaxat his nominibus insignita reperio: alia etenim dicebantur Fora, aut Emporia. Erant hæc, loca illa, vbi confertiùs res venales exponebantur. Principale Empo-

Emporium propè Campum Testaceum fuisse, ob commodiorem rerum per Tyberim, transuersionem, alibi dicam. At in insignioribus vijs sua erant Emporia, quæ & Fora, nil dici vetat, vt in Subura, Via Sacra &c.

## SECTIO PRIMA.

*De Foris Iudiciorum exercitio dicatis.*

**E**Xpeditis minoribus Foris, quæq; præter nostrum sunt argumentum, congruum iam est, vt Iudicialia Fora expendamus: & primò omnium *Romanum* sanè antiquissimum. Urbem quadratum Romuli suum habuisse, Forum dubitatione omni prorsus caret: quis enim sibi suadeat consultissimum Romulum, Politicæ Urbis summè inhiantem, Foro astinuisse? Quoniam verò nulla eius apud Scriptores extat memoria, silentio etiam à nobis præreritur. Addito Vrbi, post Sabinorum vnionem, Capitolino Monte, nouum Forum apertum est; quod, aut quia primum, aut quia amplum, antonomasticè *Romanum*, Forum imposterum, inuectis etiam alijs, appellatum est. Dictum etiam fuit *Latinum*, siuè *Latium*: item *Palladium* ab Æde Palladis, quæ in eo fuit: præterea *Vetus*, & *Magnum*.

Antequàm huius magnitudo, figura, & orna-

ornamenta explicentur, situs ipse determinandus est. Cardinalis Baronius, (a) quem sequutus est Iustus Riquius de Capitolio scribens, opinatus est Forum Romanum ad Ædem Sancti Nicolai cognomento, in Carcere, locatum fuisse. Nititur potissimum, Baronius Liuius (b) sic de Tullio Rege loquenti, *Carcer ad terrorem increscentis audaciæ media Vrbe imminens Foro edificatur*. Si ergò Carcer in Foro ædificatus fuit, iam Forum ipsum (de Romano est sermo, tempore enim Tullij Regis aliud vtique non erat) propè Carcerem constituendum est, & consequenter propè Sancti Nicolai Ædem, vbi Tullianum Carcerem extitisse, cognomen- tum ipsum Sancti Nicolai in Carcere indicat. Argumentum verò hoc adeò robustum Riquio (c) visum est, vt concluderet: *si quis contra sentiat, nihil sentiet*. Verùm, petita venia ab Eminentissimo Baronio, de Ecclesiastica Antiquitate optimè quidem merito, pro rato mihi est singularem hanc suam opinionem nullo prorsus modo posse defendi, Cuius tamen accuratiori impugnatione consultò astineo, cùm operam hanc nimis lacertosè nauarit Pompeius Vgonius, & nouissimè Pater Donatus. (d) Quare nobis sat erunt ea, quæ mox afferemus ostensuri situm Romani Fo-

(a) In Not. ad Martyrol. ad diem 14. Martij. (b) l. 1.

(c) De Capitol. c. 47. (d) l. 2. c. 19.

ni Fori inter Palatinum, & Capitolinum, Montem fuisse, satis certè remotum à Sancti Nicolai Æde.

Baronij autem opinio facilè corruct, si eius fundamentum diruatur. Falsò ergò supponit Baronius Tullianum Carcerem in Æde Sancti Nicolai *in Carcere* extitisse, cùm potius in altera Æde Sancti Petri cognomento item *in Carcere*, sub Capitolio locandus sit. Cuius demonstrationem ex ipsismet Liuij verbis peterem, qui Tullianum Carcerem *in media Vrbe* fuisse ait. Quis autem ità insaniati, vt Ædem prædictam *in media Vrbe* dixerit, quippe quæ propè Theatrum Marcelli, in Montanario Foro sita, extrà Portam Carmentalem, ipsamque Urbem erat? Urbis enim mœnia, vsque ad Aurelianum, ad Montanarium Forum minimè pertigisse, Dissert. 3. satis ostendimus. Ædem è contrà Sancti Petri *in Carcere* meditullium, antiquæ Urbis occupasse, habitatis scilicèt vndique montibus, ex eadem Dissertatione, vbi prisca mœnia determinauimus, liquidissimè constat. Estò igitur alius Carcer co loci extiterit, vbi nunc Sancti Nicolai Ædes visitur, diuersus tamen fuit à Tulliano, quem Liuius propè Forum *in media Vrbe* locauit. Et forsitan ille est, quem P. Victor in Regione IX. Carcerem CL.XVIR. appellauit, quæ notæ aut sonant, *centum sexaginta virorum*,  
vel



vel *Claudij Decemviri*. Nec dicant Baronij af-  
 fectæ *Ædem Sancti Nicolai*, in *Carcere Tul-*  
*liano*, aliquot ab hinc annis appellatam esse.  
 Hæc enim appellatio apud imperitum vul-  
 gus rudibus sæculis inualuit, contra mar-  
 moreæ Tabulæ fidem, quæ propè Templi  
 huius fores hodièque visitur, vbi hæc ver-  
 ba: *Ego Romanus Presbyter diuinæ dispensatio-*  
*nis gratia Sanctissimi Confessoris Christi Nicolai,*  
*& Ecclesiæ quæ in Carcere dicitur Procurator, &*  
*Rektor*: vbi nullum *Tulliani* additamenti ap-  
 paret vestigium.

Expugnata Baronij Machina superest Mar-  
 lianus, (a) & cum eo non pauci, qui Roma-  
 num Forum excurrisse aiunt per Campum,  
 qui dicitur, *Vaccino*, ad Titi Arcum vsque.  
 Tantam verò longitudinem antiquiorem,  
 non facit Marlianus Augusti temporibus,  
 quippè quem Forum ampliassè credit, ex  
 Suetonio (b) malè à se intellecto, cum antea  
 vix primas Palatini Montis radices, vbi nunc  
 Sanctæ Anastasiæ Ædes, attigisset. Nitun-  
 tur ipsi potissimum Halicarnassei (c) verbis,  
 qui asserit, *Valerium Publicolam habitasse in Col-*  
*le Velia*, qui *Foro imminabat*; Veliam verò  
 propè Titi Arcum extitisse pro incognito  
 sibi habet Marlianus. Sed verò cum non  
 fuisse Fori Romani situm, indè apertissimè  
 constat, quòd Templum Pacis, & Faustinae,  
 hodiè

---

(a) l. 3. c. 1. *sue Romæ*. (b) *In eius vita*. (c) l. 5.

hodiè Sancti Laurentij in Miranda , à Rufo , & Victore non ad Forum , sed ad Sacram Viam extitisse dicantur . Diversam quinimò Regionem obtinuisse ; Forum enim in Regione VIII. locatur; prædicta autem Tempia in Regione IV. Accedit his, omnia Ædificia, quæ planitiem Vaccini Campi olim implebant , quæque à nobis Dissert. de Dom. & de Templis explicata sunt , apertè quidem , suadere Forum, quod utique libera area esse debebat, per illum non excurrisse .

Argumentum Marliani falsum supponit , Veliam scilicèt propè Arcum Titi extitisse . Id quod quantum à vero abhorreat, ex ipso met Marliano ità deducere . Inquit enim ipse , ab Augusto ad Arcum Titi protensum fuisse Forum ; quod licèt mihi falsò sit dictum, ( Suetonius enim nunquam ait Forum Romanum ab Augusto ampliaturum, sed alterum Forum Romano propinquum ab eo Principe extructum fuisse) pro re tamen nostra satis est ità Marlianum credidisse . Tempore igitur Publicolæ , qui longè Augustum antecessit , ad Arcum Titi Romanum Forum non pertigisse necesse est . Et tamen , cùm asseruit Halicarnassens, *Domum Publicolæ fuisse in Velia ad Forum*, clarè , nisi fallor , indicavit Forum ad Domum Publicolæ , & consequenter ad Veliam vsque excurrisse . Velia ergò certè aberat à Titi Arcu: si enim  
hîc

hic extitisset, iam Romanum Forum, quod vsque ad Veliam traxit Halicarnassens, ad Arcum Titi peruenisset Publicolæ tempore antè Augustum, quod Marlianus inficiatur. Aduocet ipse propitiam Ariadnem, vt ab hac labyrintho se expediat. Circa situm Velix legatur Nardinus (a) clarè ostendens in eo Palatini latere fuisse, quod Ecclesias Sanctæ Mariæ Liberatricis, & Sancti Theodori respicit; in quo situ nos Forum locabimus.

Situs ergò Romani Fori in ea Valle fuit, quæ Palatinum, & Capitolinum Montes interiacet. Veritatem hanc ab Antiquarijs penè omnibus subscripam, multis argumentis stabilierunt Vgonius, (b) & Donatus; (c) quæ hic adducere ab re existimo, tùm quia satis sunt obscura, & proluxa; tùm quia res hæc tanti non est, vt pluribus opus habeat. Vnus sufficiat Linij locus, (d) qui Sabinum Bellum describens ait: *Metius Curtius ab Sabinis Princeps ab Arce decurrerat, & effusos egerat Romanos tanto quantum Foro spatium est, nec procùl iam à Porta Palatij erat.* Porta ergò Palatij in Foro. Illam verò in ea Palatini parte extitisse, qua Capitolinum respiciebat, Dissert. 3. dictum est. Inter vtrumque igitur Montem Forum locatum erat. Videantur

C c

quæ

(a) l. 4. c. 4. & l. 6. c. 12. (b) De Station. Urb. (c) l. 2. c. 16. & 17. (d) l. 1.

quæ attulimus initio Diss. 3. ubi Urbis quadratæ gyrum ex Tacito determinantes, ad Vallem inter vtrumque Montem sitam eum terminasse ostendimus: quare cùm Tacitus finem mœnium in Foro constituerit, consectorium erit, vt in ea Valle Forum ipsum constituatur.

Ad idipsum suadendum notam adderem coniecturam ex Vitruuio (a) petitam. Hic enim Fori symetrias exponens ait: *Græci in quadrato Fora constituunt*. Ad Romanos paulò post deueniens inquit: *non eadem ratione est faciendum*: scilicèt Urbis Forum non potuisse quadratam figuram obtinere; & rationem addit: *ideò quòd à maioribus consuetudo tradita est Gladiatoria munera in Foro dari*. Ex quibus postea concludit: *igitur circum spectacula spatiosiora inter columnas distribuuntur*. Et tandem Fori figuram determinat inquiens: *latitudo autem ità finiatur, vti longitudo in tres partes cùm diuisa fuerit, ex his duæ partes ei dentur: ità enim oblonga erit eius formatio, & ad spectaculorum rationem utilis dispositio*. Hæc Vitruuius: ubi anceps diù fui in assequendo Vitruuiani textus germano sensu. Satis quidem percipio ampliora, quàm apud Græcos, esse debuisse Urbis Fora, quòd in ijs Gladiatoriij ludi iniherentur. Illud verò mihi difficultatem ingerebat, quòd, vt Fori amplitudo obtineretur,

opus

---

(a) lib. 8. cap. 1.

opus fuerit à quadrato recedere , oblongaque vti formatione, vt ad *spectaculorum rationem utilis foret dispositio* . Quid enim impedimento fuisset, nè Forum quadratum quidem esset , vnàque amplissimum ? Dubium hoc , quod à Vitruuij Scholiastis omissum animaduerto, facem prætulit coniecturæ , quæ Fori situs dignosci apertissimè possit . Cùm hæc scriberet, animum intendebat Vitruuius ad vetus Romanum Forum ; quod cùm inter duos montes locatum esset, nec potuerit eius latitudo, obstantibus montibus , ampliari , optimo sanè iudicio asseruit Vitruuius debuisse oblongum constitui , vt longitudine latitudinis iacturam compensante, necessaria ludis amplitudo obtineretur . Quòd si in Vaccini Campi planitie , aut alibi , vbi collium saxea pertinacia minimè restitisset , Romanum Forum, sicut ait Marlianus , Baronijs, alijque, fuisset, ineptè desperasset Vitruuius amplitudinem Fori cum quadrata figura coniungere : Vaccini enim Campi area vtrumque sanè passa fuisset: eò vel maximè, quòd primis Romæ temporibus ea planities minimè habitaretur . Concludatur itaque , necessitatem ipsam constituendi Forum oblongum, clarissimo indicio esse, nusquam alibi, quàm inter Palatini, Capitolinique Montis angustias fuisse locatum . Vndè prætereunda non est docti ceteroqui Philandri

oscitantia, qui cùm in Vaccino Campo Forum locasset, dubium tamen hoc minimè persentijt .

Figura Romani Fori, ex modo allatis Vitruuij verbis, quænam fuerit, apertissimè constat . Ex tribus enim longitudinis partibus duæ latitudini concedebantur . Philander non improbat, *si Forum dupla erit longitudinis ad latitudinem* . Sed id contra Vitruuij mentem, quem illustrandum, ipse, non oppugnandum suscepit .

Stabilito Fori situ, & figura, facile erit eiusdem mensuras determinare . Latitudo fuit eadem, quæ inter Palatinum, & Capitolinum montem adhuc visitur . Id quod ex vestigijs ipsis, quæ adhuc extant indubitanter colligi ait Nardinus : (a) Tres enim Columnæ Ædi Sanctæ Mariæ Liberatricis proximæ, Arcus Seueri, & altera, quæ propè ipsum erigitur, Columna, clarissimè indicant antiqui Fori latitudinem . Quod si ex Vitruvio longitudo tertia parte latitudinem superabat, perspicuum est Forum ab Æde Sancti Hadriani incipiens, oppositam Sanctæ Mariæ, quæ dicitur, *della Consolazione*, minimè attigisse ; ad summum verò Ædiculam S. Mariæ Gratiarum . Quam longitudinem illud confirmare videtur, quod Ædes Sanctæ Mariæ Liberatricis dicta etiam fuerit, *Sancti Siluestri*

---

(a) lib. 5. cap. 2.

*stri in Lacu*, indè, nisi fallor, quòd Lacum; Curtium respiciat. Cùmque hic Lacus meditullium Fori occupauerit, vt mox addam, par est, vt dicamus situm prædictæ Ædis, Fori Romani medietatem olim occupasse; quod si hodièque longitudo, quam supra indicauimus, ritè perpendatur, eandem Sanctæ Mariæ Liberatricis Ædem in medio eius constitutam comperiemus.

Sed age iam inuestigemus Fori ornamenta. Primis Urbis temporibus præter puram putam aream nullo ipsum ornamenti genere fulgebat. Atque hoc eodem squallore usque ad Tarquinium Priscum Regem permansit. Hic enim primus Forum Porticibus cinxit. (a) Non est tamen existimandum in Theatri modum Porticibus continuato ductu coronatum fuisse: Id enim impedièbat ab vna parte Comitium, quod magnam Fori portionem occupabat; ab altera verò Tabernæ, & Tempia. Quare iure coniici potest in illis dumtaxat vacuitatibus; quæ Tabernas, & Tempia interiacebant, additas à Tarquinio Prisco Porticus. Id quod Halicarnassæus (b) indicasse videtur, qui de Tarquinio ait: *Forum mercatorum, ac fabrorum tabernis cingens, alijs ornamentis nobilitauit*: vbi nullam habuit specialem Porticuum mentionem. Liuius etiam circa Forum, ait,



*Porticus, Tabernæque factæ; quæ argentariæ utique fuerunt. Tractu temporis Tabernæ Templis, & Basilicis locum cessere: vndè Liuius (a) ait: septem Tabernæ, quæ postea quinque &c. Quod ad Porticus pertinet, erant ipsæ concameratione duplici, nixæ columnis, aut pilis Tiburtini lapidis, cum suis epistylijs: ijs enim temporibus non adhuc marmoris usus, ut Dissert. 4. ex Plinio docui. Cùm ludi ederentur, ornari solebat Forum statuis, & picturis. (b) Cæsar carbasinis velis Forum, texit, ut spectacula innoxie conspicerentur. Idem præstitit Octavia Augusti Soror, ut salubrius litigantes consisterent. (c) Sed aliter sentijt Cato Censorius, qui litium osor, nè litigantes hoc Forum frequentarent, ipsum muricibus strauit, sicut ait Plinius, (d) muricum nomine intelligens acutos lapillos, sicut Nonius interpretatur. Ut eadem spectacula commodius à populi multitudine inspicì possent, extruebantur tabulata, & subsellia, de quibus Vitruuius, circum spectacula, inquit, spatiosiora intercolumnia distribuuntur, mentianaque superioribus coaxationibus collocantur: ubi Philander (e) notat, coaxationes dixit pro tabulatis, ab axibus, idest à tabulis.*

In medio Fori erat Colossus Equestris Domitiani ex ære inauratus: de quo Statius cecinit:

---

(a) Dec. 3. l. 5. (b) Ascon. in 4. Verr. (c) Suet. in vit.  
(d) l. 19. c. 1. (e) In Notis ad hoc cap.

cinit : *Quæ superimposito moles geminata*, (alii legunt *geniata*, alii *gemma*) *Colosso*, *stat Latium complexa Forum &c.* Hic Colossus post Domitiani funus iussu Senatus sublatus fuit. Alias statuas vide apud Panuinum, quarum illæ duodecim Deorum Consensum inauratæ omnem admirationem superabant. (a) Plures in Foro columnas extitisse indubitatum mihi est, eò quod antiquior sit columnarum usus, quam statuarum, ut dicam tom. 2. Dissert. de Trophæis. Memoria solum extat Pilæ Horatiæ, cui affixa erant Trigeminorum Horatorum spolia : (b) item Columnæ Milliariæ in Capite Fori constitutæ, ad quam omnes Italiæ viæ desinebant, ut vidimus ex Plinio Dissert. 3. In eodem Foro propè Rostra Columnam extitisse, in cuius apice solare horologium Plinius (c) testatur: sicut etiam Columnam Mæ-niam, & Duiliam, de quibus alibi. (d)

Lacus Curtius medium Fori locum occupabat. Lacus hic Curtius dictus est, quòd Metius Curtius Sabinus in eo naufragium passus fuerit. (e) Hic Lacus creditur fuisse vorago illa repentino hiatu horribilis, in quam Curtius Romanus Eques se armatum proiecit, ut, iuxta Oraculi monitum, statim clauderetur. (f) Alijs existimatur locus fulmine

(a) Varr. de Re Rust. l. 1. (b) Halic. l. 3. (c) l. 7. c. ult.  
(d) l. 34. c. 5. (e) Liui. l. 7. (f) Varr. 4. de l. l.

tactus, proindèque ob Religionem à Curtio Consule clausus; numquam enim visus est aquas continere: vndè de eo Ovidius ait: (a) *siccas qui sustinet aras*. Ibidem erat olea, vitis, & ficus, quarum frondentibus ramis populus ab æstivi Solis ictibus se tueretur. (b) Fuit in Foro Cloaca Maxima propè Lacum Curtium, quem ab illa exiccatum existimat Varro. Non longè à Cloaca erant Doliola, ubi, sunt Varronis verba, *non licèt despuere: eorum duæ traditæ sunt historiæ, quòd alij esse aiunt ossa cadauerum, alij Numæ Pompilij religiosa quædam post mortem eius infossa*. Donatus (c) ex Liuius (d) credit eum locum ità appellatum, quòd inuadentibus Urbem Gallis sacra quædam dolijs inclusa ibi recondita fuerint, de quibus nos Dissert. 2. Verum Doliola hæc Liuij, non in Foro, sed in Quirinali locanda esse alibi tradam. Ædificia, & Tempia, quæ circa Forum erant, Dissert. 4. & 5. iustraui-  
mus. De Tabernis dicam tom. 3. Dissert. de Artibus. Basilicas Fori comites infrà explicabimus. Eius tandem situs ex superioribus satis liquet.

Sed tempus adest, vt à Romano ad Cæsaris Forum transeamus. Aucta Ciuibus Vrbe, cùm ampliori Foro opus esset, antiquum verò, adiacentia circùm Ædificia, dilatari  
mini-

---

(a) 6. Fast. (b) Plin. lib. 15. cap. 18. (c) lib. 2. c. 20.  
(d) lib. 5.

minimè paterentur , aliud Cæsar aperuit eo tempore , quo in Gallia bellum gerebat ; vt ità indicaret Cæsaris munificentiam potuiffè miracula etiam è longinquo patrare . Suetonius inquit aream Foro destinatam à Cæfare coemptam *sestertium millies* , idest aureorum duobus millionibus cum dimidio . Quam hyperbolicam summam quis sibi valeat persuadere ? eò præsertim quòd Cæsaris Forum magnificentia quidem , at non situs amplitudine enituerit . Hinc Leonardus Portius apud Brodæum (a) mille legendum putat, non *millies*; idque confirmat Baptista Egnatius ex Plinio ; & Polletus ex eodem : cuius verba hæc sunt : *Pyramides Regum miramur opera, cum solum tantum Foro extruendo sestertijs mille ducentis emerit Cæsar* . Quam summam , ait Polletus , imparem omninò esse priori , cum ex ea tantum triginta millia coronatorum redigantur . Sed Lipsius Plinij textum aliter affert , non enim habet *sestertijs mille ducentis* , vt apud Polletum , sed *sestertijs millies* , qui numerus idem est cum Suetoniano , Vtri credendum sit , iudicium penès Lectorem esto . Mihi quidem vterque textus mendo non caret , cum tantus excessus insolens videatur modico solo coemendo : nec difficile admodum fuit imperitis Scribis *millies* pro *mille* reponere : & nos Dissert. 3. iam vidimus

---

( a ) In Notis ad Poll. de Foro c. 3.

dimus quot huiusmodi deprauationibus obnoxius fuerit Plinij textus.

Huius Fori situm Antiquarij quidam (a) in eo collocant spatio, vbi nunc Ædes Sancti Laurentij in Miranda, & Templum Pacis. At falsò: hæc enim loca à Rufo, & Victore in quarta Regione constituuntur; Cæsaris autem Forum in octaua. Præterquamquod Forum hoc còusque translatus, Romano proximum minimè fuisset, prout vulgò traditur; nec Ouidius Iani Templum iure dixisset vtrique Foro coniunctum. Quare saniori quidem consilio reponendum illud existimo inter Sancti Laurentij in Miranda, & Sancti Hadriani Ædes; itaut Templum Sancti Hadriani, quod initium erat Romani Fori, Cæsariani fuerit finis; dicam melius, vtriusque nexus: quibus si proximum Neruæ Forum addideris, iure Anastasius Sancti Hadriani Templum *in tribus Foris* valuit nuncupare.

Fori huius si capacitas inspiciatur, non magna equidem fuit: at si ornamenta, Porticus, columnæ, & statuæ intercolumnijs positæ, iure asserere potuit Dio: (b) *Forum Cæsar extruxerat Romano pulchrius*. Habuit hîc Cæsar statuam loricatam; cùm Romanæ militum, ac Ducum statuæ thoraces forent, vt ait Plinius, (c) & nos tom.2. Dissert. de

Sta-

---

(a) Fulv. & Marlian. (b) l.43. (c) l.34. c.5.

Statuis. Cæsaris equus ex ære, suo, quo  
usus fuerat, persimilis: de quo Suetonius ait:  
*pedibus propè humanis, & in modum digitorum,*  
*ungulis fixis, eumque non patientem sessoris alte-*  
*rius, primus ascendit.* Suspiciatur Donatus (a)  
hunc equum à Lysippo antea Macedoni fa-  
ctum, transtulisse Cæsarem, mutatisque vn-  
gulis, suæ statuæ accomodasse. In medio  
Fori crexit Cæsar Veneri Genitrici Tem-  
plum, à qua per Æneam, & Iulum originem  
iactitabat; illudue extruxit, vt votum solue-  
ret, quod antè Pharsalicum bellum conce-  
perat. (b) Huic Templo *Cleopatra perillu-*  
*strem Deæ imaginem contulit,* sunt Appiani ver-  
ba; quæ etiam addit, ad eius latus statnam,  
etiam Cleopatraræ fulsisse. Eidem Templo  
addidit Cæsar thoracem ex Britannicis mar-  
garitis: item sex dactyliothecas, idest gem-  
mas plures, quasi thecam gemmarum. (c)  
Aiacis etiam, & Medæ picturæ præ cæteris  
micabant. Columnæ cuiusdam rostratæ me-  
minit Quintilianus, de qua re nos alibi. Adhæ-  
rebat Templo Atrium, de quo disputant  
Antiquarii. At mihi creditur idem fuisse  
cum Basilica, ob structuræ similitudinem, vt  
mox videbitur. Atrium Libertatis, quod hîc  
videtur à Tullio collocatum, existimauerim  
fuisse potiùs in Auentino.

Supè-

---

(a) cap. 21. (b) Appian. de Bell. ciuil. l. 43. (c) Plin.  
lib. 9. cap. 35.

Supereſt nunc , vt Auguſti Forum deſcribamus . Princeps hic , Cæſaris non modò in Imperio , verùm etiam in ipſa munificentia hæres, animaduertens duo, quæ deſcripſimus, Fora, nè quidem auctæ multitudini ſufficere , tertium addidit è ſuo nomine appellatum . Situm erat propè Cæſaris Forum , vt ab illo uſque ad Capitolium, & Ædem Sanctæ Martinæ protenderetur, è poſtica ſcilicèt huiuſce Ædis parte . Quare Sancti Hadriani Templum tria hæc Fora complectens , meritò ab Eccleſiaſticis Scriptoribus, in *tribus Foris*, dictum eſt . Hinc laudata ſuperiùs Fora pro vno, eodemque accepit Statius , (a) illud uè *trinum Forum* appellauit . Si eius ſpectaculis molem , anguſtum fuit ; quam tamen anguſtiam eximiæ Auguſti moderationi attribuit Suetonius, inquiens : *Forum anguſtum fecit , non auſus extorquere poſſeſſoribus proximas Domus* . Si verò ſplendorem , & pulchritudinem metiaris , anguſtum ſanè fuit , & tanto Principe dignum: vndè *inter præcipua eius opera* dicitur Suetonio , & à Plinio (b) *inter quatuor admirabilia Urbis Ædificia* recenſetur . *Cauſa extruendi fuit hominum, & Iudiciorum multitudo, quæ videbatur, non ſufficientibus duobus, etiam tertio indigere* , vt idem Suetonius loquitur ; qui ſic tandem concludit : *itaque feſtinantiùs publicatum eſt* . De qua feſtinan-

---

(a) 4. Sylu. (b) l. 36. c. 5.



nantia falsum narrat lepidissimi Augusti  
scommma Macrobius, (a) *Cùm*, inquiring,  
*multi*, *Seneca Cassio accusante*, *absoluerentur*, &  
*Architectus Fori Augusti expectationem operis diu*  
*traheret*, ita iocatum esse, vellem, *Cassius* &  
*meum Forum accusasset*: quasi subindicans, quòd  
si illud Cassius accusasset, absolutum statim  
fuiſſet: vbi æquiocationis lepor iucunditate  
non caret.

Ornamenta huius Fori, Augusti magnifi-  
centiam æquabant. Duas habuit Porticus  
in oppositis lateribus: in Alis enim extabat  
hinc Martis Templum, indè verò Basilica.  
Templum, rotundum erat, Marti Vltori di-  
catum, cui ipse vouerat in Philippensi Bello,  
quod cùm Bruto, & Cassio gesserat, ex Suc-  
tonio. Templi huius fastigium Statuis Deo-  
rum insigniebatur, quas elegantissimè, more  
suo, descripsit Ouidius; (b) magis insignis fuit  
Apollo ille eborcus à Plinio memoratus:  
apud quem & plures Tabulas pictas eiuf-  
dem Fori videsis. Insuper Statuas omnium  
Ducum Romanorum triumphali effigie in vtraque  
Fori sui Porticu dedicauit: Professus edicto com-  
mentum id se, vt ad illorum velut exemplar, &  
ipse, dùm viueret, & insequentium ætatum Prin-  
cipes exigerentur à Ciuibus, vt ipse ait Sucto-  
nius. Qui Romani Duces mihi creduntur  
fuisse Reges tùm Albæ, tùm Romæ ab Ænea  
vsque

vsque deducti . Ab Hadriano postea restau-  
ratum , ornatu etiam auctum fuit , Simula-  
chris scilicet è Græcia adductis , vt testatur  
Spartianus .

Vsus Fori huius fuit Iudiciorum celebra-  
tio, ex Suetonio, qui ait: *in eo sic publicato cau-  
tum est, vt separatim publica Iudicia , & sortitio-  
nes Iudicum fierent* . Martis ludi inibi editi .  
Carmina item recitata , vt alia id genus præ-  
teream .

Post Forum Augusti , paulò remotiùs à  
Romano, fuit Neruæ Forum. Excitatum fue-  
rat à Domitiano : eo autem occiso, Neruæ  
successor perfecit , ac dedicauit , ex Suetonio .  
Eius situs fuit ab Augusti Foro vsque  
ad Quirinalis radices , vbi nunc Ædes , *de'  
Grilli*; cuius indicio est ingens è quadratis la-  
pidibus murus , qui hodièque visitur , qui-  
que in partem Templi Sancti Basilij com-  
mutatus est . Pertinuisse verò ad Neruæ Fo-  
rum indè liquidò constat , quòd elapsis an-  
nis Neruæ nomen in eo muro legeretur , vt  
ex Inscriptione, quam affert Faunus , videre  
est . Non procùl ab eo muro tres proceræ  
Columnæ, quibus Campanaria Turris Eccle-  
siæ Sancti Basilij imposita est, reliquæ esse  
dicuntur Templi Neruæ , quod utique in-  
cuius Foro iuxtà antiquum morem fuit . Su-  
perioribus annis eodem in loco columnæ  
maiores imposito epistyllo , fastigioque ex-  
tabant,

tabant, adiecto titulo : IMP. NERVA, quæ deformatæ , Paulo Quinto regnante , in tabulas sectæ, ad Ianicularem Aquæ Bracchiænæ Fontem exornandum translatae sunt .

Forum Nervæ appellatum fuit, *Transitorium* , non quia per illud in alia Fora transiretur, vt sentit Marlianus , & alij ; id enim non erat huius solum Fori proprium ; sed quia Iani Templo insigniretur , cui quatuor inerant Portæ , siuè Arcus : hanc enim formam Quadrifrontis Iani Tempora sibi vendicabant : Iani autem huiusmodi quadrilateri, *Transitiones*, dicebantur ; quòd transeuntibus semper paterent , sicut Dissert. 3. indicauimus . Hoc Iani illustre Templum Nervæ, ex humiliori Delubro in Forum transtulerat, ex Martiali . (a) Ædem quoque Palladi ibi extruxit Domitianus , quam velut sibi propitiam præcipuè colebat; hinc, *Palladium*, Nervæ Forum dictum est, ex Aurelio Victore in Nervæ . Ex his duobus Templis illud Palladis crediderim in medio Fori extitisse ; Iani verò quadrifariam peruium potius in transitu , adituque fuisse : id enim videtur huic Deo tributum , quòd extrema coniungeret .

Forum Nervæ ornatissimum fuisse , illud persuadet , quòd ædificatum fuerit à Domitiano æmulatione quadam Cæsaris , & Augusti .

---

( a ) lib. 10. ep. 28.

gusti. Accessit Alexandri Seueri liberalitas eidem Foro exornando valdè profusa; de quo audiatur in eius vita Lampridius: *Statuas Colossas, vel pedestres, vel equestres locavit omnibus cum titulis, & columnis æreis, quæ gestorum ordinem continerent exemplo Augusti*. Credit Lipsius columnis additas etiam Porticus; deceptus, nisi fallor, Pausaniæ verbis, qui Tecti meminit, & Camerationis æneæ: deceptus, inquam, (& cum eo Fulvius, ac Marlianus) loquitur enim ibi Pausanias de Traiani Foro, ut ex contextu ipso apparere potest.

In Foro Neruæ non solum Iudicia exercebantur, verum etiam Rei quandoque multati sunt. De Vetronio enim Turino, qui acceptis muneribus, multa, Imperatoris nomine, petentibus falsò promiserat, sic idem Lampridius: *in Foro Transitorio ad stipitem illum ligari præcepit Alexander, & fumo appositò necavit, præcone dicente; fumo punitur, qui vendidit fumum*.

Sed verò sileant iam enarrata hucusque Fora, & Traiano, seu Vlpio nuncupato, omnium magnificentissimo, locum, & sedem cedant. Huius situm velut testis omni exceptione maior confirmat immanis, ni dicam enormis illa Cochlis, *Traiani Columna*, vulgò appellata, quæ hodièque visitur inter Capitolini, & Quirinalis Montis radices. Cum enim Architecturæ leges dicent in  
medi-

meditullio Fori illam collocandam fuisse, necessarium est, vt circa ipsam, Traiani Forum collocemus. Vtriusque Collis abruptæ crepidines paruum sanè arcem Foro relinquerebant; at hîc enituit Traiani munificentia: complanata enim Quirinalis parte, & æquatis vallibus, latam planitiem, ipsa reluctante natura, comparauit, insignis illius Architecti Apollodori opera. Idipsum indicat Columnæ Inscriptio, quæ in eius basi legitur: nam post Traiani titulos, hæc sunt verba: *ad declarandum, quantæ altitudinis mons, & locies tan . . . bus sit egestus*. In cuius postremo versiculo, cum aliquæ desint syllabæ, quarum defectum punctis adnotauimus, ita illas supplet Egnatius, *tantis opibus*: Marlianus *tantis operibus*: sed optimè omnium ad rem nostram Donatus, *tantis ex collibus*: nec dissimiliter Ianus Gruterus, *tantis ruderibus*. Hæc enim loquendi formula reperitur etiam in Inscriptione Arcadij, & Honorij, vbi ita legitur: *ob instauratos muros egestis immensis ruderibus &c.* Columna hæc alta pedes C. XXVIII. exprimit in extrema facie, sculptura Anaglyptica admirandi operis, facinora Belli Dacici, post quæ à Traiano feliciter gesta, à Senatu ei dedicata fuit. Continet II. M. D. hominum figuras partim integras, dimidias partim, præter equos, arma, aliaque insignia; omnia verò vna manu, vnoque scalpro in-

sculpta, sicut periti diiudicant. Vnica hæc Columna loco multorum voluminum esse posset eruditis: exhibet enim antiqua sacrificia, pugnas, victorias, trophæa, & huiusmodi sexcenta: ut meritò in tot Hieroglyphicorum explanatione summi viri insudarint, præsertim Petrus Ciacconius, Petrus Bellorius, & Raphael Fabrettus, quos omninò legi velim. In Columnæ apice Colossus Traiani stetit hastam tenentis, atque auream pilam, in qua eiusdem cineres recondidit Hadrianus, insolenti equidem fauore, cum eo temporis extrà Urbem recondi solerent, ut adnotatum nobis est Dissert. 6. Eminent nunc Diui Petri Simulachrum, qui Traiano summè illustrior, non Romanum Imperium, denicta Dacia, sed debellatis Inferis, cæleste Regnum propagauit.

Traiani Fori ornamenta non mediocrem, vulgaremque eloquentiam poscerent. Attendatur emphasis Cassiodori; (a) *Traiani*, inquit, *Forum, vel sub assiduitate videre miraculum est*. Quo nihil efficacius concipi ad elegantiam potuisset: pulcherrima enim quæque in assiduo aspectu fastidiunt. Accedat Marcellinus, qui de Constantio ait: *cùm ad Traiani Forum venisset, singularem sub omni Cælo structuram, etiam Numinum assentione mirabilem, habebat attonitus, per Giganteos contextus*  
cir-

---

(a) lib. 1. var. Epist.

*circumferens mentem, nec relatu effabiles, nec  
rursus mortalibus appetendos. Ex quibus ver-  
bis nonnulli opinati sunt singulas Atrij co-  
lumnas crassitudine, ac celsitate Cochlidem,  
quæ extat, æquasse: qui enim alij esse potue-  
runt Gigantæi contextus, nec relatu effabiles? Sed  
meis diebus dubietas omnis sublata est; vidi  
enim ipse ingentium columnarum non mo-  
dica fragmenta in Æde, seu Monasterio San-  
ctæ Susannæ excavata, è quibus, ceu tot vn-  
guibus, qualis fuerit leo apparet; vix enim  
à Cochlide superantur. Tradit Pausanias  
Tectum, & Camerationes, Arcus, Epistylia,  
& Coronas ex ære fuisse; sicut & Statuas in  
Fastigijs positas æneas inauratas, præter Gel-  
lium, Numismata etiam Traiani ostendunt.  
De Templo id negat Donatus. In medio  
Fori ingens assurgebat equus ex ære, Traia-  
num ferens, cui cum similem condere vellet  
Constantius, respondit ei Ormisda Persa; *at  
prius Stabulum tale condas*, sicut testatur Am-  
mianus; ex quibus verbis colligit Nardi-  
nus, (a) equum non in Foro, sed intrà Ba-  
silicam extitisse; aliter enim ineptè se ges-  
sisset Ormisda Stabulum Foro, quod sub dio  
erat, comparando. Sed his minutijs non est  
immorandum; comparationes enim, & me-  
taphoræ sat est, vt in aliquo conueniant. Ha-  
buit idem Forum, vt & alia, Templum, &*

D d 2

Basi-

(a) lib. 5. cap. 9.



Basilicam, de quibus infrà : item & Bibliothecam, quam Diocletianus in suas Thermas transtulit, vt alibi : item Arcum Traiano ipsi erectum, vt tom.2. Dissert. de Trophæis.

Auxerunt postea Fori pulchritudinem alij Cæsares : nam Marcus Antoninus iis Nobilibus, qui Bello Germanico interierant, Statuas in Foro Vlpio collocauit : & Alexander Statuas summorum Virorum in Foro Traiani erexit, *undique translatis*, vt ait Lampriidius. Duarum, quæ fuerant omnium præclarissimæ, meminit Pausanias, scilicet Augusti Cæsaris ex electro, & Nicomedis Bithyniæ Regis ex ebore. In Bibliotheca eodem Foro adiacente Arcadius, & Honorius Statuam Claudiano Poetæ erexerunt, vt vetus demonstrat Inscriptio : sicut Victorino Rethori Constantius, ex Hieronymo. (a)

Præclarissimum Traiani Forum, præter Iudiciorum vsum alijs etiam Foris communem, multis insuper illustrioribus exercitijs insignitum fuit. In Basilica enim Vlpia noui Consules Kalendis Ianuarij seruos manumittere solebant. Hadrianus gratiam hominum aucupaturus, pecuniam, quæ Fisco debebatur, debitoribus remisit, & syngraphas incendit in Foro Traiani, *quò magis securitas omnibus roboraretur*, vt ait Spartianus. Ibidem tabulas publicas, ad priuatorum

---

(a) In Chron.

rum securitatem, exuri iussit Aurelianus; Marcus verò Antoninus profecturus ad Bellum Marcomannicum, exhausto ærario, in Foro Traiani *auctionem ornamentorum Imperialium fecit, vendiditque aurea pocula, & Chrysellina, & Murrhina, vasa etiam Regia, & vestem uxoriæ sericam*, teste Capitolino in eius vita. Hic tandem Commodus, cum togam sumpsit, congiarium dedit, ex Lampridio.

Quinque descriptis hucusque Foris sextum adderem Antonini; quod eo loci locatum fuisse omninò crediderim, qui hodièque *Platea Columnæ* appellatur, ab extante adhuc columna, quæ à Senatu Antonino Pio erecta creditur ex Numismate apud Erizzum, ubi columna visitur cum his literis, DIVO PIO. Quoniam verò sculptum in ea cernitur Marcomannicum Bellum à Marco Antonini successore gestum, cuius indicio est pluvia ibi expressa, quam Christiana Legio miraculosè inter eius Belli ardores à Deo impetrarat, (licet Romani prodigium suo Ioui attribuerint) hinc inferunt eruditi hanc columnam à Commodò post Marci mortem extructam: quam Sixtus Quintus restauravit, D. Pauli signo in eius apice collocato. Ut sit, congruum est, ut credamus tam vastam columnæ molem suo etiam Foro non caruisse, unà cum Templo,

cuius meminit Victor; & Basilica, quam Donatus ibi extitisse putat, ubi nunc Platea, di Pietra, cui argumento esse credit marmoreas, quæ adhuc visuntur, columnas cum Epistylijs; sed de his iam satis.

## SECTIO SECVNDA.

*De Basilicis, Rostris, Curia, Græcostasi, Senaculo, & Comitio.*

**M**Ansuetudo diu in Foris sub dio: In commodiorem nunc locum nos Basilicæ inuitant. Dictum nobis sæpius, post Romanam gentem moribus exultam, inque ciuiliorem politiam redactam, è Foris ad Basilicas translata Iudicia, suam maiestatem resumpsisse. Hinc singulis Iudicialibus Foris adiunctæ Basilicæ; vnde Vitruuius (a) ait: *Basilicarum loca adiuncta Foris, quamcalidissimis partibus oportet constitui, ut per hyemem sine molestia tempestatum se conferre in eas negotiatores possint.* Basilicarum nobilitatem vox ipsa demonstrat: *Basilica enim Regiam Domum sonat.* Hinc rectè Isidorus (b) *Basilicæ*, ait, prius vocabantur *Regum habitacula*, unde & nomen habent: ideòque meritò Philander (c) infert, initio loca fuisse, quò conuenirent Principes

---

(a) L. 5. c. 1. (b) In Etym. (c) In cit. Vitruv. loc.

pes ad Ius dicendum; postea verò quàm additum est Tribunal, Basilicam negotiatoribus cessione, Tribunali magistratibus relicto: de qua re mox sermo redibit. Erat ergò Basilica locus spatiosus, tectus, ornatus, Iudicijque peragendis dicatus.

Admodum tamen serò Basilicæ in Vrbe inuectæ. Anno enim D.XXXIII. ab V.C. in Consulatu Marcelli, & Leuinij non agnitas adhuc Basilicas testatur Liuius, (a) qui de hoc anno ait: *neque enim tunc Basilicæ erant*. Portiam, quæ omnium prima creditur, eò quòd antè illam nullius prorsus extet mentio, conditam fuisse Anno D.LXIV. in Consulatu L. Portij, & P. Claudij, testis est idem Liuius, qui de hoc anno inquit: *Basilicamque ibi fecit, quæ Portia appellata est*. Huius exemplo aliæ ædificari cœperunt, nedum publicæ, verum etiam priuatæ in Principum domibus, priuatis scilicet Iudicijs exercendis dicatæ, de quibus nos Dissert. 4. de Domibus.

Sed age, Basilicæ formam perscrutemur. Fuit ipsa Ædificium, quod duplici, aut quadruplici columnarum ordine, Medianam testudinem simplici, vel duplici hinc, atq; indè Porticu cingebat: ita Daniel Barbarus: (b) sed longè clariùs Leo Baptista Albertus (c) Basilicæ formam ita explicat: *quòd esset Basilica quidem laxior, primarijs testis non suffi-*

D d 4

cien-

(a) l. 6. (b) In cit. Vitr. loc. (c) l. 7. c. 14.

*cientibus, circumaddidere Porticus patulas hinc-  
atque hinc, primò simplices, mox etiam duplices.*  
Habebat præterea Tribunal in capite, ostio  
oppositum, vbi paries curuabatur, vel pari,  
vel minori, quàm semicirculi flexu; eaque  
flexura Tribunal dicebatur, vbi Iudicia exer-  
cerentur.

Vt autem descriptio hæc magis ob oculos pateat, augustiorum nostri temporis Templorum, quæ Nauibus, vt vocant, prædita sunt, exemplar nobis proponamus; vt est Lateranensis Basilica: sicut enim dicam mox, sua Templa è priscis Basilicis Christiani mutuati sunt. Vt ergò Lateranense Templum mediam habet Nauem; hinc verò, atque hinc minores Naues: ità Gentilium Basilicis inerant in longitudine Ambulationes, Vitruuius vocat, *Medianam*: additæ è lateribus, alarum instar, Porticus, aut simplices, seu singulis lateribus vna, vt in Templo Sanctæ Mariæ Maioris videre est; aut duplices, in lateribus scilicèt singulis binæ, sicut in Laterano. In his Porticibus ij, qui ad negotiandum conuenerant, spartiabantur. Tecta vt plurimum testudinata erant, pilis, columnisque innixa. Locus ille, quem in nostris Templis Latini, *Apsidem*, Itali dicunt, *la Tribuna*, Gentilium Basilicarum Tribunali respondet, vt nomen ipsum indicare videtur. Erat verò muri flexus in Basilicæ capite ad  
emi-

emicycli formam, vt hodièque in primarijs Romæ Templis videre est .

Ea erat communium Basilicarum forma . Nobilissimæ autem præter binas hinc indè Porticus , & Medianam Nauem , habebant insuper transuersam Ambulationem secundum Tribunalia, quam laudatus Albertus sic explicat : *& iunxere hæc Ambulationes inter se lineamento ducto ad T literæ similitudinem: itaque Basilica ex Ambulatione constat, atque Porticibus.* Transuersam hanc Ambulationem Itali in suis Templis appellant , *la Nave Croce* . Ob quam Crucis similitudinem , extructis à se Templis, eam, quam in Lateranensi inspicimus figuram , tradere voluit Constantinus, & Papa Sixtæ, quippè sub cuius auspicijs de hostibus Constantinus triumphauerat . Relictis interim Christianis Aedibus, de quibus in mea Eccles. Antiq. dicam, Vitruuium audiamus , qui ait : *Sin autem locus erit amplior in longitudine , Chalcidica in extremis constituentur , vt sunt in Italia Aquiliana ,*

In voce autem, *Chalcidica*, quam Vitruuius affert , non parùm insudarunt , tùm Vitruuii Interpretes , tùm Architecti ipsi . Barbarus *Chalcidica* pro Thermis capit ; perindè ac si iniquorum quorundam causidicorum maculæ aquis purgari possent . Alij apud Philandrum pro officina cudendis pecunijs illam eandem acceperunt; minori sanè errore, lites

lites enim, & Iudicia magnam habent cum pecunijs affinitatem, & sympathiam. Sanissimè omnium Donatus de transuersis illis Ambulationibus Vitruuium interpretatur, quas ideò *Chalcidica* appellasse conijcit, quòd è Chalcide nobili Eubææ Vrbe illas acceperint Romani, cùm antea simpliciori opere Basilicas suas struerent; vel ad ostendendam eius operis excellentiam, Chalcide enim splendidè ædificari solebat; vndè Arnobius ait: *scribuntur Dij vestri in Triclinijs cælestibus, atque in Chalcidicis aureis cænitare.* Atq; hinc etiam Mineræ Templum ab Augusto extructum, ob eminentiam, *Chalcidicum*, dictum fuit, vt alibi. Ità Donatus (a) doctè quidem, sed omnia ex Philandro. Quòd si meam quis sententiam poposcerit, ego sanè do manum Donato, & Philandro; pro certo habens *Chalcidicarum* nomine, transuersas illas Ambulationes Vitruuium intellexisse. Ad præcidendas tamen tricas, atque ambages existimauerim corrigi commodè posse Vitruuij locum, si pro voce, *Chalcidica*, reponatur, *Causidica*, quòd illic, propè quippè Tribunal, confertiùs turmæ causidicorum versarentur, vt mox dicam.

In explicando Basilicarum situ non est, cur diutiùs immoremur: erant enim *Foris coniunctæ*, sicut ait Vitruuius: aut è lateribus,

---

(a) lib. 3. cap. 25.



bus, aut etiam in medio, prout loci opportunitas postulasset. Earum ornamenta ad structuram pertinentia, ut Columnas, Pluteum, Epistylia, Zophoros, Coronas, Parastatas, & huiusmodi sexcenta, satis explicat Vitruvius supra laudatus, eorum etiam mensuras, & proportionēs determinans; à quibus astinco, cum puram putam Architecturam sapiant. Illud in compendio nosse sit satis, cinctas fuisse Basilicas Porticibus concameratis, ex coaxatis contignationibus immixtis in Parastatas, columnis, aut pilis adiunctis, supra quam contignationem altera est, & superior Porticus, cuius Tectum testudinatum alijs postibus, parastatis, & arctarijs sustinebatur. Medium spatium, & quasi superior Porticus, *Pluteus* vocabatur, qui in utrumque latus per intercolumnia peristylliorum liberum habebat prospectum. Parastatę verò duplices erant ad latitudinem Porticus, sicut & columnę perpetuo scaporum ducta ad Basilicę latitudinem. Ità P. Victor eam Fori Basilicam describens, cuius Architectus fuerat Vitruvius. Interim Basilicę proportionēs ab eodem Vitruvio (a) ità stabiliantur: earum latitudines nē minùs quàm ex tertia, nē plus quàm ex dimidia longitudinis parte constituantur, nisi loci natura impederit.

Ex enarratis Basilicę partibus Naues designa-

---

(a) lib. 5. cap. 7.

stinatæ erant negotiatorum discursantium  
 itibus, redditibusque; hinc *Ambulationes* ap-  
 pellari solitæ. *Chalcitica*, scè iuxtà nostram  
 emendationem, *Causitica*, proprior erant Cau-  
 fidicorum, Rhetorumque locus, quippè cùm  
 propè Tribunal forent. In Tribunali consi-  
 stebant Iudices, tum Ordinarii, tum Dele-  
 gati; Patroni insuper, Cognitores, Notarii,  
 aliique Officiales, vnà cùm testibus. Ibi  
 erant subsellia minorum Iudicum, at sella  
 Curulis, pro maioribus, de quibus fusè di-  
 cam tom. 3. Dissert. de Iudicijs. Præter or-  
 namenta fixa, vt columnas, parastatas &c.  
 Porticus ipsæ, & Naues alia serè ornamenta  
 non habebant. Pars longitudini obuersa,  
 quam nos appellauimus, *Causidicam*, metallis  
 præterea, marmoribus, aliisque pretiosorum  
 lapidum crustis, & operibus fulgebat, quòd  
 proximior Tribunalibus foret.

Vt præcipuarum nunc Basilicarum cen-  
 sum adnectamus, recondendum, quod supra  
 inuimus, primam, quæ Romæ visa sit, fuisse  
 Basilicam Portij. Marcus enim Portius  
 Cato Censor in antiquo Foro, coempto Mē-  
 nij Atrio, suam Basilicam ædificauit: ex  
 multis verò Mēniani Atrij Columnis, vnā  
 sibi Mēnius reseruauit, vbi tignis superim-  
 positis, & extrorsum proiectis, ludos in Fo-  
 ro spectaret: vndè imposterum similes tigno-  
 rum proiecturæ, *Mēniana*, appellari cœpe-  
 runt.

runt . Non paucos post annos accessit Basilica Sémpronia in Vico Tusco : & multò post , Basilica Opimia in Foro , propè Curiam , & Græcostasim , de quibus mox . Item in Foro Romano Basilica Iulia , & Pauli Æmilij , *Phrygibus columnis insignita* , vt ait Plinius : imò hanc duplicem fuisse , ex Tullio colligitur . Basilica Caij , & Lucij ab Augusto eorum nomine condita , creditur extitisse propè Sanctæ Bibianæ Ædem , vbi sphæricus visitur fornix , lateritijs nixus parietibus , quem Fuluius ait suo tempore appellatum , *Galluzij Thermas* , idest Caij , & Lucij . Sed his refragatur Nardinus ; cò quòd si hærica forma Basilicis insolens , Templorum verò propria fuerit : vndè sphæricum Sanctæ Bibianæ fornicem , Templum Mineræ Medicæ credit ; Basilicam verò Caij , & Lucij eam esse potuisse suspicatur , vbi nunc Sanctæ Mariæ Ægyptiacæ sacra est Ædes . Basilica Pompeij suo theatro adnexa propè Ædem Sancti Caroli de Catenarijs erat . Suam habuit Traianus in proprio Foro . Gordianus in Campo Martio pedum mille . Antoninus in Platea , *di Pietra* . Suam instituerat Seuerus inter Campum Martium , & Septa Agrippina , longitudine pedum mille , itaùt tota columnis penderet : quam opere complere haud potuit , morte niimirum præuentus , sicut Lampridius testatur .

Sed,

Sed, relictis Basilicis, alia Iudiciorum loca nobis lustranda sunt. Occurrunt vetò primò omnium Rostra. Quid hæc fuerint Liuius(a) declarat. Deuictis enim per C. Menium anno V.C.CCCC.XVI, maritima classe, Antiatibus, Naues eorum partim in naualia, Romæ subductæ, partim incensæ: *Rostrisque earum suggestum in Foro extructum adornari placuit, Rostraque id Templum appellatum.* Verum enim uerò nolim quemquam hic cum Blondo decipi, amplum quoddam Aedificium sibi Rostra effigendo, quòd Templi nomine à Liuius ea insignita fuerint: Templum enim dici meruere, quippè sacra, & inaugurata, ut initio huius Dissertationis admonuimus. Ceterum aliud ea non erant, quàm simplex Pulpitum, aut Suggestus, qui Tribunal Plinio (b) dicitur ità inquiringenti: *Antea Rostra nauium Tribunali præfesta Fori decus erant.* Dicam clariùs, consistebant Rostra in Sede quadam basi innixa, ut ex Numismate Palikani apud Augustinum (c) clarè apparet.

Sita fuisse Rostra in medio ipso Fori, indicat manifestè Appianus (d) cum ait: *Caput Marij à Sylla suspensum ad Rostra in medio Fori.* Idemquè haud dissimilibus verbis asseruit de Faustuli capite Halicarnassens. Neque hinc credat quispiam Fori medium hîc pro centro capi: Ibi enim collocatis Rostris, iam,

dimi-

---

(a) .8. (b) l.16.c.4. (c) l.2. Dial. (d) Bell. Civ. 1.

dimidia Fori pars, quæ post orantem erat, (in Rostris enim conciones ad Populum fieri solitas mox addam) conuentibus Populi inutilis omninò fuisset: quis enim orantem à tergo inspiceret? Locanda ergò sunt non in media Fori arca; sed in alterutrius laterum medietate. At cuius inquis lateris? Eiusnè, quod Palatinum, an quod Capitolium respiciebat? Cùm Asconius Rostra, *propè iuncta Curia* asseruerit, Curiam verò ad Palatini Montis latus extitisse infra demonstraturi sumus, iure sanè optimo huic eidem lateri Rostra adhæsisse iudicabimus. Cùmque Fori medietatem ostensum superiùs sit eò collimasse, vbi nunc Sanctæ Mariæ Libetratricis visitur Ædes, congruum omninò est, vt hic demùm Rostra, ipsa constituerimus; itaùt Oratores Palatino terga, frontem Capitolio, è qua parte populus Foro aderat, verterit. Quòd si oppositum ex Plutarcho in Gracchijs colligi posse videatur, quòd ille de Caio Oratore, tamquam rem insolentem, narret, ità concionatum, vt non ad enatum, & Comitium, vt mos erat, sed ad Forum conuersus, consisteret: consideret opus est Caium hunc in Comitijs pro lege ferenda orasse; in quibus casibus fateor Oratores non ad Forum, sed ad Senatum, & Comitium verti solitos; ibi enim Senatores congregati aderant: ceterùm in alijs casibus res aliter,

ter , vt antè dictum est , se habebat .

Hæc de veterum Rostrorum situ . Quoniam verò apud Rufum , & Victorem , in Regionum Urbis descriptione , Rostra numero II. rotata conspiciuntur , hinc suspicati sunt nonnulli , plura Rostra Romæ extitisse . At malè ; ex Scribarum enim imperitia mendum hoc in libros Rufi , & Victoris irrepsisse , indè colligi potest , quòd Dio , & Asconius , Rufo , & Victori synchroni , translata quidem , at non multiplicata dixerint Rostra . *Erant*, inquit Asconius , (a) *Rostra non in eo loco , quo nunc sunt , sed ad Comitium , propè iuncta Curia* ; Dio verò : (b) *Suggestum , quod in medio Fori tunc erat , translatum fuit ad locum , ubi nunc conspicitur* . Sed quò inquis translata , & à quo ? Transtulit illa Iulius Cæsar , sicut idemmet Dio affirmat : hinc *Rostra Iulia* , ab eodem appellantur . Summa equidem id factum sagacitate , vt ità Rostra in magis angustum locum asportando , populi auctoritatem paulatim imminueret , postea omninò pessumdandam . At quò asportata ? Consulendus est Suetonius , qui de Augusti funere loquens ait : *Bisariam laudatus est , pro Aede Diui Iulij à Tiberio , & pro Rostris sub veteribus , vel vt aliqui corrigunt , particula , sub , è medio sublata , veteribus , à Druso* . Ex quibus inferri certò potest , noua Rostra pro Aede Diui

(a) *In Antoniana . (v) l. 43.*

Diui Iulij, vbi Augustus à Tiberio laudatus fuit, extitisse; funebres enim laudes in Rostris haberi solitas mox dicam: id quod Dio clariùs asseruit, qui de eodem funere scripsit: *ex alijs Rostris, Iulij nuncupatis, Tiberius publicè ità orauit &c.* Ædem autem Iulij sub Palatino Colle fuisse, propè angulum Fori australem, tradidimus Dissert. 4. de Domibus. Hùc ergo vetera Rostra translata sunt.

Rostrorum vsus multiplex fuit. Hìc Rhetores orabant, agebantque causas; conciones ad populum habebantur, nedùm ab Oratoribus, sed ab ipsis adhùc Consulibus in principio, & fine sui magistratus: ferebantur hìc etiam leges: Defuncti ibidem laudabantur, fatali lecto pro Rostris collocato, vt suis locis fusè dicam. Tractu temporis, grassantibus Romæ seditionibus, *Capita casorum*, sicut loquitur Florus, *proponere in Rostris iam vsitatum erat: verùm sic quoque Ciuitas lachrymas tenere non potuit, cùm recisum Ciceronis caput in illis suis Rostris videretur, nec aliter ad videndum eum, quam solbat ad audiendum concurreretur*: Antonius enim præcisum Oratoris caput, vbi ille eodemmet anno aduersus eum dixerat, poniturauit: idemque de Octauiò Consule fecerat Marius. Vndè meritò ità conqueritur Plinius: *anteà Rostra Fori deus erant, veluti Populo Romano corona imposita: Postquam verò Tribunitijs seditionibus calcari,*



*ac pollui cæpere , tàm à pedibus eorum subiere , in capita Cuium Rostra .* Cæsari in aurea sella pro Rostris sedenti , ludosque Lupercales spectanti, Antonius Consul diadema imposuit, Regnique obtulit insignia, sicut nos ipsi in Dissert. 2. diximus. Propè Rostra, plerisque insignes viros Statuas equestres habuisse , ex historijs liquet , Syllam præsertim , Pompeium, & Augustum, de quo Paterculus ait : *qui honor non alijs per trecentos annos , quàm Pompeio, & C. Cæsari contigerat .*

Sequitur nunc , vt Curias ingrediamur . Curia nomen à *cura* deriuatur, ex Varrone: (a) licèt alijs à Græca voce, *Curia*, quæ concionem primò , deindè locum , vbi Magistratus creabantur , significabat: Canonistis verò , à *cruore* , vocabulum trahitur. Principiò vox hæc sonabat vnam è triginta illis partibus, in quas Romanum Populum Romulus distribuit , quæ & Curia appellatæ sunt: postea verò Ædem Sacram , in qua vnaquæque Curia sua sacra curabat: postremò autem locum omnem , in quo Senatus Rempublicam curare solebat: in qua posteriori significatione ad præsens pertinet argumentum , quod Iudicialia Ædificia completitur : de Curijs enim , in quas Pop. Rom. diuisus fuit, dicam tom. 2. Dissert. de Iur. Pop. Rom. Curia tandem , vbi sacra sua

exer-

exercebant, idem prorsus erant cum Templis, de quibus Dissert. 5. dictum satis est. Vfus ergò Curiarum, de quibus hìc est sermo, erat potissimùm pro Magistratuum creatione, concionibus, alijsque Iudicijs, publicisque actibus peragendis. De earum structura nihil certi apud Authores reperire fuit: mihi nihilominus creditur rudes olim fuisse, nec ad modum Basilicarum columnis, antis, peristylijs, porticibusque excultas; ità enim Vitruvius in suis Architecturæ libris utique earum meminisset: sed potius ad modum Exedrarum, seu magnorum Conclavium, ut essent excipiendo Civium numero idoneæ.

Circa numerum Curiarum, earumque situm, nonnulla est controuersia. Hæ vulgò recensentur: Curia veteres, Hostilia, Calabra, Pompeij, Pompiliana, Iulia, Augusti, Gerusia, Octaviae, Leucadia, ac Saliorum, ut apud Alexandrum ab Alexandro (a) breui exaratas calamo legimus: quibus ego Præturam Præsentissimam adijcerem: ut Græcorum Curias missas faciam, scilicet, Cholargeam, Phylaidarum, Prytanion &c. Illas tamen à laudato Aurhore indicatas, nostrum erit liberaliori manu describere, situsque earum proprios peruectigare.

Ut à veteribus Curijs incipiam, dictum, nobis superius fuit Dissert. 3. in Palatino eas

E c 2

exti-

---

(a) *Gen. dier. l. 1. c. 16.*

extitisse, in illo scilicet eius Collis angulo, qui D. Gregorij Templo opponitur; quamvis non desint nonnulli, qui ad Titi Arcum easdem collocauerint; & alij propè S. Petri in Vinculis Ædem: at falsò, vt mox apparebit. Atque has Curias antiquissimas existimo, à Romulo ipso in Vrbe sua quadrata excitatas; sicut nomen ipsum subindicat, Tacito (a) enim *Curia veteres* appellantur. Quamvis verò eo loci innuere videatur Tacitus, antè Urbem conditam veteres Curias adhuc fuisse; quippè cum, primam Urbis designationem explicans, dicat; *fulcum designandi Oppidi ad Curias veteres* peruenisse: id tamen figuratè Tacito vsurpatum existimem, quod figuræ genus, *Hysteron Proteron*, scè *anticipationem* Rhetorici appellitant: cui meæ opinionationi præter Festum mox afferendum, illud indicio esse potest, quòd inquit ibidem Tacitus, *fulcum* ipsum ad *Forum Romanum* terminasse; quod tamen antè Romulum minimè extitisse, certò certius est. Quas meas coniecturas quanti valent, vendere velim.

Aucta verò Vrbe, alijs Curijs opus erat. Quare, sicut ait Festus, *novæ Curia proxime Compitum Fabricij edificata sunt*, quòd parùm *ample erant veteres à Romulo factæ*. Quas novas Curias satis ad rem Nardinus (b) in prima

---

(a) 12. Ann. (b) l. 2. c. 3.

ma Regione Capena, vbi Vicus, Compitumque erat Fabricij, constituit. Sed hæc nihil ad nos: loquitur enim ibi Festus de sacris Curijs, vbi sacrificia curabantur, vt supra dictum est. Successit ergò Hostilia Curia à Tullo Hostilio Rege erecta. De eius situ disputarunt amica concertatione Alexander ab Alexandro, & Pomponius Lætus, sicut ille laudato testatur loco. Occasionem verò disputationi attulit vetus Lapis in ruinis Templi Pacis effossus, cuius hæc erant verba, IN CVRIA HOSTILIA: vndè in Pacis Templo eam extitisse credi iurè poterat, sicut Fuluius, & Marlianus postea credidere. Sed ego quidem nolim in Lapidem hunc ingenia offendere, atque à recta veritatis via deflectere. Susplicari itaque possumus, vel Lapidem illum aliò illuc translatum; vel, adhuc si in Templo Pacis semper ipse manserit, haud indè concludi Hostiliam Curiam inibi extitisse, cum lapis Curiam quidem, at non locum commemoret. Non est itaque cur ob modicum, obscurumque Lapidem præclarissimos deferamus Aucthores, Varronem, Halicarnassem, Asconium, & Vitruvium, qui in Foro Romano hanc Curiam collocant. In qua autem Fori parte? In eius meditullio constituitur Donato: sed longè rectius Nardino propè Sanctæ Mariæ Liberatricis Ædem, inter Hor-

reum, quod inibi visitur, tresuè illas, quæ prostant adhuc, columnas: ita enim iurè dicere potuit Varro laudatus: *antè hanc* (Curiam Hostiliam) *Rostra*; vt ex indicato superius Rostrorum situ apparet. Non erat tamen in planitie ipsa Fori, verùm in eleuata Palatini radice, vt per gradus in eam pateret accessus. Pluribus ornata erat statuìs &c.

Curiam Hostiliam temporis ingluuie fatiscentem Sylla restaurauit: (a) restaurata verò, cùm P. Clodij corpus incensum in ea fuerit, incendio & ipsa periit. (b) Cuius restituendæ cura Fausto, Syllæ filio, commissæ fuit: opus verò ab eo neglectum, Cæsar aggressus est ex Senatus decreto: morte tamen præuentus, cùm illud imperfectum reliquisset, ex Populi placito, & impensis completum fuit, eique, *Curia Iuliæ*, inditum nomen, quam tamen Augustus dedicauit. (c) Nè verò existimes aboletum omninò fuisse Curia Hostiliæ nomen; à Rufo enim sub hoc nomine adnotata reperitur.

Sed antiquiora iam resumamus, & Curiam Calabram explicemus. Ità appellata, vulgò creditur, à *calando*, seu *vocando*; (priscis enim, *calare*, idem erat, ac *vocare*) eò quia ad eam, vt Seruius (d) inquit, *calabatur, idest vocabatur Senatus, vocabatur & populus à Rege*

(a) Plin. l. 34. c. 6. (b) Dio l. 40. (c) Dio l. 44. & 51.  
(d) 8. Aen.

Rege Sacrificulo, ut, quoniam adhuc Fasti non erant, ludorum, & sacrificiorum prænoscere dies: clarius verò Macrobius, (a) & nos Dissert. de Anno, & tom. 3. Dissert. de Festis. In editiori erat Capitolij apice, in Arce scilicet, propè Manlij, & Romuli Domum, ex Virgilio supra laudato. Augusti, & Iulij Curias modò attulimus. Curiam Pompeij commemorat Suetonius in Iulio; & Gellius, (b) qui refert ibidem Iulium Cæsarem coniuratorum manibus oppressum obiisse. Gerusiam, quæ & *Seniorum* dicta, apud Varronem (c) videsis; sicut & Octauiam, apud Plinium. (d) Addi his posset Prætura Præsentissima; quæ in Notitia Imperij ita legitur, *Præsentissimum Choragium*: at non sinè mendo, cum legi debeat interpunctè, *Præsentissimum. Choragium*. In ea Esquilini Collis erat parte, quæ Amphitheatrum Flauij respiciebat. Nomen verò Præturæ habuit, quod in ea Prætor Urbanus singulis quibusque mensibus publica Festa, *Compitalia*, appellata, indiceret; sicut è Curia Calabra Rex Sacrificulus *Menstrua*, indicebat, ut supra, & alibi melius ex Varro-ne, & Macrobio exponemus.

Reliquum iam est, ut transeamus ad Græcostasim. Erat ipsa locus ille, ubi Nationum sisterent Legati, qui ad Senatum essent missi, sicut

Ec

4

ait

(a) 1. Sat. cap. 1. (b) lib. 14. cap. 7. (c) 4. de l. l.

(d) lib. 35. cap. 5.

ait Varro ; in quo scilicèt , vel anteaquam ,  
ad Senatum introducerentur , vel postquam  
introduciti fuissent , responsa expectantes de-  
tinebantur . Nomen verò , *Græcostasis* , è Græ-  
cis inuectum fuit , tamquam nobili Prouin-  
ciarum parte , teste Varrone , qui ait : *is, Græ-  
costasis appellatur, à parte, ut multa* . Existima-  
tur communiter , & certè satis benè , fuisse  
Græcostasim Porticum quandam , aut Xy-  
stum , vel Conclaue speciosum , ornatumque .  
At de eius situ non leuis est inter eruditos  
controuersia . Propè Curiam Hostiliam fuis-  
se , certò certius sit ex Varrone , qui de Græ-  
costasi ait : *sub dextera Curia à Comitio locus  
substructus &c.* de præciso tamen eius loco est  
disceptatio . Summos conatus egit Nardi-  
nus , (a) vt illum ritè stabiliret : sed obscuri-  
tate rei deterritus , obscuriorem illam suis  
tricis , atque mæandris reddidit , instar sepiæ ,  
quæ atramentum fundit , nè capiatur à pisco-  
tore . Quantum verò inspicio , videtur ille  
Græcostasim à Curia seiungere , vt hanc , il-  
lamque Comitium interponeretur ; ait enim :  
*La Curia al Comitio congiunta non hauea solo la  
porta, e le scale verso il Foro, mà anco vn'altra  
laterale è necessario, che hauesse, per cui i Legati  
delle Nationi straniere si solcuano dal Greco-  
stasi introdurre per il Comitio nel Senato: aliquantùm  
verò post, locum pressius indicans, addit : il*

Gre-

---

(a) lib. 5. cap. 3.



Grecoſtaſi deue di neceſſità porſi nell' oriental Cor-  
no del medefimo Comitio, ch'era trà la Via Sacra ,  
e l'altra , dalla qual dicemmo diuiderſi la Regione  
quarta, & ottaua : di maniera che il Grecoſtaſi frà  
la medefima ſtrada , e'l Comitio ſi fraponeſſe quaſi  
incontro alla via ; c'hoggi è trà San Lorenzo , e  
San Coſmo , e Damiano . Quam ſuam opinio-  
nem tùm ex Plinij (a) loco confirmat , vbi  
ait : cūui à Curia inter Roſtra , & Græcoſtaſim  
proſpexiſſet &c. tùm ex Varrone, qui inquit :  
ſub dextera Curia à Comitio locus ſubſtruētus &c.  
quæ verba Nardinus vertit: ſotto la deſtra del-  
la Curia di là dal Comitio .

Verūmenimuerò poſt diutinum huius  
opinionis examem , falſam illam competij ,  
nulloque prorsùs modo à Curia ipſa Græco-  
ſtaſim diuidendam , ſed velut eius fuiſſe ap-  
pendicem , imò etiam partem . Quòd du-  
plici mihi ſuadetur momento : tùm ſcilicèt  
Varronis loco rectè perpenſo , tùm non ine-  
pta coniectura . Si enim Varronis conſi-  
derauerim verba , apparet de Curia cum lo-  
quentem , eodem nexu verborum ſtatim ad  
Græcoſtaſim tranſeundo adiungere, ſub dextera  
huius locus ſubſtruētus &c. vndè liqueat , Græ-  
coſtaſim ad Curiam ipſam pertinuiſſe , ei-  
demque coniunctam . Quibus accedit , &  
ratio ab ipſa Græcoſtaſis definitione petita :  
cūm enim locus foret, vbi Legati in Curiam  
intro-

---

(a) lib. 8. cap. 60.

introducendi, aut etiam introducti commo-  
rarentur, consentaneum rationi est, Curia  
fuisse coniunctam: quis enim sibi ritè sua-  
deat, totum Comitij spatium Legatis fuisse  
adeundum, vt Senatus responsa haurirent?  
cùm hodièque appareat eos, qui ad Princi-  
pes introducendi sunt, in Palatij conclau-  
bus, vulgò, *le Anticamere*, detineri. Erat er-  
gò Græcostasis Porticus concamerata, aut  
Xystus, vel Exedra, aut conclauis, Curia ta-  
men adnexum, ad idemque ædificium spe-  
ctans. Quam meam sententiam licèt nemi-  
nem habeat authorem, fautricem tamen ha-  
bet rationem.

Primus Plinij locus haud video, quí Nar-  
dino queat fauere, cùm verba illa, à *Curia in-  
ter Rostra, & Græcostasim*, non modò huius à  
Curia distantiam non indicent, verùm & è  
contra coniunctionem, quatenùs *Curiam*,  
mediam inter Rostra hinc, & indè Græco-  
stasim, testantur. Locus tandem Varronis  
pro modulo suo, quem ipse animo conce-  
perat, à Nardino explicatur; cùm satis com-  
modum, germanumque habere possit sen-  
sum, à *Comitio*, idest Comitium versùs, seu  
è Comitij parte; at supra Comitium, sicut è  
Plinio audiuius: Curiam enim, cuius ea pars  
erat, in editiori collocauimus loco; itaùt è  
Comitio ad Græcostasim, & Curiam ipsam,  
pateret accessus. Sed probabiliora à sagacio-  
ribus

ribus ingenijs expecto, lectorum interim, æquo, sanoque iudicio causam hanc lubens, volensq; committens. Illud postremò adnotauerim, locum hunc, Plinij ævo, non adhuc extasse; cùm dicat ipse: (a) in *Græcostasi*, quæ tunc supra Comitium erat &c. Ab Antonino tamen restauratam ait Capitolinus inquiring; *Græcostadium, post incendium, restitutum*.

De Senaculis pauca subnectam. Hac enim appellatione locus omnis intelligi posset, ubi Senatus ederentur; ut erat Martis Templum, aut Bellonæ. Extrà Portam etiam Capenam, quæ & Triumphalis dicta est, Senaculum fuisse, ubi triumphaturis Senatus concedebatur, dictum supra est, Dissert. de Topographia Urbis. Senaculum etiam pro mulieribus in Quirinali Colle Heliogabalus extruxerat, ex Lampridio. Pressius tamen *Senaculum supra Græcostasim*, ubi *Aedes Concordiæ*, & *Basilica Opimia*, sunt Plinij superius laudati verba. Nardino Templum existimatur, aut Concordiæ, aut etiam aliud: sed contra allata modò verba, *Senaculum supra Græcostasim*, ubi *Aedes Concordiæ*; quæ, nisi cæcus omninò sum, diuersitatem inter vtrumque præseferunt. Aptius ergò *Ædificium* erat in Palatini crepidine situm, ut ità in editiori *supra Græcostasim*, & consequenter supra Curiam loco, existeret.

Vlti-

(a) lib. 12, cap. 1.

Ultimo loco de Comitio differendum est; loco scilicet ubi Comitia pro legibus ferendis, creandisque Magistratibus, & Sacerdotibus, edi solerent; de actionibus enim Comitialibus dicam tom. 3. Dissert. de Comitij. Nomen habuisse à *cocundo*, Plutarchus in Romulo testatur; ibi enim Romulus, ac Titus Tatius cocuntes, pacis fœdera stabilire, ut Dissert. 1. dictum est. Mansit diu sine Tecto, sicut Forum ipsum subdiuale diu mansit: Tecto tandem insignitum fuit eo anno, quo Hannibal in Italiam venit: (a) obtinuitque tunc Arcus, Peristylia, & Columnas, quarum tres adhuc superstites sunt, prope Sanctæ Mariæ Iberatricis Ecclesiam. Foro Romano fuisse coniunctum, trita est Antiquariorum sententia. Sed quâ, inquis, à Foro, cui coniungebatur, distingui poterat, si utrumque sub dio? Hac pressus difficultate Marlianus, & cum eo plures, Fori partem asserit Comitium; contra tamen Veterum fidem; Tullius enim pro Sextio tamquam res diuersas utrumque accipit, dùm inquit: *Cùm Forum, Comitium, Curiam &c.* Magis sensatè dici potest intermedijs parietibus fuisse à Foro distinctum, sicut medijs lignis Septa diuisa erant ut infra. Foro ergo Comitium situ coniungebatur; item Viæ Sacræ, ubi congressum Romuli, Titique Tati

ini-

---

(a) Liu. dec. 3. lib. 7.

initum alibi diximus; Curiae etiam Hostiliae, Aeraeque Vulcani, quam inter Sancti Laurentij in Miranda, & Sanctae Mariae Liberatricis Aedes collocauimus Dissert. de Templis. Vnde hic pariter Comitium ipsum constitui iurè potest: ut ita *sub dextera Curiae* à Varrone dici, & Viæ Sacrae, ac Curiae coniungi commodè potuerit. Præter legum lationes, creationesque Magistratum, cædere etiam moris erat ibidem virgis Reos: (a) imò & Reos ipsos interficere: (b) Follium ludum ibidem initum testatur Seneca. (c) Nigrum lapidem sepulturae destinatum in Comitio locauerat Romulus, ex Festo: Varro item sepultum in eo Romulum asserit. Capitolini tandem Fasti nuper in Aede Sanctae Mariae Liberatricis reperti, in Comitio expositi erant, ut alibi dicam.

Aucto postmodum Ciuium numero, cum tantæ multitudini modicum Comitium haud sat esset, Comitiales actiones in Campum Martium translatae sunt: earumque locus, *Septa*, aut etiam, *Ouile*, appellatus fuit, quod trabibus, tabulatis, lignisque contextis septus vtriusque foret, (d) ad quem per ligneum pontem transitus patebat, ex Suetonio in Cæsare. Oppius, & Cicero Ouile Porticibus circumdare animo destinarunt: (e) id quod  
Lepi-

---

(a) Plin. l. 4. ep. 11. (b) Sen. l. 7. contr. 1. (c) Ep. 104.  
(d) Seru. in Ecl. 1. (e) Tull. l. 4. ep. 16.

I. epidus, & Agrippa opere compleverunt, *Septaque Iulia*, nuncuparunt. (a) Quibus in Porticibus, seu potius in area ipsa, Gladiatorij Ludi, item Navales celebrari cœperunt, ex Suetonio in Caligula; pretiosæ etiam venditæ ibi merces: (b) cùm scilicet Comitiorum usus paulatim exoleuisset. Sed quinam prefior Septorum situs? A Blondo, & Fulvio in Foro Columnæ reponuntur: at quis credat Septa ab Hadriano restaurata, successorem eius Antoninum, aut Marcum utique pios, aboleuisse, inque Forum permutasse? Marliano in Via Flaminia ad Fontem, *di Trevi*, constituere placuit Septa: sed malè, ob distantiam à Citorio Monte, vbi Centuriæ ad suffragia ferenda præconis voce citari solebant, ut alibi trademus. Proximè ergo eum Montem collocari commodius possent Septa, ab eius scilicet radicibus per Campum Martium ad Capranicorum Ædes, Plateamque Capranicam; sicut ex Arcubus Aquæ Virginis Frontino (c) memoratis, & nuper effossis, colligit eruditè Nardinus: (d) qui de Citorio etiam Monte ait, inibi citari Cēturias moris fuisse, ut ex vetusta Columna, in Æde Caroli Eustachij extante, acutè etiam suspicatur, quem omninò vide: nos enim de hac re plenius tom. 3. Dissert. de Comitijis.

Sylla-

---

(a) Dio l. 53. (b) Mart. l. 9. epig. 60. (c) l. 1. de aquaed. (d) l. 6. c. 6.

*Syllabus Authorum.*

**H**Oc de argumento nemo ex professo pertractauit : diuissim verò de Foris plura tradidere Antiquarij , Donatus præsertim, & Nardinus . Particularem de Foro Romano edidit Libellum Franciscus Polletus : à quo tamen vix vnum, aut alterum excerpere licuit verbum, cùm totus in Forensibus actionibus sit occupatus, de quibus nos alibi . De Basilicis pauca quidem Architecti ; paulò plura Antiquarij: vt & de Rostris, Curijs &c. De Comitijs fusè pertractat Gruchius, Sigonius, Merula, Rosinus, alijque complures : sed actiones ipsi Comitiales potius, quàm loca ipsa explanant . Noster labor, atque industria, studiosorum commoditati indulgens, eò tetendit, vt singula ad iudicialia Aedificia pertinentia in vnum congereremus, breuiter verò, atque dilucidè, nonnullis superadditis, alijs emendatis, certè ordinatis : vt ità vnico Dissertationis introitu plura exponerentur curiosorum oculis Aedificia .

*F I N I S.*



1. The first part of the paper is devoted to a general  
discussion of the problem. It is shown that the  
problem is of great importance in the theory of  
the differential equations of the second order.  
The second part of the paper is devoted to the  
study of the properties of the solutions of the  
differential equations of the second order. It is  
shown that the solutions of these equations have  
certain properties which are of great importance  
in the theory of the differential equations of the  
second order. The third part of the paper is  
devoted to the study of the properties of the  
solutions of the differential equations of the  
second order. It is shown that the solutions of  
these equations have certain properties which are  
of great importance in the theory of the  
differential equations of the second order.

23244



